



ՄԱՏԵՆԱԳՐՈՒԹԻՒՆ

# Ե Ա Խ Ե Ա Յ

---

ԳՐԵԳՈՐ ԼՈՒՐԴՅԱՆ



ԱՐԲՈՅ ՀՕՐԵ ՄԵՐՈՅ

# ԳՐԻԳՈՐԻ ԼՈՒԿԱՆՈՅ

ՅԵՂԵԿԻՐԱՆԻ ՀԱՅԻ

ԵՒ

ԱՐՅՈ ԹՎ Ք

Արքայի Պատվութեան




A  
844  
~~786~~

Ի ԱՅԵՑ ՏԵԿ

Ի ՏՊԵՐԱԿԵ ՄՐԲՈՅ ԳԱԶՈՅԱԿ

ՅԱՄ 1838 ԱՄՁ





## ՅԱՌՈՒՅՆԻՒՅՆ

Եթէ 'ի գորովոյ ծնելասէր հօր արձանագիր երբէք  
աւանդեցաւ որդւոց զիւրական առաքինութիւնսն 'ի  
նոսակենդանագրելև աստուածպաշտութեանկրօնից  
լինել ուղեցոյց, այս մատեան է անշուշտ աւանդ պա-  
տուական աստուածարեալ հօրմերոյ լուսարաշն աջովին  
տապաւորեալ + զորյետ արտաքրական բանից նորա  
արձանագրելոց յերանելոյն ։ Վաթանգեղեայ հրա-  
տարակեմք իբրու զգանձարան բազմարդիւն քրտանց  
հօրս մերոյ, որ զամբարեալն յինքեան զարդասիս սեր-  
մանց անարատ կրօնից գանձեալ 'ի սմա պարգևեաց  
սիրողապէս նորածնեալ որդւոցն փոխանակ մեշէնա-  
կան սնոտեաց :

Վանզի սկիզբն արարեալ նորայաստուածածանո-  
թութենէ և 'ի մարդասէր խնամոց արարչն առ արա-  
րածս, անցանէ ապա առ ամենայն ազգս ուղղութեանց,  
խրատս քաղցունս և բանս ամոք և դիւրագործս ուղ-  
ղեալ առ ամենայն հասակ և պայման . և հակառակացն  
յանդիմանութեամբ ահ արկեալ, քան երկիւղալից  
սպառնալեօքն՝ յորդորագոյնս առնէ զլսողն զառաքի-  
նութեամբ գալ և խնդամիտ նուածել ընդ քաղցը  
լծովն ։ Քրիստոսի : Եւ 'ի վերայ այսորիկ առ որս միա-  
կեցական վարուց տենչանօքն բերիցին, կանոնս հրաշա-  
լիսըստ հոգետես հարցն հանձարայ սահմանեալ նոցա,

Խորախոյս կարդայ յամնտրտում եղբայրսիրութեան զմի-  
մեամբք ելանել և զարտաքին կարդաւորութիւնն  
անվոհապ 'ի գլուխ տարեալ, բորբոքեալ սիրով միա-  
գունդ զվերնայնոցն նկարագիրս յերկրի յանձինս իւ-  
րեանց չշգրտել:

Վատեան այսովիսի՝ հնութեամբն և պատուակա-  
նութեամբն պատկառելի լեալ յամենայն ժամանակի  
'ի հանուր ազգիս, զգիտեմ յոր արկածից բազգին  
մատնեալ 'ի ձեռս առն աննշանի խանդարեալ ծայր 'ի  
ծայր 'ի յստակ դարձուածոյ բանից հայեցի ոճոյ, և  
'ի հատուածոց ինչ յապաւեալ և եկամոք կցկցեալ,  
ել և երեւեցաւ 'ի միջի:

Ին են արդարեւ 'ի խորախոս բանս երանելոյս ինչ  
ինչ աստուածաբարանից ևեթ իմանալի, որ ներհունքն  
իցեն ոճոյ նախնի հարց օրբոց, և որք բազմաքիրան  
տարժանմատիք վաստակեն լուսաբանել զնոսա պէսպէս  
խելամտութեամբ ըստ ողջամիտ վարդապէտութեան  
կաթողիկէ եկեղեցոյ և վկայութեամբ նոյնաձայն  
բանից յայլոց սրբազնից: Այլ զնոյն բանան պատկա-  
ռելիս իբրև զիսաղալիկ մի մանկտոյ այլայլել անիմայ  
մաօք, մոլորութիւն իցէ աններելի:

Վըդ մերոյ հաւատարիհմտպագրիս օրինակ գրեալ  
եր 'ի ՌՃՏԲ գաղափարեալ 'ի հին երկաթագիր օրինա-  
կէ գրելոյ 'ի թուկիս ՑՀԸ որ պահեր յարկեղս գրոց 'ի  
Ահսքաղաքի, որպէս ազգ առնել յիշատակարանն. և  
քննեալ մեր մանրախուզիւ զգաղափարն վկայէմք եր-  
կիւղածութեանդրին յամենայնի անայլայլակ առեալ  
զհաւասարն ըստ ամենայննշանախեցից հնագիր օրի-  
նակին, մինչեւ զմիոյ կամ զերկուց տառիցն անդամոր  
'ի հնութենսէ խանդարեալ էին 'ի հինն դատարկ թո-  
ղուլ զտեղին: Այս հնութեան դարձեալ քանողի  
թուղթք անկեալ էին 'ի սկզբանէ, անտի սկիզբն առնե-  
օրինակս մեր, ուր մեք ազգ արարեալ եմք 'ի մերում  
տպագրութեան յեցն 10. և զնախնի պակասորդն յա-  
ջողեցաւ մեզ յայլմէ օրինակէ լրացուցանել. որ թէ-

պետ և նորագիր 'ի ու չ դ., այլ հարազատութեամբն ոչ  
ինչ նուազ քան զգաղափար երկաթագիր օրինակէս:

Խակ զվաստակ մեր 'ի սոյն, թե պետ և դուզնաքեայ,  
նուիրեմք աւասիկ 'ի նորին երանելոյ Հօր քաղցը  
յիշատակ և յորդւոց նորա 'ի փրկաւէտն վայելս. և  
և այս մեզ միակ տրիտուր փոխարինի և յառաջիկայն  
խրախոյս քաջալերութեան:

## Յ Ե Կ Ա

- Ա. Վազագս ամենասուրբ Եղբօրդութեան :
- Բ. Ա առն առանձնաւորութեան Եղբօրդութեան :
- Գ. Ա առն մասց հաւատոց :
- Դ. Ա առն յանդիմանութեան մոլաք մոտաց և ընծայութիւն աստուածպաշտութեան :
- Ե. Ա առն հաստատութեան ճշմարտութեան և առաջնորդութեան կենաց խրատու :
- Զ. Ա առն յանդիմանութեան ծածկութից իրաց , որ զաներեւոյթ առ յերեւելին ածէ :
- Է. Ա առն յօրինուածոց արարածոց :
- Ը. Ա առն յանդիմանութեան գմնդակ վարուց և ընծայութիւն առ արքինութեան հանդիսից :
- Թ. Ա առն ամենարուեստ կատարեալ պահոց :
- Ժ. Ա առն երախտաւորութեան անզեղջ բարերար կամոցն , և յօրդորութիւն ի լաւն և յառաւելն ըստ ճշմարիտ առ արքինութեան :
- Ժ.Ա. Ա առն վարուց առաքինութեան որ հանդիսիք լաւութեան պատեալ երանին :
- Ժ.Բ. Ա առն խնամոց արարդին և կշտամբութիւն անհնաղանդստահակութեան և առաջնորդութիւնը բարուցն լաւութեան :
- Ժ.Գ. Ա առն լաւութեան յիշատակաց ՚ի պէտս օգորչց , զաներեւոյթ առ յերեւելին ցուցանելով ՚ի զործ առաքինութեան փոխնեալ ՚ի յօյս կենացն :
- Ժ.Դ. Ա առն մարդկութեան որ յԱստուծոյ ինամբ տեսպաթեան կան :
- Ժ.Ե. Ա առն հոգւոց մարդկան բացայայտութիւն :
- Ժ.Զ. Ա առն մարտիրոսաց վարդապետութիւն ուսմանց :
- Ժ.Է. Զգուշութիւն զգաստութեան ընդ մտերիմն և ընդ գմնդակն պատիւ և պատոիժ :
- Ժ.Ը. Ա առն գովութեան Աստուծոյ երախտեացն հանդիսիք մարտիրոսաց քաջայայտ :
- Ժ.Թ. Ա առն յօրդորմանն ապաշխարութեան :
- Ւ. Ա առն խորագիտութեան և մարտից :
- Ի.Ա. Ա առն որոց իմաստութեան որ ՚ի Հոգւոյն որբոյ պարզեցաւ :
- Ի.Բ. Ա առն անփոփոխ ինքնութեան էութեան Աստուծոյ :
- Ի.Գ. Ա առն խրատութեան ճշնաւորաց յառաքինութիւնն յօրդորութիւն ՚ի Քրիստոս Աստուծու :
- Կ.Ո. Ա առն Աղօթք :

# ԳՐԻԳՈՐԻ

ՀԱՅՈՑ ԼՈՒՄԱՆՈՐԴԻ

ԱՍՏԱՅԵԱԾ.

## ՃՐԱՄԱ ՅԵՂԵԿԻՎԱՌՈՒՄՈՒ

ԵՒ ԼՈՒՄԱՆՈՐ ՎԱՐԴԱՊԵՏՈՒԹԵԱՆՍ

ՅԱԴՐԱՑ ՕԴՏԻ ԼՈՐԴԱՑ

Ա

Մ ի է բնութիւն և գոյութիւն ամենասուրբ Եր-  
րորդութիւն և իւր է ինքնութիւն և ոչ յայլմէ  
գոյութիւն ։ Զանակզբանցն ունի զպաանառան հայր  
զԱրդւոյ և զՀոգւոյ ։ Խակութիւն անձին և էութիւն  
անսկիզբն, մշտնջենաւորութիւն անսահման և ճշմար-  
տութիւն անփոփոխէլի, կեանք և կեցուցիչ ամ կեն-  
դանեաց ։ Հայր է Որդւոյ, և բղխումն հոգւոյ ։ ած է  
և արարիւ արարածոց Երևելքաց և աներեւութից ։  
Պատմառ ասի ծննդեամբ Որդւոյ, և բղխումն հոգւոյն  
սրբոյ ։ Խակ ինքն անձին զէն անսկիզբն ծնեալ ։ մշտըն-  
ջենաւորին անսահմանի զՃշմարտութիւնն անփոփոխ  
ծնեալ ։ կենացն կենարարաց զկեանսն կենսատու ծը-  
նեալ ։ լուսոյն կենդանեաց զկենդանի լսյան ծնեալ բա-  
րւոյն զբարեարն ծնեալ ։ արարին զարարին ծնեալ  
ամ արարածոց Երևելքաց և աներեւութից ։ Երկնից  
հաստիչ և Երկնային զօրութեանցն, երկրի և որի սմա-  
են արարածք ։ ւի է և կատարեալ և զամ յամի լսու ,  
ինքն ոչ թերանայ ։ որ ոչ նորոգի և ոչ հնանայ , ոչ  
լսու և ոչ պակառէ ։ որ նոյն կայ միշտ 'ի լիութէ իւ-

րում և յանրաւութե՛ : Եւ չիք ուստե՛ք եկամուռ  
կամ յաւելուած յանրաւ և յանհաս և յանսահ.  
ման և յամենակատար բնութիւնն : Որում ոչ հա-  
սու լինին միտք . նա և ոչ հրեշտակաց իմանի , թէ-  
պէտ և երագունք են որպէս զմիտս մարդկան . այլ  
ուր ակնարկեն կամք արարչին , յայնոսիկ սպասաւո-  
րութիւնս առնեն յերկնաւորս և յերկրաւորս : Զի  
որպէս երկինք և ամ զարդք նոցա հաստատեալ կան  
բանիւ այ և հոգւով ամ զօրութիք , նոյնպէս և եր-  
կիր լերամք և դաշտովք , ծովով և գետովք և աղ-  
բերք և անտառախիտ ծառովք :

Եշ չիք այլ արարիւ , բայց միայն սուրբ Երրորդու-  
թին , ամենազօր տէրութին , յստակ և պարզ ամե-  
նակալ զօրութին . որ ասաց և եղեն , հրամայեաց և  
հաստատեցան : Որ նստի յերկինս երկնից և ինսամի  
զարարածս ամենայն . որ կանուխ գիտութին և ան-  
բաւ իմաստութին մատակարարէ զերկնաւորս և զեր-  
կրաւորս . և ամենեցուն կեանք է և կեցուցիւ , և  
յամենայնի անբաւ է և անհաս և անձառ : Սեր է՝ կեն-  
դանի երանութիք լցեալ . լցոյ անմատոյց , ահեղ և  
զարմանալի : Գիտութին և իմաստութին ի նմանէ են  
ստուգեալ . կենդանի և կենդանարար . ողորմած և  
բարերար չնորհօք . երկայնամիտ է և դարմանիւ : Ին-  
քըն սրբութին սրբոց մերձեցելոց 'ի նա սրբութիք և  
արդարութիք , լուսաւորիչ բանական բնութենս միշտ .  
և ամենայնիւ ջշմարտութին է՝ յանդիմանելովն զմեղ  
և խրատելովն զմեղուցեալն , զի սպրեսցին 'ի բար-  
կութին՝ որ գալցն է՝ 'ի վերայ ամբարշտաց : Այլ և  
խոստմամք բարեաց յորդորէ , զի արժանաւորք լի-  
ցուք պսակաց և փառացն յաւիտենից ամենաշա-  
հութեանցն : Զի նաւահանդիստ է հանգստարար  
ձգնաւորաց 'ի ինսամն սուրբ սիրոյ իւրոյ . որ յանձառ  
երանութինն վայելեցուցանէ զառաքիմնացեալն հո-  
գւովլ : Զի մեծութիք անքննինք են , անսկիզբն էուին  
'իվեր քան զիմանալիս յանսահմանութեն և յանբա-  
ւութին . և ինսամովք տեսչութիք նու զամենայն արա-  
րածս : Որ զիտէ զիսորհօռդս սրտից , և քննէ զերի-  
կամունս , և առաջնորդէ օրինոք հոգւոյն կենդանա

բար անմահից յանմոռաց ուրախութիս, յանդադար խնդութիսն, յանձառ և յանպատում բարութիսն, ժառանգելով զարքայութիսն այ :

Դրդ այս ամենայն արհեստք ինքնաբոյսք անսահմանելի մշտնջենաւորին՝ գարմանիչք են յարարածս ըստ բարերարութե արարչութեան իւրոյ . զի կեցուցիւ է 'ի խնամս իւր, որ անքառ և անքննին է : Որում ոչ բաւէ իմաստութի հոգեորացն հասու լինել, հօր և Որդւոյ և հոգւոյն սրբոյ . այլ 'ի գործոց իւրոց և յերախտեաց իմանի և Խանալի անմարմնոց և մարմնաւորաց մի անութին, ամենազօր տերութին : Զի որպէս արե և լոյս և ջեր՝ միոյ արեգական ասի և ոչ այլոց, և որպէս աղքեւը և ջուր և գետ 'ի միոյ 'ի բնութե լսին, սոյնալիս և միտք և բան և հոգի իմանի 'ի մարդում, նոյնալիս և աստ միոյ բնութեն և անութին է իմանալ հօր և Որդւոյ և հոգւոյն սրբոյ : Զի ոչ է արեգակն առանց լուսոյ և ջերմութե, և ոչ աղքեւը առանց ջրոյ և բղիսման, և ոչ միտք առանց բանի և հոգւոյ : Այսպէս ոչ էր հայր առանց Որդւոյ և հոգւոյն սրբոյ :

ՆՈՐԻՆ ՍՐԲՈՅՆ ԳՐԻԴՈՐԻ

ՀԱՅՈՑ ԼՈՒՍԱԽՈՐՉԻ

ՃԱՌԵԱԼ, ՃԱՌՈՍ ՅԱՅԱԽԱՊԱՏՈՒՄՍ

Դ ՍՈՒՐԲ ԵՐԵՎՈՐԴՈՒԹԵԱՆՆ ԱՌԱՆՋԱՆԱՌՈՐՈՒ-

ԹԻՒԽՆ

Բ.

**Կ**ԱՏԱՐԵԱԼ է հայր անձամբ և զօրութք, գիտութք և իմաստութք, արարչութք և բարերարութք։ և զամ իւր անծին իսկութիւնն ունի։ Կատարեալ է Որդի անձամբ և զօրութեամբ, գիտութք և իմաստութք, արարչութք և բարերարութք։ որ և զամնայն անսկիզըն էութիւնն ունի։ Կատարեալ է և սուրբ Հոգին անձամբ և զօրութք, գիտութք և իմաստութք, արարչութք և բարերարութք։ և զամնայն անսկիզըն էութիւնն ունի։ Մի է բնութիւն անփոխիս իսկութեն։ մի արարչութիւն և մի բարերարութիւն։ մի տերութիւն և մի զօրութիւն։ և չիք ուստեք եկամուտ և յաւելուած փառաց յանսկիզըն Երրորդութիւնն։ Զի նա է աղքիւր ամբարեաց, և 'ի նմանէ բաշխին ամ պարզեք արարչութեն յարարածս ամ։ Որ յօրինէ և գարմանէ և մնուցանէ բարերարութիւրով զերեւելիս և զաներեւոյթն հոգւով և ճշմարիտ վարդապետութք, և առաջնորդէ յիւր արքայութիւն և 'ի փառմն, որք հաւատան ՚ի նա և կատարեսցեն զսրբութիւս ահիւն այ ՚ի սուրբ որտէ և յանկեղծաւոր հաւատոց, որպէս և զբեալ է։

**Դ**յապէս ընկալաք զհաւատոցն բան։ և դուք այպէս հաւատացէք յամենասուրբ Երրորդութիւնն, յարարին ած և 'ի հաստին առ և 'ի կենսատու շնորհն

Որ կենդանարար լուսովն և սուրբ սիրովն ժառանց գորդս առնելի իւր անձառ արքայութեն. և լինի յորդորիչ յիշումն խօստացեալ անպատումն պարզեացն, որ կայ և պահի յուսացելոցն՝ ի նա հաւատով և սիրով. Վասն զի սէր արարջութեն ստիպեաց արարջն առնել զարարածս ամ, որ երեխն և որ ոչն երևին. ոչ ի պէտս իւրոյ ածութեն արարեալ այլ զի երևեսցին նորա փառքն, որ արարածովքս իմացեալ տեսանիւր անմարմնոց և մարմնաւորաց: Որպէս ոչ առնու ինչ ի կենդանեաց, այլ տայ նոցազկենդանութիս, որպէս ոչ լսս յաշաց՝ այլ ի լուսոյ լուսաւորի և տեսանէ զինքն, այսպէս և ողը կեցուցանէ և լուսաւորէ զարարածս իւր, զմտաւորս և զրանաւորս. և բաժանէ ի նոսա չնորհս որպէս և կամի: Թէպէտ և բաժինք չնորհաց են, այլ ածնոյն է՝ որ յաջողէ զամ յամենայի: Եւ տուեալ պատիւ հրեշտակաց և մարդկան՝ իշխանական կամն, զի փառաւորեսցեն զրարեգործն ած, որ յոշնէ ի լինելութի էած, և զհանդամնս բարեպաշտութեն ուսոյց գրովք սրբովք: զի կարասցեն խոյս տալ ի չարէն և առնել զբարին, և դարձեալ նորոգել փառաց ի փառս:

Յայսոսիկ երեխ Աստուծոյ սէրն ի մեզ, զի վասն մեր արար զերկինս և զերկիր և որ ի նոսա արարածք են. և այսու իննամով յուցեալ զբարերարութի սիրոյ իւրոյ: Սոյնպէս և արարածք ճշմարտեալ սիրով մերձեսցին առ ած հաւատով և յուսով և պատուիրամնապահութէ, և լինի պարզեատու: Զի յամի գոհանալով զբարերարութեան իննամոց, և խօստովանողք և դաւանողք առ ճշմարտութին լիցուք, և կացցուք ի հնազանդութեն հանդիսիցն՝ որ առ հաճոյս տէրութեն իցէ. ի նեղութեն և յանդորրու անքակ մնալ ի սէրն որ առ ած է՝ ամ սրբութէ, հոգւով և մարմնով ասեմ միշտ: Եւ ոչ զանուն արարջն՝ արարածոյ կոչել, և ոչ զճշմարտութին մոլորեցուցանել ի սուտս: Այլ առողջ անբիծ անարատ երախտեօք սիրոյն կալ ի մտերմութեն միշտ: Եւ այս ամ յօրինուածք իրաւանց և արդարութեն կայ և մնայ արարջն առ արարածս միշտ:

Ա ասն այսորիկ լուեսցուք 'ի դատարկ և 'ի վայրապար քննութէ, և զհետ երթիցուք խրատուց գրոց սրբոց հնոց և նորոցս Եւ միք այլոք՝ որ պատմէ զիւրաւունս . զի նովաւ կեամք և շարժիմք և եմք: Կմալուիցուք և 'ի նա յուսացուք, որ փրկեաց զմեզ յամ վտանգից, և փոխէ յերկնից արբայրութին: « Արդեկայք, որդեակը իմ, և լուարուք ինձ. և զերկիւղ տն ուսուցից ձեզ», ասէ 'ի սազմաներգութին: որ կոչէ զամ 'ի հնազանգութի հոգեռոր օրինացն: Եւ զի «Որ պահէ զպատուիրանս իմ, ասէ ողն, նա է որ սիրէն զիս. և որ սիրէն զիս, սիրեսցի 'ի հօրէ իմմէ. և առնա եկեսցուք և օթեանս առնմա արասցուք ու Որպիսի անձառ սիրով պատուեալք եղաք:

Վարդ մի խոտան գտցուք յԱստուծոյ, զի մի անկցուք յերանելի կենացն՝ զոր խոտացաւ սրբոցն: Զի արդարք ժառանգեսցեն զբարինս, և մեղաւորք կրեն զպատիժն: « Որք Հոգւովն Աստուծոյ, ասէ, վարին, նոքա են որդիք Աստուծոյ. իսկ որ ըստ մարմնոյ կեան, հաճոյ այս ոչ կարեն լինել ու Զի հոգեռոր վարուք այսու կենօք վայելեսցուք յամ բարութին յերկնաւորս: Ո'քան է մեծութի աննման և անհամեմատ և անկշիռ այնը անվախճան կենացն . զի անպատում է. 'ի հոգւոյն սրբոյ 'ի սիրոյ արարցն պատրաստեալ, որ ոչ լի և ոչ իմանի, զոր տայ սիրողացն զնա. զի նորա կենարար սիրովն վայելեսցեն 'ի բարութին՝ որ 'ի վեր է քան զամ միտս և զիսոր. Հուրդս և քան զզօրաց երկնաւորաց. զի հանգուցանէ յանմահ կարգս: Որոյ երնտրութիք լինին յօթեւանսն ըստ արժանաւորութին, անքննին վայելութի

Օ յ օրպէս հոգիք մտաւորք կենդանի են և անմահք, և չունին զպայման հասակին և զսահմանս զնացից, զի թէպէտ և քան զերկինս 'ի վեր բարձրանան և քան զծոլ անդր ելանեն յիշատակօք գիտութէ իմաստութէ որ յառաջնորդութէ գրոց սրբոց, այլ որպէս յական թօթափել անդրէն ամփոփին 'ի կայանս մարմնոյն կենաց, այսպէս և մարմինք 'ի յարութին անդր՝ փոփոխին յանձառ և յանպատում կեանսն, 'ի բիւրակերպէան հառագայթսն և 'ի կեն-

դամի լոյն և 'ի փառան . լուցանին հրով հոգւոյն յանշիջանելի լոյն : Եւ որպէս անարդ և տիսուր է տեսիլ մարմնոյս քան զհոգւոց կենդանեացն զանմառ հեց , այսպէս ամ նշութ և ճառագայթք ամ երեւելի արարածոցս է՝ լուսաւորացս որ շիջանելոց է . զի ոչ համեմատի և ոչ մնայ . այլ կենդանի և անանց ճառագայթս արեգականն արդարութեան փառաց զոր զգեննոց են սուրբք յանմահական կեանսն հասարակ հոգւոց և մարմնոց . որպէս զգեցեալոք զարեգականն զլցն բաւականայ տեսանել յարեւելից յարեմուտս , որ շիջանելի լոյս է ըստ բանին տն . « Արեգակն և լուսին խաւարեսցին , ասէ , և աստեղք ծածկեսցին , և արդարք փայլեսցեն իբրև զարեգակն յարբայռւթեան այ » : « Զի յորժամ Քո յայտնեսցի՝ կեանքն ձեր , ասէ Առաքեալ յայտնամ և դուք ընդ նմա յայտնեսցիք փառօք » լուցեալք անձային հրովն 'ի լոյն անշիջանելի և սուրբ : Եւ յորժամ իւրով լուսովն անշիջանելեաւն զգեննուցու զլոյն արեգականն արդարութեն և վայելէ 'ի պայծառութի սրբոցն , կայ մնայ միշտ կենդանի և լուսաւորեալ : Ի որ սիրոյն երանաւետեալք և փառօք փառաւորեալ 'ի չափս և յանչափս կատարմանն Քոի , զի ոչ կարէ ասել ոք զայս . զի եղիցի անձ անմ յամի : Լի է բարեօք անմահիւք ըստ բանին տն , որ խնդրէ 'ի հօրէ . զի Արագիւ դու և ես մի եմք , այսպէս հաւատացեալք և սուրբք 'ի մեղ իցենու Զի այսպէս սիրեաց անձ զմարդիկ , որ և զանձութեն զպատիւ և զփառս չնորհեաց մեզ : Արար անձ զաշ խարհս զայս վասն մարդկան 'ի ծնունդ և 'ի սնունդ և 'ի կեանս իրաւանյ և արդարութե . և առաքինութե հանդիսիւք պատուիրանապահութք զայն զանմահ և զանուշակ զանձեղէն փառան չնորհէ , փոփոխելով յանանց բարիմն և յանսպառ ուրախութիսն :

Եւ զայս զոր ասացաք , սուղ ինչ 'ի բիւրաւորացն բարեայն : Որպէս տղայք յորովայնի մարցն ոչ գիտեն յորպիսի հասակս փոփօխելոց են և տեսանել զարարածսայ և վայելել , սոյնպէս և ոչ մեղ է իմանալ : Այլ ըստ բանի Առաքելոյն որ ասէ . « Փոքր 'ի շատէ զիտեմք և փոքր 'ի շատէ մարդարէանամք . այլ

յորժամ եկեսցէ կատարումն , փոքրիշատէս խափանեսցի » : Զի առաւելեալէ յանմի և անձառ , և ու անմարմնոց է իմանալի , թողթէ մարմնաւորացս զմբաւ ածել և ասել ոք կարացէ : Զի որպէս խաւար 'ի լրւոյ փախչի , այսպէս և երկրաւորքս յերկնաւորացն և յանմահից կենացն : Վասն այսր բարութեց զամ բարութեն ջանս 'ի մեզ ունելով , և կալ մնալ 'ի մշակութեան հաճոյիցն Աստուծոյ՝ որ աւետեօք բարեաց լիացեալ է : Եւ փախիցուք յաղտեղի և 'ի գարշ ցանկութեց և 'ի չարեաց , որ վշտագին սպառնալեօք է պատուհամն . և զհետ երթիցուք հանդիսի վերնոցն մաքուր վարուք : Իմնել երախտաւոր եղբարց սիրով յանմ՝ 'ի պէտս կենաց . մշակել զըարի զաւանդս 'ի փրկանս հոգւոց և մարմնոց . զի հըաւիրեալք և կուցեցեալք իցեմք յորդէգրութեն չորդիս : Զի բարիս մնկեալ 'ի մեզ Աստուծոյ , այլ և զիշնանական կամս , եթէ կամեսցուք միշտ զբարին առնել : Զի հոգեօր օրէնքն հաստատեացի 'ի սիրտս մեր , յոյս , սէր , հաւատ , այլովքն հանգերձ յանձնիշնանական կամս հրեշտակաց և մարդկան : Որպէս զի ժառանգորդք լիցուք փառաւորեալ կենացն , և պատուեալ յարարչէն երանութեքն՝ որ անձառելին է :

Եւ ետ անձնիշնան արարածոցս երկուս դաստիարակս օրպէս օրդւոյ , զսպառնալիս և զաւետիս , երկնչել 'ի սպառնալեացն և փախչել 'ի վնասակարացն , և ցանկալ աւետաւոր բարեացն և երթալ զհետ արդարութե : Ի ձեռն հշմարիտ սուրբք զրոց խրատուց իրաւանց և իշխանութեն հնազանդել յաղագս բարեձեռութեն : Զի վասն այսորիկ ետ ըզմարդարէս և զառաքեալսն և զհայրապետմն վարդապէտս և ուսուցիչս , զի տեղեակ և հմուտ և հասու առնիցեն բարի կամացն Աստուծոյ զմեզ . որ զամ մարդ կամի՝ զի կեցցեն և 'ի դիտութի հշմարտութե եկեսցեն , և երախտաւոր լեալ գործովք արդարութե հօրն երկնաւորի և Որդւոյն միաձնի և հոգւոյն սրբոյ . որ տայ զկենդանութե արարածոց իւրոց գործակից լինել նոցա բարերար կամացն Աստուծոյ : Այսու իրաւամբք և արդարութեք էած

եմոյծ 'ի ժառանդութեն անձութեն իւրոյ ըստ Առաքելց բանին . « ժառանդք Ապառուծոյ և ժառանդակիցք Քնի լիցուք , և փառացն կցորդ . Ապա մի հեղգասցուք 'ի կեանս մեր . այլ ուշ եղեալ 'ի կէտ կոչմանն անվեհեր փութով ուսուցանել և առնել զկամն նորա . զի մէծ կոչեսցի յարքայութեն այ :

Եւ այսու վարդապետեալս , որ արար և ուսոյց ընտրելոց իւրոց 'ի անօրէնութեն իւրում , զի հայեցեալք յելս գնացից փրկին մերոյ՝ նմանողք լիցուք : Եւ հարդարէութեն և առաքելական քարոզութեն և հայրապետութենքն ծանիցուք զհայրն ամենակալ և զմրդին համազօր և զհոգին համագործ : Եւ ծանիցեն և գիտասցեն և ընդանեսցին հաճոյից արարողին ուղարկառ հաւատովք . անքակ մնալ 'ի սիրոյ արարչին 'ի նեղութեն և յանդորրու . և արդարացեալք երախտաւորք կամքք բարերարին : Զվատակս Նդանցն վկայս առնել առ ած , և մտերմութեն օրհնել զնոր զտուողն ամբ բարեաց , և զոհանալով փառաւորել զնա : Այլ և որ ինքնին զիւր երախտիքն վկայ ունի իւր սիրոյն և բարերարութեանցն , զընտրեալսն և զկատարեալսն՝ որ 'ի նոսա զեղուն շընորհքն այ : Այլ և առ երախտացեալսն հոգւով ըզդարձելոցն յապաշխարութեն խոստովանութենք՝ ներէ և ինամէ և բժշկէ ողորմութեն , և թողու զմեզս ըստ բազումգթութեն իւրոյ : Խոկ զամբարիշտս և զանիրաւս ամբարտաւանեալս չարութեն , օրոյ խաւարեալ են միտք և օտարացեալք 'ի կենաց սրբոց և արդարոց , և առ նոսա երկայնամտէ , զի դարձյին 'ի զըզնումն : Ապա թէ ոչ այսպէս , բարկութեն և սրտմութեն կայ և մնայ 'ի վէրայ նոցայամենեցունց արարչին ըստ բանի Առաքելցն :

Այսպէս են արուեստը կենաց կենարարին և ըստացողին . և դարմանօք սիրոյն իւրոյ խնամէ զարարածու երեելեօք և աներեսութիւնն հանապազ : Եւ յօրինէ բարերարութեն իւրով 'ի մնուցանել և 'ի դարմանել պէսպէս շնորհօք իւրովք գիտութեն և իմաստութեն , զի խելամուտս և հնարարուեստս արաս-

յէ պահպանութեն պատուիրանի իւրոյ : Եւ զօրութեն  
իւրով կարող և հաստատուն պահէ . զի զօրացեալք  
ընդդէմ կացցեն հնարից սատանայի , և անշարժ և  
հաստատուն կացցեն առ Հշմարտութին սիրով . յոր  
դորել յառաքինութին լաւութեն և 'ի գործս պի-  
տանութեն , որ 'ի փառս պսակէ : Եւ այսպէս վայե-  
լեալքս 'ի բարիսն : Զի վասն կենդանի աւետեաց ե-  
րանութեն առնուն զառհաւատչեայն Հշմարիտ հա-  
ւատով և յուսով զհանդերձեալսն հաշակօք սիրոյն  
կենդանութեն , որ անըաւն է և անքննին . զի նովաւ 'ի  
նորա երանութին վայելեսցեն , և ընուննորա ինդու-  
թին 'ի նորա ուրախութին յանձառս : Զի գթու-  
թին իւրով ինամէ 'ի պէտս հոգւոյ և մարմնոյ ըստ  
մեծի ողորմանեն իւրոյ : Զի զօրացեալք 'ի շնորհայն  
և յանձառուր պարզեայն յառողջութեն և 'ի խա-  
ղաղութեն վայելեսցեն :

Եւ այսպէս յերկանամտութեան առ նորոգութ-  
բարւոյն այ վերաբերեալ , յառաջադէմն նկըր-  
տի յերեւելս և յաներեւոյթս . և սրբեալ յաղոյ 'ի  
սրբոյն այ , ազատանայ և լուսաւորի 'ի փառս տիրա-  
կան ազատութին , և անհպելի լինի թնամեսոյն . և  
զերծեալ 'ի մահուանէ մեղաց յօւսով յարութեն  
լուսաւորեալ կայ մնայ անքիծ և սուրբ : Եւ բարձրա-  
նայ խոնարհութեն փառօք , որովք ամբարտաւանու-  
թին կործանի՝ տեառն յարգանօք : Զի խոնարհք և  
հնազանդք և հեղք բարձրանան , և ամբարտաւանք  
և խիստք և անհաւատք կործանեսցին առաջի ահի  
տեառն : Եւ Հշմարտեալքն ամենայն ուղղութիւն պսա-  
կեսցին և փառաւորեսցին յարարէն յարբայութեն  
արդարոց : Զի ամենայն բարբառք աւետեաց զհա-  
ւատացեալս և զլաւս և զառաքինիս 'ի գրունս Հը-  
մարտութեն հրաւիրեն 'ի նորա յարգանսն և 'ի նորա  
պսակս փառաց վայելեն : Զի ողորմութիւն և գթութիւն  
ևն խնամք , որք և կատարեալ ապաշխարտութիւն ըդ-  
թողութիւն 'ի միազգը տէրութէն առնուն :

Եւ <sup>1</sup> բարբառք ահաւոր սպառնալեայն զամբա-

<sup>1</sup> Ակիցն ընտիր որինակին :

ըիշտս և զանառակս և զցանկասէրս և զանշնաղան դըս զանարգելմն 'ի մեղս՝ հրաւիրեն 'ի տանջանսն յաւիտենից և յանմահ սատակումն և 'ի դժոխս։ Զի արհամարհեցին զգութս և զինամա արարչին, և հեռացեալ օտարացան 'ի ստոյգ ապաշխարութէն՝ որ սրբէր զնոսա և արդարացուցանէր և մերձաւորս առնէր կենացն անմահից։ Եւ վասն այսորիկ ընկալցին զամօթն և զանշէջ հուրին զոր պատրաստեալ է սատանայի և դիւաց նորա։

Խւ այս ամենայն 'ի բարերար կամացն այ են կարգեալ 'ի այէտս և 'ի խնամն։ Սուրբ և բարի կողմանն՝ խոստմունք աւետեացն որ 'ի տեառնէ։ Խակ չար և անշնաղանդ կողմանն՝ զսպառնալիս բարկութէն և սրտմտութէ 'ի ձեւն հրեշտակի չարի զվրէժս ընկալցին։ Զի թէ կամեց եալք էին, կարող էին զնիւթեալ բարկութին շինուցանել, և 'ի բայ ննջելուզիղ ապաշխարութք ըստ մեծի ողորմութէ արարչին։ Եւ այսպէս խոստմամբք բարեւոյն և սպառնալեօք մատակարարէ առ 'ի յուղութիւն զի զամենեսեան կամի՝ զի կեցցեն և արքայութէն հասցեն։ Այլ զի որ ընտիրքն իցեն 'ի մեղ՝ երեւեցին, ըստ արդարութէ օրինացն կենցաղավարեալք։ Զի այն որ բարին է բնութք և խոկութք յառաջ քան զյաւիտեանս, յորում չիք եւ կամուտ առ կատարեալ բարերարութին։ այլ կայմայ միշտ բարի։

Այլ որ ասի զայ ցասումն կամ բարկութի կամ սպառնալիք, զօրինացն զիրաւունսն ասէ։ զի զանիրաւմն և զանզգամնն ածէ յուղութիւնսպառնալեօքն՝ որ լին է բարկութք։ Զի չիք արատ կամքիծ առ կատարեալ բարերարութին և քաղցրութին։ ոչ 'ի նմանէ բուսանի, և ոչ եկամուտ ուստեք լինի 'ի նմա չար։ զի որ նորայն է, խկութք բարի է։ և չիք 'ի նմա նըշխարք չարութէ։ Զի մեղքն մեր ցասուցանեն զանձ։ և նա խրատէ զմեղ պատժովք, և 'ի բարկութէ զորմութի յիշելով։ զի խրատեալք՝ գտցուք զայցելութի յարարէն։ Զի արժան է մեղ ատել զմեղս, և սիրելզարդարութի, և զսրբութի և զշշմարտութի, որ ուրախ առնէ զարարին հանդերձ երկնային զօրօքն։

Եւ այս իսկ է սիրոյ նորա ցոյցք . որ խնդայ ընդ  
մարդկան ուղղութիւն և իրաւունս , որք դառնան՝  
չար վարուցն : Զի ինքն կեանք է և կեցուցիչ և սէր  
ամենալից պարզեօք իւրովք . զի ոչ ոք կարե , ասել  
զարժանն զնորա զամենազօր մեծութեն . ոչ ոք՝  
բիւրաւոր զօրացն երկնաւոր բանակացն , և ոչ՝  
մարդկանէ , յորոց հաճեցաւ օրչնութիւն առնուլ և  
երկրպագութիւն : Զի ամենայն հայ հոյութիւնք դիւաց  
և չեթանոսաց և ամբարշտաց և մեղաւորաց ոչ հպին  
յանհպելի լոյս անդութեն : Եւ ամենայն բանակը բիւ  
րաւորք հրեշտակաց , որ կան յանդադար փառաբա  
նութեն , և ընտրեալ՝ ի տեառնէ յորդւոց մարդկանէ՝  
ոչ կարեն զարժանաւորն օրչնել զած : Զի անդութիւն  
ու յարդի յումբքէ և ոչ անպատուի , զի ոչ փոխի յիւր  
մէ անտի փառացն . զի կեանք է և լոյս անփոխիսել  
լի , որ ոչ անցանէ :

Ի այց զարմանալի այս է , զի վասն առաւել սիրոյն  
իւրոյ անանունն յանուն դայ . զի ոչ ոք էր ընդ ան-  
սկզբանն՝ որ կոչէր զանուն . այլ ինքն վասն բարերա-  
րութեն իւրոյ և բարերար կամաց իւրոց արարիչ ա-  
րարածոց անուանի : Զի արարիչ և բարերար և լոյս  
և կեանք՝ ի խնամն արարածոց զանուանս ունի . այլ  
զիւր անունն ինքն միայն զիտէ : Զի ՚ի լուսոյ լոյս է  
անշինանելի , և ՚ի կենդանեաց կեանք , և հուր ան-  
նիւթ , և նիւթական հրոյ արարող : Այլ որպէս էրն  
և է և կայ յաւիտեան , ինքն միայն զիտէ . այլ սիրովն  
իւրով յայտնեցաւ արարածոց , և խնամովք իւրովք  
ծանուցեալ եղեւ :

Այլ և զարարածու կոչեաց յիւր բարերարութեն  
յաշակերտութիւն զազգ մարդկան . “ Նախ զառաքեա-  
լսո , ասէ Պաւուս , ապա զմարդարէս , ապա զմար-  
դապետոս ” և որ զինի այսորիկ : Յորս բաժանէ հոգին  
սոուրբ զնորհս՝ ի գործ կոչմանն որ հրաւիրեացն յար-  
քայութիւն : Յայտնեաց զինամն տեսչութեն իւրոյ սի-  
րոյն . զի լիցուք արդարացեալք՝ ՚ի հաւատոց անտի ,  
որով մտանիցեմք՝ ՚ի փառաւորեալ ժառանգութիւն  
Քոի այց : Զի այդի իւր անուանեաց զհաւատացեալսո .  
մշակ զհայրն երկնաւոր . այլ և զառաքեալն մշակու

որով սրբին և ժողովրն 'ի հնծանմն յաւիտենից։ Որ յառաջին ժամկն մինչև ցվերջին ժամն գործեցին, և ըստ յօժար կամացն զառաջոցն առին զվարձս'ի դիտողին։ Զի որ ոչ նմանեցին այ սիրոյն՝ որ ծագէ զարեդակնն չարեաց և բարեաց, այլ խանտացան<sup>1</sup>, ոչ որպէս զորդիս այ առին զվարձտ Այլ սուրբքամենայն գործեցին զարդարութիւն և զշոգեսր մշակութիւն, և հասին աւետեացն՝ որ 'ի Քո Յօհանն Հմարիտքարողութիւն, որ 'ի փառս ամենասուրբ Երբորդուն։ Եւ լցին զտիեզերս կենաց բանիւն, և ջրովն և հոգւով վըն վերստին նորոգեցին շհաւատացեալս։ Այլ և խոստովանութիւն և ապաշխարութիւն զիրկութիւն քարոզեցին 'ի ձեռն չնորհաց Որդւոյն այ։

Օ ի հայր է բնութեամբ միածնի Որդւոյ իւրոյ։ և 'ի կենաց կեանք, և 'ի լուսոյ լսոս, և 'ի բարւոյ բարի։ Այլ և մեզ ըստ չնորհի հայր անուանեալ, և լսոս՝ որ լուսաւորէ զմեզ հաւատովն, և կեանք՝ որ կենագործէ զմեզ։ Որպէս առ մարդիկ այս յօրինակ Հմարտութեն երկեի ոմանց բնութիւն, և կիսոց խնամածութիւն որբոց հայր։ Այսպէս զմեզ մերձաւորս առնէ, այլ և նմանողաւարարչական խնամածութեն, զմոլորեալս դարձուցանել յածգիտութիւնորհօք բարերարի հօրն։ Այլ և բարերարութեցն նման նմագթասիրութեն լինել։ Առ մեզուցեալսն ուսուցանէ, զի մի խսպառ կորիցեն։ այլ խորազիտութիւն ածել յուղութիւն ածային օրինօքն, առ ուսանել գիտել ձանալու զիմաստութիւն և զիրատ, և ուղղել զթիւրեալսն նշանօք և արուեստիւր, Զաշակերտեալսն հաստատել 'ի հաւատոս, և անշարժ մինալ 'ի Հմարտութեն համբերութիւն բազմաւ յամենայն փորձութիւն։ Եւ ըստ օրինակի տեառն սիրոյն յորդորել 'ի նորակոչման սէր։ գթութիւն խնամ ածել և դարմանել։ բառնալ զբեռինս և զկարիս բազմաց, և կոչել առ չնորհս աւազանին և ապաշխարութիւն։ Եւ երկայնամբութիւն և հանձարով զամենեսեան որսալ հոգեսր ուռկանառ առ բարեպաշտութին։ Եւ լուսաւորելը զ-

<sup>1</sup> Միւս որինակն է առաջան։

իտաւրեալն մեղօք և անիրաւութե՞ . սրբէլ մաքրել և ազատել'ի ծառայութե՞ սատանայի , և նորոգել զնորն՝ որ ըստ այն է՝ լուսաւորութե՞ արդարութիւն և ձշմարտութե՞ , և մերկանալ զհին մարդն դործովքն իւրովք չարեօք . որպէս զի արժանի լինիցին պսակացն և փառացն :

Օ այս արուեստ'ի հօրէ և յՈրդւոյ և 'ի հոգւոյն սրբոյ ուսեալք , որ միշտ գործակից առնէ իւր բարերար կամացն ըստ ձշմարտութե՞ աւանդից . որ զժողովուրդս հաւատով անվրէպ մերձ կացուցանէ յօթեանս սրբոց : Եւ այսպէս աշակերտեալք յլնտըռուէ օրինացն 'ի հաւատս և 'ի յոյս և 'ի սէր արդարութե՞ ըստ հանդիսից առաքինեացն և ձշմարիտ առաքելոյն և մարդարէից և ուղափառ վարդապետացն , և որք 'ի նոցանէ ուսան վկայք զշամբերութե՞ 'ի տան ջանս . խոստովանողք գժուժկալութե՞ , չգնագոր կուսանք զսրբութե՞ և զառաքինութե՞ , ապաշխարողք զթողութե՞ : Եւ այսու ամենայնիւ ընտրեաց 'ի մարդկանէ իւր ժողովուրդ ած նախանձաւոր լինել 'ի դործս բարութե՞ , և առնուլ զպսակս անեղծութեան յիւրմէ բարերարութէն : Զի սիրեցին զարարին և սիրեցան 'ի նմաննէ . և նորհօք իւրովք փառաւորս և անուանիս արար յերկրի և յերկինս . որ կայ մնայ միշտ

Օ ի թէ ոչ էր լեալ ընտրութէիք 'ի տեառնէ ըստ արդարութե՞ օրինացն , ոչ երեւելի լինէր առաքինութէցն մտերմութէիք և քանութէիք , և խափանեալ լինէր հանդէոք նահատակացն՝ որ յերանելի կեանսն տանի , և զրկեալք 'ի կենդանի երանութէցն ժառանգութէն սուրբք , նա և զօքք հոգեղինացն որք կային 'ի սէրն այ : Զի որք յարարչին խնամոցն վրհպեցան , ընդունին զպսատիժս յահեղ գատաւորէն՝ որ ըստ արժանեացն հատուցանէ . զի երթիցեն արդարքն 'ի կեանսն յաւիտենից : Երկաքանչիւրոյն ածային բանն յայտ առնէ . «Եկայք , առէ , օրհնեալք հօր իմոյ . ժառանգեցք զարբայութէն այ » . և «Երթայք յինէն , անիծեալք , 'ի հուրն յաւիտենից , զոր պատրաստեալ է սատանայի և հրեշտակաց նորա » : Զի նախ յար-

դարեւ և կոչէ 'ի բարի գործս . «Եկայք , առէ , առ իս ամենայն վաստակեալք և բեռնաւորք , և ես հանդուցից զձեզ . առէք զլուծ իմ 'ի ձեզ , և ուսարուք յինէն զշեզութիւ և զիսնարհութիւ , և գտնիք հանդիսատ անձանց ձերոց » : Եւ Առաքեալ ասէ . «Նմանեցէք այ որպէս որդիք սիրելիք , և զնացէք սիրով . որպէս և Քո սիրեաց զմեզ , և զանձն իւր մատնեաց վասն ձեր պատարագ այ » :

Օի Որդին այ զորդիս մարդկան իւր ժառանգորդը արար , և սփառեաց 'ի մեզ զշնորհս հոգւոյն որբոյ առատարար : Զի բարերար բարբառովն կոչեաց յառաջնարութիւ զմեզաւորս խոստովանութիւ , և 'ի հնազանդութիւ առետարանին կենաց . զի նորոգեսցէ զշաւատացեալմն լուսաւոր աւազանաւն յորդէղը ըստ իւրում հօրն : Որ բնութիւ է Որդի , զի չնորհօք արար զմեզ եղաւարս իւր : Եւ զարատ և զրիծ մեզացն լուծանէ զնորածնելոցս աւազանաւն 'ի հոգւոյն , և ազատէ 'ի ծառայութենէ շարին : Զի որք 'ի Քո Յու մկրտեցան , զՔո զգեցան , արու և էդ . եթէ հրեայ իցէ և եթէ ազատ , ամենէքին մի են չնորհօք որդիք այ և ժառանգակիցք Քափ : Որք ինին յարդանդ հոգեոր աւազանին պարզեցք ամենասուրք Երբորդութիւն . օրհնութիւք և քահանայական խորհրդածութիւք , օծմամբ և հոգւով 'ի Քո լուսաւորեալ՝ ըստ բանին տեան , առէք զհողին սուրբ՝ յորդէղը ըստ իւրութիւ հօրն Քափ : Զի նովաւ ունին իշխանութիւ քահանայք կապելոյ և արձակելոյ . զի զմկրտեալմն հրաժարեցուցանին 'ի սատանայէ և մեռանել զմեզացն մահ , զի մի ևս այլ մեզօք կեցցեն յերկրի : Զի որպէս մեռեալն լուէ յամենայն արուեստից , նոյնպէս և մկրտեալն եղիցի մեռեալ մեզաց և կենդանի արդարուե . զի զկերպարանս Քոփ 'ի չնորհաց սուրբ Երբորդութիւն առնու . յայնմ հետէ զմերինն խորհել ըստ Հշմարտութիւ առետարանին քարոզուե , և հաճոյից անմահ թագաւորին . արդար և Հշմարիտ և սուրբ վարիւք հասանէլ յօթեանս կենացն անմահից որ 'ի Քո Յու : Զի այսպէս է վերստին ծնունդ հողեոր աւա-

զանին , որ զախտաւոր ծնունդն վերսալին ստանայ առանց ախտի շնորհօք և մարդասիրութեամենասուրը Երբորդութեն : Ո յք ոչ յարենէ և ոչ 'ի կամաց առն , այլ յայ ծնան առ հաւատընայ 'ի ժառանգութին Քո : Զի այսպէս ծնանին որդիք այ 'ի կերպարանս Որդւոյն այ , և լինին քարոզք Հշմարտութեն 'ի նեղութե և յանդորրու . և անսասանէլի կան 'ի սերն այ ուղիղ սրտիւ և ուղղափառ խոստովանութեամբ . և որդիք կենարար Հօրին ընծային երկնաւորին անձառ շնորհօք : Եւ յայնմ հետէ զգործ այ գործեն և զկամն նորա արասցեն ըստ երախտեաց բարերարին , և կցորդակից լինին զօրաց երկնաւորաց առ սպասաւորութե մարդկան շնորհօք արարչին , այնոցիկ՝ որ ժառանդելոց են ըդփրկութիւ յաւիտենից , որ 'ի Քո :

Եւ որպէս Որդին այ եղե որդի մարդոյ և զգեցաւ զմեր ընութիւն և կատարեաց զարդարութիւն ամենայն հոգւովլ և մարմնով , այսպէս և մեք զգեցցուք զուղղութիւ և կատարեսցուք զամենայն արդարութիւ 'ի Քո . զի որդիք այ լիցուք , և ածք սիրով : Զի մարմնացաւ Որդին այ կամօք , և յանձն էառ զամենայն կարիս մարդկային ընութեն մերոյ բայց 'ի մեղաց : Սոյնպէս և մեզ լիցի ածեղէն զօրութեն ընդ ամենայն կիրս անցանել առանց յանցման . զի կարող լիցուք հասանել 'ի չափ հասակի կատարմանն Քո : և այնպէս Հշմարտեալ 'ի կերպարանս այ , ժառանգեաց ցուք զարքայութիւն Քո : Եւ պիտոյ է միշտ դաստիարակութիւ աւետարանին , որ հրահանգէ զմեզ 'ի լաւութե կարգս . զի յանձնանձեալ 'ի շնորհաց Հոգւոյն սրբոյ Հշմարտութեամբ աճեցուսցուք զվաստակս արդարութե սուրբ . սրտիւ և ուղղափառ հաւատովլ յամական կամ սիրոյն արթունք և զուարթունք եղիցուք 'ի պատրանաց բանսարկուին միշտ . և հաստատուն յուսով և առաքինութե , սուրբ վարուք , մաքուր հոգւովլ և մարմնով հասանել 'ի նաւահանգիստն խաղաղութե յաւիտենական կեանսն , յանպատում կայեանսն , որ պատրաստեցաւ սրբոյն յանձառ սիրոյն այ : Եւ որպէս արեգակնա այս որ լուսաւորէ զերկիր և որ 'ի սմաեն


արարածք՝ որ երեւելիք են ծովու և ցամաքի, այսպէս  
հաւատոյ ձմբարտութեն բան և սրբութի լուսաւո-  
րե զմիտս ցանկացողաց այ : Եւ անձնիշնան կամօք  
երկնաւորք և երկրաւորք, մարդիկ և հրեշտակը,  
ձմբարտութեն վարդապետք եղեն 'ի չնորհաց սուրբ  
հոգւոյն՝ ստոյգ գիտութք և անմոլար իմաստութք  
ըստ արդարութեան օրինացն : Եւ այնպէս առաջնոր-  
դեալ լուսով Երրորդութեն ստոյգ պատմութք արար-  
չական էութքը՝ լցին զերկինս և զերկիր հառագայ-  
թիւք որպէս զարեգականս լոյս 'ի կեանս և 'ի փառս  
երկնաւորաց և երկրաւորացս : Խակ սատանայ որ ածա-  
նալն կամեցաւ, տեսէալ զինքն 'ի պայծառութեն, և  
ամպարչաւաձեալ՝ որպէս կարծէր՝ վրիպեցաւ 'ի փա-  
ռացն, և 'ի վայր կործանեցաւ 'ի պատուոյն, և զմբար-  
դիկ որսաց 'ի կորուստ, և սնոտի յուսովն ստերիւ-  
րեալ հոգւով մոլութք ընկեց 'ի սիրոյն այ 'ի պէսպէս  
ցանկութիս՝ ամպարչութե :

Այլ թէ ասիցէ ոք, որպէս ներեաց ած սատա-  
նայի այնքան տարածել զմոլորութեն զանօրէնութիս՝  
իմացիր. զի իշխանական կամն է հրեշտակաց և մարդ-  
կան որ յայ պատուեալ<sup>2</sup>. զի որ ընտիրքն իցեն՝ երե-  
ւեսցին 'ի նոսա, և ըստ արժանեացն ընկալցին զհա-  
տուցումնն ի դէպ ժամանակի զփառս և զտանջանս  
յարաբէն ամենայն արարածոց : Զի որպէս մահ-  
թագաւորեաց 'ի ձեռն յանցուածոցն Աղամայ, այս-  
պէս և սատանայ 'ի վերայ մեղաւորաց տիրեալ : Զի  
սիրեցին, ասէ, մարդիկ զմոլորութիւն. վասն այսորիկ  
առաքեաց նոցա ած ազդեցութիւնորութե, զի դա-  
տապարտեսցին. զի համեցան բնդ չարն :

Սակայն ոչ իսպառ եթող զարարածս 'ի նախախ-  
նամական սիրոյ իւրոյ . այլ գալստէամբ Որդւոյն իւ-  
րոյ՝ որ եկն յաշխարհ փրկել զմեղաւորս 'ի ծառայու-  
թենէ սատանայի, հաւատովք յազատութի փառաց  
Որդւոյն այ . զի լուծաւ բռնութի նորա յորդւոց 'ի  
մարդկանէ, որ տիրեր մեղօք, յերևել փրկչին . Եւ  
չնորհչօք թագաւորեսցեն հաւատովք՝ որ 'ի սուրբ

## 1. Упражнение 1

2. ԱՐԺԱՎՈՐԻ ԿՐԵՋԱԿԱՆՈՒԹՅՈՒՆ



Երբորդութին, և գտեալք զի՞ոզութի՞լուսաւորաւաւանաւն և մարմնով և արեամբն Քոփ, ընդունելութի՞հոգւոյն սրբոյ՝ որ աղօխւրաբար բաշխեաց զշնորհս յարարածս: Զի արդարացեալք՝ ի հաւատոց անտի, զիսաղաղութի կալցուք առ ան ՚ի ձեռն Յոփ Քոփ առ հաւատուեայ ժառանգութին: զի նորոգեսցի փառս անեղծութե կամաւոր խաչելութիք իւրով: Եւ մահուամբ ելոյծ զմահ, և յարութին իւրով զմեզ ՚ի մեռելութէ մեղացն յարոյց զի մեք ՚ի նորոգութինաց կացցուք և մնասցուք յուսով յարութին ՚ի փառս ամենասուրբ Երբորդութին այժմ և միշտ և յաւիտեանս յաւիտենից ամին:

## ՄԻՏՔ ՀԱՒՍՈՅՑ

ՍՐԸԱՑՆ ԳՐՏԳՈՐԻ ՀԱՅՈՑ ԼՈՒՍԱՏՈՐՉԵ

Դ

**Դ**ԵՄԱՐՏՈՒԹԻՒՆ ՀԱւատոց լոյս է աչաց մօսացն ,  
շորժմանցն խորհրդոց յիշատակացն , զգացեալ ըդ-  
լոյն գիտութե և զիմաստութե չնորհաց հոգւոյն  
սրբոց : Որ զառաջնորդական միտսն լուսաւորէ , և  
զրովք որբովք յանդիման կացուցանէ զաներեցիթ-  
ողն , որպէս տեսիլո աչաց զարեգական լոյս և զայլ եռ  
լոյսո . այսակէս երեւութանայ ածային տէրութեցն մե-  
ծութիք անքնինք : Զի աննման և անհամեմատ է ,  
անպատում և անսահման , անհաս և անբաւ . այլ  
հաւատով տեսանի և իմանի և օրհնի յարարածոց  
աներկրայ հաւատով ՚ի նեղութե և յանդորրու . և  
զօրացեալ հաւատով որ ՚ի սուրբ երբորդութին , կոյ  
և մնայ անսասանելի առ մօրտակից հաւատոցն : Զի  
լուսաւորեալք ուղիղ հաւատովք յանսկիզբն էութն ,  
՚ի մշտնձենսաւոր լոյսն , ՚ի կենդանաբար կենդանու-  
թին , յանփոփոխ չշմարտութին , մի ևս խոտորես-  
ցուք յունայնաբանութին՝ որ ՚ի հայր և յՈրդի և ՚ի  
սուրբ հոգին հայհոյութիք :

**Վ**ԵԼՊՊՐԱՎԱԿԱՆ ԱԼԵՄԵԿԱՅՆ ՉՆՈՐՀԱՑ մի իւիք թող-  
ցուք , զի հասցուք խոստացեալ երանութեցն և անմա-  
հութեց և անեղծութեց : Եւ զգարմանս սիրոյ բարե-  
բարութեն միշտ ընկալցուք զտէրութեն . և զարբայ-  
ութե յոյն ՚ի սիրտո մեր հանապազ ունել , և զկեն-  
դանաբար չնորհացն զպարգեան ոչ մօռանալ որ ՚ի  
տեառնէ . և զիմնամակալութին՝ մերոյ անդիտութեն  
և տկարութեն օգնական ունել ընդդեմ չնարից  
սատանայի , որ յամենայն ժամէ թշնամի : Եւ զօրա-  
ցեալ ՚ի կենաց առաջնորդէն ՚ի խրատուց , բատ աճ-  
ման հաւատոց ՚ի կատարումն առաքինութե եկես-

ցուք : Եւ յամենայն վարս զխրատ սրբոցն 'ի միտս  
ունել յերևելիս և յաներեւոյթս . և այնպէս ծանի-  
ցես զշմարտութին : Վասն զի ոչ 'ի քէն բաւես հա-  
սու լինել ածային մեծութեն փառացն, նա և ոչ հոգե-  
ղինացն գունդք հրեշտակաց, սերոբէիցն և քերոբէ-  
իցն . և ամենայն երկնաւոր զուարթունքն անհաս են  
ածային փառացն :

Ովակում մտերիմ ծառայն այ զէութիւնն քարո-  
զեաց մեզ, ոչ յինքենէ, այլ 'ինոյն իսկ յայ : «Ես եմ,  
ասէ, ած՝ որ էն »: Եւ այսպէս սփռեաց յարարածս  
զլոյս ածային էութեն . զի անմոլար գիտութեն խոս-  
տովանեսցին զանբաւ մեծութին փառացն, զանձին  
իսկութին և զանսկիզըն էութեն ձշմարտութիւն,  
զանփոփոխ մշտնջենաւորութին և զանհաս և զան-  
վրէպ զիմաստութին, զորս քարողեցին օրէնսդիրք և  
օրինապահք ըստ իւրաքանչիւր շնորհի : Զի զդժըն-  
դակ և զաղտեղի և զմսասակար ապերախտիւն խը-  
լեսցէ, և զլուսաւոր և զշահաւոր և զօգտակար զե-  
րախտիւն յորդորեսցէ մինչեւ 'ի վախճան ժամանա-  
կաց : Եւ այնու փառաւորեցան և պատուեցան ար-  
բանեակք բարերարին : Զի յորժամ առաքէր ած  
զՄովսէս առ ապերախտ ժողովուրդն, եցոյց զինա-  
մօց իւրոց զքաղցրութին . զի ասէ . «Դթած եմ ես և  
ողորմած, երկայնամիտ և բազումողորմ, և զդշանամ  
'ի վերայ արարածոց »: Զի այսպէս ուղղեսցէ զվրի-  
պեալսն 'ի շնորհէն, և նորոգեսցէ վերստին ամենա-  
կալ զօրութեն և ամենառատ պարգևատու սիրովն .  
որ կոչեցան<sup>1</sup> յորդէգրութեն շնորհ : Եւ այսպիսեօք  
ազատ առաքինութեն յանարատ սրբութիւնն փափա-  
գանօք միացուցանէ լուսաւորս յաշխարհիս ամենա-  
սուրբ երրորդութին, և յորդէգրութին կարգէ ան-  
փոփոխ ձշմարտութեն : Զի տէրն է այսոցիկ արուեստից  
արուեստաւոր . աշակերտս ստանալ և նահատակս ա-  
ռաքինիս և ձշմարտութեն գործակիցս յիւրոց արա-  
րածոց . զի այս տեսուչք հոգւոց և մարմնոց լինիցին 'ի  
սէրն այ հեռաւորաց և մերձաւորաց :

1 Միւսն կոչեացն :

Վրդ հաւատովք Ճշմարտութեն և առաքինութեն հանդիսիւքն, արդարութեն և սրբութեն լիցուք հաստատեալք յաներեսոյթ մեծութեն 'ի փառոն՝ որ անքննին է և անպատում ըստ աւետեացն անսպառ և անձառ փառաւորութեն։ Եւ անզեղջ սրտիւ և Ճշմարիտ խոստովանութես օրհնել զանքննին արարին, և անշարժ մնալ 'ի յոյսն կենդանի և հանգստար հանգիստն որպէս երեմամբք լինել. զոր ակն ոչ ետես, և ունկն ոչ լուաւ, և 'ի սիրտ մարդոյ ոչ անկաւ, զոր պատրաստեաց ած սիրելեաց իւրոց։ Զի անձառ է բարութիքն զոր վայելեն սուրբքն բորբոքմամբ խնամոց և կենդանարար սիրոյն այ։

Ի վերայ այսը ամենայնի գոհանալ պարտիմք միշտ զարարչական խնամոցն, որ արժանիս առնէ այնքան բարեաց երեելեօք և աներեսութիւք։ Եւ օրհնելով օրհնեսցուք զանմահ տէրութին 'ի տուէ և 'ի գիշերի անմեղկելի սիրով, մտերիմ կամօք և անարատ սըրբութեն. անմոռաց յիշատակօք զինամս սրբութեն 'ի մտի ունել 'ի գովեստ փառացն այ՝ վկայութեն հաճոյից նորա։ Զի որպէս Ճառագայթք արեգական յառաջընթանան և զինի ծառալին, այսպէս յառաջ Ճշմարտութին էութեն, անփոփոխ իսկութին, որ անհաս է քան զմիտս և զիսորհուրդո. որ պատմի նախ քան զարարածս և յետոյ քան զյաւիտեանս յաւիտենից. որ 'ի վերոյ քան զերկինս երկնից և 'ի խոնարհ քան զանդունդս ծովու. որ յանբաւութեն կայ և մնայ։ Զմիոյ անսկիզբն էութեն բարերար կամացն ունին զայցելութի յարարչէն արարածք. զի այնպէս անսահման է և անկշիռ, անբաւ և յստակ աղբիւր, և ամենազօր և ամենակալ։ Կեանք է և կեցուցիչ, լոյս մշտնջենաւոր, ահեղ, հզօր, ամէնիմաստ և յառաջագէտ, բարերար և տուող բարեաց, գթած և ողորմած, ներող և երկայնամիտ, սուրբ սրբոց և մաքրութի ամենայն արարածոց։ Զի եթէ բիւրաւոր զօրք անմարմնոցն և լուսաւորք երկնից և որ երեխնս և որ ոչն երեխն և որդիք մարդկան և որ 'ի յերկը են և 'ի ծովու անբաւ կենդանիք և որ այլ ևս 'ի նոսա անշունչք արարածք 'ի լեզուս գայցեն, քան գովութեն

ոչ բաւեն ըստ նորա մեծութեն փառացն գովութի  
մատուցմանել զարժանն իւր :

Ի՞րդ որ այնքան անհունն է մեծութեր փառօք, և  
բարձրագոյն քանի զամենայն իմանալիս և տեսանելիս,  
այլ խոնարհի յարարածս, և իմանի և տեսանի ըստ  
մերութ զօրութե և խնամոց իւրոց : Եւ հրեշտակը  
որ քան զմիտս մարդկան սրագոյնք են, ոչ բաւեն հա-  
սու լինել մասին, զիարդ կարասցուք մեք երկրաւորքս  
հասու լինել փառացն : « Զի ոչ ոք զիտէ, ասէ, զհայր,  
բայց Որդի . և ոչ զՈրդի և զհոգի, եթէ ոչ հայր »:

Խոկ խնամք բարեբար կամաց սիրոյն այ բազմա-  
րուեստ գարմանօք, որ յանսկիզբն էութեն և յան-  
փոփոխ մշանջենաւորութեն, անօրինէ, յարարածս 'ի  
հավուել և 'ի խնամել, ամենասուրբ Եղբորդութին՝  
որ լին է ամենարուեստ բարուք : Զի բազմառատ  
շնորհօք իւրովք և կենարար առաքինի ընտրեալ ա-  
ռաքինութին յերանելի հանդիստն ժողովէ և փառօք  
սոսակէ 'ի մշանջենաւոր և յանուշակ պարզեմն : Զի  
վասն այսորիկ ստեղծ արարին զօրս հրեշտակաց և  
զմարդիկ յանձնիշխան կամն, զի ընտրութեր հոգե-  
ւոր օրինացն փոփոխումն առցեն . 'ի փաքրկութե ըգ-  
մեծութե, յանարգութէ զպատիւ, յապականութէ  
զանապականութիւն, 'ի մահկանացուացս՝ զմնմա-  
հութի ածութեն՝ որ 'ի Քո Յու : Աւը միք փոփոխումն  
ժամանակաց և չանումն բարեաց տուելոց յար-  
քայութեն այ : Միշտ 'ի մշանջենաւոր Երանութիւն  
վայելել 'ի փառս ամենասուրբ Եղբորդութեն հօր և  
Որդւոյ և հոգւոյն սրբոյ յաւիտեանս յաւիտենից .  
ամէն :

1 ՅԵՐԿՈԱԲՆ օրինական 'ի Հանուաշանչածու :

ՅԱՆԴԻՄԱՆՈՒԹԻՒՆ ՄՈՒԼՄ ՄՏԱՑ  
ԵՒ ԲՆՆԱՑՈՒԹԻՒՆ ԱՍՏՈՒԱՆՊԱՀՏՈՒԹԵԱՆ

ԵՐԱՆԵԼՈՅՆ ՄՐԲՈՅՆ ԳՐՏԳՈՐԻ ՀԱՑՈՑ  
ԼՈՒՍԱՌՈՒՅՇ

Դ.

**¶** անհամեմատ ամենակալ<sup>1</sup> ամենասուրբ Խը-  
րողդութին է . և յանսկիզբն էութէն և 'ի մշտըն-  
ցենաւորութէն հաստատեցան ամ արարածք երեւ-  
լիք և աներեսյթք : Երկինք և երկիր և ամ որ 'ի  
նոսսա , 'ի միոյ արարչէն արարան ամենակարող զօրու-  
թին , ամենալցոյ լուսովն և կենդանարար տերամին .  
զի լի են արարածք ամ փառօք նորա : Որ ամենիմաստ  
և ամենագէտ և ամենատես բարերար կամօքն իւրովլք  
խնամէ զարարածո իւր , զոր յուրնչէ և 'ի չզոյէ գոյա-  
ցոյց . զհոգեորս և զմարմնաւորս , զշնչաւորս և զան-  
շունչս : Եւ զտարերս ամ չորիւք յեղանակօք յարդա-  
րեաց , բարձրութք և խորութք , լայնութք և երկայ-  
նութք : Եւ զորս արար կենդանիս և անմահս , մոտա-  
ւորս և բանաւորս . որ են գունդք հրեշտակաց և երկ-  
նաւոր զօրք , որ կարդեալ են 'ի պատիւ և 'ի պաշտօն  
և յանդադար փառարանութէն ամենազօր տէրու-  
թին : Կացոյց և լուսաւորս յերկինս յառաջնորդու-  
թէն 'ի փոփոխումն աւուրց և ժամանակաց , 'ի սը-  
նունդ մարդկան և ամ կենդանեաց և բուսոց և տըն-  
կոց : 'և և զհուր և զծուր , զամաս և զհումն յարդա-  
րեաց 'ի պէտս ազգի ազգի բուսոց և անկոց , որ 'ի  
պէտս մարդկան արարան իւրաքանչիւր : Եւ որ 'ի  
ջուրս են զողակք<sup>2</sup> և ձկունք . ազգք գաղանաց պէսպէս  
լուսութք և զանազան կերպարանօք 'ի ծովու և 'ի ցա-

1 ԱՐԵՐՆ հասարակ :

2 ԱՐԵՎԱՆ լուսիոն :

մարդի, մեծամեծք և փոքունք, քաղցունք և դառինք,  
շայեկանք և անշահք: Նմանապէս՝ ի տունկու և՝ ի բոյս  
որ՝ ի պէտո արարան մարդկան, և ոչ արարչն: Ա  
րար և ոսկի և արծաթ և պղինձ և երկաթ, և պատուա-  
կան քարինք և անարդք՝ ի պէտո մարդկան՝ ի վկայու-  
թիւն մեծին այ արարան: Եւ՝ ի չորից նիւթոց զերե-  
ւելիսս եցոյց: Խոնաւ և ցամաք, ցուրտ և ջերմ յայ-  
կազմեցան:

Եւ՝ ի նոյն նիւթոյ արարեալ զմարդն, և չնչեաց՝ ի  
նա հոգի կենդանի և անմաշ, մտաւոր և բանաւոր:  
Եւ խառնեաց զհոգեօրն ընդ մարմնաւորն. զի զհան-  
դէս իւրոյ մտերմութեն ցուցցէ առ արարին. ժուժ-  
կալեալ հոգեօր սիրով պահցից զպատուիրանն աշիւ-  
տեառն. զի հաճոյացեալ այ ժառանգորդ լիցի ան-  
վախճան երանութեցն. զի Արար, ասէ, զմարդն՝ ի  
պատկեր իւր, և տէր ամի կացոյց զնա, և ըստ պատ-  
կերի իւրոյ արար զնա . . օր ըստ Քոյ մարմնանալցն  
է իմանալ: Եւ անձնիշխան կամք մեծարեաց զմար-  
դիկ որպէս ջրեւտակո, և ելից իմաստութք և զիտու-  
թք, և սեղեակ ամ հանգամանց և խրատու հոգե-  
որաց առ ՚ի հաճոյս տէրութեն իւրոյ. զի լիցի տե-  
սուարարին արարածոց ըստ պատուիրանի նորա: Եւ  
զամ տարերս՝ ՚ի գործ արկցէ արուեստիւ հանճարոյն  
մարդոյ առ ՚ի շնութիւ աշխարհի ըստ գաւառաց և  
քաղաքաց: Այլ և կահս և կազմուածն և անօթս ըստ  
արուեստիցն կազմեսցէ առ ՚ի պէտո վարուց աշխար-  
հիս, որով պէտք անօրինին:

Եւ չնչաւորաց անասնոց և գազանաց և թռնոց  
ետ բարս և ուշ առ ՚ի պէտո: Որոց ուշն զբարսն շար-  
ժէ առ ՚ի ներդործութիւ. և բարուց նոցա վարդա-  
պէտ զմիտո մարդկան առ ՚ի պէտո իւրաքանչիւրոցն  
և ՚ի մերոյ սպասաւորութեն, Եւ ՚ի նոսին են մա-  
նունք և մեծամեծք, անարդք և շայեկանք, պիտանիք  
և անպիտանք, զազիրք և զեղեցիկք. զի երեւեսցի  
լաւն ՚ի վատթարէն և անարդն ՚ի պատուականէն:  
Որպէս ՚ի խաւարի լցոս երեխ, և ՚ի գազանաց զգօնն,  
և ՚ի թիւնաւորաց անմեղանչականն, և յանշայեկա-  
նէն շայեկանն, սոյնպէս է և ՚ի տունկու և ՚ի բոյսս, այ-

լադովք՝ և հոտովք և համովք, քաղցր և դառն, անոյշ և անհամ։ զի երեւսցի լաւն՝ ի վատթարեն, որ առ գարմանս և առ բժշկութիւնս կարգեցան ըստ ներգործութեն այ, Եւ են որ անծանօթք են, և են որ ծանուցեալք ըստ տեղեաց տեղեաց, Է ինչ և ՚ի սողունս՝ իրաց ինչ ՚ի պէտս որպէս յօձիցն ասէ ըլթերակեն։

Օ իայսպէս յօրինեալ արարչին զնախախնամութիւն յարարածս իւր, որ երեխն և որ ոչն երեխն, այսր ամի որ և իշխան և ժառանդաւոր արար զմարդն երեւելեացս արուեստաւոր մտօք։ Զի յոցընչէ արար զամենայնս և թագաւոր կացոյց զմարդն և մեծարեաց։ զի նովաւ ծանիցի արարողն և փառաւոր լիցի միշտ։ և մարդն ծանիցէ զինդեան զպատիւն որ յանսպատութիւն ՚ի պատիւ վերաբերեաց յամ արարածոց։ Որ արուեստաւոր խելամոութիւն որ յարարչին՝ կարասցէ՝ ՚ի գործ արկանել զնւաւորս և զանշունչս։ զի երեւեսցի գործ իմաստութիւն ըստ ամի որք ընդ հնազանդութիւն անկեալք ՚ի տեառնէ ՚ի գործ պիտոյից, և կամառ շնութիւն և ՚ի զարդ, կամառ այլ ինչ փարթամութիւն։ Յայսոսիկ վայելելով իշխանական ձոխութիւն՝ փառաւորեսցէ միշտ զբարեգործողն։ Զի այս քան պատիւ տուաւ մարմնաւորացս որպէս և հոգեզնացն և անմարմնոցն և անմահիցն։ և արար ընտրողս և գոլոզս արարութեն, որ միշտ օրշնեսցեն զնա՝ ՚ի ձեռն օրինաց եգելոց։ զի իւրեանց իշխանական կամձն հաստատեսցին ՚ի հաւատս ճշմարտութեանն, և ընտրեսցեն զարարին և զարարածս ՚ի մի մեանց, զդարմանին և զդարմանաւորսն, զկեցուցին ամ կենդանեաց։ որովհնու զպէտս պիտոյից ամ արարածոց։

Եւ զի արժան է յամ ժամ կարդալ առ նա, և ինդրել զայցելութիւն հոգեւորաց և մարմնաւորաց, և գործակից լինել բարեբար կամաց նորա, և անվընաս մնալ առ երախտաւորն ած։ Եւ այսու օրինակաւ փոխել ՚ի վատթարէն ՚ի լաւն, յանարդանացն ՚ի պա-

Այդպէս յերկուսին օրինական։

տիւ , 'ի ծառայութէ յազատութի Որդւոյն այ , և յընդանութի Տշմարիտ հաւատոյն՝ որ 'ի Հոյր և յՈրդի և 'ի Հոգին սուրբ . ժառանգաւոր լինել երկնից արքայութէն և անվախճան երանութէցն : Զի՞նաէ արարիչ ամիր , որ արար զպաշտօնեայս իւր Հոգիս և 'ի բոց հըոյ , զմերին զօրսն : Եւ զմարդիկ յերկը ստեղծեալ , անտստին և զկետան ունի դարմանօք : Որք և 'ի հըեշտակաց դաստիարակին 'ի Հոգեղինացն վարս ըստ նախախնամութէն այ , որ զօրէնսն յօդ նականութի ետ , որ 'ի հըեշտակաց քարողեցաւ :

**Վ. յլ** և 'ի մարդկանէ հաճեցաւ ած քարող լինել Տշմարիտ աւանդիցն . որք հաւատարիմ գտան առ պատուիրանս նորա և հաճոյացան այ , և զբազում 'ի մարդկանէ դարձուցին յանձդիտութի և յուղղութիւն ըստ կամաց արարողին կենաց : Եւ որք արհամար հոտք գտանին այ և նանրացեալ 'ի խորհուրդս իւրեանց և խաւարեալ անմտութեամբ սիրտք նոցա , որպէս ասաց Առաքեալ զրկեցան յամենառաւատ բարերարութէցն : Զի ոչ միայն զինհամն արարցին արգելին իւրեանց անհնազանդ բարուքն և յետսընդդէմ զնացիւքն , այլ և զբարկութին այ յինքեանս շարժեցին յարդար և 'ի մարդասէր դատաւորէն : Որ անկան 'ի փառաց և 'ի պատույ , 'ի նախախնամութէ բարերար կամացն , և 'ի հըեշտակաց դաստիարակութէ՝ որ զօրավիզն էին :

**Վ. յլ** որք մտերմաւթէն կացին մնացին համբերութէն յամ նեղութիս , 'ի նորին խնամնն վայելեն աստ և 'ի հանդերձելումն : Եւ որք մոլորեցան 'ի Տշմարտութէ անտի , բարկութին այ կայ մնայ 'ի վերայ նոցա : Զի զտարերս ամ աստուածս արարին , զնչաւորս և զան շունչս , զջուր և զհուր : Զի ջուրն 'ի պէտս կենդանեաց արարան յայ , որ արբուցանեն զերկիր . և դարձեալ ապականին նեխելով և նուազելով : Եւ Հուր առ 'ի պէտս մեր արարաւ , որ դարմանօք վասի և սպասաւորէ մեզ . և 'ի պակասել կերոյն <sup>1</sup> , շիջանի և ապականի : Կոյնապէս և Հողմք և ամսգ . 'ի պէտս և այլ

1 Միւս օրինակն է Երանեան :

արարածոց արարան, և ոչ ինքեանք եղեն . և ապակա  
նացուք են յորդելով և պակասելով օգտել և վնասել,  
զիւրեանց տկարութին ցուցանելով: Եւ երկինք և եր-  
կիր ոչ ինքնին եղեալք, և որ 'ի նոսա զեռունք իցեն  
և անշունչք, այլ յայ արարան, և ապականացուք են:  
Երկինք լուսաւորօք և երկիր կենդանեօք և բուսովք  
և անկովք, և ամ ձեռագէտ արուեստից, որ ստեղ-  
ծանեն պատկերս յարարածոց այ աստուածս, սուտ  
են և ապականին . որպէս իմաստնոց է քաջայայտ:  
Նա և ոսկի և արծաթ և ականք պատուականք և  
սղինձ և երկաթ 'ի մարդկանէ Ճարտարաց 'ի պէտա  
ինչիրաց կազմեցին, և կամ 'ի զարդ ինչ նիւթոյ հա-  
սարակաց արարցին առնելց իմաստութեն այ նախախ-  
նամեալ: Զի երկինք և երկիր և ամենայն զարդ նոցա  
յայ արարան յօշընչէ . և չեն աստուածք տարելքս  
ամ, այլ արարածք հասարակաց արարովին:

Արարածք են այ և լուսաւորք՝ արեգակն և լուսին  
և աստեղք ամ, որք իւրեանց փոփոխմամբն ցուցանեն  
զիւրեանց սպասաւորութին ըստ սա հմանելցն այլ և ս  
արարածոց: Եւ յայտ առնեն մեզ եթէ արարածք են  
օգտելով և վնասելով, ամարանի ջերմամբքն և ցըր-  
տութք ձմերանոյ, մանրապատումիմն շահիւք և վնա-  
սակարութք, որպէս իմաննալի է: Զի որպէս մարդիկ  
ոչ կացին 'ի պատուիրանապահութեն այ և ըստ հրա-  
մանի դարմանողին յօդտակարսն վայելեցին՝ այլ նան-  
րացան, այնպէս և դարմանիւ արարածք փոփոխեցան  
յօդտակարացն<sup>1</sup> 'ի վնասակարս: Որպէս ձմեռն ոչ մի-  
այն զովացուցանէ, այլ և սպանանէ . և ամառն ոչ մի  
այն ջեռուցանէ, այլ և խորշակահար առնէ . և հուր  
ոչ միայն ջեռուցանէ և զպէտսն նուռ, այլ այրէ և ա-  
պականէ . և ջուր ոչ միայն արբուցանէ զերկիր, այլ և  
ողողէ և վնաս առնէ: Այնպէս և ամ դարմանքն.  
որպէս իւղ և մեղք և գինի և այլն ամ ըստ նմին օրի-  
նակի: Եւ չափովն իննամք են դարմանոցն, և անշափն  
տանջանք և մահ. զի սանձեսցէ զժպիրչ և զյանդու-  
զըն կամս աղահանութեն և զանձնիվան կամացն զշո-

1 Միւսան յաւելու 'ի Հագիսըն և :

սումն և 'ի վայր ցնդումն անառակօւթեն և անիմնայ չարութեն, որ է Նամնապարհ անդորր<sup>1</sup>, որ տանի 'ի կո րուստ և նե նեղ և նուրբ Նամնապարհ<sup>2</sup> և սիրոյ և ար դարութ օրինացն, որ տանի 'ի կեանսն յազագս սրբութեն և Նշմարտութեն, որ ընթացուցանեն զՃանապարհորդն 'ի գուռն կենաց և փրկութեն :

Օ ի այսպիս երեւելքօքս և աներեւութիւքն ա հիւն այ սանձահարեալ զանձն 'ի զգատութիւն, և զգժայնութեն և զյայրատութեն անձնիշխան կամացն ըսւծանել 'ի չարէ և 'ի բարխն շարժել և յորդորել ըստ օրինացն : Կըուել և խորհնել ասել և առնել որ 'ի հաճոյս այ աւարտի Նշմարիս վկայութեն սուրբ զրոց Եւ մի ամնկանել 'ի բազմախոյզ խնդիրս՝ որ վրիպեցուցանեն 'ի ստոյդ հաւատոց : Զի Նշմարիս զիտութեն իմաստից կենարար շահիւքն լցուցանէ միշտ և ամրացեալ պահպանութեն պատուիրանին 'ի հոգեռը վարդապետութեն կայ միայ անսասանելի : Այլ և զամաւրս ամմ քակէ զնպարտացեալս 'ի վերայ զիտութեն այ , և ածե 'ի հաւանութի հաւատոյց :

Օ ի մինչ մարդն հնազանդեր օրինացն այ , և զա զանք թունաւորը հնազանդեին մարդոյն որպիս տեան և թագաւորի Ուրակէս Պանիւլին՝ որ եկաց 'ի պատուիրանին, և որպիս երեք մանկունքն 'ի հնոցին , և որպիս ծովն՝ Պետրոսի . նա և ամմ սրբոց արարածք հնազանդեցան 'ի կամաց այ : Եւ որք ա պըստամբը Են 'ի պատուիրանին այ , և ամմ արարածք հնչաւորը և անշունչք հակառակս յառնեն , և երկիրս ամմ մնկովք և բուսովք յապականութի դասնան : « Աքար , ասէ , զերկիրն պազարեր՝ յազ տաղտուկ վամն չարութեն բնակչայնու : Եւ որքան ջանք և հնարք եզեն սրբոյն զմարդիկ ածել յուղութի օ րինօքն և աւետարանաւն Քոփի , սոյնպիս և մարդկան ըստ այ հնորհին հնարիւք ածել 'ի հնազանդութեն ըզ գազանս և զանասունս և զեմաչունս արբանեկել զպիտոյն , և զերկիր 'ի գործ արկանել 'ի պիտու : Եւ առ հուր և առ ջուր և հողմ հնարիւք սպասաւորս առ :

1 Արեւե անդաբեւ :

նել մեզ՝ իմաստութեն ոյ առաջնորդեալ։ Եւ նախահնամութի արարչին աներեւութ արար ներգործէ, ի մեր հնազանդութի գաղտնաց և անամուց և թունոց և սովորութ և զեսնոց, որ ի ծովաւ և որ ի ցամաքի են, Զի եթէ ոչ էք աչ մն ի վերայ, ամենեքեան զմեզ սատակին։ Եւ ուր ուրեք վեասիցեն զմեզ, յերկիւդ ոյ շարժեն։ զի վերաբերեալ ի հեղութ թէ յառաբինութեն վարս փութ ասցուք միշտ։ Զի և գաղանք ոչ եթէ, բնութեղեն չարք, որպէս ընդելութքն ցուցանեն առ թուղթն։ և առիւծ և ինձ և արջ հնազանդին մարդկան, որպէս եզն և շուն և այլ ամր որք ընդ ու ծով անկանին և շողոքորթեն, և առ անընդելմն դաղանանան, և մահ գործեն անծանօթիցն և վերս։

Եւ որպէս ի պատճառէ իմեքէ կատաղութի՝ ի խելմն անկանի և հանել ի գարմանոց, և յընտանութէ՝ ի վարագութի՝ մնորեցուցանել և ի կորսւստինքեան և այլոց ևս, նոյնպէս և առ ուսմունս մոլորութի՝ ի խելս մտացն անկանի և շնորեցուցանէ որպէս զիատաղին, անծանօթս առնել ի հշմարտութեն ամբարիշտ և այլանդակ վարուք որք ելանեն ընդ սահմանս բնութեանն, բայց թէ բժշկի ուրեք որպէս կատաղի ։ Վասն այսորիկ պիտոյ և յոյժ զգուշութի՝ պահելով զաւելիս և զմիտս յայնպիսեաց անտի վնասուց, և խօրհել յօրենսն մն ի տուէ և ի զիշերի, որ փրկութք լի է և կենօք։ Զի և մարդն մըտաւոր և բանաւոր՝ չնորհիւ ոյ անշարժ կացցէ ի լաւութի մտերիմ հաւատով և անարատ վարուք։ Փոփոխել ի վնասակարացն ի բաւագոյնն. արժանաւոր լինել հոգեոր առողջութեն և ամբիծ օրբութերախտեօք հշմարիմ սիրոյն ոյ։ և ընդունել շոնորհս առաքելութեն, մարդարիութեն, վարդապետութեն, քահանայութեն չնորհի հաւանական կամք արժանի լինել, և լուսաւորել զամբխորհութքս մտաց լուսով գիտութք և իմաստութք արժանաւոր երախտաւոր վարուք հասանել ի նաւահանգիստն կենաց։

Եւ յաղագս անձնիշխանական կամաց ունի զու-

1 Այդպէս յերկումն պինակուն։

բութիւն մնալ՝ ի մատերիւնութե սուրբ սիրոյն՝ ի ար, և կամ յանհնաղանդութե հոգեւոր օրինացն և՝ ի բարեացն՝ ի վայր կործանել՝ ի խորս չարեաց, և զանարդանաց անուն ժառանդել և զանառակութե և զամբարշտութե զանօրեն և գւար և զպիղծ։ Սոյնպէս և անմարմին զօրացն է իշխանական կամքը կալ՝ ի հրամանի արարչին, և կամ ստունդանել ան։ Որպէս իմանալի է, հոգեղինացն կալ մնալ՝ ի ուշըն այ միշտ յանդադար փառաբանութե արարչին իւրեանց, Այլ և զապտամրմն ՚ի նոցանէ իսկ արար զատանայ. և որք ընդ նովաւ զօրք՝ այսք սլիղծք և չարասէլք անուանին։ Արդ այսպէս յանուանեն ունին ըզհանդամնս բնութեցն բարւոյ և չարի, յայտնել մեզ զլաւն և զանարդն, Եւ զիւրաբանչիւրոցն ծանուցեալ զպատիւ և զանարդանս, զիւտ երթիցուք բարոյն և ատեսցուք զարն. զիւլուիցուք բարբառոցն երանելի որ ասէ. «Ազնիւ, ծառայ բարի և հաւատարիմ, որով ՚ի սակաւուգ հաւատարիմ եղեք, ՚ի վերայ բազմաց կացուցից զքեզ. մնւտ յուրախութիւն ան քո»։

Եւ որք հիւանդքն են և ստոյգ ապաշխարեցն, և նոքա փրկութեն հասանիցեն՝ որ ՚ի Քո Յս։ Զի ոչ է պարտ հիւանդացն՝ ՚ի դարմանս արդարոց վայելել, և վատացն առ քաջն, և մեզաւորացն ընդանմեղմն, և անսրբոցն ընդ սուրբս հաւատարել։ Այլ մնալ յիւրաբանչիւր կարգի ուսման, ոմն ուսուցանել և ոմն ուսանել։ Զի այսու չնորհիւ հրաւիրանօք կուաց զամենեսեան յիւր արքայութին։ և կանուի զիւութեն ընտրեաց զառաքեալն ՚ի սպաս պաշտաման հշմարիտ քարոզութե հասարակաց արարչին։ Եւ նորօք ած զբազումն ՚ի ժառանդութիւն անդիտութե։ Եւ վասն այսորիկ բարերար կոչի և թաղաւոր թագաւորաց և ար տերանց. որ միայն ունի զնախախնամութիւնի վերայ մտերիմ ծառայից առաքինեաց ՚ի նեղութեան և յանդորրու. զի ցուցանէ զօգնութիւն յապաւինեալն իւր։ Զի դատաւոր արդար է՝ ՚ի վերայ օրինաց՝, և բժիշկ հիւանդաց, որք

ախտացան՝ ի զանազան ախտս և՝ ի ցաւս, յորժամ գառնան յապաշտարութի խոստովանութիւն։ Այլ և գարմանք հոգեսորք պատրաստեալ կան, խրատը առողջութեն՝ ի սուրբ գիրս և աւետիք թողութեն և հանդերձեալ երանութին՝ որբ կամիցին։ Զի որպես ամոն երթեմն կարկտիւ և հրով շրջի և երթեմն քաղցր անձրեսով, այսպէս հրաման ուն շարժի ի վերայ անարժանիցն բարկութիւն և արժանաւորացն քաղցրութիւն ըստ արդար գատաւորութիւն։

Եւ արարիչն ած և հաստին որ ի գործոց անտի իւրոց ունի զփառաւորութիւն և զկեցուցիչ անուանն զերախտեաց իւրոց, զբարերապն և զողորմածն և զզ թածն, զսուրբն, զերկայնամիան, զսոյզգն, զճըշմարիան, զաներևոյթ զզօրութին երեւելեօրս ի հանդիսի կացուցեալ՝ ի խրատ և յառաջնորդութիւն աներեւոյթ զօրաց հոգեղինացն և երեւլի որդւոց մարդկան ըստ ընտրութեն լաւութեն առաքինութեն զօրծոցն սրբութեան, Եւ փառաւորեալք Են արարչին կենարար արուեստիւք, որ գործակիցն է իւրովք չնորհօք, Եւ զնոյն անուանս ստանայ արարածն զարարին իւրոյ, և նորիմբք մեծարեալ մատնե՛ ի ժառանդութիւն Որդւոյն ոյց և մարդասիրի, և ի բարութիւն վայելէ յանլախանան և յանսպառ երանութիւնն ընդ անմահ արբային յաւիտեանս միշտ։

Հնորհալից մասաց և հաւատացելոց սակաւ բանք խրատուց բաւական Են յուղութիւն։ իսկ անհաւատիցն և անշնորհիցն և յոլովից բանք խրատուց ոչինչ օգուտ գործեն, որոց խաւարեալ Են միտք իւրեանց և օտարացեալք՝ ի չնորհաց անտի։ Ալրդ յուշլիցի ամենեցուն ածեղին խրասն, որովք լուսաւորիմք իմանալի լուսովն որ անստուերն է, և չի նմա խաւարի մասն Արար զմեզ բանաւորս և մատառ, զի ծանիցուք զարարիչն և արասցուք զհանջյունորա . որ յուընէ՛ ի լինելութիւն է, ած և ի չգոյէ՛ ի գոյ։ Եւ մատակարարեալ՝ ի մարմինի վերափոխէ զկացեալսն՝ ի պատուի բանին պահպանութեն յանդեղին փառան քոյի։ Զի որբ ասենն եթէ ընդեր այսպէս արար զմեզ ասպականացուս և ոչ անապականս, միթէ սամիցէ սաեղծուա-

ծըն ընդ ստեղծին իւր թէ ընդէր այդպէս արարէր զիս : Զի ուսցուք զմեզ ինքեանս ըստ իշխանական կամաց մեղուցեալս և ապականեալս , և անմեղս և անապականս : Որոց իւրաքանչիւրօյն է պատրաստեալ , մեղուցելոցն մահ , և անմեղայն կեանք յետ աստեացս վճարելոյ . որոց կենաց և մահու փոփոխումն չլիք : Որ անփոփոխն է կենդանի երանութքն 'ի սիրոյն այ կազմեալ . « Զոր ակն ոչ ետես և ունկն ոչ լըւաւ , զոր պատրաստեաց ած սիրելեաց իւրօյ » , ասէ ածային Առաքեալն :

Այլ յայնժամ 'ի կատարածի յայտնի 'ի յայտնութեաւուրն և 'ի յարութենն , յորժամ լինիցի աշաւոր ատեանն յերեել փառաց Որդւոյն այ . զի երկինք և երկիր անցցեն , և նա կայ մնայ անմահ և մշտըն ջենաւոր և անսպառ յաւիտեանս յաւիտենից : Զի անհնազանդից և անհաւատից , ամբարշտաց և մեղաւորաց կազմեցան տանջանքն անվախսանք , որպէս սատանայի և դիւաց նորա : Զի յերկրի որպէս 'ի ծովու ծփեցան հողմակոծեալ և մրգիեալ մեղօք : Այլ հաւատարիմքն և լուսաւորեալքն չնորհօք անսասանելի մնացին 'ի պատուիրանի արարողին . զի լուսաւորեցան վարք նոցա . և որք տեսին զգործանց բարիս , փառաւորեցին զհայրն որ յերկինսն է՝ ըստ բանի աւետարանին : Այլ արարչին բոլորից և ամենեցուն տեառնն ոչ ոք կարէ հասու լինել և բաւական յասել զամենարար զօրութեննորա զմեծութիւն զիմաստութի : Այլըստ իւրում բարեբարութենն երաց զդուռըն կենաց արարածոց իւրօց հաւատացելոց 'ի ձեռն Յոհ Քոփի և սրբոց իւրօց : Որոց աշակերտեալք 'ի նոյն սըն զնասցուք հաւատով և սիրով և յուսով . զի ընդ նոսին ժառանգեցցուք զանսպառ բարութիսն 'ի Քո Յոհ 'ի տէր մեր . որում փառք յաւիտեանս յաւիտենից . ամէն :

ՀԱՍՏԱՏՈՒԹԻՒՆ ՃԸՄԱՐՏՈՒԹԵԱՆ  
ԵՒ ԱԽԱՋՆՈՐԴՈՒԹԻՒՆ ԿԵՆԱՐԱՐ ԽՐԱՏՈՒՑ

ՍՐԲՈՅՆ ԳՐԻԳՈՐԻ ՀԱՅՈՅ ԼՅՈՍՏՈՒՐՉԻ  
ԱՍԱՑԵԱԼ.

Ե

**Յ**ԱՅՏՆԻ է իմաստոց սրբոց որ ունին զգիտութի՝  
՚ի գրոց մարդարկից և առաքելոց և վարդապետաց,  
թէ մի է ընութի ամենասուրբ Երրորդութեն զօրու-  
թք և փառօք և մշտնջենաւորութք : Անսահման  
էութի, անսկիզբն իսկութի, անփոփոխ չշմարտու-  
թի, կեանք և կեցուցիչ կենդաննեաց : Հայր է հայրն  
միաձնի Որդւոյ, և բխումն Հոգւոյն սրբոյ . պատճառ  
նոցունց իսկութեցն 'ի նոյն բնութէ : Երրորդութի  
կատարեալ և մի ածութի, փառաւորեալ միշտ 'ի  
զօրաց երկնաւորաց և 'ի մարդկանե որպէս զած և  
զարարիչ գոլովլ : Զի յուընչէ արար զասա և զամե-  
նայնս որ երկինս և որոցն երեխն և յերկինս և յերկ-  
րի : Եւ հոգեղինայն և բանաւորացս տուեալ զիշխա-  
նական կամն, որով երեւեցին պատուեալք, և ցուց-  
ցեն զլաւութի մտերմութե առ արարիչն, փառա-  
ւորելով զտրն փառաց և առնել զհանոյս նորա, և  
արուեստից նորա տեղեակ և աշակերտ լինել անա-  
րատութք և սրբութք : Եւ երախտաւոր լինել առ  
դարմանս որդւոց մարդկան . հովուել և բժշկել և  
առաջնորդել յերեւելի և յաներեւոյթ պէտս ըստ ա-  
մենայն օդտից գործակցութէ Հոգւոյն ըստ օրինացն :  
Բարի կամք և բարի խորհրդովլ և բարի գործովլ  
ցուցեալ զգործ պիտանութէ : Զի եղեալք և հաս-  
տատեալքս 'ի բարի 'ի նոյն կացցուք : Զի աղբիւր է  
ամբ բարեաց և կենդանատու սուրբ խրատուց . որ  
զամենեցուն միտս լուսաւորէ 'ի գործակցութի կա-  
մաց իւրոց բարեսիրաց խելամտութք գործոց սրբոց  
մտանել 'ի ժառանգութի արքայութեն, որ առ ան-

վախճան կեանսն տանի : Այս է բարերարութեն նորա հանդեսք, աննախանձ և առատ առ արարածս իւր . զի զամենեսեան կոչէ յիւր փառսն և յերանութեն գործակցութեք ըստ իւր բարերար կամացն :

Եւ զի արարածոց կամք հաղորդեալ իցեն ընդնորա բարի կամացն 'ի ձեռն օրինացն եղելոց, և լիցին աշակերտք բանին կենաց : Զի նախ նորա միջնոյ ամենակալ զօրութեանն և բարերար կամացն և ամենագիւտ սիրոյն գործ երեեցաւ, զի յոչընչեարար զերկինս և զերկիր և որ 'ի նոսա արարածք իցեն, որ երեխն և որ ոչն երեխն : Երկրորդ լաւութեք մտաւորացն և բանաւորացն և որք 'ի նոցանէ ըզգործս մտերմութեն և հնազանդութեն և սիրոյ ցուցանեն, յայլպատիւ փոխեսցին յանուն և 'ի փառս հրեշտակաց և հրեշտակապետաց, սերովեհից և քերովեհից և զուարթնոց և ամ երկնաւոր զօրացն՝ որք փառաւորին : Իսկ երկրաւորացս տուեալ շնորհս առաքելութեան, մարդարէութեն, քահանայութեն, աւետարանութեան, Ճշմարիտ վարդապետութեն, մարտիրոսութեն, կուսութեն, սրբութեն, կատարեալ ապաշխարութեն : Զի երկոքին կողմանքն միոյ բարերար կամացն արբանեակք են և աշակերտք, վերին զօրք և մարդիկ : Զի մի է ամ հայր, յորմէ ամենայնն . և մի տեր Յո Քո, որով ամենայնքս . և մի սուրբ Հոգի նորոգող երրորդութիւն սուրբ : Զի Բանիւ տն երկինք և երկիր հաստատեցաւ, և Հոգւով բերանոյ նորա ամ զօրութիք նորա, որպէս ասացաւ 'ի մարդարէէն . որ միշտ օրհնի յարարածոց :

Եւ զանազանութիւն կարգաց և պատուիրանաց յայ 'ի հրեշտակս և 'ի մարդիկ ըստ իւրաքանչիւրոց յօժարութեն և սիրոյն որ առ ամ : Զի յանուանցն ուսուցանեն մեզ երկնաւորք և երկրաւորք կալ 'ի մըտերմութեն և 'ի բարիխորհրդութեն 'ի բարի գործս . յորդորել և զայլս 'ի բարին և 'ի հաճոյսն ամենազօր տէրութեն, և խափանումն առնել աղտեղի բարուց շարժմանց : Զվերինսն խորհել զհրեշտակացն, զի ըզնոյն փառս և զպատիւ առցուք, և լինել սպասաւոր բանին կենաց և արարչին կամաց Ճշմարիտ քարոզութեք . զանմոլար գիտութիւն սփուել 'ի լսելիս մարդ-

կամ, զարթուցանել՝ ի գործ բարեաց, և ունել զերասահնկս անձնիշխան կամաց ՚ի պահպանութիւն պատուիրանին և յիրաւունս տն։ Ով զայս արաօցէ, քերովքէի նմանի, և զնոյն պատիւ առցէ յարարչն։ Եւ որ զհակառակամէր և զդմնդակ վարս ուղղէ ՚ի հնազանդութիւն և ՚ի հեզութիւն և յանարատ սրբութիւն, խլելով ՚ի մտաց և ՚ի մարմնոց զանիրաւ բոյսս որոման չարութեն, ապիրատութեն, խորամանկութեն, իսարդախութեն և ամ վնասակարաց, և ցանկացողս առնէ անդային օրինացն արդարութեն, զսերով բէի զկարդ ունի և զպատիւ։

Խսկ որ արթունն կայ ՚ի հանդէս առաքինութեն սուրբ և անարատ, և ոչ պղերգանայցէ յօդտակարացն, ՚ի հոդերացն կամ ՚ի մարմնականացն, ըղզուարթնոցն զկարդ ունի, զփառս և զերանութիւն։

Խսկ որ զկորուսեալն դժաննէ և զգտեալն պահէ, և զամբոխեալն բարկութը և ամբարտաւանութը՝ զիջուցաննէ ՚ի խաղաղութիւն և ՚ի խոնարհութիւն և ՚ի հաշտութիւն, նմանեալ լինի Որդւոյն այ և ժառանգակից ըստ իւրում բանին։ «Երանի խաղաղարաց, զի նոքա որդիք այ կոչեսցին»։

Խսկ որ զտարսն ընդանեցուցաննէ, և զգլորեալն ՚ի մեզս՝ կանգննէ, և զհիւանդացեալն անհաւատութը և երկմատութը՝ բժշկէ ուղղափառ հաւատով և բարի գործովք, և զալտեղինն հոգւով և մարմնով ախտացեալս սրբէ ստոյգ խոստովանութը ըստ աւազանին չնորհի, և գայ յապաշխարութիւն, գործակից լինի հոգւոյն սրբոյ, և նորին բնակարան, ըստ բանին։ «Դուք տաճար այ շնուեալ իրաւամբք և սըրբութը և հոգի այ, ասէ, բնակեալ է ՚ի ձեզ» իւրովք անդային փառօքն ՚ի սրբեալն։

Խսկ որ զանյցան յուսով նորոգէ ՚ի յոյս կենացն յաւիտենից, և զհարթուցեալս և զհեռացեալն հանդարտեցուցաննէ և զետեղէ երկայնմտութը՝ ՚ի համբերութիւն, և գթած ինսամովք յանձանձնէ, և չնորհօք ողորմութը ուղղէ ՚ի լաւագոյնն ՚ի լուսաւորութիւն անդգիտութեան և մաքուր վարուց, ժառանգորդ լինել Քոի և արքայութեն երկնից։ Որ նմանեցաւ նորին մարդասիրութեն ըստ ամի, և ՚ի խնամն սուրբ

Երբորդութեն վայելեսցէ յերանելի կեանսն : Զի ոյ երախտեօքն ՚ի փոքուն հաւատարիմ եղե հոգեւոր դարմանօքն և մարմնաւոր . զի “Քաղցեայ , ասէ , և ետուք ինձ ուտել . ծարաւեցայ , և արբուցէք զիսու և որ այն ևս : Զի որովշետե արարեք միում ’ի փոքը կանց , ինձ արարեք , ասաց : Զի այսպէս են խընամք սիրոյն ՚ի մեզ :

Խակ որ ծուլանսն առ բարի գործն , և արհամարհանօք արհամարհէն զօրէնսդիրն , և որոշեն զանձինս ՚ի տեառնէ հպարտութք և անհաւատութք , ապստամբեալ ’ի բանեն կենաց , ամբարտաւանեալ ընդդէմ ներող տէլութեն ամենակալ զօրութեն , և լինին յոլովից կորստեան պատճառք , վրիպեալք յաւիտեանցն բարեաց և յերանելի յուսոյն , սատանայի են նմանեալ և զնոյն պատիժս տայցեն յաւիտենից տանջանացն : Որք աստեն են գրաւեալք ’ի ներքոյ ահաւոր սպառնալեաց արդար դատաստանին յաղագս ապախտաւոր և անառակ գործոց չարեաց :

Խակ որ ստահակեն և մոլին ՚ի չարիս , և նենդելով լինին բանասրկու ՚ի մոլորեցուցանել յուղիդ հաւատոց և ՚ի սուրբ վարուց , և նախանձին ընդ բարեգործս , և լինին խոռովարաք և բարկացողք և պղտորիչ պարզամտաց <sup>1</sup> , զդիւաց զկամն ունին , և նոցին լինին ժառանգորդ ’ի յաւիտենից տանջանսն . եթէ յանմարմնոց իցէ և եթէ ՚ի մարմնաւոր հոգելինացս :

Խակ որ անխստիրն է յաղտեղութիս , լկտեալ յանառակութե և վարեալ ’ի պէսպէս ցանկութիս պատիր պատճառաւ , բազմանայ անօրէնսութքք ’ի գողանալ , ՚ի ստել , յերգնուլ , և բազմարմատ գժընդակութքք պատճառք լինի բազմաց ’ի կորուստ , այնպիսին զպիղծ և զաղտեղի անուն ժառանգէ . հրաժարեալ ’ի կենդանի լուսոյն և ՚ի սրբութե փառացն ելանէ ՚ի խաւարն արտաքին հրախառն . որ որդն նոցա ոչ վախճանի և հուրն ոչ շիջանի , և լինի ՚ի տեսիլ ամ մարդկան :

Խակ որ անխնայ են ՚ի չարութե և լի են անիրա-

1 Այիւսն պարհմաց :

ւութիւ յերեելիս և յաներեւոյթս, յանառակութիւն և յանզգամութիւն, 'ի հարկանել և 'ի զրկել, 'ի նեղել, 'ի սպանանել և 'ի կորուսանել, այնպիսին զանոզորմ չարագործացն պատուհաս ընդունի. զի չարք չարաւ կորիցեն :

Խմացար ըստ իւրաքանչիւրոց խորհրդոց և գործոց զհատուցումն արդար այ կը օքն : Զի եղաւ պատուիրան մարդկան՝ կալ հաստատուն յանարատ սըրբութեն, և գործել զարժանին և զիրաւն, և կալմալ անշարժ 'ի լաւագոյնն, որպէս ասացաւ : Զի այսպէս կարեն ընդունակ լինել չնորհաց մարդարէութեան, և խորհրդակից լինին բարերար կամաց տէրութեն Հշմարիտ քարոզութեն, և զարթուցանել զանմմիտս 'ի քնոյ յակնկալութիւնոյն, սպասել կենդանի աւետեացն խոստացելոց, և ժառանգաւոր լինել անքննին փառացն՝ որ արդարոցն է :

Եւ որք հրաժարեն 'ի պատիր խարեւութեն մարմնաւոր վարուցս՝ լուացեալ զմիտս 'ի խղճե չարեաց չնորհօք ստոյգ զլջմամբ ապաշխարութիւն արտասուօք, ատել զւարն և սիրել զբարին, խափան լինել մոլար խարեւութեն ուսման, և ընձայաբեր լինել Հշմարիտ հաւատով ամենասուրը Երրորդութեանն, որք այսմ արժանի լինին, առնուն զանուն առաքելութեան աւետեաց նորոց կտակարանաց, և ժառանգաւոր լինին արքայութեն երկնից : Եւ որք նախ զառնելն ընձայեցուցանեն ըստ ուղիղ քարոզութեն . զի որոյ զործք իւր վկայեն քարոզութեն, ապա և լսողացն ընդունելի են առ 'ի խափանումն սուտ և պատիր խարեւութեն մոտացն շարժմանց : « Զի որ քրիստոսեանքն են, ասէ Առաքեալ զմարմինս իւրեանց 'ի խաչ հանին կարեօք և ցանկութիւնը հանդերձ » : Եւ այնպիսիքն են բնակարան ածութեն, և վկայք Հշմարտութեն ամ հաւատացելոց :

Իսկ որ միամոտութիւն սրբութիւնը ընդրին սրբեալ ըդմիտս և զմարմինս յանմ խղճե չարէ յերեելեաց և յաներեւութիւն, արժանի սոյց Հոգւոյն կումանն՝ առաքինեալք որպէս զքաջնահամակս, անարատ սըր-

1 Միւս օրինակն յաւելու 'ի լուսանցս լինին :

բութք յանդիմանել զմարմնաւոր բարուցն միշտ ըզ-  
շարժմունս , և քակել զկիրո մարմնաւորս և չինել  
զհոգեռորսն , զամբծութի և զամբ արդարութի փա-  
փափանօք և անոմեղկելի 'ի շահաւոր զիւտս և 'ի փըր-  
կութի մերձաւորին և հեռաւորին : Զի որք այսպի-  
սի վարուք հանդիսանան , նոքա են արժանի հոգւոյն  
որբոյ օծման , և քահանայանալ այ և ընձայել ժողո-  
վուրդ տն նախանձաւորս գործոց բարեաց և պաշտօ-  
նեայ սուրբ Երրորդութեն 'ի ձեռն չնորհաց սուրբ  
աւազանին և մարմնոյ և արեանն քոքի կցորդ ըստ որ-  
դէզըրութեն . և 'ի բաց ընկենուլ զհին մարդն , և ըդ-  
գենուլ զնորն որ ըստ պատկերին այ է , արդար և  
սուրբ , մեկնեալ 'ի չարեացի խոկ որք կամին զանց առ-  
նել զանցաւորօքս , և առնուլ զմշտնջենաւորմն 'ի  
ժառանգութի , ատեսցեն զվարս մարմնաւորս , և սի-  
րեսցեն զվարս հոգեռորս , նահատակեալք բազում  
առարինութք . զի առցեն զանուն խոստովանողաց և  
վկայից սուրբ մարտիրոսաց , որ երանութք պատկին :

Խոկ որ զգեցյեալ են զանարատ սրբութի կուսու-  
թե , և զմիամսութի բարերար կամաց հաճոյիցն , և  
ըստ արդարութե օրինացն և կրօնից սուրբ հարցն ,  
նոքա են որ մտանեն յառագաստն լուսոյ և վայելեն  
'ի փառս անմահ թագաւորին : Խոկ որք անկեալ են  
'ի փօրձանս մեղաց աղտեղութե և դժոդակութե 'ի  
խարս սատանայի , և յիշեսցեն զբանն կենդանի որ  
ասէ , « Դարձարուք առ իս 'ի մեղաց , և խօստովան  
լերուք և ապաշխարեցէք . և ես դառնամ առ ձեզ  
յոզորմութի չնորհօք 'ի բժշկել 'ի փրկել 'ի կեցու-  
ցանել » , զի զօրացյեալ 'ի տնե՝ յաղթեսցէ սովորա-  
կան ցանկութեցն և չարին խարեւութեց 'որ ըստ հո-  
գւոյ և մարմնոյ է մարտն բռնացյեալ Եւ հանդիսա-  
ցյեալ յառաքինութե մրցմունս , յաղթեսցէ և յա-  
մօթ արասցէ զիշխանն մեղաց առհաւատըեայ յու-  
սովն և աւետաւոր յարութքն : Զի 'ի ձեռն մարմնոյ  
և արեանն տն աղտեալք լիցուք 'ի տաննջանացն , և  
լիցուք ժառանգութէ արբայութեն : Զի « Փառք և  
պատիւ և խազաղութի , ասէ , որ գործէ զրաբի . և  
բարկութի և նեղութի և տանջանք , որ գործէ ըզ-  
չար » : Տեսանես , յետ այնչափ ընդրութեցն և քննու-

թեց ու դառնայ յողորմութե՛ ՚ի խնամել զարարածս  
իւր այլ զմոլորեալս դարձուցանե՛, զանկեալն յարու-  
ցանե՛, զգլորեալն կանգնե՛, զբեկեալն պատե՛, զհիւանգս  
բժշկե՛, զաղտեղեալն մաքրե՛ արտասուօք, զերկմիտն  
հասատէ՛ ՚ի հաւատս, և զամենեսեան լուսաւորէ՛ :

Արդ ովլ բառական է բարեաց բարերարին գոհու-  
թի մասուցանել, որ յանց կողմանց փոյթէ է կեցու-  
ցանել զարարածս իւր : Զսպառնալիսն որպէս հուր  
վառէ ՚ի վերայ ամբարշտաց և մեզաւորաց, անսրբոց  
և պղծոց, զի գարձցին ՚ի չարեաց և ասլրեօցին ՚ի  
բարկութեն որ գարոցն է : Եւ զաւետիմն որպէս ըզ-  
լոյն ծաւալեցուցանե՛, զի զարթուցեալ և սթափեալ  
որպէս ՚ի բնոյ ՚ի բարիմն ժամանեցեն, և զիւնդա-  
նի բարութիս ժառանգեցեն յարարւէն : Խոկ որք  
ովն գառնան և ապաշխարեն, պատրաստեցաւ նոցա-  
տանջանք ՚ի տնել ըստ իւրաքանչիւրոցն : Զի որպէս  
զթած է անունն ՚ի խնամել և ողորմած է շնորհացն  
և երկայնամիտ ՚ի ներելն և սուրբ առ ՚ի սրբելն և  
լոյն առ ՚ի լուսաւորելն, սյսպէս և Նշմարիտ անուն  
է նորա արդար դատաւոր, որ ըստ իւրեանց օրինացն  
հասուցանե՛ ըստ բարեաց գործոց և չարեայ : Արդ  
զորոյ զգործն ունի և զկամն, և զանուն և զփառմն  
ժառանգէ, կամ զանարգանս՝ ըստ չարեացն զպա-  
տիմս յարդարդատաւորէն : Զիորպէս զերկբաւորդա-  
տաւորս իրաւարարս ասէմք, որ զարագործն և ըզ-  
պիզծս և զանիրաւս ՚ի բանդ և ՚ի կապանս և ՚ի տան-  
ջանս և ՚ի սատակումն մարմնոյ մնամեն, զի խաղա-  
ղութիս առցէ աշխարհս, և ինքն փառաւորեացի,  
սյսպէս իմանամք և զայ դատաստանն :

Խւ մի ոք երկմափիցէ թէ ովլ զիտէ զայս՝ թէ են  
պատիմք մեզաւորաց ՚ի մարդասիրէն այ պատրաս-  
տեալ : Խսոյն յիշեցոցէ զսատակումն՝ որ ՚ի ջուրցն հե-  
ղեղէ . ամ շունչ կիւնդանի ապականեալ կորեաւ,  
բայց ՚ի տապանէն՝ որ ցուցաւն յայ : Ազա թէ այսմ  
անհաւատ լիցիս, երթ ՚ի Սոգոմ և ՚ի Գոմօր ընդ  
հինկ թագաւորացն տունս, և զանցմն տեսցես զաղե-  
տիցն ըստ պատմութեն, որ տեղեաց նոր ՚ի ննե հուր  
և ծծումք յերկնից, և այրեաց զմարդ և զանասուն,  
զթուունս երկնից և զձկունս ծովս, զքար և զհող  
և զջուր և զանտառս :

Եւ եթի զայս հեռի համարեսցիս, արդէն իսկ ընդ ժամանակս ժամանակս զոտի և զսուր և զգեցութի և զմահս տարաժամս և զմահս անամոց, այլ և զհարուածս և զցաւս և զհիւանգութիս չարաւարս, այլ և խռովութի հօր առ որդի, և որդւոց անհաւանութի, և եղբարց և սիրելեաց առ միմեանս ատելութի, և դառն հարուածք և մահ. վասն մեզաց զայսոսիկ բացայայտեն անծային գիրք մեզ: Զի զիտութի ձշմարտութեն և իմաստութեն և իննամբ արուեստից ըստ բարուց շարժեալ յամենակալ հօրէն և յարաբէն և 'ի փրկիչ թագաւորէն՝ մատակարարի յարաբածս ամ: Զի նա է աղբիւր կենաց և տուիլբարեաց և վարդապետ և շինիւ երեւելեաց և աներեւութից: Եւ իմաստք ՚ի մարդիկ ՚ի նմանէ յառաջային պէսապէս արուեստից և հնարագետից: Զի նախ ՚ի միտմն գանձին հնարլը արուեստիցն, և ապա յիշատակը իրացն վարդապետին ՚ի զգայութիւնն, ձշմարիտ տեղեկութք ստացեալ ՚ի չնորհաց տուողին. որպէս և բեսելիէլին և նորին ընկերայն առ շինութի խորանին . զի հոգին սուրբ աղզէր ՚ի նոսա զազգի աղզի հանգամանս արուեստից: Զի նախ նորա եղեն ձարտարագործք արուեստից ՚ի պարդեաց հոգւոյն, և ապա այլք ՚ի նոցանէ աշակերտեալք մինչեւ ցայսօր ժամանակի:

Օ ի որ զգարբնութին ուսեալ կամ զոսկերըութին կամ զայլ արուեստս՝ ՚ի մտի ունել զհանգամանս իրացն և զկահնուցն զկազմն, և հոգայ միշտ՝ զի կարասցէ զեղեցկագոյն յօրինել զէնս կամ զարդս և կամ այլ ինչ յօրինուածս՝ որ ըստ աշխարհին է իմացեալ ՚ոյնպէս և բժիշկը որ երակօքն իմանան զցաւս, և զեղովքն զառողջութի չնորհէն ՚ի չնորհացն այց: Այլ և հանգերձարարլը և շինողք և հոգագործք և խորտկարարք, և որ այլ ևս արուեստք ՚ի պէտս մարդկան ընաւորեցան, ո՞ւ ապաքէն յայց չնորհացն ունին զմտառութի, որ զովութեն և ապատուի արժանի են և վարձուց, որք առնուն: Խոկ որք ծուլութք և արհամարհանօք յանցանեն ըստ հնարագիտութեն արուեստիցն, անպիտանս զնոսա առնեն: ապա և զուշն ՚ի յիշտակաց արուեստիցն աստանդեցուցանեն ՚ի ծուլու-

թէն, և տգեղութիւն խանգարումն երեւութանայ, որ  
պէս անհանձարից, և արուեստըն անկանին 'ի հնա-  
բագիտութիւն իմաստից<sup>1</sup>, և գործն անարդի և անպի-  
տան լինի, և արուեստագետքն անգոմնին և ամօթա-  
լից լինին, և անկանին 'ի տոյժու և 'ի տուգանս և 'ի  
տանջանս՝ անսարդեալք յամենայնէ:

Այսպէս և կարգ քրիստոնէութիւն և ածպաշտու-  
թիւ է զգուշալիք, զի ամի իմաստութիւն և հնարագիտութիւն  
ուղղեցի զբարսն և զգգայարանն իւ լաւագոյնն վար-  
դապետութիւն հոգեռոր օրինացն և ըստ հաճոյից բարե-  
րար կամաց արարչին: Զտիւ և զգիշեր 'ի կամն տեա-  
ռըն խորհել, և յուշ առնել մտացն և զգայութեցն  
զերկիւղն այց. զի առ ամ պէտու բարի գործոց պատ-  
րաստ իցեն միտքն խորհել և առնել զբարիսն առաջ-  
նորդութիւն վերնատուողին: և 'ի հնարս մտեալ առ  
'ի զբաւել 'ի յինքն զյիշատակս ածգիտութիւն: Յնոմ  
ժամ 'ի կամն տեառն նայել, 'ի նորա ուկըն և յեր-  
կիւղն կալ միշտ. զի կարող է զանգոյնն 'ի գոյ ածել,  
և զանարդմն պատուականս առնել, և զմեղմն լուծա-  
նել ստոյգ խոստովանութիւն և ապաշխարութիւն, և 'ի  
մաստութիւն առաջնորդել ըստ արուեստից արդարու-  
թիւն: Հանապազ կալ 'ի մշակութիւն հաճոյից ամենա-  
կալ տերութիւն ամնչարժ հաւատով և ամբիծ վարուք:  
Ակնկալութիւն յուսոյն կենաց զամենայն անդք գան-  
ձել ուր ոչ ցեց ուտե՛ և ոչ ժամն պականիւ և ոչ գողք  
ական հատանեն յանձային պահպանութիւն:

Խը քաղցր յիշատակօք սուրբ սիրոյն անքակ կալ 'ի  
նմաննէ անսարատ սրբութիւն: Այլ և երախտաւոր լի-  
նելառ հեռաւորս և մերձաւորս, 'ի նեղութիւն և յան-  
գորրու կալ միշտ 'ի Նշմարտութիւն: Խլել 'ի մտաց և  
'ի զգայութեց զառուտ և զպատիր խաթեռութեց զշարժ-  
մունս զեկամուտս նենգաւոր չարին ազտեղի ցանկու-  
թիւ և խիստ ամբարտաւանութիւն: Եւ զղջմամբ և ա-  
պաշխարտութիւն լուացեալ զսիրոս 'ի խղձն չարեաց, և  
ստացեալ կամն բարիս առ ամ մարդ: Եւ փութալ և  
պահել զպատուիրանսն, և ընդ այսիրոյն կապիլ միշտ.  
և անդ զմիտսն ամբաւանալ, և զնորա գութն 'ի մեղ

1 Այսան աշակեռից:

ձգել կենդանի իմամօք իւրովք : Եւ աշխւ նորա զգու շանալ, և զգաստանալ մուերիմ սիրով և հաւատով, և արթունո և պատրաստս լինել, և յամ երկրաւորաց 'ի բաց կալ, որ խափանիչ և վրիսիչ է շահաւոր օգտութեցն Ոչ խօսել զվասակարսն զօր չէ արժան, այլ խօսել զշմարփին և զօգտակարն : Եւ ոչ լսել ըզ լուրն խարդախութե՞ . այլ որ յանձայինսն յորդորէ 'ի սուրբ գրոց այց : Եւ ոչ նայել ուր չէ արժան 'ի շոայլ մարմիոյ զքոսանաց ախտի : Եւ ազատամիտ լինել յագահութէ, և առատանախանձ բարերար առ ամենես սեան, և օգտակար տկարաց հոգեորականաց և մարմնականաց : Եւ ոչ է արժան զաղանդմն խուզել, և 'ի նոսա գեղերել 'ի կորուսան : Եւ զգուշանալ յամենայն անիրաւութէ, 'ի բարկութէ, 'ի հարկանելոյ, 'ի զրկելոյ, 'ի թշնամանաց, յերգմանէ, 'ի սատութենէ, յոխակալութէ, 'ի չարախօսութէ, 'ի նենդութէ, 'ի յանշահ չարէ . զի մի բարկասցի տեր և կորուսցէ՝ որք այսպիսիս ունիցին վարս :

Իսկ որք ընդդէմ այսոցիկ զառաքինութիսն բերիցեն, մեծարանք և պատիւք և պարզեք 'ի տեառնէ, և զերանութիւնսն յաւիտենից ժառանգեսցն : Զի զամ՝ շարժմունս արուեստիցն որ 'ի մարդիկ 'ի կամացն շարժին 'ի լաւոն կամ 'ի վատթարսն, զի իշխանականն ունի զերկաքանչիւրոցն զկամն բարւոյն և չարին : Բազմագիմի են սերմանդ բարւոյն 'ի մարդիկ . զի աներևելի սիրովն այ երևելի ցուցցէ զարմոփս բարւոյն : Եւ առաւելեալ բարեօք փառաւորեսցի 'ի սլարձանս սրբոցն, և վայելեսցէ կենաց աւետեօքն : Խակ դժնդակ վարուց և աղտեղի՝ որ 'ի սերմանն չարին որոմն բուսանի, յայտնի է բծիցն՝ աներևութիցն յերևելիս զօլով, ոչ ընկալեալ զսերմն բարւոյն ըստ ընդրութե օրինացն . որք զհատուցումն ընկալցին 'ի տեառնէ զանցեց հուրն անմահ որդամբքն, զի ատեցին զբարին և սիրեցին զչարն . զի ընդրութիք են յայ բարւոյն և չարին ըստ իրաւանցն : Զի որոց կամքն շարժին զգայութեքն 'ի բարի կամ 'ի չար, զնոյն և հատուցումն ընդունիցին :

1 Ա. յդ ու յերկոսին օրինակն :

Վիրովն այս սրբութիւն հաստատի . բարեխորհրդութիւն, ուղահաւատութիւն, բարեգործութիւն, արդարութիւն, ճշմարտութիւն, եղբայրսիրութիւն, հեղութիւն, խոնարհութիւն, հնազանդութիւն, գործասիրութիւն, միամտութիւն, և որ այլ ևս են առաքինութիւն շահաւոր օգտիւքպահապանեալ երեելեօք և աներեւութիւք : Զգըթութիւն բարի կամք սիրել զողորմութիւն քաղցր չնորհօք, զերկայնմտութիւն զուարթ յօժարութեք, անձանձը յօժարութեք յաղօթս, պահովք պնդեալ : Զայս սիրել զայս պահել, յայսոսիկ զփոյթն ունել միշտ, և յայսոսիկ բարեօք ցուցանել զհանդէս մտերմութեն սիրոյն՝ որ առ Հայրն երկնաւոր և Արդին միածին և հոգին սուրբ համազօր տերութեն :

Լյու որ սոցա հակառակ է, ատել զգմնդակն, զւարեացն զցանկութիւնն և զւար խորհրդածութիւնն և զւար գործս անօրէնութեն, զխարեբայ մոլորութիւն և զսլիւղծ՝ անառակիութիւն, զսուտ պատիր նենգութեն երդմունք, զանհամբոյր բարս անհաւամս, զսրտմտութիւնի բարկութեն<sup>2</sup> շարժեալ, զստահակութիւննի թը նամնաս, զանհնազանդութիւն յամառ, զծուլութիւն և զմեղկութիւն, զյայրատութիւնն և զիսեղկատակութիւն, զկիտութիւն և զանառակութիւն, զոխակալութիւն և զնախանձ, զորովանամոլութիւն և զարբեցութիւն, և զփառասիրութիւն և զամբարհաւաճութիւն հանդերձ ամբծիւք և անխնայ չարեօք և անխտիր աղտեղութեք, որ անարգանօք լի է :

Վայսոքիկ են գմնդակ վարք և վնասակար որուման սերմանք . զի առանձինն բնութեամբ՝ չարն չար ոչ է, և ոչ բարին բարի . այլ 'ի միտսն ունի բարի և չար լինել . զի սիրովն այս սիրել զբարին և ատել զւարն՝ բարի հաստատի . և ատել զբարին և սիրել զւարն՝ չար է . նախանձել ընդ բարին և լինել բարի՝ բարի է, և ընդ չարն՝ չար է . և նախանձն նոյն է : Բարւոյն ցանկալ բարի է, և չարին չար . և ցանկութիւն նոյն է : Սոյն պէս և առ ամենայն բարիս և չարիս է իմանալ զնախանձ և զցանկութիւն : Զի ամենատեառն բարեբարի զբարին սերմանեալ 'ի մարդիկ, և յիշխանական կամսն

1 Միւսան դշուանի անուանիւնն : 2 Միւսան ՚ի բարւոյն :

Թողեալ՝ որք կամիցին վարել՝ ի բարի և՝ ի չար: Արու-  
թքն՝ ի հանդէս բարեպաշտութեն, և հեշտութքն՝ ի  
չարն հակամիտէ միշտ: Եւ կառավար բարուցն բա-  
րութեց ածսիրութին է և եղայրսիրութին: զի սէր  
ոչ խորհի զւար: Խակ չարեացն է անածութին և անձ-  
նասիրութին կառավար: ըստ Առաքելոյ բանի օտարա-  
նալն յայ և առնել զկամու մարմնոյ և զմուաց, և լինել  
որդի բարկութեց: Եւ գարձեալ ասէ: «Կենդանի եմ  
ոչ ես, այլ կենդանի է յիս Քո»: այսինքն հաճոյքն  
Քսի, արդարութին, սրբութին, Ճշնարտութին: Եւ դար-  
ձեալ ասէ: «Լոլով ասեմ զբժնամեաց խացին Քոի, և  
զկատարածն կորուստ: որք զերկբաւորս և եթ խորհին  
և խօսին և առնեն զար, զլցեալն ամ անիրաւու-  
թք և դժնդակ չարեօք»: Խակ ընդդէմ չարեացն  
զբարիսն գործել պսակաց և փառաց և պատուի ար-  
ժանի է ընդ սուրբս:

Խակ որ զած սիրել ասէ՝ և ատէ զեղբարս, այնպէս  
է, որ գտանէ և կորուսանի, և որ նու և հեղու,  
զի յամ ժամ զբարեաց զհետ երթիցուք, և ընդ-  
դէմ կացցուք չարեացն մարտից: Որ առիթ լինի չա-  
րին, զփոխարէնս չարեաց առցէ: նոյնպէս և բարեացն  
առիթ՝ բարի ընդունի յամենակալ տնէն և ժառանդէ-  
զերամութին: Զի խափանիչք բարոյ և չարասէրք՝  
յանշէջ հուր զեհենին ընդ դես պարտաւորեալ  
տանջին: Եւ յերկուցունց վերայ աստէն իսկ անսուտ  
բանն Քոի զբատավճիռն առնէ: «Երթիցեն արդարքն  
՚ի կեանսն յաւիտենից, և մեղաւորքն ՚ի տանջանսն  
յաւիտենից, զոր պատրաստեալ է սատանայի և հրեշ-  
տակացն նորա»: Զի ասացեալ է վասն ՚Նեռինն  
«Մարդն անօրէնութե, որդին կորստեան հակառա-  
կորդն, որ հոգւով բերանոյ իւրոյ սատակէ զարն՝ Քո»:  
Նոյն պատիժք որ զնոյնս առնեն, զդժնդակ վարս և  
զզազիր գործս: Զորս սպանանել հրամայէ Քարոզն՝  
զմեզացն անդամն, զցանկութիս չարեաց ամի, որպէս  
ասէ: որ է մեղաց մարդ և կորստեան որդի և ժառանդ  
յաւիտենից տանջանացն: Խակ ստացեալ զվարս սուրբս  
և զանարաւս ըստ պատուիրանին այ, մարդ կոյի ար-  
դար և սուրբ և Ճշմարիտ ամ առաքինութեք կատա-  
րեալ՝ ՚ի Քո, ժառանդաւոր լինել երկնից արքայու-  
թեն և անանց բարեացն:

Վարդ զայսպիսի խրատ միշտ՝ ի մտի ունել և չթու-  
ղուլ՝ ի մտաց + որպիս անդեղեայ<sup>1</sup>, որ զցաւս ոգւոց  
և մարմնոց բժշկին, և առ ողջութեն շնորհէ հակառա-  
կացն՝ որք վնասին զերեւելիս և զաներեւոյթու յուղ-  
զութեն: Վարդ զգոյշ լեր այսոցիկ յուսուցանել, 'ի  
լոել և 'ի յառնել միշտ զինատու կենաց, որ մաշիչ  
է ամբարշտութեն և անօրէնութեն և աղտեղութեան  
մարդկան. և կանդնէ զգլորեալսն՝ ի մեղս, և զար-  
դարսն պահէ միշտ: Զի որ զպտուղ իւր 'ի ժամնւ-  
տայ, եղենա որպիս ծառ, որ անկեալ է 'ի դնացս  
ջուրց՝ 'ի հոգեոր խրատս. և զամ ինչ զոր առնէ,  
աջողեսցի նմա, ասէ: Եւ լսիցէ 'ի քու, ծառայ բա-  
րի և հաւատարիմ, որովհետեւ 'ի սակաւուդ հաւա-  
տարիմ եղեր, մուտ յուրափութեն տն քո, որ պատ-  
րաստեցաւ քեզ ըստ վաստակոց քոց: Որ ունի ա-  
կաննս լսելու, լուիցէ հոգեոր խրատուցս շնորհօքն  
այ 'ի քո Յո՞ 'ի առ մեր. որում փառք յաւիտեանս.  
ամեն :

1 Ցերկւուն որինական ռադենէա:

ՅԱՆԴԻՄԱՆՈՒԹԻՒՆՔ ԾԱԾԿՈՒԹԻՅՑ ԻՐԱՑ  
ՈՐ ԶԱՆԵՐԵՒՈՅԹՍԿ ՅԵՐԵՒԵԼՈ ԱՆԿ

ՍՐԲՈՅՆ ԳՐԻԳՈՐԻ ՀԱՅՈՅ ԼՈՒՍԱՏՈՐՉԻ

Զ

**Օ** ու է հայր ծնեալ ուստեք, այլ Որդի ծնեալ  
'ի հօրեւ և ոչ արարեալ, և ոչ հոգին սուրբ ստա-  
ցեալ, այլ բղինեալ: Մշտնջենաւորք, միաբան իսկու-  
թեք ընդ հօր և առ հօր և 'ի հօրեւ: Որպէս բոց և  
ջերմութիւնի հուր որպէս լոյս և տապ յարեգակն.  
որպէս ջուր և բղխումն յաղփիւրէ: որպէս բան և  
հոգի 'ի մտաց: Շարժեալ առանձնաւորութիւնքն,  
այլ միաբանութիւն մի է բնութեն, և ոչ եկամուտ  
յանձնաւորութիւնն միշտ:

Ես առակ Ճշմարիտ Երրորդութեն: Խակութի  
անսկիզբն, կեանքն կեցուցիչ, ամենազիւտ սէր և ա-  
մենակալ զօրութիւն, հայր և Որդի և հոգի սուրբ:  
Երեք անձինք և մի բնութիւն և կամք. արարին և բա-  
րերարն և հաստին: Վստուած էր և է. էր անսկիզբն  
յիւրում փառսն, և մշտնջենաւոր անվախճան առ-  
խնամն արարածոց: Եւ Ճշմարտութիւն էր և է. էր  
յիւրում անփոփոխմանն, և է հաստատութիւն արա-  
րածոց: Անվիշապ ամենաշահ գիտութիւն էր, և է յիւ-  
րում անբաւութեն և առ լուսաւորութիւն արարածոց:  
Անհաս իմաստութեն իրաւունք էր, և է յիւրում  
անձառելի նախախնամութեն յարարածս ամ: Կեն-  
դանարար ամենազիւտ ամենաշահ խրատիւք յան-  
փոփոխ հաւատարմութեն իւրոյ էութեն էր, և է յա-  
ւէժ փրկական չնորհօքն յազգս մարդկան առ մեր-  
ձաւորութիւն հաղորդութեն կենդանական սիրովն: Ա-  
մենակարող զօրութիւն էր յիւրում գոյութեն, և է առ  
'ի զօրացուցանել զանզօրս 'ի մարտս հոգեսոր պատե-  
րազմիս յերեւելիս և աներեւոյթս լիեալ: Կենդանի  
էրանութիւն սիրոյն այ էր, և է բորբոքմամբ բարեաց

'ի խնամել և 'ի պահել զարդարս, և 'ի զղջումն ածել զմեղաւորս : Խուսաւորեալ և փառաւորեալ սրբութիքն էր, և է 'ի պայծառացուցանել 'ի փառաւորել 'ի նորոգել զարարածս բազմանշոյլ շնորհօք և լուսաւոր աւազանաւոն : Գթութեցն խնամքն էր, և է անպատում բարերարութեք առ խնամածութիք արարածոց երեւելի և աներեւոյթ . զի հասցեն 'ի նաւահանգիստն բարեաց, աւետեացն խոստացելոց երկնաւոր կոչմանն, որ լին է կենդանի երանութեք 'ի կեանս : Ողորմութեն շնորհքն էր, և է իւր անպատում բարութեք և ամենառատ պարզեօք 'ի տալ և 'ի ցուցանել զարդիւնս մարդասիրութեն և զկոչումն ընծայութեն յորդեղբութեն շնորհս : Երկայնամիտ և ներող էր, և է քաղցրութեք և բարերար կամօք անյիշաշար երեւեալ, և ոչ աստէն զամնեան պատժէ . զի գարձեալ 'ի մեղաց՝ կեցցեն : Ամենասուրբ երբորդութեն բարերարութիքն գարմանօք իւրովէ էր և առ արարածս իւր, և է յանպակաս լիութեն, որ ոչ պակասի, ոչ կշռի և ոչ պարփակի երեւելոք և աներեւութիւք առ ողոքանս և խոշտանկանս ըստ հնարագէտ մատակարարութեն : Զի զշահաւորն և զօդտակարն ստասայնն արարածք իւր . և զեկամուտն 'ի բանաւորս և 'ի մտաւորս ածցէ 'ի լաւագոյնս ամենիմաստ էութեն իւրոյ և 'ի ժառանգութի կենացն, քաջաւետք առաքինութեք պահեալ յալքայութեն երկնից :

Ի յապիսի յուսով հաւանել և հնազանդել որոց աշակերտ եղեւ ածային վարդապետութեն, որ բարին է և հաճոյն և կատարեալն . զի մշտնջենաւոր և անեղծ կենացն հասցէ, որ էն և է և կայ յանբաւութեն իւրում . և բարւոք բարերարութիքն իւրով խնամէ զարարածս ամ . որ աննուազն է և անբաւ և անսահման . որ 'ի վեր է քան զարարածս ամենայն անքննին մեծութեք և փառօք . որ կենաց և փառաց և լուսոյ է տուող ամենաշահ կենարար երանութեքն : Խնքն յինքենէ բաւական առ ամենեսեան . որ արդարացուցանէ և լուսաւորէ և փառաւոր առնէ : Որ է հայր միածնի Որդւոյ և բղխումն հոգւոյն սրբոյ : Եւ նոցա բարերար կամօքն և ամենաշահ սիրովն ժա-

ռանդաւորս առնել: զմարդիկ անմարմնոցն դասուց և ալքայութեն երկնից և անսպառ բարեւացն:

Խոկ պատիր խարէութիւն ստութեն բանսարկութեն, ուստի կորուստ ոչ էր 'ի սկզբանն՝ մինչ ոչ էր մոլորութեն յառաջագայիլ և վրիակեցուցանել 'ի չարն: Եւ այժմ ոչ զօրէ ատելեացն զար, որ լսէ աւետաւոր քարոզութեն և հաւատոյ, և վերստին ծնանի 'ի ջրոյ և 'ի հոգւոյ, և այլ ոչ ես դառնայ յապականութիւն և յապաշխարելոյ պէտու: Մահ' ոչ էր, մինչ մեղք ոչ էին. և այժմ լուծեալ է լուսաւոր Քոփի յարութեն, և անարգի 'ի սրբոցն այ: Անհնապատիր խարէութիւն և խորամանկ կեղծաւորութիւն և ամբարտաւանութիւն ոչ էր նախկին, մինչ ոչ էր բանսարկեալ սաստանայի. և այժմ տկար է և ոչ է յերեել ճըմարտութեն: Անհաւատութիւն և ցանկութիւն չարեաց ոչ էր 'ի սկզբանն, մինչ ոչ էր հակառակասէր ածամարտն 'ի վայր կործանեալ. և այժմ ոչ է յերեել հաւատոցն և օրինացն ընդրութեն և ածասիրութեն ցուցումն: Անհնազանդութիւն և ստահակութիւն ոչ էր նախ, մինչ ոչ էր անհաւանեալ այ սաստանայ և մարդն. և այժմ ոչ է 'ի հնազանդել Քոփ մերօվս, և ուղղել զմեզ 'ի նոյնս: Խարէութիւն և նենցութիւն ոչ էր նախ, մինչ ոչ էր մախացեալ չարն և 'ի քենս ոչ էր, մինչ ոչ էր մախացեալ չարն և 'ի քենս մնեալ. և այժմ ոչ է ըստ Քոփ քաղցր և աննախանձ կամացն 'ի մեղ շնորհացն: Ատելութիւն և բարկութիւն ոչ էր, մինչ ոչ էր 'ի չարէն և 'ի մէնջ լիեալ. և այժմ ոչ է ըստ բազում սիրոցն հեղոյն և մարդասիրի փրկին: Ամբարտաւանութիւն և անձնասիրութիւն ոչ էր, յորժամ ոչ էր հպարտացեալ չարն և պարտաւորեալ զմեզ. և այժմ ոչ է յերեել խոնարհին և զմեզ սիրողին, յասելն, «Ուսարուք լինեն, զի հեզ եւ խոնարհ սրտիւ. և գտնիք հանգիստ»: Ցասումն և թշնամանք ոչ էր նախ. և այժմ ոչ է, յորժամ գութք ողորմութեն շարժի 'ի խնամն: Անյագութիւն որովայնամոլութեն և ագահութեն ոչ էր. և այժմ ոչ է պարկեցաից սրբոց և արհամարհողաց զերկրաւորս: Անժոյժ աղտեղութիւն ոչ էին, մինչ ոչ էր մաքրութեն

լուծեալ . իսկ յորժամ ծագեցին որբութիք որբութեց ածային չնորհացն , լուծաւ գարշութի ախտի :

Եւ ամ մեղք և անխնայ չարութիք երևելիք և աներեսոյթք ոչ էին դործակցաւն իւրեանց սատանայիւ 'ի սկզբանց անտի . այսոքիկ յետոյ ՚ի ներքս մտին 'ի հակառակորդէն՝ որ 'ի նորցայն զմեղընկեաց . և այժմ ոչ է յորժամ կենարար գառնն նուիրեցաւ պատարադ 'ի վերայ խալին վասն քաւութեն մեղաց և հաշտութեան հօր ընդ արարածս . և վերստին ծննդեամբ աւազանին և փրկարան խորհրդովն , որ կենարձործեաց զհաւատացեալս 'ի սուրբ Երրորդութին : Եւ զամբարիշտո , զհպարտո և զամբարտաւանս կործանեաց , և բարձրացոյց զիսնարհս առհաւատչեայ յուսովն : Եւ լուծաւ եկամուտ մեղքն , և այն՝ որ զիշխանութիւն մահուն ուներ , այսինքն և սատանայ : Զի կեցուսցէ զմբունեալսն 'ի նմանէ 'ի նորա կամն՝ երեւելի չնորհօք և մարդասիրութեն իւրով :

Հորոց բազումք երևեցան ընդիրք 'ի սկզբանէ վըկայք կենսարեր գալստեանն , որ նորոգելոցն է 'ի յԱրելէ արդարոյ . զի զանուն արդար յանարատ վարուցն ստացաւ : Որպէս Ենովս յուսովն , և Ենովք հաճոյից այ և փոխելովն , և Նոյ կատարեալ արդարութեն , և Աքրահամ հաւատովն , և Խարհակ աւետեացն Որդւոյն այ , և Խարայէլ տեսող մարտի առաքինութեն , և Յովսէփ պարկեշտութեն , և Մովլուս օրէնսդրութեն , և Դաւիթ ուղիղ և հեղ 'թագաւորութեն : Նա և ամ սուրբ մարդարէն և մակարայեցին և երեք մանկունքն 'ի հնոյին մինեցՅաննէն՝ որ Արագն էր արեգակամն արդարուե , որ լուսաւորէ զամ մարդ եկեալ յաշխարհ լուսով ածդիտութեք և իմաստութեք և արդարութեան օրինացն և իրաւանցն և հաճոյից տէրութեն ամենակալի : Եւ արքայութեն յուսովն անարատ վարուք

1 Միւսն հետո :

ընթամալ 'ի կետ վերին կումանն . և լիցուք կատարեալք, որպէս և Հայրն մեր երկնաւոր կատարեալ է:

Որ խնամքը բարերարութեն իւրոյ նու զամ արարածս, և յորդորէ զամ միտս 'ի գործակցութի բարերար կամացն : Որ յերկնից յերկիր խօսեր զբարերարութիւն՝ զբարձ ապաշխարութեն մեղաւորաց. խոստովանելով զյանցանսն, և զզջանալով վաճն որոց գործեցին, և պտու զս արժանի ապաշխարութեն առնել . որ զզօրս հրեշտակացն ուրախացուցանի ըստ բանին տոն : Զի եթէ վասն միոյ մեղաւորի որ գտնոյ յապաշխարութի, ուրախութի է հրեշտակաց 'ի յերկինս, զի՞նչ պարտ է վասն արդարոցն ասել, առաքելոց և մարդարէից և մարտիրոսաց և վարդապետաց և Ճգնաւոր՝ կուսանաց և պարկեշտ ամուսնացելոց . որ ոչ ունին զաղտեղի շարժմունս և զինասակարս ոգւոց, և զամբարտաւանութի և զբարկութիւն, զատելութի և զնախանձ և զորովայնամոլութի . և մշակել 'ի ջանս բարեպաշտութեան և խլել 'ի միջոց զչար սովորութին յորդորմամբ սուրբ սիրով որ սիրեացն զմեզ :

Օ ի սատանայութի ոչ էր, մինչ ոչ էր հակառակեալ չարն բարւոյն : Զի յետ վեց աւուր՝ մինչ ոչ էր ստացեալ զամբարշտութե զմիտս, վկայի 'ի տեառնէ' թէ զամ զոր արար ած, բարի են յոյժ . զի թէ 'ի բնէ չար էր, ոչ զբարոյ վկայէր ածնս ամենակալ, Եւ յաւետարանոն 'ի տոնէ առ աշակերտոն ասի . Անչ էս լինտրեցի զձեզ երկոտասանս . և մինդ 'ի ձէնջ սատանայ է» : Զի ոչ զրպարտեաց զնա արդար դատաւոն նախ, մինչեւ եղեւ երեսյթ չարին և չար կամաց շարժեալ 'ի չար անդր . և ապա զսատանայ անուն առնու և քակի 'ի սուրբ պաշտամանէն, և 'ի կենդանաբար սիրոյն որոշի, և անյոյս լիեալ 'ի մահ զինքն ձգէ, որպէս դեքն 'ի ծովակն խոզիւքն, որք ասէին «Զի՞ կայ մեր և քո, Որդի այ . յառաջ քան զժամանակն եկիր կօրուսանել զմեզ, սուրբդ այ ու Գիտեն և նոքա զժամանակս դատաստանին իւրեանց և մեր, և ըստ արժանեաց զհատուցումնն անօրինաց և

անհնազանդից, անսրբոց և պղծոց: Զի սատանայ ոչ էր, մինչ ոչ էր ամբարշտեալ, և այժմ անզօր է ըստ ասելըն տեառն՝ թէ և Խշան աշխարհիս այսորիկ գատապարտեալ է, և ընկեացի արտաքսու: Զի խաւար ոչ էր և ոչ է, զի ստուեր է տարերց և ոչ բնութիւնը: Զի ածուղ սեաւ է քան զստուեր և որ այլ ինչ սեռութիւնք իցեն. և 'ի ծագել արեգական և լուսաւորացնոյնպէս կան սեռութիւնն բայց ստուեր որ է խաւար, 'ի գալլուսոյն լուծանի և ոչ ևս կայ ընդդիմ: Եւ մահ ոչ էր, մինչ ոչ էր պարտական լիեւալ մեզօք. և այժմ ոչ է 'ի յայտնել կենաց և յարութեն որ 'ի մեռելոց. և երկորին հրաժեշտ առին մահ և խաւար 'ի ծագելլուսոյ և 'ի գալ կենացն:

Եւ այս ամ յօրինուածք իրաց և օրինաց 'ի տեառնէ են: Եւ յաղագս այսորիկ որ քաջըն և պիտանիքն իցեն, պսակին ըստ լաւութե առաքինութեն, և թագ 'ի զլուխ մացեն 'ի հանդիսան լուսոյ և կենացն յաւիտենից: Եւ որ վատքն իցեն և ծոյլք և արհամարհութ այ պատուիրանին, ընկալցին զպատուհասիցն պատիժըս յանշեցին հուր գեհենին՝ որ կազմեցաւ նոցա: Զի առանց եպերանաց է արդար դատաւորին իրաւունք, որ առաջի ճշմարտութեանն փակեալ կան երկորին կողմանքն լաւացն և վատթարացն, որ փառացն է յոյս՝ և որ թշուառութեն և տանջանացն ակնկալութի: Եւ երկարանվութովքն իրատէ բարեաւն յորդորէ, և աշխեն զկծեցուցանէ, զի մի որ զրկեսից յաւիտեանցն խոստացելոց: Զի զերկոսին կողմանն սիրովն խնամէ. զքաջուն՝ զի մի յերկուասցին 'ի յուսոյն կենաց, և զվասուն՝ զի ահիւ տեառն ժամանեսցեն ասկաշխարութք յանկարօտ լիութի հնորհացն ընդ այնոսիկ՝ որ պարձանօք 'ի փառան վայելեն: Զի երեւեսցին հնորհքն տեառն 'ի վերայ սիրողացն, որք ծառայեցին տեառն ահիւ և սիրով. զի ընկալեալք 'ի տեառնէ ընդ մեծարեալսն և ընդ փառաւորեալսն, որդէզքութեն արժանաւորեալք, յանսպառ բարիսն Քմի վայելեսցեն ընդ ամ սուրբս: Զի ամենակալ ամենասուրբ երրորդութեն բարերարութին խնամէ զարարածս ամենագիւտ սիրովն իւրովէ ամենաշահ երախտեօքն իւրովք և ամփոփոխ ճշմարտութեամբն՝ որ յերեւելիս և որ

յաներեւոյթս ուղղէ, և ոչ թողու քայբայելոր'ի մեզ  
բարին մատակարարի 'ի մշտնջենաւորսն : Զի անեղծ  
է և անապական . ոչ ինքն փոփոխի, այլ զայլոն փոփո-  
խէ 'ի լաւսն . և զկենդանութիւն ստեղծուածոց զար-  
մանալի յօրինուածովք իւրովք՝ և զայոյն 'ի գոյ երե-  
ւելի ածէ, և զանարգմն առնէ պատուականս իւրովք  
յարդանօք և հանդիսիւք լաւութիւն 'ի գործ անդր .  
և զանյարմարսն յարմարէ պիսալէս յօրինուածովք  
'ի բարին . և զվիփակեալմն յերկմատութիւն փոխի 'ի  
հաւատարմութիւն իւր . և զատութիւն և զերդմահաշա-  
րութիւն զմենքնայս չարին ածէ 'ի ստուգութիւն :

Դաւեան կազմեաց ածային խրատուց սուրբ գրովք  
'ի լուսաւորութիւն ամանձին . հնարագիտութեամբ  
կենդանարար և կատարեալ իմաստիւք բարւոյ մասինն  
հաղորդել : Եւ զեկամուտ քաղն չար կամացն և չար  
խորհրդոցն և չար գործոյն խլել խոստովանութիւն :  
Եւ զխոպանացեալ միտսն 'ի ծուլութիւն և յարհա-  
մարհանս՝ ուղղէլ և 'ի գործ ածել բարւոյ և զգու-  
շանալ և զգաստանալ : Եւ զկամակորութիւն մտացն և  
մարմնոցն ածել 'ի հնազանդութիւն հոգեօր կարգաց  
և կրօնից . խլել և 'ի միջոյ 'ի բաց բառնալ զւար սովո-  
րութիւն աչիւ և սիրով : Եւ զամ շարժմունն յանձայ-  
ինան բերելով, և 'ի շահ և դրաց մեծաւ ձգամբք և վաս-  
տակօք մշակել յառաքինութիւն . և ցուցանել զհան-  
դէս մտերմութե 'ի կանուխս և անագանս, օրսէս զի  
երեւեցի պտուղ բարի : Որպիս լոյս ոչ փոխի 'ի խա-  
ւար՝ այլ զխաւարն լուսաւորէ, և ոչ կեանք 'ի մահ  
այլ զմահացեալմն կենագործէ 'ի տէր, այսպէս զան-  
արգմն թողութե զաւն մեծարել չնորհօք ամենակա-  
լին, երեւեալք օրսէս լուսաւորք յաշխարհի՝ զրանն  
կենաց ունելով յանձինս և յառաջնորդութիւն բազ-  
մաց՝ և կեալ անբիծ :

Ե հանդէս բարեպաշտութե ցուցանել զայս ևս  
ժամանակս ըստ արդարութե կարգացն, անարատ  
սուրբ և ձշմարիտ վարս ստացեալ գործակցութիւն բա-  
րերար կամօք արարչին : Մտերիմ և քաջասիրտ հա-  
ւատով զանարժան իրս հալածել և արժանաւոր օգ-  
տիւք զշահմն ժողովել, ուստի անուն քաջութե և  
պարծանաց յերկրի թողուլ . և յերկինս ամերարէ ըդ-

յաւիտենականն՝ ուր փառք և անսպառ բարիքն պատրաստեալ կան յուսացելոցն :

Աըք զաստիսս արհամարհեցին , կենդանաբար սիրովն և անձառ երանութեղին յուսով որ 'ի տէր՝ և վայելու ազատութիւն թագաւորեալք 'ի փառս բարձրեցին , և առ բեկումն թշնամինցն և 'ի բարձրանալ ընդբելոցն : Աըք հաւատով պարտեցին աստեն զհանապազորդ թշնամին , և անդ զուարձացեալ թերկըին սինանց ուրախութիւնն և անձառ բարութիւնը որ են 'ի հայր և յԱրդին և 'ի հոգին սուրբ : Ուստի մերժեալ են արտմականք անմ , և բղիսեալ են պէսպէս բարիքն՝ որ կան և մնան 'ի վայելումն կենացն անվախանից ամմ սրբոյ այ ըստ երանութեան սիրոյն սրբոյ , 'ի կոչումն հրաւիրանաց ուրախութիւն հարսանեացն : Աըք ըստ կամաց երկնաւոր հօրն պատրաստեցին զանձինս , որք և պսակին լուսաւոր պսակօք 'ի գովեստ փառացն այ յանվախճան խնդութիւնն : Վստ առեալ զառհաւատուեայ յուսոյն կենաց , և անդ կարգեալք ընդ երախտաւորսն 'ի ժառանգութիւնի արքայութիւն երկնից : Վստ ազատեալք յամնթոյ անարդանաց , և անդ 'ի վշտաց սպառնալեաց արդար գատաստանին 'ի պատուհասիցն տուժից և տուգանաց գառն տան ջանացն : Եւ զգուեալ արդար անուամբ սուրբ և Ճըշմարիտ պարգեօքն մեծացեալ , և յարդանօք և պատուով փառաւորեալ պարծանօքն , և այնպէս զերծեալք 'ի սպառնալեաց գեհենին և տանջանացն . հաւատացեալ 'ի բանն՝ որ 'ի վերայ ամբարշտաց և մեզաւորաց ասացաւ 'ի տեառնե . « Երթայք , ասէ , անիծեալք յանշել հուրն յաւիտենից , ուր ը լալ աշաց է և կրծել ատամանց . որ պատրաստեալ է սատանայի և արբանեկացն նորա » : Եւ առ հաւատարիմնն ասէ . « Եկայք օրհնեալք հօր իմոյ յարքայութիւն , որով 'ի սակաւուդ հաւատարիմ եղէք , 'ի վերայ բազմին կացուցից զձեզ . մտէք յուրախութիւն տեառն » 'ի մշտըն ջենաւոր կեանսն ընդ սուրբ հրեշտակս առ թագաւորն փառաց , որ ասացն . « Ուր եսն եմ , անդ և պաշտօնեայն իմ եղիցի » : Որ կենդանի ուրախութիւնն ուրախ առնէ զաիրելիս իւր ըստ իւրագանցիւր վաստակոց :

Օ խ իւրեանց ճգամբք մեծացան՝ ի տեառնէ, յան-  
պատում յանքննին յամենագիւտ սիրոյն ժառան-  
գութի, յանմահ և յանհամեմատ յանման և յան-  
կըլու լուսոյն ժառանգութի. զարթուցեալք<sup>1</sup> յերկ-  
րաւոր իրաց և 'ի զբօսանաց մարմնաւորաց. զմուտ  
ածել զհնարս զամենագիւտս զգուշութի և զգաս-  
տութի, որ 'ի յերկրի. զտիւ և զգիշեր անհատ խընդ-  
րովք ընդ տեառն զարմանալի լուսաւոր գեղն պշուլ  
ջերմեռամնին սիրով և յիշատակօք խոստացեալ որդէ-  
դրութն. անձկաւ 'ի նորա բարին փափաքել, և դրաւել  
ևս ընդ իւր զկամն շարժմանց մարմնոյն : Հիւթ ա-  
ռեալ 'ի տեառն սուրբ օգնականութեն՝ զի անարատ  
կայցեն. արտաքոյ լինել քան զամենայն ծուփս մար-  
մնաւորս, և ներքոյ վարագուրին մնալ սուրբ և անա-  
րատ 'ի հոգեւոր օրինացն պահպանութի, ամրացեալ  
և զգուշացեալ 'ի կամն տեառն : Եւ սուրբ զգաստու-  
թի զարթուցեալ 'ի վերին կոչմանն աւետիս, առնուլ  
զգրաւական սիրոյն զմիսիթարութի անարգել սուրբ  
շարժմամբք : Եւ բօրբռդմամբ սիրոյն յորդեալք 'ի  
կեանս անուշակս կենդանարար բանին, հաղորդու-  
թի սուրբ խորհրդոյն, յիշատակօք անձառիցն, նայ-  
ել ընդ գեղ խոստացելոց աւետեացն : Որպէս զմե-  
զուացն է իմանալ. որ 'ի ծաղկանցն զկարեղուն 'ի մե-  
զուոցն բերեն, և նոքօք գործեն զքաղցրութի զանու-  
շացուցիչ անգ դաժան և դառն ճաշակաց : Այսպէս և  
'ի կենարար խրատոն ժրացեալք, և յայնցանէ ընկա-  
լեալք զօդտակարմնիմաստութեամբ, առաջնորդեալ  
յամ բարեգործութիս առ 'ի սպատրաստութի հաւա-  
տոց և ճշմարիտ սուրբ վարուց. քաղցր յուսովի ըն-  
թանալ զանմոլար ճանապարհն՝ որ տանի 'ի կեանսն  
յաւիտենից, և հասանել յօթեանս կենացն 'ի դուռն  
փրկութէ : Մեծաւ ցանկութի և սաստիկ ծարաւով  
ճաշակել զանուշակս քաղցրութեն զբարերարին զիր-  
նաման, և 'ի նոսին վայելել միշտ զանճառմն մօտաւոր  
իմաստութեն 'ի Քո, սուրբ խանդաղատանօք 'ի նորո-  
գութիւն մերձեցեալ : Ընկալեալ զառ հաւատեաց  
կեանսն, և 'ի նոսին կալ մնալ անկարօտ յերանութիւնն

անսպառ միշտ յանձնառուն և յանրաւան լիեալ. անձանձրոյթ զուարթութք յափշութենէ՝ աշխարհիս զրոսանաց, որ շարժէ զմիտոն ՚ի մոլարսն, և զմարմինսն ՚ի հարուածո ցանկութեն. որ ամօթոյ և անարդանաց արժանի է՝ ՚ի պատիժո :

Այլ պարտ է՝ ՚ի յերկրի ուշ ունել և զվերինսն խորչել պատրաստութք հանցիցն այց, և վեր ունել զմիտուըն առ այն՝ որ ՚ի վեր քան զվերինս<sup>2</sup> և զներքինս է, որ պատճառք է մեր կենաց և փրկութեն. որ գործակիցս արար զմեզիւրբարերար կամացն առ ՚ի գիւտ կորուսելոցն և առ ՚ի պահպանութեն լաւացն: Եւ առաջնորդել ՚ի բարիսն, և մերձաւորս առնել զչեաւորս, և ընդանեցուցանել զօտարս. խնամօք մարդասիրութք հովուել ամենեցուն ՚ի փրկութեն և ՚ի կեանս հեռաւորաց և մերձաւորաց: Պատրաստ ունել զկամսըն առ ՚ի սպասաւորութիւ եղարց առ անմ պէտս բարոյ: Մերկանալ զցանկութիս չարին և զամ վնասակար խարդախութիս: Սուրբ սրտիւ և անթիծ վարուք և ուզիղ հաւատովլուստ ամենայնի յառաջանալ ՚ի տէր, և սիրել զնա ՚ի բոլոր սրտէ, և անքակ կալ ՚ի ծառայութիւ նորա սուրբ. և ՚ի նորա քարոզութէն լուսաւորել զամենայն զգայարանս, որպէս երկիր յարեգական ձառագայթից: Սոյնպէս և յիշատակք նորա փակեալ և ամրացեալ ՚ի խնամակալ սիրոյն և նորա ուսմանն կցորդ լինել սրբոց ՚ի լաւ անդք յորդորելով: Օգնական ունելով միշտ զնորհօ բարերարին. և յամենայնի գոհանալով օրհնել միշտ զամենակալն և զտուողն բարեաց ան, և փառս տալ՝ որ արժանի արար գործակից լինել իւրոյ բարերար կամացն:

Եւ մեք ցուցցուք՝ ՚ինեղութեն և յանդորրու զհանդէս մտերմութեն մերոյ առ տէրն. և նա ամնուազ զիւր չնորհմն պարզեւէ. զի զամցուն կամի զկեալ և ժառանգաւոր լինել անանց փառացն և մեծութեն որ ՚ի Քո Յա ՚ի տէր մեր: Եւ մեք որնովլաւ եղեաք փըրկեալք իւրաքանչիւր վաստակօք և առաքինութք և սրբեալք ՚ի չար ցանկութեց, և առիթ լիեալ բազ-

1 Միւսն յակագութէ :

2 Միւսն չերին :

մաց փրկութեն, և ճշմարտեալ՝ վարուք փոխել յերկը-  
րէ յերկնաւոր հանդիստն յանուշակ յաբքայութին,  
միշտ ընդ Գոյի լիեւալ և 'ի նորա երանելի բարութին  
վայելել: Եւ որպէս անդամօք կանգնի հասակ, այս-  
պէս բարի գործովք կանգնին հաւատք, և հաւատով  
ստուգի յոյս, և յուսովն հանդէսք: Եւ այնպէս յոր-  
դորել յածային սերն, ընդունել զնորհս հոգւոյն  
սրբոյ և 'ի վերագոյնս լիեւալ երկնայնոցն, անմաշից  
կենացն լիեւալ ժառանգորդ: 'ի բնակարանս սրբոցն'ի  
կենարար սերն ծաղկեալ գեղեցկագոյն փառօք յան-  
ճառելիոն 'ի մշտնջենաւորսն՝ փառաւորել միշտ զա-  
մենասուրբք զերբորդութին յաւիտեանս յաւիտենից,  
ամիչն:

ԵՐԱՆԵԼԻՈՅՆ ՄՐԲՈՅՆ ԳՐԻԴՈՐԻ ՀԱՅՈՅ  
ԼՈՒՍԱԽՈՐՉԻ

ՎՃՄՆ ՅՈՐԻԿՈՏԱԽՈՅՑ ԱՐԱՐԱԽՈՅՑ

Է

**Յ**ՈՐԺԱՄ բազմացաւ իմաստութիւն յաճումն չա-  
փոց հասակի արարածոց, և եհաս տղայութին յայր  
կատարեալ, զի բաւականասցի լսել բանիցն ձշմար-  
տութե, որ պիտոյ եղել քարոզութե մարդարէիցն  
զանմալար դիտութին սփռել՝ ի լսելիս մարդկան.  
զի հաւատով ընկալցին զանմալար իմաստութին զիսը-  
րատոն, և գիտութե արարցն և հաճոյիցն տեղեակ  
լիցին, 'ի ձեռն ձշմարիտ հոգեոր օրինացն և պահպա-  
նութե պատուիրանացն անվնաս կալ առ դժողակ  
վարս, և հանդիսանալ՝ ի բարի վարս, և պատճառ  
օգտից լինել հեռաւորաց և մերձաւորաց՝ ի փրկուի:

Եւ այս ամ յանհաս իմաստութէ արարցն մա-  
տակարարի յարարածս ամ։ որ լուսաւոր հառա-  
գայթիւքն զիմանալիսն լուսաւորէ. զի նորոգեսցէ  
զզգայարանս հոգեոր խրատուն. զի անկորուստ պահ-  
պանեսցի ածային կամացն հաճոյութի; Եւ արդա-  
րակիւռ իրաւամբք յառաջանալ՝ ի հանդէսն բա-  
րեաց. վկայ լինել արդարութե և ձշմարտութե ա-  
ւանդիցն: Եւ այս ամ՝ ի շինութի հոգեոր մասինն  
ժառանգաւորաց արքայութեն երկնից, և կարգաց  
աշխարհիս երեւելեաց և աներեւութից. և տեղեակ  
լիեալ ամ լաւութե կարգաց, և բնութե արարածոց  
հասու լինել:

Օ ի կարգեաց ած զաշխարհս որպէս դպրոց. զի  
ուսցին արարածք զինամս արարցն յառնելն և 'ի  
կաղմելն, և միշտ նախախնամութե նորա դարմա-  
նեալք որ երեխն և որ ոչն երեխն: Զի յուրնէ անտի  
սկիզբն արար միտին՝ և ած մինչ 'ի հազարս և 'ի բիւրս  
զիւրաքանչիւրսն. զի լաւութեան հանդիսիւք առա-

քինասցեն։ Եւ 'ի գլուխ ելեալ ամ վարքն առարինութե՛, 'ի վախճանի աշխարհիս պարզեց զանմահութե զպարդեւոն յանփոփոխելի և յանհամեմատ յածեղեն մշտնջենաւոր արքայութեն երկնից 'ի Քու Զի նախ 'ի սկզբան զմտացն խնդրէ զուղղութեն ընադիր բանն . և ապա 'ի մշակութեն կայուցանեառնել զօդտակարսն, և 'ի բաց կալ 'ի վնասուց։

'Ա և զքննութի արարածոց յօրինեաց որպէս զգիր դպրութե՛ և եղ անուանս, զի անուանքն զընտրութեն տայցեն զգքոյն 'ի միմեանց զրոշումն . և զիրն զբարս անուանն կարգասցէ։ Զի երկուս երկուս յօրինեաց, զի մին միւսոյն քարոզիչ իցէ . և բնութեցն երկուց՝ երկու անուանք պիտոյանսան, որ որոշեն զնոսա ՚ի միմեանց . և անուանյն՝ բնութիքն պիտոյ են, որ կային ունեին զանուանսն. զի Աւը, ասէ, աներեսոյթե անպատճաստ երկիր անմիւն . Եւ սկիզբն արարեալ բանիւ յօրինել զարարածս, կոչեաց, ասէ, զոյսն տիւ, որ յայտնիչ է արարածոց կազմածոց . զի զոր բանն յօրինեսցէ, լոյսն զյօրինուածմն յուցանիցէ . զի աներեսոյթեն և անկազմն ծածկեալ ուներ որպէս խաւար զերկիր։ Որպէս կոչեաց զոյսն տիւ, սկիզբն արար կարգելոյ պատմութեն, զի 'ի թիւ անկցին։ Եւ եթէ ոչ եր խաւար, լոյս իւ անուաներ տիւ, և կամ խաւարն զիշեր։ Դարձեալ քաղցր և դառն ասի՝ որ համահամ<sup>2</sup> քմացն ձանայի . և յանուանէ որոշի քաղցրն և դառն . և այս 'ի տեսչութէ արարոյին է հաստեալ։ Եւ լոյսն զմարդիկ յորդորէ յամ պէտս օգտի . զի ամ գիւտք աշխարհիս՝ գործոց կամ արուեստից<sup>3</sup> իւր աշխատութեն գինք իցեն աշխատութք . եթէ գարբնութի, եթէ մշակութի, եթէ ձանապարհորդութիւն և եթէ այլ ինչ պէսպէս արուեստք շահից, զոր ետ ամ ՚ի պատիւ անձնիշխան կամացն որպէս որդւոց 'ի խնամակալաւութի . և զգիշերն ետ ՚ի հանգիստ քնոյ՝ գարման աշխատութե՛, զի տկարութիւնն զօրասցի, և նորոգեալ հանգըստեամբն անդրէն 'ի տիւն գարձցի 'ի գործոն՝ որ օ-

1 Միւսն կագեալ:

է. Է-ը ունագութեն գիւն իշեն 'ի

2 Միւսն 'ի համակամ:

լուսանցան գիւն իշեն :

3 Միւսն որուեադից աւնագութի:

դուտ և շահ ստանայ : Որպէս քաղցրն և անուշն և գառն և կծուն 'ի պէտս բժշկաց տնօրինին, և որ այլն ևս : Որպէս զհամեմոցն է գիտել առ զանազան խորտիկն անուշել . զի սոքա յարդեսցին նոքօք , և նոքա սոքօք :

Այս և անուանս ունին . զի որպէս հանդիստ և աշխատութիւն կարօտ են միմեանց , զի աշխատութիւն շահիցն 'ի համագոտեանն վայելեսցէ , այսպէս է իմանալ զամ խառնուածս արարածոց 'ի միասին : Որպէս ցուրտ և տօթ , որ մինն զովացուցանէ և միւսն ջեռուցանէ <sup>1</sup> . Երկաքանչիւրոցն պիտոյացեալ գեղեցիկ խառնուածովք ըստ բարեաց արարովն՝ և ոչ 'ի պատիժս ինչ շարժեալ 'ի սահմանէն . զի «Սահման եդ , ասէ , որ ոչ անցանենո : Զի մարդ հնարագէտ է 'ի խնամակալութէ արարովն առ 'ի պէտս իւրոյ փըրկութիւն և վայելեսց 'ի բարութիւն անձնիշխան կամօք : Զի որպէս որդի 'ի հօր խնամն վայելիցէ . և ոչ որպէս ծառայ ընդ հարկօք , որպէս և այլ արածք իցեն :

Դարձեալ օգք՝ են որ ցամաքեցուցանեն , և են որ խնամակալուց մշակութէ առաքինութիւն յօրդորէ և յարուեստս շահիցն . և ցաւք՝ բժշկաց կարօտին այ և մարդկան : Այս և համբերութեամբ զժողութիւն սիսալանացն գտցէ , և վարձս ևս , որպէս և Յովլ . և անուանս ևս ունին : Սոյնպէս տրտմութիւն և ինդութիւն յօրժամ՝ ըստ իրաց աշխարհիս իցէ , մահ և ապականութիւն գործէ . իսկ ըստ այ լիեւալ , միսիթարութիւն ճնձեռէ , և յուսով զինդութիւն ըստ խոստացեալ բարեացն . և անուանս ունին : Սոյնպէս լիութիւն և կարօտութիւն միմեամբք յարդին <sup>2</sup> . զի լիութիւն կարօտութիւն վայելէ , և կարօտութիւնն զհանդէս ժուժկալութիւն ցուցանէ , և ժըրութիւն մշակութիւն ամենա բուեստ . և միաբանեալք օգուտս ունին և անուանս

1 Միւսն չեւաշանէ :

2 Մերն յուրաքն . եղաւ ըստ կին :

բուսանցիցն համեմատ միւսոյ զինա-

ըստ Երեւմանցն : Սոյնպէս Երկիւղ և անհոգութիւն, զի Երկիւղ անհոգութեւ ցանկայ , և անհոգութիւն Երկեղի . որ զգուշացուցանեւ 'ի կամս տն , և ոչ թռող յապիրատութիւն : Եւ 'ի միմեանս խառնեալ ըստ պատուիրանին՝ զօդտակարսն 'ի մեզ ամբարեն ըստ անուանն կուման : Սոյնպէս փառաւորութիւն և անարգութիւն միմեանց տեղի տալով 'ի սահմանին կան մնան , աղա թէ ելանեն ըստ չափսն , վնաս առնեն 'ի հոգեւորս և 'ի մարմնաւորս . որպէս և ամենեցուն քաջայայտ է այս . և յանուանցն ծանիցուք զիրսն : Սոյնպէս և բարիք և պատիժք ոչ են մի , և Երկօքին պիտոյանան . մին յորդորէ 'ի բարի գործս , և միւսն զհամարձակեան 'ի մեզս արգելու . և խոշտանգանօք լուծցեն զվարսն և գարձցին 'ի լաւն : Եւ բարեգործք մի մռասացին զրարերարն և զերանելի ժառանգութիւնն և զաւետիսն խոստացեալ , որ առաւելու 'ի բարիսն . և այնպէս զանուանսն առնուն :

Եւ ազատութիւնն ազատ են 'ի մէջ մեղաց և փառաւորեալ յանմի . և նկուն մեղքն 'ի մէջ արգարոց . զի ցանկացեալ արդարութեւ , և յիշեցեն զապառնալիս մեղաւորացն , և փութասցեն յապաշխարութիւն խոստովանութեւ , և ասլրեսցին 'ի բարկութիւն որ գալոցն է 'ի վերայ անօրինաց և անհնազանդից , անսրբոց և պղծոց . և լիեալ յարդարութեւ կեցցեն : Խոկ արդարքն որ ունին զառհաւատուեայ աղատութիւն որդէզրութեն 'ի ճշմարտութենէ անտի՝ յաւելցեն յարդարութիւն , զի լիցին կատարեալ որպէս և Հայրն Երկնաւոր . և միմեամբք զանուն առին : Եւ անանկութիւն կարօս է մեծութեւ , որ զեղու 'ի նոսա զիութիւն . և մեծութիւն կամաւոր սնանկութեւ , որ ամբըծութիւն և անարատութիւն հասցէ անանց մեծութեն : Այլ և արդարակորսվ մեծութիւն ոչ զրկի 'ի մշտըն ջենաւոր մեծութիւն . որ միմեամբք զանուանսն առին մեծութեւ . և անանկութեւ :

Եւ տկարութիւն և զօրութիւն ձեռնտու լիեալ միմեանց՝ գովելոյ արժանի են : Զի տկարութիւն զիսոնար հութիւն և զբաղցրաբարութիւն՝ ուսուցանեն , և

յուսով կալ առ իրաւունս արդար գատաւորին Քայլ։  
Խոկ զօրաւորքն Աշմարտեալք՝ բերդ ամուր լիեալ  
տեղաբացն , և օգնական և տուիչ բարեաց , որք ընդ-  
ունելոց են զանեղծութիւն և զանանց փառմն . որք մի-  
մեամբք զանուանն առնուն և զհատուցումն յա-  
րաբէն :

Խւ յիմարտութիւն և իմաստութիւն պիտոյ են յերկ-  
րաւոր վարս Յիմարն զհաւանութիւն և զհնազան-  
գութիւն առ իմաստունն ունի , դիտել առ 'ի նմանէ  
զլաւն . զի իմաստութիւն զառաշնորդական միտս բա-  
տացեալ ունի , որ խրատէ և ուղղէ յարդարութիւն ,  
որ հաւանութիւնը մոցէ յարբայութիւնն . զի յիմարն  
այ իմաստնագոյն է քան զիմաստունս աշխարհիս  
Խոկ այ իմաստութիւնն նախ զի սուրբ է , և ապա խա-  
զազարար . լի բարեօք և արդար պաղովք . որ 'ի վե-  
րինսն տանի 'ի փառմն , և ոչ ըստ օձին խորաման-  
կեալ և պատժեալ . այլ ըստ անուանցն ծանուցեալք  
յանմեղութիւն իմաստիւք :

Հաջողութիւն և տիմարութիւն առ միմեանս օգուտս  
գործեն , միօյն շահս աջողութե՛ , և միւսոյն կատա-  
րումն պիտոյից յոր ինչ ցանկութիւն է : Եւ երկո-  
ցունցն հարկաւոր է հաւատարմութիւն ըստ գործոց  
արուեստին և վարձուցն՝ որ 'ի կամն նախախնամաղին  
լիցի , և որ զանուանն առցէ :

Խւ կեանիքն կենդանի են յարդարութե՛ կեցեալ .  
և մեռեալքն մեղօք և տարակուսանօք 'ի մահ , որոց  
տաննամքն մթերեալ կան : Եւ կենդանիքն որ 'ի սէրն  
այ և 'ի սրբութեան և 'ի հաւատս Աշմարտութեան  
և 'ի յոյսն հաստատեալ կանյառհաւատչայ կեան-  
սըն՝ զնոցայն ոչ մահ , այլ կեանք 'ի գրոց իմանալի  
է . և քուն , զոր Քրիստոս յարուցանէ բանիւ 'ի ձեռն  
հրեշտակապետացն փողոց : Որոց զլարիսն գործեալ  
են՝ փառք և անմահ կեանք , և որոց զւար արարեալ  
տանջանք և անմահ մահն որ յաւիտենից : Եւ այսոր  
ամի աշակերտ արար զմարդն , զի անձնիշնան կամօք  
ինդրէ զօդտակարսն և որոշէ 'ի վսասակարացն , և 'ի  
հարկի կալ առ արինութենցն՝ յուսով որ 'ի որ : Զի

1 Միւսն առաջնորդ :

առցեն զանուն եղբայրութեն որ 'ի Քո, և վայելես-  
ցեն 'ի նորա բարիսն, և զերկոսին կողմանս յօդուաս  
կազմեալ: Զի արդարակորովքն՝ երանութերքն պսա-  
կին ըստ առարինութեն: որ պարծանօք ըստ համ-  
բերութեն գովին 'ի տնել, և անփիշտ ունին յազա-  
տութեն զհամարձակութին յիրաւանց արդարութեն: և  
երանութերք պսակին:

Վար ած զերելելի արարածս զգայականս դար-  
մանիւ մարդկան կենաց: Որպէս երկինք ամբովք և  
յօզովք և լուսաւորօք իննամէ և հասուցանէ զար-  
տուզս բուսոց և մնկաց: Որ և հոգմոց պիտոյանան  
ըստ ժամանակի հովուց և ջերմութեց: որ սնուցա-  
նէ և անվնաս պահէ: և ջրով ոռոգանէ զերկիրս և  
արբուցանէ զմարդիկ և զանասունս, զգազանս և ըզ-  
թաչունս և զամենայն զեռունս և զողունս և որ ու-  
նին շոնչ կենդանի:

Եւ Եթէ գառնան մարդիկ 'ի ստահակութիւն կա-  
մակար մոօք, նովին դարմանօքն որով իննամէք՝ տան-  
ջէ և խրատէ անբերութեր և բարկութեր զանդարձն: Զի  
նոյն արարածք որ դարմանիւք առնին ըստ իրա-  
ւանց վայելել 'ի բարութիս, յորժամ յղփանայ և ե-  
լանէ արտաքս քան զսահմանն, օրինադիրն յոյն-  
ժամ զնոյն զայեակ զայրացուցանէ և նորօք խրա-  
տէ: զի սովով և նուազութեր ամենայնիւ յողախո-  
չութիւն ածէ: Այլ և ցրտով և ջերմաւ զտունկս և  
զրոյս ապականէ, և զանձրեւս 'ի կարկուտ և 'ի  
ձիւն դարձուցանէ, և զցող եղեմամբ վնասակար, և  
զառողջութիւն 'ի ցաւս զմնազանս, և զինդու-  
թիւն 'ի արտօնութիւն, և զփառս յանփառութիւն:  
Եւ ամենայն յաջողուած բարեաց 'ի թշուառութիւն,  
և զօդտակարմն 'ի վայելել բարեաց 'ի գմնդակս և  
'ի վշտագին 'նեղութիւն: Եւ զիսաղաղութիւն և զվի-  
նութիւն որ պարսպեալ ունին իննդամառութեր, 'ի խռո-  
վութիւն և 'ի տարակուռանս դարձուցանէ և յանհնա-  
րին չարիս: խռովութիւն ընտանեաց և օտարաց, ծա-  
ռայից և տերանց և 'ի պետական չար համբաւս: զի  
ոյսոքիւք դարձցին 'ի զզումն:

1 Միւսն 'ի Հայոցն:

Վագա եթե, 'ի նոյն յամառեալ կայցեն 'ի չարիսն ,  
և ոչ դաւանան խոստովանութիւնը յասպաշխարութիւն ,  
խրատէ մեծամեծ պատժօք արդար դատաւորն , Ուրբ  
պղծեն զսրութիւն անսուրբ վարուք , և արհամար-  
չեն զօրինս և զիրաւունս սննանկաց և զողորմութիւն  
կարօտելոց , և զՆշմարտութիւն անիրաւութիւնը ունին ,  
և անտես առնեն զարտասունեղելոց , և ձայնի զրբ-  
կելոց ոչ լսեն , և որ այլ ևս իցեն չարիք : Եւ յա-  
դագս այսորիկ մասնէ արդար դատաւորն 'ի սով և  
'ի սուր և 'ի գերութիւն և 'ի կորուսու : Եւ որպէս ա-  
սաց նոր 'ի ձեռն օրինաց և մարդարեից դառնալ  
յամբարշտութէ և ոչ լուան , և աղաղակեցին առ-  
նոր և ոչ լուառ 'ի նեղութիւն իւրեանց , որպէս ասա-  
ցաւ 'ի դրոց սրբոց : Զի կամք անձնիշխանականք որ  
ոչ գոն յիրաւունս արդարութիւն և 'ի դարմանս աղ-  
քատաց և սննանկաց՝ պատժին :

Քայց բարերարն ած ըստ բազում սիրոյն իւրոյ  
որ սիրեաց զնարդիկ , խրատելով խրատէ և 'ի մաշ  
ոչ մասնէ , և ոչ սատակէ և ոչ բառնայ զյիշատակս  
ստահակաց և անզգամաց : Այլ զի ոչ զիտացին գո-  
հանալ զարդեացն 'այ և հնազանդել օրինաց նո-  
րա , մասնէ զփառս նոցա և զրդփութիւն 'ի ձեռս թը-  
շուառութեն ոզրոց և արտասուաց արժամաւորս : Զի  
խրատեսցին և չՆշմարտեալք սրբէսցին և մոցեն ընդ  
ինամօք բարերարին , զործել միշտ զբարիս առաջի  
նորա . և 'ի բաց կայցեն 'ի գմնդակ և յանառակ վա-  
րուց , և մի զերախտաւոր կարգս յապախտաւորս փո-  
խեսցեն , և զժամանակն խաղաղութիւն և անդորրու-  
թիւն 'ի գառնութիւն և 'ի հարուածս չարաչար ախ-  
տից : Եթէ փոխեն զզմնդակ վարմն 'ի լաւութիւն ,  
գառնայ և ժամանակն 'ի խաղաղութիւն . զի զործո-  
կից եւմի տերութեն ինամօք և համառօտ դատաւո-  
րութիւն : «Փառք և պատիւ և խաղաղութիւն զործո-  
զայն զբարին , ասէ Աբարեան երանելի . և բարկու-  
թիւ և որտմութիւն և նեղութիւն , ասէ , 'ի վերայ նմի՝  
որ զործէ զարոյ : Ազդ բարեգործքն բարեկեցիկք  
են 'ի բարութեան նորա , և ժառանցիք դարմանց

նորա և խնամոց և աւետեացն որ 'ի քս : Զի յերկ-  
րի 'ի խնամն նորա վայելեն, և յուսով ըստ անսուտ  
խոստմանցն ժառանգեն զանսպառ բարիմն ըստ ար-  
դարութեն : Խակ անհնազանդն և անառակբն դոր-  
ծակից են սպառնալեացն տն . որ փոխեն զքաղցր ժա-  
մանակ խնամոց նորա 'ի դառն հատուցումն տուժից  
և տուգանաց և պէսպէս հարուածոց :

Ջես որչափ իշխան է մարդն . զի և զանձ 'ի կամն  
իւր ածէ յառնելն զբարին : Զի «Ոչ կամիմ, ասէ առ  
մարդարէիւն, զմա՞ մեղաւորին . որպէս զդառնալ  
նորա 'ի չար հանապարհէն և կեալ» : Զի արդար  
դատաւոր է և ըստ արժանեացն դատի, որ ինչ դոր-  
ծէ մարդյաւուրս իւր՝ եթէ բարի և եթէ չար : Եւ  
իշխանութեն է մեզ փոխել զժամանակն՝ բարի դոր-  
ծով 'ի բարիս : Եւ դարձեալ 'ի չար, եթէ մեղսա-  
սէրք լիցուք : Զի մեզ է զիսոյտանդանսն 'ի գգուանս  
դարձուցանել . և դարձեալ զնոյն սէր՝ 'ի բարկութի :  
Զի ոչ 'ի բաց թողու 'ի ստահակելն . այլներէ, զի դար-  
ձեալ զզացին և հնազանդեացին ընդ ամենացութ  
խնամոց բարերարին այ : Զի ասէ . «Ոչ եկի կոչել  
զարդարս, այլ զմեղաւորս յապաշխարութի : և ոչ է  
պիտոյ բժիշկ ողջոց, այլ հիւանդաց» : Եւ դարձեալ  
մարդարէիւն ասէ . «Վրդարութի արդարոյն 'ի վերայ  
նորին եղիցի 'ի կեանս . և անօրէնութի անօրինին 'ի  
վերայ նորին եղիցի 'ի մահ, եթէ մնասցէ 'ի նմին» :  
Եւ եթէ դարձցի արդարն 'ի մեզս, մահու մեռցի . և  
մեղսաւորն յարդարութի, կելով կեցցէ :

Լ ոեն զարդարդատաստան արդարոց և մեղսաւորաց  
'ի տեառնէ : Որպէս զիարդ և կամիմք, կարեւիք փո-  
խել զաւետիմն 'ի սպառնալիս և 'ի պատուհաս : Կա-  
րող եմք և զիեանսն մեր փոխել 'ի մահ, և զմահն 'ի  
կեանս . և զարկեալ սահմանն այ որպէս կամիմք՝ շըր-  
ջեմք 'ի բարի և 'ի չար . որ այ միայն է կարողութի :  
Ըստ մարդարէին որ ասէ . «Եթէ ախորժեսնիք և լը-  
ւինիք ինձ, զբարութիս երկրի կերինիք . և եթէ ոչ  
կամիցիք լսել ինձ, սուր կերիցէ զձեղ . զի բերան տեա-  
ռըն ամենակալի խօսեցաւ զայս» : Եւ Վապեալ ասէ .  
«Վմենայն ինչ վասն ձեր է . եթէ մահ, եթէ կեանք,  
եթէ աշխարհ, եթէ անաշխարհ, եթէ բարձրութի,  
եթէ խորութիք . գուք քսի, ասէ, քս այ» :

Այս զի ասաց՝ ամ ինչ ձեր է, որ 'ի կեանս իւրեանց նորա կենդանի սիրովն և կամօք յաշխարհի վարին։ Զի որպէս ըուրուառն որ անուշահոտ խնկովք ուրախ առնէ զմերձաւորս զմեծամեծս և զփոքունս, այսպէս դաւանութեն մերոյ հոտ և մաքրութեն բուրեսցի առաջի քոի հանապազլ Եւ զի ատէ՝ եթէ մահ, զի մահն մեր որ վասն քոի՝ վլոյ լիցի սիրոյն նորա։ այնպիսի մահուամբ փոխեսցուք յանմահական կեանմն անեղծութենն, որ 'ի Քո Յու Զի Զի ոչ միայն այնոցիկ է պատուական մահ, որ զլկայութեանն աստիճան առին 'ի ժամանակի հալածանաց սրով և հրով և ջրով և կամ այլ<sup>1</sup> ազգ ինչ չարիւ, այլ ամենիբեան որ 'ի Քո մկրտեցան և զբու զգեցան, զին մարդն մերկացան գործովք հանդերձ, և զգեցան զնորն նորոգեալ որ ըստ պատկերի այ է յարդարութեան և 'ի սրբութեն և 'ի Ճշմարտութեն։ որք մեռանն մեղաց, և կենդանի են միշտ արդարութեն։ «Զի որպէս յարեաւ Քո 'ի մեռելոց փառօք Հօր, նոյնպէս և մեք 'ի նորոգումն կենաց շրջեսցուք» ասաց։ Զի մեռաննելն մարմնով և մտաց մարմնաւորաց և կեալ սրբութեն և անարատ ըստ արդարութեն օրինաց աւետարանին Քոի, կարասցէ ասել։ կենդանի եմ այսուհետեւ՝ ոչ ես, այլ կենդանի է յիս Քո։ Զի եթէ այս աշխարհ՝ որով զհանդէս առաքիւնութեանս ցուցանեմք, և եթէ հանդերձեալքն, ամ նովաւ և 'ի նորա խնամն և 'ի փառս կատարի, որ զամ յանմի ընու և 'ի խորութեն և 'ի բարձրութեն։

Դարձեալ խորութիւն զտկարութիւն մարմնոյն է իմանալ յերկրի, և Քոիւ վերանալ 'ի բարիմն։ Խոկ բարձրութիւն զջըրութիւն հօգւոյ ըստ երկնայնոցն և անմահիցն որ 'ի Քո։ «Ամենայն ինչ ատէ, Քոի ձեր է. և դուք նորա 'ի փառս Հօր և Հոգւոյն»։ Յորժամ զբանն նորա պահեսցուք և մնացուք 'ի սեղն նորա և յանարստ վարս, այնուհետեւ ոչ ես է զմեզ մարմնով իմանալ, այլ հոգւով. զի որ Հոգւովն այ վարին, նոքան որդիք այ և ժառանգակիցք Քոի։ Զի եթէ չարչարանացն կցորդիմք յերկրի, և փառացն հաղորդվինելոց եմք յերկինս, որ կան և մնան։ Զի թէպէտ

1 Միւռն այլ ուժի ուժի լուրդ։

և գիտեմք յաղագու փրկութեն և կենաց, այլ արդ ու  
ևս նոյնպես գիտեմք։ Այլ ած ամ յամի անձառելի,  
որ սիրովն ինսամէ զարարածս ամ, և խոստացեալ է  
տալ զարքայութին և զանսպառ բարիսն՝ որ 'ի հայր  
և յԱրդի և 'ի Հոգին սուրբ։ Որում փառք յաւի-  
տեանս։

ԵՐԱՆԵԼԻՈՅՆ ՍՐԲՈՅՆ ԳՐԻԳՈՐԻ ՀԱՅՈՅ

ԼՈՒԾԱԿՈՒՅՏ

ՅԱՆԴԻՄԱՆՈՒԹԻՒՆ ԴԻԱԴԱԿ ՎԱՐՈՒՅՑ  
ԵՒ ԸՆՆԱՅՈՒԹԻՒՆ ԱՌԱՋԻՆՈՒԹԻՒՆ ՀԱՆԴԻՄՈՒՅՑ

Ը.

**Դ**ԱՐՄԱՆՔ մարդարեից և առաքելոց բարողութիւնը յառաւելութիւնը բարեաց զմեզ ընթացուցանեն ըստ լաւ մասինն որ 'ի Քու Եւ գլխաւորելով յառաւելուն յորդորեն, որ դրունք են ամ բարութեց և երանութեց. և ընդ նոսա մտանեն աւետիք խոստացեալ պարզեացն այ 'ի հոգեոր գարմանման. Այլ և 'ի մարմնաւորմն լիութիւն և առատութիւն և խաղաղութիւն այլովքն հանդերձ հարկաւորօք: Եւ բարուելք յուսոյն կենացն յաւիտենից և չնորհք աներեոյթ սիրոյն՝ որ են գանձք գիտութեն և իմաստութեն, որով գիտէ ընտրել զաւն 'ի վատթարեն, հաստատեսցի 'ի մեզ որ հոգւով վարեսցուք: Եւ այս վասն ընտրութիւն առնելոյ ՚ի միմեանց առաքինեացն հաւատացաւ. և անհաւատիցն լքումն տայ առ 'ի յընտրել զբարի հաւատ ածդիտութեն: Եւ արդարքն մի վրիպեսցեն 'ի փրկութեն յուսոյն: Այլ և զդժնդակ վարսն զամենաւարն և զամենավսամն սանձել, որ դրունք են բարկութեն և սրտմտութեն, սովոյ, օրոյ և գերութեն և պէսպէս չարի: Զի՞ որ աղըիւրն է ամ բարեաց և արարիչ ամ արարածոց, երկնաւորաց և երկրաւորաց, հոգեորաց և մարմնաւորաց, ամենազօքն ամենական երախտաւորն ամ կենաց, ասէ. «Ես եմ տէր ած ձեր. զպատօւիրանս իմ պահեցէք և կեցնիք»: զի զամենեան կամի զի կեցցեն և 'ի գիտութիւն շշմարտութեն եկեսցեն: Եւ այսպէս զամենեսեան կոչէ 'ի կեանս իւր. որ կենաց տուիչ և գարմանիչ է ամենահնար բարերարութիւն:

**Պ**արտ է զնա սիրել յամ անձնէ և 'ի զօրութէ և

'ի մօտաց , այլ և զբնկերս իբրև զանձն ամ սրբութեր . զի ապրեսցուք յաշխարհէ աստի չարէ ըստ չնորհայն այ որ 'ի մեջ Եւ սամնձահարելզգ մնդակ բարսն , և զանհաստատութի մտաց 'ի հաստատութի յուսոյ 'ի նեղութե և յանդորրու : Եւ ատել զանառակութիս՝ որ զբնութին շարժէ և պղտորէ , և 'ի պոռնկութի և 'ի չնութի հակամիտէ : Զի պոռնկութի ստերիւրէ 'ի պէսպէս անարժան հրապոյրս վնասուց . և վրիպեցուցանէ 'ի հաւատոց և 'ի սուրբ վարուց 'ի պատրանս մեղաց , յանառակութիս աղտեղիս :

Վրդ փախիցուք 'ի պոռնկութի 'ի մօրէն չարեաց , որ յորդորիչ է ամ չարեաց . զի զրազումն կորոյս ջրով և հրով և այլ և այլազգ պատուհասիւք պէսպէս , որպէս ասեն զիրք : Զի որ չնոյ կամ պոռնկի , կորուստ անձինն ստանայ . և 'ի տեառնէ 'ի բաց եկաց անսուրբ անձն : Զի տաճար են սուրբք ամ ամենասուրբ Երրորդութեն . և տաճար դիւաց են պոռնիկք և շունք : Զի զկոյսս ապականէ և մերժէ 'ի տեառնէ , և զամուսնութիս քակէ և ընդ բազում չարեօք առնէ : Զի վասն պոռնկութեան զկախարդս յօգնութի պղծութե ըստ հրապուրանաց սատանայի առնուն կաշառօք : Վասն պոռնկութենախանձու զչաբն և զզազիր խորհուրդ աղտեղութե միշտ ունին : Վասն պոռնկութե ոխութիք և այլանդակութիք 'ի կորուստ արանց և կամսանց լինի : Վասն պոռնկութեան դժպչութիք և Երդմնահարութիք և ստութիք և գողութիք : Վասն պոռնկութե հեղդութիք և աղօթիք և պահոց և պղերգութի առ 'ի գործ : Վասն պոռնկութե բազմավնաս նենգութիք նիւթին և քենք առ օտարս և ընտանիս : Վասն պոռնկութե խորամաննկութիք և պէսպէս մահք յայտնիք և գաղտնիք : Կէսք յորովայնի Հմէն և տարածամանցուցանեն զմաննկունս , և կամդեղովք ապականեն յորովայնի . և է որ զծնեալսն սպանանեն : Եւ է զի մնոյ տերն և սեղեին 'ի միմեանց մեռանին , կամ յայտնի մարտիւ կամ գաղտ իւիք չարիւ : Եւ է զի հոմանիքն 'ի միմեանց խողխողին 'ի վերայ բողիցն : Եւ է որ բողքն խազս ինչ ուսանին 'ի կախարդաց , զի սպանցեն զարսն վասն հոմանեաց ցանկասիրաց :

Այս բազում չարիս ունի ախտիցն ցանկութե՛ յարա  
և 'ի կանայս , զօր ասելն կամ լսելն զազիր է մաքրե-  
ցելոցն մասց և սրբեցելոց : Այլ զասացեալն և զօր  
ասելոցս եմ , լուիցեն որբ յայտոսիկ 'ի սատանայէ ըմ-  
բըսնեալ են : Զի արքեալ է ախտիւ պոռնիկն . վասն  
որոյ մարգարեն ասեր . ավայ որ արքեալդ էք 'ի ցան-  
կութե՛ և ոչ 'ի գինւոյ : Զի ամ չարեաց պատճառ  
պոռնկութին է և մայր մեղաց և գուռն ամ չարեաց  
նստելոց 'ի մեղս : Զի վասն այսորիկ գայ բարկութե՛ այ  
'ի վերայ երկրի , սովոյ և սրոյ և գերութեց և պէս-  
պէս ախտից . խռովութեց ընտանեաց և օտարաց ,  
ծնողաց և ծննդոց , ծառայից և տերանց . յորս կադք  
և կուիք և մահք :

Վա ևս չարագոյն քան զասացեալս է ախտիցն գար-  
շութիք . որ և քան զանասունս և զգազանս և զսո-  
ղունս անարգել են յախտո , որ յանասունս և յարուս  
պղջին . թողեալք զպէտս իդութե՛ արուացն և իդա-  
ցըն , բորբոքեցան ցանկութե՛ք իւրեանց յանասելի  
աղտեղութին . զօր և ոչ է տեսանել յայլ 'ի ննչաւորս  
զգարցութե՛ ախտիցն : Ավարեացն և անարգել ախ-  
տին . որ արտաքս ելանէ քան զսահմանն , և զլուխ է  
ամ գմնդակ չարեաց : Առաջին օրէնքն քարկոծ առ-  
նլին և կամ հրով այրէին . և նորս՝ արտաքս ունի  
յեկեղեցոյ և 'ի ժողովրդոց . մինչեւ բազում լալով  
'ի տուէ և 'ի զիշերի 'ի խորզ և 'ի մօխիր պահօք ա-  
պաշխարեսցէ , անհատ աղօթիք և աշխատութեամբ  
բեկեալ սրտիւ : Զի թէ տերն զհայելն 'ի կին պար-  
տաւոր առնէ շնութե՛ , վասն այլ գարշութե՛ ախտիցն  
զինչ պարտ է ասել զպատիժմն : Եւ գարձեալ որպան  
երանէ զմաքուրմն . քանզի ասէ . և ըրամնի որ սուրբ են  
սրտիւք , զի նորա զարծ տեսցեն հոգւով :

Ովբաւական է ասել զսրբոցն զհատուցումն , զած  
տեսանել և յանպատումն վայելել : Զի եթէ զարե-  
զակն տեսանեմք յետ գիշերային ցրտութե՛ 'ի թե-  
ռուցանել 'ի լուսաւորել ինսդամք , որ փոփոխելի և  
անցաւոր է . իսկ զանձառելի լցոն զնորա արարչին և

1 Միւսն հագուր և սսորբ հրայն :  
Այլ :

2 Մէրն ՀՀ բան . . . 'ի ընտառ-  
շանել :

զմեր զի՞նչ պարտ է ասել զանհամեմատ բարին ած :  
Որ լցուցանէ զսրբոյն անձինսն չնորհօք և վայելեցու  
ցանէ յանրաւ բարին և յանվախճան երանութիւնն  
և յանսպառ ուրախութիւնսն Զի ոչ զնոմանութիւնն  
կայանիցն և զանձառիցն հնար է ասել . բայց որ  
սուրբքն են սրտիք և անարատք անդամօք մար-  
մոց, նոցա երեխ Քո անձառապէս : Բայց եթէ ան-  
սուրբք իցեն հոգւով և մարմնով, ապաքէն 'ի սըր-  
տէն առնուղ զանդամանս գործոց մարմինն . զի 'ի սըր-  
տէն, ասէ տէրն, ելանեն չար խորհրդոցն չարիքն, և  
մարմնով պղծի, Եւ զի ասէ, «Եթէ ակն քո կամ ձեռն  
կամ այլ ինչ անդամ գայթակղեցուցանէ զքէզ, հատ  
զնա և ընկեա 'ի քէն » . և այս հրաման ոչ զանդա-  
մոցն հատանելն ասէ, այլ զցանկութիւն շարժման ախ-  
տիցն որ 'ի նոսա դործի 'ի կորուստ անձինն . զի լուց-  
կիք է պոռնկութիւն անշէջ հրոյն ամ չարեօքն հան-  
դերձ :

Եւ յորժամ փրկին զառաքեալսն յաշխարհ ա-  
ռաքէր սերմանել զրանն Շշմարտութիւն յանդս մոտաց  
հաւատացելոց, և նովաւ ածել 'ի կարգ ուղղութե-  
նախ զփուշն իսլել զցանկութիւն բուսոցն հրամայէ, ըդ-  
կամն մարմնոյ և զմոտաց, և հնազանդել աւետարա-  
նին . և ապա սերմանել զաւետիս հրաւիրանայն . կո-  
չել խոստովանութիւն յապաշխարութիւն և 'ի հաշտու-  
թի ամցուն արարին : Եւ հնազանդեալք ըստ աւե-  
տարանին քարոզութեն, արժանաւորիլ սուրբ երախ-  
տեացն կենդանի յուսովն, զի ժամանեսցուք յօթե-  
ւանս կենացն յաւիտենից 'ի Քո Յոթ : Եւ 'ի ժողովս ա-  
ռաքելոցն վասն ինոդրոյն այսորիկ հրեից և չեթանո-  
սաց նախ զայս աւանդեցին, և ընտրեցին 'ի բաց կալ  
'ի պոռնկութէ և 'ի հեղձուցելոյ : և յարենէ : Որոց  
արարեալ զայս բարի գործս, ստանան անձանց զար-  
դիս և զապառնին :

Մկիզեն նախ զպառնկութեն հատումն առնէ, զի ըգ-  
բազում ոստո որ 'ի նմանէն վնասք՝ խափանեսցին . և  
զմեռելոտի գործս և զուտել արգելցեն և զարիւն  
նորին . այլ և որ 'ի սպանութիւն մտաքերեն, այսպէս :

խափանեսցին : Զի հնազանդութք նուանեալք առ սրբութիւն և պարկեշտութիւն և խոհականութիւն, և ընտանացեալք հաւատով մացեն յաւետիս խոստացեալք բարեացն : Եւ զգմնդակութիւնն ամմատել և ՚ի բաց ընկենուլ սպառնալէօք անվախճան տանջանացն, որ պատրաստեալ է ՚ի տեառնէ անսրբոց և պղծոց ՚ի պոռնկութիւն : Զի եթէ մեռելոտի ուտել և զարիւն անամնոց ըմպել եղիութիւն և թշուառութիւն առաջի կայ, որբան պատիժք որ զազգակիցս վոտանդեն նեղութք, զոդիմն և զմարմինս Ճնշեն պէսպէս վոտանդիք և դառն տանջանոք և մահուամբ յարգար դատաւորէն պատրաստեալ : Եւ Առաքեալ ասէ . «Մի խարիք . ոչ պոռնիկք, ոչ շունք, ոչ իդացեալք, ոչ արուագետք, ոչ գողք, ոչ սպանողք, և որք զհետ այսոցիկ, զարբայութիւնն այ ոչ ժառանդենո, այլ զանշէջ հուրն . ըստ մարգարէին՝ թէ «Հուրն նոցա ոչ շինանի, և որդն նոցա ոչ մեռանիու : Զի պատուական ասէ զամուսնութիւն և զանարատ անկողինս, և նախապատիւ զկուսութիւն . այլ և զպոռնիկս և զշունս դատի անձ : Եւ զարձեալ ասէ . «Դուք տաճար էք այ, և հոգի այ բնակեալ է ՚ի ձեզ» : Այսինքն անարատ յաղտեղութիւն : «Զի սուրբ է տաճար քո սքանչելի արդարութք» : ասէ Դաւիթ : « Եւ եթէ ոք զտաճար այ տոպականնէ, ապականեսցէ զնա անձ . զի տաճար այ սուրբ է, որ եք դուք ՚ի մէջ կամակոր և աղտեղի աղդաց » :

« Զի որպէս ջրհեղեղաւն ապականեցաւ երկիր, որ գէջ պղծութիւն էին ապականեալք, մեք զիարդ ոչ երկիցուք, որ այսպիսի մեղաց բարկութիւն վկայ ունիմք զհամաշխարհական կորուսան ջրհեղեղին : Այլ և զՍոդոմի զԴոմոր հրովար ծծը մեջ ծծը տուրեալ ըստ ջերմութիւն և զաղիր ախտից, որովք ըմբռնեալ էին՝ սատակեցան հինգ թագաւորացն պղծեալ տունքըն հանդերձ լրիւ իւրով երկիրն : Եւ զայս երկուս հարուածս յաղագս գիծութիւն և պղծութիւն երկուս վկայս կացոյց ահաւոր դատաստանին, որ լինելոց է պատիժս այնպիսի պղծոց յաւուրն այցելութիւն ամ ազգաց : Զի որպէս էին, ասէ տէրն, յաւուրսն Նոյի, կանայս առնէին և արանց լինէին և յուրախութիւն

վայելէին, մինչեւ եկն ջրհեղեղն և կորօյս զամենեւ սեան առ. հասարակ. նոյնպէս և յաւուրս Նովտայ՝ ի փափկութեւ և յամ ուրախութեւ վայելէին, այլ և յան առակ ցանկութիս, մինչեւ տեր եշան զնովոտ անտի, և զնոսա այրեաց առ. հասարակ հրով. բայց դուք լոյս էք՝ ի տեր՝ ի սրբութեւ ։ Խաւար ասէ զգործոն խաւարի, որ ու զոյ՝ ի լոյս ։ Խոկ՝ ի խաւարէ մեղաց զերծեալ սուրբ լուսոյն երեխ։ Դարձեալ ասէ, թե որ մերձենայ՝ ի պոռնիկն՝ մի մարմին է. զի որպէս միով մարմնով մեղքն կատարին. զի հասարակաց է չարն՝ ի գործելն ՝ ի խօսելն ՝ ի տեսանելն ՝ ի լոելն, և այլ ամ խծրիծք չարեաց նոցին ։ Եւ որ մերձենայ՝ ի տեր՝ մի հոգի է, ընկղմեալ՝ ի կենդանի սրբութեան ։ Զի սրբեալ անդամքն մարմնով և հոգւով միաւորի ընդ Քոյի՝ ի կեանսն հաւատով և չշմարտութք, և լինի սուրբ անդամքնի հանդերձ ամ առաքինութքն ։ Զի կարասցէ ասել առ մարտ թշնամոյն ։ արդ առեալ զանդամն Քոյի՝ առնիցեմք անդամ պոռնիկ։ քաւ լիցի զրբութիս մատնել յանմաքրութի ։

Օ պոռնիկն բազում անդամ վանդեր Պաւղոս վասն պղծութեւ և խրատէր, և մաաներ՝ ի ձեռաս սատանայի՝ ի սատակումն մարմնոյ, զի ոգին ապրեսցի հանդերձ սաոյդ զղջմամբ ։ Ճնշելով զմարմինն պահովք պընդութեւ և աղօթիք հրահանդել՝ ի սրբութի, լսուլ զասացեալս՝ ի նոսա՝ որ յաղագս այնորիկ են հանդէսք ։ Զի ձեռն պոռնկութեւ պէսպէս անօրէնութիւնը յահանակն ՝ ի յերկրի ։ զի բազմաշար է պոռնկութիւն և անյագ առ ցանկութիս ախտից ։ Վասն այսորիկ Առաքեալ զմեզ ուսուցանէ և խրատէ սպառնալեօք, փախչել յախնախի ախտից և՝ ի պղծութէ, որոց վախնանն է կորուստ ։ Զի ասէ. «Մի պոռնկեսցուք, որ պէս ումանք՝ ի հրեիցն, և կորեան՝ ի սատակչէ անտի յաղագս պոռնկութեն՝ ի միում աւուր քսան և չորս հաղար» ։ Զի ոչ եթէ անիրաւ ինչ էր ամծ որ էած զրարկութին՝ ի վերայ նոցա, որ գիտէ զամ։

Ա ասն այսորիկ զհարուածմն ընդ իշխանութիւնն եմցծ՝ ի ժողովուրդն ։ որպէս զի նոքա է.ին որդիք կորստեան պատճառս՝ ի մեղմն, թէպէտ և՝ ի միասին մեղան որ մեղանն ։ Զի և մարգարէն ասէ. «Վաձն որ

մեղիցէ, նոյնն և մեռցիու թէպէտ ասէ, «Հարք ազոխ կերան, և որդւոց ատամունք առինու Զի են ու մանք որ 'ի մեղս իւրեանց վախճանին առանց ապաշխարութեան, եցոյց եթէ ոչ լինի մոռացումն յիրաւանցն այ. այլ կայ պահի արդարութիւն աւետեաց սըրբոց, և առ անօրէնութիւն սպառնալեացն արհաւիրք: Զի որդիք մեղաւորացն երկիցեն և մի արացեն ըղմեղս, որպէս և հարք իւրեանց. այլ արդարութիւն իւրեանց ասպեսցին 'ի բարկութէն՝ որ սպառնացաւնոցա: Զի որդիք որ ատէ զամբարցութիւն հօր, և արացէ իրաւունս, կելով կեցցէ, ասէ տու ևւ մի փորձեսցուք զմբ և կամ տրտնջեսցուք, որպէս ումանք 'ի նոցանէ, և յօձից անտի սատակեցան: Զի ուսումն վարդապէտութէն խրատէ յուղղութիւն, որոշէ զլաւն 'ի վատթարէն, և պահէլ զսրբութիւն ըստ օրինացն արդարութէն և ըստ աւետարանական լուսաւորուեն խորհրդով և բանիւ և գործով: Զի ասպեսցուք 'ի բարկութէն որ գալոցն է 'ի վերայ անօրինաց և պընծոց, և կալ առաջի Քայ սուրբք, և ժառանգել զանսպատում բարիսն:

Այլ և վերակացուք մի հեղգասցին 'ի պատմել զսպառնալիս նմ այ. զի ասէ մարդարէիւն. գէտ կացուցի զքեզ, զի ասասցես՝ մահու մեռցիս եթէ մեղիցես: Եթէ լուիցէ քեզ, կեցցէ. ապա եթէ ոչ լուիցէ քեզ՝ մեռցի. և գու ասպեցուսցես զանձն քո: Ապա եթէ ոչ ասասցես զսպառնալիմն որք զայնպիսիսն գործեն՝ եթէ սուր զայ և բարկութիւն, զարիւն նոցա 'ի ձեռաց քոց խնդրեցից: Զի կամ ողոքանօք աւետեաց երանութէցն յուսով ուղղեսցին, և կամ սպառնալեզք հարուածոց և վշտաց և նեղութէց՝ որ յերկրի աստ, և կամ ահեղ աւուրբն մեղաւորաց և անհնազանդից: Զի իբրև հրեշտակք են այ հրամանք, որ առաքին յիշխանութէ ընդ ամենայն արարածս. ընդ երկնաւորմն առ զօրս հրեշտակաց, և ընդ երկրաւորս առ ազգս մարդկան. առնել զշահաւորն 'ի մեզ 'ի սիրոյ տերութէն 'ինեղութէն և յանդորրու 'ի պէտս մեր: Զի անքակ կացցուք 'ի Նշմարտութէն աւանդմն մաքուք վարուք մարմնով և հոգւով առ տէրութիւն, և երախտաւոր լինել ամենաշահ դարմանօք

առ կեանս և փրկութիւն ընկերաց : Այլ և արուեստիւք ձշմարտից կալ 'ի մշակութե, և արբանեակ լինել առ հաջոյս բարերար կամացն այս, և շնորհօք հոգւոյն վայելել 'ի կեանս աշխարհիս . զի ազատեալք ՚ի մեղաց, և արդարութեն միշտ պտղաբերք հանդերձ ամրբութք համբերութք բազմաւ . զի այսպէս ժառանգաւոր լինել կարասցուք աւետեացն սուրբ Երրորդութեն :

Ի Ա ՅԼ և վկայութիւնաւութեն որ մտերիմ է անձն իշխան կամօք 'ի վարդապետութիւն հոգւոյն սրբոյ . որ 'ի ձեռն մարդարէից և առաքելոց և վարդապետաց գրով աւանդեցին մեզ . զի ծանիցուք զած զերախտաւորն , զարդարն , զրարերարն , զուուրքն , ըզ ձշմարիտն . և մերժել և հեռանալ 'ի դժնդակ վարուց , յապախտաւոր և յանհաւան յանխրաս և յանխտիր անօրէնութիւն , և սրբել 'ի մտաց և մարմնոց ըզ վնասակար զամբարչութիւն միշտ :

Ի Ա Պարսիկք և այլ խուժադադուժ ազգք , որ ոչ զիտեն զօրէնս , բնութք զօրինացն գործեն ըստ Առաքելոց բանին , և 'ի ձեռն դատաւորաց պատժեն ըզպիղծու և զանիրաւու : Եւ միշտ սպառնալիք իշխանաց և դատաւորաց առ անխտիրսն 'ի չարիս , առ սուսու և երգմնասուսու , նենդաւորս , գոյս , սպանողս , շունս , կախարդս , գիւթս , և որ այլ ևս են հոյլք մեղաց : Զորս բանդիւք և երկաթի կապանօք և պէսպէս տան ջանօք խոշտանդեն և մահ 'ի վերայ ածեն , զի այլքն երկիւղ ունիցին և արդեցին յանխնայ անօրէնուէն : Խսկ որ խրատին և գան 'ի լաւութիւն կարդաց և իրաւանց թագաւորի , 'ի միամնութեն և 'ի հպատակութե կացուցանեն զանձինս , այնպիսեացն փառք և պատիւ և պարգեք ազատութե շնորհին :

Ի ոյն օրինակ և Յոյնք գրով կարգեալ ունին զիրաւունս . երախտաւորացն և մտերմիցն պարզեաք և մեծարանօք պատուեն . խսկ զանօրէնս և զանհնազանդս և զամբարհաւան և զանառակս և պիղծու պատուհասիւք և պատժովք և դառն նեղութք նեղեն , զի խրատեսցին 'ի բաց կալ 'ի մեղաց և գործել զբարիս հանապազօր . զի մի վրիպեսցի աշխարհս յանիրաւաց , այլ վսաղաղութիւն և զշինութիւն կալցի : Կոյն

պես և ամբազգք եթէ ոչ կայցեն յիրաւունս արդար դատաստանին այց . զի ունին կարգիս և իրաւունս դատաստանօք և խրատու ուղղել , և մի ամբոխ և մարտյուղիցի : Եւ իրաւանցն արդարութեան երկու բարբառոք են , որ յարգեն և պատուեն զիրաւախորհուն աւետեօք պարզեացն , և սպառնալեօք և պէսպէսնեղութեք պատժեն զապախտաւորսն և զանիրաւսն . զի չիք ազգք որ ոչ իցեն իրաւունք 'ի դատաւորաց : Եւ այս ամբ կարգք 'ի շնութեն աշխարհի կարգեալ են 'ի տնէ ըստ նախախնամութեն որ առ ազգս մարդկան . թէպէտ և ոչ ծանեան զած և փառաւորեցին կամ գոհացան , զի ոչ ընդրեցին զած ունել 'ի գիտութեն . այլ նանրացան 'ի խորհուրդս իւրեանց և խաւարեցան անմտութք : Այլ ոչ անտես առնէ արարին զարարածս . զի հայրէ շնորհիւ և ուր , որ հրաւիրեաց և կոչեաց զամենեսեան յարքայութին :

Դրդ այս ամբ կարգք իրաւանց և արդարութեան վկայք են ան ան հոգեւոր օրինացն , որ քարոզեցաւ մարդարեիւք դրովք սրբովք : Որք յանիրաւութէ յիրաւունս ածեն , յանարդութէ 'ի փառս , յանցաւորէս 'ի մշտնթենաւորսն , յերկրաւորէս յերկնաւորսն առաքիւնութեն հանդիսիւք . և ամբ կարգաց իրաւանց և սըրբութեն պատկառ կալ , չշմարիս հաւատովք և կենդանի սիրով անմենելի լննել 'ի կամացն այց 'ի նեղութեն և յանդորրու : Կոխել զպատրանս աշխարհիս և հաստել 'ի յցս կենացն յաւիտենից խաղաղարար սրբութք . զի հասցէ 'ի բնակարանս սրբոց յերանելի և 'ի սքանչելի փառսն . վայելել 'ի բարութիսն անոպատում , յանհամեմատ վայելութիսն , յանուշակ արքայութին հօրն ամենակալի և Որդւոյն բարերարի տուողի մեղ զկեանս , և հոգւոյն սրբոյ նորոգողի ըզհաւատացեալս . միասնական սուրբը երբորդութեն . որում փառք յաւիտեանս . ամէն :

ՎԱՐԴԱՊԵՏՈՒԹԻՒՆ ԿԱՏԱՐԵԱԼ Ի ՏԵՐ  
ԱՄԵՆԱՏՐՈՒԵՍ ՊԱՀՈՑ

ԵՐԱՆԵԼԻՈՑՆ ՄՐՅՈՑՆ ԳՐԻԳՈՐԻ ՀԱՅՈՑ  
ԼՈՒՍԱՏՈՐՉԻ

թ

**Լ**յու քանզի ամենայն կարգաց չափ եղեալ յամենակալ տեառնեն և յարաբէն, որպէս զի հանդիսացեալք կատարեսցուք զառաքինութիւն ահիւն այ, որ փառօք պսակի հաւատուլք և շնորհօքն Քոի: Զի ամենաըռուեստ քաջութէն նահատակեալի մշակութիւնինացն՝ սուրբ սիրով զօրացեալք, որպէս և զզօրս հոգեղինացն: Որով և օրէնսդիրն փառաւառը եցաւ, և օրինապահք պսակեցան, և առաջնորդեն յօթեանս երկնից արքայութէն օրինակաւ ամենագիւտ սիրոյն՝ ի բարերար իննամնն: Զի նմանեալք նոցա խորհիւլ յօրէնս տն՝ ի տուէ և ՚ի գիշերի՝ ընկալցուք զարդարութէ և զժուժկալութէ զնորհն: զի ըստ իւրաքանչիւրոցն լաւութեան վարուցն՝ թագ՝ ՚ի զլուխ մտցեն յարքայութին՝ ի մշննչենաւոր և յանվախճան կեանսն: երկնայնոցն և անմահիցն կցորդ լինել ըստ ընդրութէ շնորհացն զործելով յանդիման առաջի այ և զօրաց անմարմնոց: զօր յերկրի աստ մատակարարեալ և յերկնաւորսն երեի: Այսու յուսով յորդորէ զորդիս մարդկան ըստ աւետեացն, և ժառանգաւորս առնէ Քոի հայրն բարերար և Հոգին սուրբ ամենախնամ: որ ոչ թողու զարարածս իւրնախախնամական սիրով: զի զամենեցուն կամի զկեանս և ՚ի գիտութիւն ձմարտութիւն հասանել: « Զի որ արասցէ և ուսուսցէ, ասէ, նա մեծ կուսցի յարքայութէն երկնից »:

**Լ**յու որպէս հրեշտակացն կարգաւորութիւն է յարքայից արքայէն, և ՚ի նցյսս կամ մնամ ըստ բարերար կամաց կենարարին և ոչ ևս անցանեն, սոյնուկս յոր-

գորե և զմարդիկ՝ ի հրեշտակային կարգաւորութիս։ Սոյնպէս և սերոբեք և քերօրեք ընծայեալ են յիւրեանց սպասաւորութեն ամենակալ արուեն։ որով արարածք դարմանին՝ ի խնամս բարերարութեն միշտ։ Այլ և ամ զուարթունք և զօրք հոգեզմնացն և անմարմնոցն յիւրաքանչիւր կարդի հաստատեալ կան պաշտօնեայք ակնարկման կամաց բարերարին։ Այսոքիք բանակը բիւրաւոր զօրացն հաւանեալք և հնազանդեալք՝ ի հաճոյս արուեթեն՝ ցուցին զսպասաւորութիւն իւրեանց անհանգիստ օրհնութք՝ ի առ գործակից լինել բարերարին այց երախտեաց, և փառաբանիչք նորա մեծութեն և անծութեն։ որով ուրախացեալք՝ ի պայծառութիւն արարչին միշտ։ Խոկ ըստամբակեալն՝ ի նոցանէ իւր բանակօքն և դժնդակ բարս ստացեալ սատանայ անուանեցաւ, և դեք՝ որ նորա են արթանեակիք չարի սպասաւորք։ որք ցուցանեն զգործս անօրէնսուեն և հակառակ են արդարութե վարուցն։ Զի ինքեանք անկան՝ ի պատույ, և զմարդիկ որսան՝ ի կորուստ։ որոց ած խոստացաւտալ զնոցա սպատիւն մարդկան։ Զի ածամարտ է և մեղսասէք, և հանապազողդ թշնամի մարդկան, և հակառակ արդարութեն և սրբութեն։ և ոչ դադարէ յիւրմէ խորամանկութէն՝ ի խարել՝ ի կորուսանել զմարդիկ պէսպէս և զանազան չարեօք։ Վասն այսորիկ զբաւեալ է ընդ սպառնալեօք ահաւոր տանջանացն և անմահ սատակմանն։ Ոչ միայն նմա և նորին զօրացն, այլ և որք սիրեցին առնել զկամն նորա խորհրդգով և բանիւ և գործով։ «Երթիցեն, ասէ առն, մեղաւորքն՝ ի տանջանմն յաւիտենից զոր պատրաստեալ է սատանայի և հրեշտակաց նորա»։ Այսոքիկ՝ ի կամաց լինին և ոչ՝ ի հարկէ։

Խոկ մեզ պատուիրան տուաւ՝ ի առնէ, զի ծանիցուք զնորա զպատուիրանօն և զերծցուք՝ ի նորա խաղըիցն միշտ, և աւետեօք բարի խոստմանցն գործեսցուք միշտ զբարիս առաջի առաջի ամացմամ, և մտերիմ հաճոյիքն այց կալ յանվաս մշակութեն, և յորդորել զբազումն՝ ի լաւն և որ լին է փրկութք և ամենազարդ որբութք։ Վասն որոյ փառք և պատիւ՝ ի բարերար տնին յաղագս արդար և սուրբ գործոցն պատ-

բաստեալ կան : Զի յուսով զօրացեալ կան յամ փոր-  
ձանս . ոչ վթիպին 'ի ստոյդ և յուզիլ վարուց , ածա-  
սիրութեն առաջնորդեալ յամ առաքինութիւնս , և  
կալ մնալ անսասանելի : Զի զմարդն յիւրում կար-  
դին հաստատեալ ներքոյ իւրոյ չափոյն , զի լիցի ար-  
բանեակ ճշմարիտ քարոզութեն հրաւիրանաց վերին  
կումանն , և ըստ մարդարէութե չնորհի խորհրդա-  
կից լինել կամաց արարջին : Եւ 'ի գիտութիւն աւե-  
տեաց նորոց կտակարանաց և 'ի նորոգումն կենացն  
անմահից ուղիւղ հաւատով ընծայիլ քահանայական  
չնորհիւ օծմամբ և հոգւով ինսամովք տեսլութեն սի-  
րոյն Քամ : Մերկանալ զին մարդն և զենուլ զնորն՝  
որ ըստ պատկերի այ է սուրբ և արդար : Մերկանալ  
յամ չարէ աւազանին չնորհօք , և մարմնով և ա-  
րեամբն Քամ մոանել 'ի ժառանգութի օրդէգրութեն  
հօրն երկնաւորի և 'ի թիւ իմաստուն կուսանացն և  
ամ սրբոց , որք զմարմնս իւրեանց 'ի խաչ հանին ,  
որպէս ասաց Առաքեալ ամ ցանկութեք հանդերձ :  
Զի հոգւով գնասցուք և զցանկութին մարմնոյ մի կա-  
տարեսցուք : Եւ այսպէս յամօթ առնէ զայն՝ որ զիշ-  
խանութին ունի զսաւանայ : Զի ապրեսցին որսա-  
ցեալքն 'ի նմանեն չնորհօք արարջին , և առաքինեալք  
յարդարուի և 'ի սրբութի և 'ի ճշմարտութի հաւա-  
տարիմ պատերազմաւ՝ անարատ մաքուր և անրիծ  
կատարեալ սիրովն որ 'ի Քամ , և համբերութի 'ի վը-  
տանկս , սոքա հասցեն խոստացելոց բարեացն Քամ :

Խոկ որք ոչ ընկալան զօրէնս արդարութեն կարդաց  
և կը օնից , և խաւարեցան անմտութք սիրտք նոցա ,  
մասնեալք եղեն 'ի բանսարկութէն յանառակ ցանկու-  
թին և յամբարշտութին և 'ի հպարտութին և յամանօ-  
րէնութիս , մատնեաց զնոսա ած տաննամաց անմահ  
մահու : Սակայն ինսամբ արարջին ոչ թողին անդարման  
զարարածն իւր . այլ վասնբազում մարդասիրուե իւրոյ  
քարոզեաց զգարձ և զապաշխարութի 'ի քաւուի ամ  
մեզաց : Զի դարձեալ վերստին առցուք արտասուօք  
զաւազանին լուացումնն 'ի ձեռն հաւատարիմ և ան-  
սուտ խոստովանութեն և ապաշխարութեն , որ ար-  
տասուօքն խառնեալ է : Զի գթացեալ ողորմի և տա-  
ցէ զորդէգրութեն զնորհս : Այսուհետե հնազան-

դեալ ընդ բարի կամացն՝ կատարեսցէ զարդարութիսն ամ՝, և խլեսցէ զւար սովորութիսն ամաղտեղի չար ցանկութքն հանդերձ . և աղատեալք՝ ի դառն պարտեաց գեհենին՝ և ժառանգաւոր լինել կենդանի խընամոց բարեբար սիրոյն սուրբ երրորդութեն . զի յորդորեալք յառաքինութի և 'ի սուրբ վարս՝ ժառանգեցեն զարբայութին :

Օ ի յորժամ յաւելուած սուտ կարծեացն մոխն 'ի նախաստեղծն մարդն յայրն և 'ի կինն ի մախանաց բանսարկութին, և 'ի հրապուրանաց հեշտութեն քարշեալ և սուտ կարծեօք աստուածք լիեալ խարեցան և ոչ պահեցին զսպատուեր արարին իւրեանց, և ելին 'ի փափկութեն դրախտէն և զմահըստացեալ ժառանգեցին : Զի յառաջագոյն պատուիրեցաւ նոցա գործել և պահել զդրախտն ժուժկաւութք պահոց . յորս ուտել նոցա 'ի պաղոց, և յորս ոչ : Նոյնպէս և այժմ քարոզեցաւ 'ի մեզ պահը, յոր աւուրս պահելի, և յորս լուծանելի . որպէս օրինադրեցաւ 'ի մարդարկիցն և յառաքելոցն և 'ի սուրբ հարց մերձաւորացն այ : Զի որ պահէ զսրբութի և զամ արդարութիսն իմանալի դրախտին, կայ մնայ 'ի նմին անմեղ 'ի դրախտի արդարութե և առաքինութե անկոցն 'ի վայել չնորհօք արարողին կենաց աստ, և անդ փոխել յանձնառելիսն : Զայս ասելով ոչ իմանալի ասեմ զդրախտն, այլ տեսանելի առաջն մարդոյն . թէպէտ և 'ի մէնջ ծածկեաց հրեղէն սուրն ըստ խորին իմաստութեն այ : Զի երկդիմի է իմանալ . մինն շօշափելի և տեսանելի, և միւսն իմանալի՝ որ յառաքինութիսն վերաբերի :

Օ ի պահք դաստիարակ են մարդկան : Զի որպէս զովայս դաստիարակն հրահանգէ 'ի բաց կալ 'ի վնասակարաց և յօդտակարան կալ մնալ և յանօգուտն ոչ զբաղնուլ անժուժկալութք : Վասն այսորիկ եղան մեզ պահք խափանիչ անժուժկալութե ամ վնասուց, որ 'ի մեղսն է հակամիտութի հոգւոյ և մարմնոյ . զի կատարեսցուք զսրբութի ահիւն այ : անցցուք յանդորրութիսն յանքնինսն որ կայ և մնայ պահողացն :

<sup>1</sup> Միւսն առջաջեւ զանցը կնուի :

Եւ մի որպես որովայնամոլքն՝ որ նստան ուժել և ըմպել և յարեան՝ ի խաղալ, և սատակեցան՝ ի բարկութեն տեառն խելոյն յոլովք։ Զի զպատուիրանս նորառ ոչ պահեցին ։ այլ նանրացան՝ ի խորհուրդս իւրեանց, և զհրամանս պահոցն անարգեցին որկորատութեր, և ոչ կացին յու խտին, և խոստացեալ պարզեացն ոչ հաւատացին և բարկացուցին զած։ և էած՝ ի վերայ նոցա հարուածս և սատակեաց ։ Խակ որ ամփոփեցան՝ ի պնդութիս պահոց, և ցուցին զփոյթ համբերութեան և ժուժկալութեան, և պահեցին զհրամանն տեառն, և կացին մնացին ժուժկալք յօրինադրեալ պահոցն որբութե ամբարեձե կարգօք, նոքա ընկալցին զհանգիստն որ ՚ի Ք:

Օ ի են մեզ պահք բժիշկք ։ զի զոր անժուժկալութեր մթերեալ՝ ՚ի հոգի և ՚ի մարմին զնամա զուհութեսպէս հաշակաց մեղաց, և ՚ի մրմեանց վերայ չեղծակուտեալ և նեխեալս յայլանդակ խորհուրդս և յանմաքուր վարս, ՚ի ժուժկալութիւն և ՚ի պահս մոտեալ՝ նորոգեալ սրբի ՚ի մթերից մեղացն, և լինի ընակարան սրբութեան։ Զի պահք մերձ եկեալ՝ զդեղ առողջութեան շնորհել՝ ՚ի ժուժկալս, և զերմութեամբ ՚հոգւոյ սիրով հալէ զմթերս աղտեզութե և յառաքինութիսն վերաբերէ։ Եւ անուշահոտ վարուք ցամաքէ զժահահոտութիս և ՚ի միջոյ բառնայ, և զառողջութիւնայ հիւանդաց որբ մեղօքն ապականեալք իցեն։ Եւ զորբութի և զանարատ վարս յանձին ցուցանէ զննի առողջութեն՝ նահատակեալ՝ ՚ի սրբութի։ Եւ զայն որ վիրաւորեացն զնա աղտեղի ցանկութե և անխտիր անառակութեր, հարցէ զնոսա սրբութե և անարատ ամբժութեր, և դատեսցէ զօրովայնամոլութիւնն միշտ պահովք<sup>1</sup>, և խլեսցէ զար սովորութիւն յանձնէ։ Զի դատապարտեսցին՝ ՚ի ձեռն շնորհացն Քոի մեղքն և իշխան մեղացն, և առցեն զկատարեալ առողջութիւն փրկական խորհրդովն ստոյդ խոստովանութեր և ապաշխարութեր, պահօք և աղօթիւք ամրացեալ՝ ՚ի փսասուցն։ Եւ այսպէս առցեն զպսակ յաղթութեր, որ գովութեր և պարձանօք յօրինեալ է պա-

1 Միւսն պահելուն ։ Ասկ բան ունիտն ։

հողացն : Զի բազում արուեստք են կարդք պահոց ,  
և բազում շահս ստանայ անձանց՝ որք սիրենն զնա և  
պահեն միշտ :

Պահք կատարեալ հաւատոց ձշմարտութեն ազդե-  
ցութիւ . յայ ակնկալութիւ և յոյսն առողջութեն տանի  
անարատ և ամբիծ և սուրբ երախտեօք սիրոյն որ առ-  
ած : Եւ այնորիւք գաղաքէ այլանդակութիւ մտացն  
և շուայտութիւն զգայութենցն . աչաց 'ի տեսանել և  
ականջաց 'ի լսել , լեզուոյ առ 'ի խօսել , և ձեռաց  
առ 'ի գործել , և սրտիւ ուղիղ , և ճաշակելեօք առ  
'ի պարկեշտութիւ . ամենեքումը պնդեալ 'ի պահս  
սուրբս , և զամ կամ ցանկութեն զգայութենցն ար-  
մատաքի խլել , և զմնուայում բարեացն զարթուցա-  
նել նշողիւք ածասիրութեն : Եւ հրաժարել 'ի չար  
լուծմանէ մեղացն , 'ի պառնկութէ , յորովայնամո-  
լութենէ , յամբարտաւանութէ , 'ի նախանձուէ , 'ի  
բարկութէ , յագահցութէ , 'ի զողանալոյ , 'ի ստութէ ,  
յերդմանէ , 'ի չարախօսութէ , 'ի զրկելոյ , 'ի նենգու-  
թէ , 'ի ցասմանէ , 'ի թշնամանաց , յոխակալութէ ,  
'ի ծուլութենէ , 'ի ծիծաղելոյ , 'ի խեղիատականաց ,  
յարբեցութէ , 'ի բանբասանաց : Զայսոսիկ զմահա-  
բեր լուծմուածո 'ի բաց փսխել ուղիղ խոստովանութք ,  
և առնուլ զդեղն կենաց , և առողջացեալք սիրով  
հոգւոյն՝ յառաքինութեն ասպարէ զննահատակեսցուք  
ընդդէմ վնասակարացն զուղղութեն վարսն : Եւ մի-  
ամսութք հնազանդեալք բարերար կամացն փակել  
զամ յորդումն<sup>2</sup> չարին : Եւ զար և զդառն շարժմունս  
մտաց և զգայութեց արգելուլ միշտ , որ է լրումն և  
կատարումն պահոց . որ հասուցանէ 'ի զրունս կե-  
նաց : Ամբացեալք ներքոյ պահոցն ժուժկալութք համ-  
բերութք , և զգուշութք 'ի զգաստութեն մնալով , և  
յորդորեալք 'ի գութ և յողորմութիւն առ կարօ-  
տեալ հեռաւորս և մերձաւորս 'ի փառս և 'ի պար-  
ձանս համօրէն ատենին և յարութեն մեռելոց :

Պահք զծածկեալ հիւանդութիս որ 'ի մարմնի  
արտաքս հանէ : Որպէս գեղ մաղձոյ՝ որ ընդ ճաշա-

1 Միւսն առաջել :

2 Միւսն յորդուած :

կելն իւրում զմաղձն արտաքս փսխէ և զառողջութիւնայ, սոյնպէս և զմեղմն պահք . զի 'ի նուազել կերակը լոց՝ և մարմինն հանդարտանայ և սրբի : Զի զմարմիոյ շնչետ երթեալ՝ կորուստ անձին ստանայ . իսկ ըշնչող զիկեանսն յաւիտենականս'ի տեր : Պահք զօրացուցիւ են հոգեռոր վարուց և խափանիւ մարմնական շարժմանց, զի 'ի զօրանալ միոյն միւսն տկարանայ : Զի որպէս գիշակեր թռչունք տկարանան 'ի թռչել յանինայ ուտելոյն, և զիւրաւ ըմբռնին յորսողաց'ի մահ, իսկ սակաւակերքն երագաթռիւք են և անըմբռնելիք յորոգայթագիր որսողաց, սոյնպէս և իմանալ զորկորամոլմն և զպարկեցան 'ի պահս սուրբս :

Եւ Եղիա մարդարին յորդորէ զմեզ 'ի պահս պլնդութեան, որ պահեաց զքառասուն տիւ և զքառասուն գիշեր, և երարձ զամ կարիս յինքենէ զմարդկային շարժմանց, և երեւման այ արժանաւոր լիեալ վերացաւ հըեղէն կառօք յերկինս : Սոյնպէս և Մովսէս պահեաց զքառասուն տիւ և զքառասուն գիշեր . ոչ մի անգամ, այլ երրորդ անգամ . զի զինքեան զկարիսն լուծցէ, և զքարկութին այ որ 'ի վերայ ժռ զովրդեանն՝ որ ուտելով և ըմպելով 'ի խաղս լիեալ պաշտեցին զգլուխ որթուն և սատակեցան, արգելցէ պահօքն, և լիցի օրէնսդիր յայ՝ Խարայէլի սուրբն : Սոյնպէս Յովհաննու ամենայն կենացն զպահօն բացայատէ . որ ոչ ուտեր և ոչ ըմպէր 'ի բերից երկրաւորաց կազմեալ կերակուր . այլ մարախով և վայրենի մեղեք զպէտս վճարէր յանապատին : Եւ սրբեալ 'ի պահոց՝ եղեւ կարապետ և տեսող անձառիցն ըստ աւետարանին : Այսպէս և տերն յետ մկրտութեն պահովք պնդեալ անծանան մարմնովն ընդդէմ թըշնամոյն զպատերազմն առնէր . զի այնպէս ուսուուցէ զմարդիկ սպառազինեալ պահովք ընդդէմ թըշնամոյն մարտից, և նահատակեալ պահովք և բովանդակ առաքինութիւք առեալ չնորհս յաղթութեան և յաղթեալ փորձովին : Որպէս և տերն մեր որ վերացաւ 'ի թես հոգւոյն ընդդէմ մեծութեն 'ի բարձունս, և զնոյն իսկ զմարտն պահովք եցոյց մեզ : Զի զորկորատութիւն և զամ զրոսանս որ են բեռինք մեզաց՝ 'ի բաց ընկեցուք, զի արժանի լիցուք թեօք հոգւոյն վե-

բանալ և զտերն փառաց տեսանել, և լսել եթէ ե-  
կայք օրհնեալք հօր իմոյ, ժառանգեցէք զարգայու-  
թիս իմ :

Օ ի ամ սրբոցն՝ պահք եղեն առիթ սրբութեն և  
յերկրեսամբառալց մերձենալ՝ ի հոգեղէնսն : Զի  
որպէս հրալ զսրբութիւնը ընկալան՝ ի ձեռն պահոց ,  
և ապա ընտանեցաւ նոցա հուրն կիդող որպէս երից  
մանկանցն՝ ի հնոցին՝ որ պահովքն եին սրբեալք : Զի  
հուր զայրելիմն այրէ , և զսրբեալոն պահովք առա-  
ւել լուսաւորէ և պայծառս կազմէ լուսով : Խոկ որ  
ոչն եին արժանի և մերձ եղեն՝ ի հուրն, իբրև զխոփի  
այրեցան . զի չեին ընկալեալք՝ ի պահոց զսրբութի :  
Խոկ եթէ արդարոց կատարումն են պահք՝ ի հոգե-  
ղէնս և ՚ի մարմնեղէնսն լինել , քանի օգուտս բերէ  
մեղաւորաց՝ որ ՚ի պէսսպէս ցանկութիւնս իցեն : Զի  
սրբեան պահովք՝ ազատէ՝ ի մեջաց զներքին և զար-  
տաքին մարդն՝ ի բծից անտի , որպէս զոսկի և զար-  
ծաթ հրով սրբեալ և պարզեալ յազտոյ անտի . և  
այսպէս լինի անօթ պատուական պիտանի տեառն  
իւրոյ . և կամ որպէս զերկաթ ընդրեալ՝ ի փորձո-  
զաց կարծը և մաքրական հրով կազմեալ՝ ի պէտս  
մարդկան : Զի և սուրբ առաքեալքն և մարդարեքն  
նախ ինքեանք սրբեցան պահովք և ամ սուրբ կար-  
զօք , և ապա քարովեցին զհաւասս և զուվեղ վարս  
հանդերձ ամս սրբութիք : Որք հաւատացին՝ ի ձեռն շր-  
նորհացն՝ ՚ի Քո , սրբեցան և եղեն օթևան անձութեն :  
Զի եղեն սուրբքն աղբիւրք հրեղէնք , և զամենեսեան  
արբուցին հրով հոգւոյն սրբութիք պահոց . որք ընթա-  
նան՝ ՚ի կէտ կոչմանն որ ՚ի Քո :

Պահք աղ են , որ անուշացուցանեն զնեխութիս  
հոգւոց և մարմնոց աղտեղութեն մեղաց , և անսուշա-  
ցուցանեն ընդ անոյշ կամս հոգւոյն սրբոյ անարատու-  
թեամբ . զի և աղ յերկրէ ելամնէ և անուշէ զայլն :  
Պահք յորդորեն զմարդիկ յապաշխարութի և յուղ-  
զութի ածեն . և ըստ խոստովանութեն կարգին հաս-  
տատեալ՝ ՚ի պահք՝ լուծանին մեղքն : Զի որպէս զա-  
նասուն համարեալ են՝ որք ոչ զգան՝ ՚ի ձեռն պահոցն  
սրբութիք մերձենալ առ տէր : Եւ իմաստունք են՝ որ  
զառ հաւատչեայ յուսոյն կենաց ընկալեալ են յան-

ձինս . և յիմարք են՝ որ 'ի պատիրս յուսահատութեն  
իւրեանց կապեալ են, Եւ երկուցունց պիտոյ են պահը.  
զի որ կատարեալ է 'ի գիտութեն, անուշացուցանեն  
պահը զմաշակս սրբութեն ըստ հաճոյիցն տեառն, և  
զտիմարսն ածեն 'ի գիտութի ձշմարտութեն հաւա-  
տոցն: Եւ որք կենդանիին են առ սրբութեն, ամրա-  
ցեալ պահէ անարատս պահք, Եւ որ մեղօքն են մե-  
ռեալ, կենդանացուցանէ պահք, խառնեալ ընդ նմա-  
զամ արդարութիւնս : Զի որպէս հերակուքը աղիւ  
համեմին և 'ի պէտս մարդկան հրովանուշամայ, այս  
պէտ կամք մոտաց և մարմնոյն կատարեալ պահովք  
համեմին 'ի չնորհաց հոգւոյն, և 'ի մեծութի տէրու-  
թեն նուիրին և տան զիսաղաղութի: Զի հոգին սուրբ  
թշնամանի յանժոյժ որկորատութեն, և 'ի ստահակ  
յանդգնութի և 'ի զրօսանաց արբշուաց, որք զանձինս  
իւրեանց ետուն 'ի կամս շուպյութի: Զի որպէս ան-  
ժուժկալութին Եւայի և Ագամայ անէծս 'ի վերաց  
էած և մահ, նոյնպէս ծնելոց 'ի նոցանէ որ զնոյն  
անժուժութին ունին՝ արտաքոյ բարւոյն որովայնա-  
մոլութին անկանիցին: Խսկ պահք և ժուժկալութի  
փրկին երարձ զթշնամութիւն 'ի միջոյ և հաշտեցոյց  
զած ընդ մարդկան 'ի ձեռն խաչ և կամաւոր չար-  
չարանաց. որք հաւատացին կենսարեր քարոզութեն,  
որ կոչեաց զմարդիկ 'ի կեանս վերստին նորոգմանն:

Պահք պարիսապ հզօր և դուռն ամուր, որ պահէ  
'ի մտից վնասակարաց 'ի խորամանկ թշնամոյն մերոյ  
Զի մի լիցուք որպէս զորդիմն հեղեայ անժոյք, որ  
զարկութին այ շարժեցին իվերայ ինքեանց և օրն և  
ժողովրդեանն այ: Այլ ժուժկալք որպէս Սամուելն,  
որ պահօք մնեալ 'ի մանկութի եղեւ զլուխ մարդա-  
րէից: Պահք շիֆուցանեն զբոքոքեալ հուրն ցանկու-  
թի. զի որպէս հուր 'ի նիւթոյ պակասեալ շիֆանի,  
նոյնպէս և որովայնամոլութի և արբեցութի պակա-  
սեալ ցանկութեն բոց շիֆանի, և սրբութեն և արդա-  
րութեն բորբոքի պահովք պնդեալ: Պահք ցամաքե-  
ցուցանեն զդիֆութի պղծութեն և որպէս յերաշտուի  
խոնաւ երկիր չորանայ, այսպէս գարշացեալ անձն 'ի դի  
շական զազիր ախտէ սրբեալ անուշահոտանայ: Պահք  
արգելու գեռամդն ցանկութեան մանկանց: որ հրով

ախտին տուղորի 'ի թշնամնոյն շարժմանց : Պահք դաշտաբեցուցանեն զլկտութիս որ 'ի կերողութէ և յարեցութէ յառաջադայ ային . զի մերձեալ պահք 'ի մարմինս՝ վերաստեղծու 'ի սրբութիս : Պահք խափանեն զյոյզս մասց և մարմնոյ պղտորեալս 'ի յուղիսից ցանկութեց հոսմանց , և յատակեալս արբուցանէ զիմանալի և զհոգէկիլը երկիլն :

Պահք նաւահանդիստ են խաղաղ ծովածուփ ալեաց ախտից և անմշասու , և առաջնորդէ 'ի կենաց նաւահանդիստն , զի մի վնասեսցի յորկորստութէ և յարբեցութէ 'ի մահ 'ի ծովու մեղաց ալէկոծելով : Պահք եկեալ խաղաղութի առնեն ամբոխից , և հանդուցանեն զսպասաւորս , և ամենեցուն առաջնորդ լինի 'ի զգաստութի՝ զվերինսն խորհելով որ 'ի Քո : Պահք սանձք է ստահակաց՝ որ անարդէլ են յանիքաւութիս : Զի որպէս ձիոյ սանճս 'ի բերանս դնի , և անմարմինն նոււաձիւ անսայ 'ի կամս երասմանակակալին առ հոգեւոր պատերազմն : Խոկ որոց միտքն վառեալ իցեն արդար և սուրբ խորհրդովլք , զգայաբանսն կազմեալ պատուիրանապահութին . և եթէ ոչ ունի զսպահոցն պնդութի , յարձակել մարտին դիւրաւ ըմբռնի :

Վաւել ևս զգուշացուցանէ 'ի մաս և 'ի գինոյ բանս խրատու . զի գինի առաւել յիմարեցուցանէ զգայութինս և զմիտն և եռացուցանէ զցանկութին և յանառակութի շարժէ , մանաւանդ զմանկանց . և հոսումն զիջութե 'ի մարմնոցն լինի : Գինի թմբռութի սրտի , պապանձումն բերանց , խաւար աշաց , խըլութի ականջաց , լուծութի ձեռաց , գայթակղութի ոտից , ցնորք խորհրդոց , ձանրութի քնոյ , թշնամի արդարութե : Գինի զերկիւղ մերժէ , զպատկառանս 'ի բաց մշշ , և զյիշատակս պատուիրանացն քամաչէ , և զինամն սուրբ սիրոյն զանցուցանէ , և յուղիւղ հաւատոցն զարտուղի հանէ , և զահեղ գատաստանն անյիշելի թողու , և ոչ տայ թոյլ զմտաւ ածելզմահ և զանվախան տաննանս :

( Այս ասելով ոչ 'ի հիւանդաց և 'ի տկարաց արդելում զսպաւապիտութի գինոյ ըստ Առաքելոյ խրատուն վասն ստամբսի և ստէպ հիւանդութէ առ

տկարս և առ ծերս : Խակ որ կարողք և մանկագոյնք  
են հասակաւ , զգոյշ կայցեն 'ի մասը և 'ի գինուոյ , զի  
մի դիւրաւ ըմբռնեսցի 'ի հանապազորդ թշնամւոյն ,  
որսացեալք 'ի նմանեւ 'ի նորա կամա : Զի գինի և ար-  
բեցութիւ ապականեն զեատարեալ արս իմաստունս .  
իսկ զանկատարս մարմնով և մտօք զի՞նց պարտ է առել  
Զի որպէս հրով տուորէ և վառէ զցանկութեն բոց .  
զի հուր զմարմինն միայն այրէ , խակ միս և գինի զհո-  
դիմն շարժմամբ ցանկութեն : Եթէ հուր առանց նիւ-  
թոյ շիֆանի , ապա և ցանկութիւ առ 'ի պահոց : Ա-  
պա եթէ անսարգել յուտել և յըմպել և 'ի զքօսանս  
իցէ մանկութին , մի ակն ունիցի ողջախոհանալ 'ի սըր-  
բութիս . այլ եռացեալ ցանկութիւ որովայնամոլու-  
թին՝ հեղու զհօսանս և այրէ զորս գտանէ ախտին  
սիրովն , և կազմէ դատաստանս ինքեան սրտմտութեն և  
հաղորդակցաց իւրոց . « Զի որդն նոցա , ասէ մարդա-  
րէն , ոչ վախճանի և հուրն նոցա ոչ շիֆանի . և եղի-  
ցին 'ի տեսիլ ամենայն մնեղեաց ու Այսքան պատիքը  
ունին որովայնամոլք և արբեցողք . որք կան և մնան  
'ի նմին և ապականեն զանձինս պէսպէս գարշութք  
ախտիւք :

Պահք ճշմարիտ զամ ցանկութիւնս 'ի բաց մեր-  
ժէ զհոգւոց և զմարմնոց , և հետեւել յամ արդա-  
րութիս , և ժուժկալ լինել՝ որք զինուորինն ընդդէմ  
հոգւոց և մարմնոց առ 'ի լուծումն մեզաց : Այլ կալ  
մնալ 'ի բարեպաշտութեն ջանս 'ի Քո Յօ 'ի տեր մեր .  
որում փառք յաւիտեանս . ամէն :

ՆԱՐԻՆ ՄՐՅՈՑՆ ԴՐՏԳՈՐԾ ՀԱՅՈՅ ԼՈՒՍԱԽՈՐԾ

ԵՐԱԽՏԱՏՈՐՈՒԹԵԿՆ  
ԱՆԶԵՂՀ ԲԱՐԵՐԱՐ ԿԱՄԱՑՆ  
ԵՒ ՅՈՐԴՈՐՈՒՄՆ Ի ԼԱԿՆ ԵՒ ՅԱՌԱԽԵԿ  
ԸՍՑ ՃԾՄԱՐԻՑ ԱՌԱՔԻՆՈՒԹԵԱՆ  
Ի ՓԱՌՍ ԱՄԵՆԱՍՈՒՐԲ ԵՐՐՈՐԴՈՒԹԵԱՆ  
ՃԱՌԵԱԼ

Ժ.

**Կ** ԱՌ ՀՍ ունիմերախտեաց բարերարութեն ան-  
սկիզբն և անփոփոխ մշտնջենաւոր տէրութեն սուրբ  
Երրորդութեն, որ աղբիւրն է ամմարածոց երկնա-  
ւորաց և երկրաւորաց, և որ 'ի նոսա արարածք են:  
Եւ արբուցանէ զամենեսեան առհասարակ բարերար  
կամօք, ամենազիւտ սիրոյն խնամովք . զի ժառան-  
գորդս արասցէ զբանաւորս մշտնջենաւոր երանու-  
թեցն: Զի առողջ, սուրբ և անաղտ լիցուք 'ի պա-  
տուիրանացն պաշպանութեն, և անթիծ երախտեօք՝  
մտերիմ սիրով և ուղեղ հաւատով լինել օթեան  
սուրբ՝ ամենասուրբ Երրորդութեն, և կալ 'ի մշակու-  
թե հանապազ վասն առաւել սիրոյ արարչն, և կե-  
նաց և փրկութե ընկերաց. աշակերտել բարերար կա-  
մացն և հնազանդել, և ցուցանել զհանդէս լաւուե-  
լսոտ հոգեւոր օրինացն յորդորմամք յուսոյն: Առեալ  
զկենդանի խրատուն զսերմնն, և հասուցանել զար-  
մախս հարիւրաւորս. զի որպէս եղեալք 'ի նմանէ,  
նոյնպէս խնամեալք 'ի նորա չնորհացն: Որպէս եր-  
կիր բարի զսերմն բարի ընկաւեալ՝ բազմապատիկ առ-  
նէ զարդիւնս արմաեացն, նոյնպէս զսերմանեալն 'ի  
մեզ խրատս բազմապատիկս արասցուք արդիւնս իշ-  
խանական կամօք. զի և ընդբութիք են 'ի տեսողեն  
լաւաց և վատթարաց արմտեաց:

Օ ի որ զբնկերն սիրէ ըստ այս սուրբ սիրոյն, ար-  
մտիք լինին սուրբ. է որ 'ի ձեռն շահաւոր օգտից, և է

որ՝ի ձեռն բարի խրատու՝ յորդորել՝ի հոգեոր շահս, և ատել զվասակարսն սիրով հոգւոյն։ Զի «Սէր, ասէ, ոչ կերպարանի, ոչ ամբարտաւանի, ոչ ամբարհաւաճէ, ոչ նախանձի, ոչ խորհի զւար ընկերի, այլ զրարի։ ամի տեէ, ամի համբերէ, և ոչ երբէք սէր՝ի չար փոխի՝ի բարւոյն։ Եւ ամ առաքելոց և մարդարկեից զլուխ սէր է, որ՝ի միասին և յած կապէ։ «Սիրեսցես զտր ած քո, ասէ, յամ որտէ։ և զընկերն քո իրեւ զանձն քո։։ Զի օր կայ՝ի սէրն, կայ յած։ Զի սիրել զընկերն՝ զած է սիրել, Եւ բազում շահս անձինն ստանալ յայ և ընկերաց սիրողաց այ, Խոկ որք անձնասէրքն են աւելի քան զարժանն, զընկերին շահս յինքեանս ձգեն։ և անդ լինի զրկումն և զլացումն և ապիրատութի, ստուի, երդիմահարութիք, զզուել հարկանել սպանանել։ Եւ վասն այսորիկ օրինալքեաց մարդարեիւք, և քարոզեաց առաքելովք, և խրատէ քահանայապետիւք և ժառանգաւորօք եկեղեցւոյ, զի ողջախոհասցին յարդարութի և՝ի սրբութի և յիրաւունս։ յուսով արքայութեն առնուլ աստ զառհաւատչեայ ազատութին և անհոգութիւն մեծարանօք՝ի գոհութի այ։ զանձն և զտուն ազգօք ազատել՝ի պատժոց և օրհնիլ՝ի տնէ։ և՝ի հանգերձեալըն փառս և պսակս անեղծս պարձանօք՝ի Քու։

Ի Ա Ե և զթագաւորս և զիշխանս և զգատաւորս՝ի խաղաղութի և՝ի շինութի աշխարհաց կարգեաց ած։ զի զամբարիշտս, զըունս, զգողս, զկախարդս և զամ անիրաւս պէսապէս տանջանօք և մահուամբ զարհուրեցուցեն։ զի ամ չարագործք ըմբռնեալ՝ի յահէ արգելցին՝ի չարեաց։ Բայց է և՝ի նոսա անիրաւութիւնք նման նոցա և առաւել ևս, որք կաշառօք և կամ այլ ևս չարեօք բազմացուցանեն զանօրենութիս համարձակեալ՝ի վնաս։ Եւ վասն այսորիկ բանան դրունք բարկութե սովոյ և սրոյ և գերօւթե և պէսապէս վտանգից մահուց։ և յետ աստեաց՝ի հրախառն խաւարն արտաքին, ուր լալ աւաց է և կընել ատամանց։

Խոկ իրաւախորհքն և արդարագատքն փրկութե և կենաց պատճառք լինին բազմաց, առողջութե և խաղաղութե և շինութե աստ, և անդ փառօք պսա-

կեալ՝ ի գլուխ բազմականացն արդարոց։ Զի աղ-  
բիրք են յիրաւանց այ՝ ուստի կեանք բաշխին բա-  
րեգործացն, և հարուածք և մահք անիրաւացն։  
Եւ լոյս գիտութեն անձային գրոց յայտ առնեն զբա-  
րեգործացն բարի հատուցումն, և անիրաւացն զհա-  
րուածս բարկութեն։ Եւ յերկուցունց կողմանց յայտ-  
նի լինին արարչին իրաւունք զարդարմն փառաւորէ,  
որ հոգեոր օրինոքն հաջոյացան տէրութեն, և կա-  
ցին՝ ի ձշմարտութեն՝ ի սրբութեն յամարդարութիս։  
որք և անանց լուսովն փառաւորեալ պատկին՝ ի տիե-  
զերական ատենին յաւուրն յետնում առաջի երկնա-  
ւորաց և երկրաւորաց։ Ուր և զանիրաւմն անարդա-  
նօք գատապարտէ՝ ի պատիժմ, որք արհամարհեցին  
զպատուիրանս նորա և ոչ պահեցին զսրբութիւն և զի-  
րաւունս և չթողին յոյս անձանց, և վասն այսորիկ ե-  
ղեն ժառանգորդք յաւիտենական տանջանացն։

Օ ի յանձնիշխան կամացն այլ և այլ բարք ծնա-  
նին, և ՚ի բարուցն գործք և ՚ի գործոցն անուանք  
չար կամ բարի, և ըստ անուանն հատուցումն։ Եւ  
բարւոյ կամացն ծնունդ բարի և հնազանդութիւն, և  
՚ի հնազանդութիւն հպատակութիւն, և ՚ի հպատակու-  
թիւն սէր, և ՚ի սիրոյ բազմաշահ երախտիք բարեաց +  
Նոյնպէս յարհամարհանաց և ՚ի ծուլութիւն և յան-  
հնազանդութիւն ամ գժնդակութիւք ծնանին, և ա-  
պախտաւորութիւն առ երախտիս արարչին մեր։ Եւ  
պատճառ այսոցիկ ծննդոց անձնիշխան կամակարուի  
մտաց։ և զաներեսոյթուն յերեւելիս բերեն՝ ի լաւն  
կամ՝ ի վատթարն հակամիտեալ։ Այլ որք ընդքրեն  
զբարին և առնեն, երանելլիք են։ իսկ ապիրատքն  
պատժին խրատիք + զի զլջասցին և ապաշխարեսցեն  
զկամակար վարսն անիրաւութեց, և գտցեն զողոր-  
մութեն չնորհ՝ ՚ի բարերար տնեն՝ որ գթայ առ արա-  
բածս իւր և ոչ թողու՝ ՚ի ինսամակալ սիրոյն իւրոյ։  
Զի զանբաւ և զանպատում բարին տայ որք խընդ-  
րենն ՚ի նմանէ, և լինի պարդեատու որք ազազակեն  
առ նա ՚ի տուէ և ՚ի գիշերի, և ըստ աւետարանա-  
կան երանութեցն կոչէ յիւր արքայութիւն և ՚ի փառս-  
զի ձշմարտեալ ըստ կարգացն Քսի՝ ժառանգ եսցուք  
զերանութիւն։

“Երանի, ասէ տէրն, աղքատաց հոգւով, զի նոցան է աղքայութին երկնիցը։ որք վասն աւետեացն՝ հոգւով կամաւ աղքատացան, ՚ի բաց ընկեցեալ զմարմնաւոր գմնդակ մեծութին՝ և հոգեօր յուսովն զգեցան զմշտնջենաւոր մեծութին։ Սուբր մոօք և մարմնովք անկեղծաւոր հաւատով կատարեցին զկամնն տն սիրով։ որպէս իմաստուն նաւապետք ուղղելով զնաւ մարմնոյս՝ ՚ի ծովածուփ աշխարհական ալեացս, թափեալ զծանր բեռինսն յաշխարհիս ծովու, և հոգւով թռուցեալ հասցեն՝ ՚ի նաւահանգիստն խաղաղութէ։ Այսպէս հոգւով աղքատացեալքն երանին, որ ընդ ամ վտանգս աշխարհիս անցանելով հոգւով և ձշմարտութէ՛ անվնաս պահեցին զանձինս ՚ի չար ցանկութէց, ՚ի փառասիրութէ, յընչասիրութէ, Առ ձեռն պատրաստ ունելով զամ ցանկութիս, և զամենեքումք զանց արարին վասն անձառ երանութէն։ որ կոյ սպահի յուսացելոցն՝ ՚ի Ք՛՛, որ վասն մեր աղքատացաւ ստուգապիկս, որ տէրն է փառաց։ Զի հայեցեալք յելս գնացից կամաւոր աղքատութէն երախտաւորին՝ հասցեն յօթեանս կենաց ՚ի գուռն փրկութէ յանփոփոխ երանութին, որ լին է կենդանի անուշակ երանութէ՛։

“Երանի հեզոց, զի նոքա ժառանգեսցեն զերկիրու Զաւետիս եկեղեցւոյ ասէ երկիր։ որ ամենաշահ կենօք հանգարտութէ՛ են վարք, ազատեալք յամբոխից և ՚ի խուզովութէ փորձանաց։ Յամ գմնդակացն որք զինուորին՝ անշարժ միշտ։ Հեզութէն ցածուցանել զամբարկութին և զվասակար շարժմունս զինքեան և զամենեցուն, որ ամբաստանօք լի է, ՚ի կշտամբանս, ՚ի տոյժս, ՚ի տուգանս, յանարգանս, յամօթ և ՚ի պէսպէս տանջանս։ Իրաւամբք հեզութէն առաջնորդել յամբարդարութին։ յամբծութի, ՚ի սրբութի, ՚ի սէր անշարժ, յուղիւղ հաւատս։ Ծնորհօք հեզութէն բնակել յերկրի, և զուարթածաղիկ առանց առաքինութիս անուշահոտ հեզութէն զարդարեալ, և յուսով ակն ունել մշտնջենաւոր անփոփոխ անվախչան կենսատու երանութէնցն։

“Երանի, ասէ, սգաւորաց, զի նոքա մխիթարեսցին։ Որոց ընկալեալ են չնորհս ՚ի հոգւոյն որ առ-

ած . սէր բաղձալի , ինդիրս արտասուօք . անմերկնելի  
'ի նմանել լինել յայ սդաւորն , որ անձկայ չնորհօք  
տեսանել զանձառելիմն՝ որ սրբոցն տուաւ : Այլ և  
զզղջացեալսն է իմանալ սդաւորս , որք գառնան'ի  
չարաւար վարուց ստոյդ խոստովանութէ , և հանա-  
պազ արտասուօք ինդրեն զեղողութէ մեղաց յամե-  
նեցունց տնեն . զի կարացեն հասանել յօթեանս  
կենացն՝ որ լին է անմահութէք , և զուարթածաղիկ  
զուրախութինն ընդ ճշմարիտ սդաւորսն ժառանդէ  
զերանութինն՝ որ յաւիտենից միսիթարութին է :

“ Հյրանի որ քաղցեալ և ծարաւի իցեն արդարու-  
թէ , զի նոքա յագեսցին : Որք հրաւիրանաւն կուե-  
ցան 'ի հոգեւոր հարանիսն , զի վայելեսցեն զբարիսն .  
որ մէծաւ բաղձանօք ցանկան ընուլ արդարութէ ճա-  
շակօքն : Որպէս քաղցեալքն և ծարաւիքն ըստ հա-  
մահամքամայն խորտկաց և ըմպելեաց լցուցանեն ըզ-  
պէտս ցանկութէ 'ի կերպակուրս և յըմպելիս , այսպէս  
և փափաքողք ածայնոյն վայելից արժանաւոր կար-  
գօք փութան հասանել 'ի բաղձալին և 'ի յոյժ ախոր-  
ժելի ճաշակութն՝ որ կայ մնայ միշտ , որ երանութին  
է զարդարեալ յարբայութին արդարոց : Որ միշտ  
վայելեն զաննուազ և զանսպառ բարիսն , որք աստին  
ժողովեցին 'ի շուկմարանս անմահ կենացն :

“ Հյրանի որք լան այժմ , զի նոքա ծիծաղեսցին :  
Որք զերծանել ցանկան յերկրաւոր 'ի զրօսանաց , 'ի  
յաղահութէ , 'ի չար ցանկութէց . և ջանան մոտա-  
նել առ ած , ջերմեռանդ արտասուօք խոշտանգեալ  
զանձնն և նեղեալ բազում 'նեղութէք . զի սուրբ և  
անրիծ և անարատ երախտեօք բարերարին հաս-  
ցէ յուրախութինն տն 'ի վայելսն անուշակս հանդըս-  
տեամն սիրոյն սրբութէն ընուլ զրադամնս անձկոյն որ  
առ ած , զոր արտասուօքն ինդրէր միշտ զերանութինն  
զորդէզրութէն չնորհս , որ լին է անձառ ինդութէք  
'ի փառս ածութէն :

“ Հյրանի ողորմածաց , զի նոքա ողորմութէ 'ի գտցեն :  
Որ գործակցութէ ողորմութէցն այ նմանեալ , ոյժ  
օգտութէ առեալ յանձեղէն զօրութէ անտի . զի ա-  
մենեցուն ողորմեսցին առաջնորդել , ուսուցանել , օդ-  
նել նեղելոց , լցուցանել զկարօտեալս 'ի պէտս հո-

գեռըս և մարմնաւորս : Զի ընկալցի զբարիսն յերկարիս աստ զողորմութեա շնորհս 'ի տնեւ , և 'ի հանդերձեալն զառատապարդ և բարիսն՝ որ լին է ամ երանութեք , զոր պատրաստեաց ած ողորմածացն :

“Երանի այնոցիկ որ սուրբ են սրտիւք , զի նոքա զած տեսցենն” : Որ շնորհօքն այ հաւատով և ձմարտութեք , սրբութեք և արդարութեք զամբիծս մարմնոյ և զմուաց սրբել զւար ցանկութեց : Եւ մաքուր խորհըդով և անարատ մարմնով հայել 'ի փառս տն . իր ըւ ընդ հայելի տեսանէ իմանսալեօքն զիմանալի ածութեն լոյս : Ապա եթէ ժանդով մեզացն ազտեղեալ իցէ , չար ցանկութեքն և չար խորհըդովլքն և չար գործովլքն , և ոչ սրբէ զիմորհուրդս և զզգայարանն և նայի 'ի վեր 'ի ճառագայթս ածութեն որ 'ի Քոնէ արդարութեա արեգակն , ոչ տեսանէ զլոյն մեծ ամենասուրբ Երրորդութեն , որ յիմանալիսն ծագէ , և լուսաւորէ զսուրբսն սրտիւ և զանարատօն անդամօք : Զի ժառանդեսցեն զերանութիս կենացն անմահից , որ տայ զառհաւատը տեսութին 'ի Քո Յու :

“Երանի խաղաղարարաց , զի նոքա որդիք այ կուցնցինն” : Որ գործարից են Որդւոյն այ , որ արար խաղաղութիւ և հաշտեցոյց զհայր ընդ արարածս : Զի որ հրաժարեալ է 'ի չար ամբոխից և 'ի խուզովութիւ և 'ի ցասմանէ և 'ի չար ցանկութիւ , և խաղաղացեալ սիրով , այնպիսին ունի զհիմն խաղաղութիւ մտաւոր հոգւոյ 'ի Քո : Զի որպէս Որդին այ որ երարձ զխուզովութիւ որ յաղագս մեղացն պարտեացն էր առ մարդիկ , և աւետարանեաց զխաղաղութիւ , նոյնպէս , ասէ , լինել խաղաղարար , զի եղբարք նորա լիցուք՝ նըմանեալ խաղաղարարին : Զի թէ մեծաց իրաց խաղաղար լինի և կամ փոքունց յաղագս այ և մարդկան փրկութեա , և բառնայ 'ի միջոց զվասակար թըշնամութիւ հոգւոյ և մարմնոյ , հաշտ և խաղաղականին հանդիպի , և զանուն և զփառս Որդւոյն այ ժառանդէ հանդիսիւք լաւութեա , սուրբ և անբիծ և անարատ խաղաղարար 'ի Քո . որ աստ մեծարի և պատուի , և անդը բարձրանայ և փառաւորի խաղաղար երանութեք 'ի Քո :

“Երանի որ հալածեալ իցեն վասն արդարութեա ,

զի նոցա է արքայութիւն երկնից» : Զվլայիցն զհան-  
դէս ցուցանէ բանս և զամ առաքինութեց . զի որ  
յամէս օտար է , և մասն չունի ինչ ընդ երկրաւորս և  
պատճառս ինչ եկամուտ զբաղմանց , անյար ՚ի վնա-  
սակար ցանկութիւն , այնոքի են որ ՚ի չարէն հալա-  
ծեալք և առ անձ գիմագրաւեալք հաւատով վասն  
չշմարտութե աւետարանին քարոզութե : Որպէս և  
Առաքեալ ասէ՝ եթէ «Որ կամին անպաշտութե կեալ  
՚ի Քա Յա , ՚ի հալածանս կացցեն . զի մարդք չարք և  
կախարդք յառաջ եկեցցեն ՚ի չար անդք ՚ի մոլորե-  
ցուցանելու , Խակ սուրբք հալածին ՚ի չարէ ՚ի բարիսն  
որ առ անձ և յայ առեալ . զի մի նմանեցցեն անա-  
ռակ որդւոյն , Խարեալ ՚ի դիւաց ելցեն ՚ի հայրենի  
խնամոցն , վատնել զորբութե վարսն անառակութե :  
Այլ դարձյին նմանեալ ՚ի հայրենի խնամոն ՚ի չա-  
րասիրաց հալածչաց ՚ի դիւաց ՚ի մարդկանէ , զի հառ  
ցեն հալածանօքն ՚ի խոստացեալ աւետիսն արքայ-  
ութեն անձառ երանութիւն պսակեալք ՚ի փառսա-  
մենազօր նոն այ :

«Երանի , ասէ , ձեզ , յորժամ նախատիցեն զձեզ  
մարդիկ և հայհոյեցցեն և ասասցեն զամ բանս չարս  
զձենջ սուտ վասն իմ . յնծացէք և ուրախ լերուք , զի  
վարձք ձեր բազում են յերկինսու : Զի ՚ի ձեռն լա-  
ւութե փառք և պատիւ ընծային յայ հանդիսիւք  
նահատակեալ ՚ի Քա , որ զինուորին ընդդէմ հակա-  
ռակ չշմարտութեն : Այլ օդտակար է առ անմ մար-  
տուցեալսն համբերութե ՚ի կամն այ , զի զաւետիս  
բարեացն ունիցին զարդիս և զհանդերձելոցն :

«Օ ի այսպէս , ասէ , առնէին սրբոցն՝ որք յառաջ  
քան զձեզն եին» . որք զանուն և զոգիս ժառանգե-  
ցին համբերութե ըազմաւ : Ոմանք որպէս զերկաթ  
անլուանդ , և կէսք իրք զպարիսպ պղնձի ամսւր .  
այլք որպէս զարձաթ զտեալ և սրբեալ որպէս ՚ի  
հըոյ փորձութեն : Խակ այլք որպէս զոսկի պատուա-  
կան ՚ի սպաս , կամ որպէս զմարդարիտ գեղեցիկ , կամ  
որպէս ակունս մեծագնիս՝ որ ՚ի փառս թագաւորաց :  
Սոյնպէս և սրբոց և համբերողաց որ զանազան փոր-  
ձանոք ՚ի դմնդակացն կազմեցան , և եղեն վկայք ա-  
րարչին ՚ի փառաւորութե անմահ թագաւորին :

Օ ի որպէս զանազանք են հանդեսք իւրաքանչիւրոցն վկայից, խոստովանողաց և կուսանաց և պարկեշտ ամուսնացելոց, նոյնպէս և պարգեք ըստ իւրաքանչիւր արժանաւորութեա բաժանին և որոշին յամենեցունց նոնին, որ 'ի միտ առնու զամենեցուն ըդխորհուրդս զբանս և զգործս : Զի որք Ճշմարտութեա և անարատ սրբութեա և անբիծ հաւատով նահատակին ընդդեմ չար ցանկութեցն և ամ վնասակարաց յաղթողլիեալ՝ զմարտիրոսացն առնուն զպսակսն. զի լնուն զբանն ոն . «Առցէ, ասէ, զխաչ իւր հանապազ, և եկեսցէ զհետ իմ» : Զի խաչ մարմնական ախտից և դժնդակ վարուց մահ գործէ . որպէս և սուրբքն զմարմինս իւրեանց 'ի խաչ հանին կարեօքն և ցանկութեքն հանդերձ, յԱռաքելոյ վկայեալ զայս : Զի որպէս նոցա պէսպէս տանջանքն, սոյնպէս և սոցա զանազան փորձանք . զի յամմարտուցելոցն չարչար տաժանմանցն ոչ յաղթահարի 'ի հոգեոր պատերազմին որպէս քաջամարտիկ . այլ զյաղթութեա զնորհս երեւելի ցուցեալ 'ի փառս այ :

Ի այց է և 'ի նոսա առաւելութի կամ պակասութի առաքինութեն, ըստ նմին և վարձն, եպիսկոպոսաց և քահանայից և սարկաւագաց և դպրաց, որք կուսութեա նահատակին : Այլ և միանձունք և սուրբ ամուսնացեալք զանազանեալք 'ի վարս . որք ստուգապէս ցուցանեն յաւուրն յետնում յարութեա որ 'ի մեռելոց՝ զիւրաքանչիւրոցն զվարուցն պտուզս : Այլ և որք զՃշմարտութին անիրաւութեամբ ունին, կերպարանեալ պատճառանօք զարդարութի : Այլ և անսուրբք և կաշառառուք և զօշաքաղք և մարդահաճոյք և որ այլ ևս են արատք և բիծք զորս ծածկել ջանան : «Զի ոչինչ է ծածուկ՝ որ ոչ յայտնեսցի, ասէ տէրն, և գաղտնի՝ որ ոչ ծանիցի » : Զի ստոյգ երեխն սուրբք և արդարք . որք Ճշմարիտ հանդիսիւքն վշտացան և նախատանօք և թշնամանօք և բազում նեղութեք տանջեալ, և 'ի Ճշմարտութին ոչ վրիպեալ : Որք և աստ ունին զառհաւատչեայ յուսոյն զերանութիսն . զի վիշտքն անցանեն, բայց աւետիք երանութեցն կան մնան միշտ : Զի աստ առին զազատութի, և անդ ժառանգեսցեն զարբայութին :

Զի ամբ հանդիսիւք լաւութե՛ զերանութեցն զգրաւականն ընկալան բարի վարուքն , որ պատճառ է փրկութե՛ յերևելիս և յանկը եղոթս , 'ի պատմելիս և յանպատմելիս : Բանն Որդւոյ : առ Հայր ասէ . «Որպէս գու և ես մի եմք , այսպէս հաւատացեալք 'ի մեջ իցեն : Զի զիւքն աայ զորդեկրութե՛ շնորհ 'ի հօրէ , և ժառանգորդս իւր առնէ զառւըրս իւր :

Օ ի ետ մեզ լոյս աչաց և խրատ մտաց , զի արթունք և զուարթունք եղիցուք . կենաց լուսովն առաջնորդեալ և հոգեորական խրատուքն յամենայն գործս արդարութե՛ , և իմանալի լուսովն սուրբ և արդար կալ մնալ Զի հոգեոր սուրբ գրոց խրատք գիտութե՛ ձշմարիտ վարուցն տան , և 'ի հոգեոր կարդը յորդորեն : Զի զոր ինչ խորհի ոք զաստիս 'ի հիւթանիւթ իրսս , զնոյն և շարժմունս մարմնաւորս յիշատակօք ունի զադտեղութին , որ պղտորէ զմիտս և զզգայարանս մարմնոյ : Խակ եթէ զհոգեորսն խորհի 'ի սրբութի 'ի սրբոյ հոգւոյն ազգեցութենէ , և ըզհոգեոր վարուցն խորհի և ջանայ 'ի կատարումն առաքինութե՛ , և ՝ վայելէ 'ի շնորհս հոգւոյն զոր անասելի է և անլսելի . վասն զի հոգեոր է և մտաւոր , և նա միայն զիտէ՝ որումազգին :

Եւ որ զիտաց մերձենալ 'ի շնորհս յիշատակաւ սրբութե՛ և անմեկնելի լինելյանուշութե՛ վայելիցն , և 'ի նորա գեղն ցանկ ալճնուլ , լուսաւորեալ խորհըրդովք մերժել զաքրին յարձակումն մթագին խորհրդոյն : Կանխիւլյաղօթս 'ի խնդրուածս ջերմեռանդ արտասուօք և պինդ պահովք ամրացեալ , ունել ըզդդրունս ողորմութեան : Եւ հանցէ և բարձրացուցէ 'ի վերոյքան զամերկրաւորացս շարժմունս և ազգմունս , և առնուլ զհաստատութիւն հոգեոր օգտութեցն որ ըստ հաճոյից այ : Յորդորի ըստ Այւաքելոյ բանի 'ի վեր նայել , զվերինսն խորհել ուր Քո նստի ընդ աջմէ հօր . «Զի մեռարուք , ասէ , զմեզացն մահ , և կեանքն ձեր ծածկեալ են ընդ Քոյի յանձ հայր » : Զի զամ զհոգեքրիպաւորս 'իբաց ընկեցեալ որ խափանէ հոգեոր և երկնային կոչմանն . որպէս մշակք առ

զործն և զինաւորք առ պատերազմ զինեալք, այսպէս և մեզ 'ի պատերազմ առաքինութեն հանդիսանալ միշտ և արիանալ. զի կարասցուք հարկանել զրունդո չարեացն, զցանկութին և զամբարտաւանութին և զագահութի, և որ ընդ նորօք են արկածք վնասուց յազդմանե չարին: Զի նմանեալք հաւատարիմ ծառային՝ մոցուք յուրախութիւն տեառն ընդունել զերանութին 'ի ՔՌ, որ կեանքն է հաւատացելոց:

Օ ի ոչ լուսով նորա զնայ յայրատն և ստահակին, զի ոչ զնայ ընդ հանապարհն արդարոց որ տանի 'ի կեանսն, զի ոչ առնու 'ի սիրո զիմրատս իմաստնոց և զածային գրոց. այլ որպէս թակարդ զհողմն անցուցանէ զիմրատն: Եւ յաղագս այսորիկ ասէ տէրն ոչ տալ զսրբութիշանց, և արկանել զմարդարիտն առաջի խողից: «Զի մարդ բարի, ասէ, 'ի բարի գանձուց սրտէ հանէ զրարին. և մարդ չար զարն 'ի վերքերէն: Զի անձնիշխանական կամքն շարժէ յոր և կամի, եթէ 'ի լաւն և եթէ 'ի վատթարն: Եւ վանայսորիկասէ Առաքեալ. «Յառնէ ամբարշտէ յետերից խրատուց հարաժարեա»: Եւ Դաւիթ ոչ տայ թոյլ մեղաւորին պատմել զօրէնսն. որ ատեաց զիմրատս և յետս ընկեաց զիրաւունսն որ յայ եղան: Յանդիմանէ խստագոյնս՝ որ զօրէնսն ասեն և ոչ առնեն, և լսեն և քամաշէն: Զի ամ զիրք 'ի խրատ են և յանդիմանութի, որ քարոզեն զփրկութի որք հաւատով ամբարեն յանձինս: Զի որպէս 'ի մարտուցելոցն 'ի պատերազմունս դժուարինս յաղթեալք ինդան ոչ սակաւուք, և ևս առաւել մարտի յաղթութիւք հոգեռուցն է ինդումն:

Օ ի և մեծատունք և աղքատք յանձնիշխան կամ սըն ունին առ բարին շարժումն և առ չարն: Զի աղքատն լի է փառօք մեծացեալ, որ անմեղութիւն և ամ առաքինութիւն է յարդարեալ: Կոյնպէս և մեծատունքն և ամբիծքն և անսարաւոքն որք զոտառապեալ լցուցանեն. զի զանմեզոս աղքատութին որպէս բով զոսկի սրբէ 'ի յաղտոյ, և 'ի պատիւ փառացն այ բարձրացուցանէ երկնից մեծութիւն: Այսպէս համբերութիւք և ժուժկալութիւք որ անտրտունջ ունին զաղքատութին՝ մեծանան: Սոյնպէս մեծատունք որ

գլուխ խնամեն և դարմանեն զկարօտեալմն , նոքա զանմահութի և զփառս և զպատիւ ժառանգեն , որ անանցանելին է : Ազա եթէ զաղքատութին ոք ան- իրաւութիւնի , և անխտիր յանառակութի , 'ի շը- նութի , 'ի գողութի , 'ի չարութի , 'ի ստութի , յա- մենայն դործս չարս , նոքա ընկալցին զպատիժս յերկ- րի , և անդ զանգերծ պատուհասն : Եւ մեծաատունք որ արգելուն զկարօտելոց զովէտս , և 'ի չռայլութի և յարբեցութի կեան , եկեսցէ , ասէ որն , մա՞ յո- րում ոչ դիտեն , և ընդ մէջն կտրիցէ 'ի կենաց , և զմասն նորա ընդ անհաւատս դիցէ յանչէջ հուր գե- չենին . զի եր յանառակութի , և զտուեալն յայ մե- ծութի՝ ոչ իրաւապիս բաշխեաց յաղքատս : Զի եր կարանցիւրոցն են իրաւունք , ըստ բարեացն դործոց միանգամայն և անիրաւաց՝ 'ի գատաւորէն :

Ոյնպէս և առողջութին ունի զշահս և զշասս . զի առողջն մարմնով օր կայցէ 'ի հոգեոր առողջու- թին , ժրացեալ 'ի բարեպաշտութի ջանս , ընդունի զաշխատութին զհատուցումն զհանգիստն անանց . ապա եթէ ծուլութի՝ 'ի վնասս , զանհանգիստն ըն- դունի զպատիժս անդ : Սոյնպէս և հիւանդն մար- մնով և առողջ հոգուով կայցէ 'ի համբերութի՝ 'ի գո- հութի այ , և մաքրեալ յամենայն սիսալանաց . և յուսացեալ յած և նմա հաւատայ զշահ անձին՝ ըդ- մահ և զկեանս , ընդունի զօրհնութի յայ և զկա- տարեալ առողջութի . ուստի մերժեալ են ցաւք և տրամութիք և հեծութիք . ապա եթէ ոչ , և սա ըն- դունի ըստ արժանեացն զհատուցումն :

Ոյնպէս և իշխանքն որ ունին զմերակացութի աշ- խարհի , երկուցունց հոգասցի . զած ունել 'ի մտի և ոչ թօղուլ 'ի մտաց զկամն նորա , և անձինն սրբու- թի և ամբծութի և զամենայն արդարութի և զուղ- զութին՝ և զիրաւունս առ ամենեան ցուցանել : Եւ որք ընդ իշխանութի են , 'ի մտերմութի կեալ . «Զի ոչ ուստեք է , ասէ , իշխանութի բացյայ . և որք են՝ յայ ենու : Եւ իրաքանչիւր ոք զիւր վարձս առցէ յարդար դատաւորէն , իշխանք և որք ընդ իշխանու-

թք են . զի ամենեցունց մի է որ արդար՝ որ ըստ ար-  
ժանեացն պատժէ և փառաւորի՝ յորժամ գայ փա-  
ռօք հօր՝ ի դատել զերկիր : Զի որ արդարը են և  
լլկին , անդ բազմապատիկ ընդունին զհատուցումն  
բարեաց յարդար դատաւորէն : Խոկ որ մեղաւորք են  
և լլկին , զպարտիս մեղաց իւրեանց հատուցանեն .  
որ արհամարհէցին զըանն այ և ոչ ապաշխարեցին .  
զի ամենայնի լինիցի հատուցումն խորհրդոց և բանից  
և գործոց երկրաւորաց : Զի զօրաւորաց և տկարաց  
և ամենեցուն խոկ կայ յանդիման լինել առաջի բե-  
մին Քայ . որոց բարիս գործեալ իցէ , խոդքեն՝ ըզ-  
կեանսն յաւիտենից . խոկ որ ապատամբը են՝ ի ճը-  
մարտութենէ և գործեցին զըար , անվախճան տան-  
ջանքն կան մնան :

Այսպէս վերակացութիք և որք ընդ վերակացու-  
թին են՝ ունին զահս և զինասս : Զի որ զվերակա-  
ցութին ունի , և զինքն այ հրամանացն տուեալ է  
՚ի հնազանդութի յերեւելս և յաներեւոյթս , սուրբ  
և անարատս , և առաջնորդ զած ունելի խորհուրդս  
միամիսս , և զինքն արթանեակ տն կազմեաց , այնպի-  
սիքն առաջնորդեալ յամենայն արդարութիւնս ,  
զանվախճան վերակացութին առնուն ընդ սերովըէս  
և ընդ քերովըէս և ընդ երկնային զինուրութիւնն  
սպասաւորս այ : Զի առաքեալք և մարդարէք և քա-  
հանույք սուրբք առին իշխանութի ՚ի տնէ , և եղեն  
Ճշմարտութեն վերակացուք : Եւ զոր կապեցին յեր-  
կրի , եղիցին կապեալ յերկինս . և զոր արձակեցին  
յերկրի , եղիցին արձակեալ յերկինս : Սոյսպէս և  
ամենայն սրբոց տուան նորհքս այս ՚ի փրկչէն :

Խոկ եթէ առեալ զվերակացութի՝ յդփասցի և  
ծուլացի հպարտացեալ իշխանական Ճոխութին , և  
ըստ կամաց իւրոց վարէ զառաջնորդութին և ոչ ՚ի  
կամն այ , և երկբայեսցի յուսոյն որ ՚ի Քո , անկցի  
՚ի փորձանս , և առանց բժշկութե է նորա բեկումն :  
Այսպէս եղեւ գմնդակ բարուք սատանայ , և խոտո-  
րեալ ՚ի տնէ անկառ ՚ի բարձրութին և ՚ի լուսաւոր  
կարգացն , և առանց բժշկութե է բեկումնորա : Տե-

սամելի, ասէ՝ որին, զատանայ անկեալ յերկնից զառաջ նորդն դիւաց հանդերձ իւր հաւանելովքն, և եղեկոխան սրբոց և առաքինեաց : Որք առին հրաման ՚ի ունէ լուծանել զնորա թոյնսն որպէս օձից և քարքից, և ոչ կարեն մեղանչել : Խակ հաւանեալքն նուրա կամացն և ապստամբեալք՝ ՚ի ճշմարտութեն ըզնոյն պատիժու կրեսցեն : Զի՞ ՚ի ձեռն իշխանաց արդարոց և առաջնորդաց սրբոց է շինութիւ աշխարհի և եկեղեցւոյ այ հաստատութիւ ՚ի բարի կամն . զի նորք զօրանայ իրաւունք յերկրի և մեծարի սրբութիւ : Որք և ընդունին զշատուցումն բարի ըստ բարեաց գործոց . համանգամայն և չարեացն որք ոչ կամեցան գնալ յօրէնս ոն : Եւ իմաստութիւ ՚ի զիմացն երևի, որք ըստ այ վարին և որք ոչ ըստ այ : Զի որ իմաստութիւն տիրէ, և խորհի յօրէնս ոն ՚ի տուէ և ՚ի գիշերի, և ամենեցուն լինի առիթ փրկութեն, այն է վերին իմաստութիւնն սուրբ և խաղաղաբար, լի բարեօք և պաղովք արդարութեն :

Խակ խորամանին նմանեալ է բանսարկուին լի ան- իրաւութիւ և դժնդակութիւ և նախանձու շոգմոզք, չարախոսք, ածատեացք, գտիւ են և նորոգիչչարեաց . որք տայցեն վրէժիս ՚ի հուր գեշենին՝ որ պատրաս- տեալ է սատանայի և որսացելոցն ՚ի նմանէ՝ ՚ի նորա կամսն : Զի գիւրագոյն է որք ընդ իշխանութեն են՝ կա- տարել զառաքինութիւ, քան կամակար իշխանութիւն . ա զի որում շատն տուաւ, ասէ, շատ խնդրեսցին : Զի որք կարգաւորք են ՚ի վարս իւրեանց ՚ի հնազանդու- թեն արբանեկութեն վկայութիւ սուրբ գրոց, սոքա- երանեսցին : Զի անդանդաղլ վաստակօք ՚ի պէտո կա- րօտելոցն բաւական լիցին միշտ . և ՚ի մտերմութեն կա- ցեալ և յանարատ սրբութեն ոչ իւիք գրգեալ ՚ի հա- կառակայն որք ընդգէմ են բարեացն գործոց . և ա- զատեալք՝ ՚ի ծառայութէ մեղաց, և արբանեակք սըր- բութեն և արդարութեան վարուցն միշտ լիեալ, աստ զիշատակ գովութիւ թողցեն, և անդ զփառս և ըզ- պարծանսն՝ յաւիտենակամն առցեն, որ ոչ անցա- նեն : Զի կամք է բարեբարին ամենեցուն լինել բարե-

1 Միւսն զայցածութէ ու իշխութէ :

բար և ժառանգորդ անսպառ բարեայն՝ որ յուսացելոցն է:

Վըբիւր է ած ամենայն բարեաց՝ որ արբուցանէ զհաւատացեալս ըստ իւրաքանչիւր բարւոյ ցանկութեան սուրբ չնորհօք: Եւ կեանք է կենդանարար և մշտնջենաւոր, որ զկենդանութիւն տայ ամենայն արարածոց իւրոց: Եւ բարերար է առ ամեննեւեան, որ պարզեօք իւրօվք չնորհէ զքաւութիւն որք գառնան 'ի չարէն: Եւ այս է, որ լուսաւոր առնէ զամենայն մարդ որ կամի 'ի խաւարային մեղայն զերծանել 'ի սուրբ լոյսն: Եւ Հշմարտութեն մօտ է, որք նախաշաւիլ Հանապարհորդեն սրբութիւն 'ի Հշմարիտ քարին: Եւ 'ի նմանէ ումեք 'ի բացէ լինել չիք, ու վերնոց և ոչ ներքնոց: զի զամենայն արարածս ընդ ինքեամբ ունի ամենակարող զօրութիւն իւրօվք զերկնայինոն և զերկբայինս: Եւ զիտէ զխորհուրդս մարդկան և 'ի միտ առնու զամենայն գործս նոցա և ըստ արժանեացն հատուցանէ: «Զի ես եմ, ասէ, ած. և չիք այլ ոք: որ սպանանեմ զմեղաւորս, և կեցուցանեմ զարդարս»: և ոչ ոք է որ հանէ 'ի նմանէ զարարածս իւր:

Եւ է զոր խրատէ վտանգաւոր պատուհասիւք, որ ապիրատ վարուք ընթանան. և է զոր չնորհօք յորդորէ 'ի լաւն և յառաւել փառաց ժառանգութին, որք հաւատով և երկիւղիւ և սուրբը սիրով մերձենան առ ածութիւն: և սրբեալ 'ի մեղաց չնորհօք երախտեացննորա ծանիցուք զպարզեատուն բարեաց: Կոչեաց զհաւատացեալս իւր ժողովուրդ: զի խրնդրեսցուք զողորմութիւն 'ի նմանէ և արասցուք զկամնորա: Կոչեաց զմեզ ծանիցուք զի սուրբիս: զի և 'ի հայրենական խնամն վայելիցեմք և յորդեղբութիւն մի արտաքս ելցուք անսուրբ վարուք: Զի սուրբ է տէր և 'ի սուրբս բնակեալ է: զի եղբարս իւր անուաննէ զսուրբս: ասէ: «Պատմեցից զանուն քո եղբարց իմնց, 'ի մէջ եկեղեցեաց օրհնեցից զքեզ, հայր»: Եւ դարձեալ տօէ: «Յորժամբարձրացայց, զամեննեւեան ձգեցից առիսու Զի եկն Որդին այ փրկել զազգս մարզկան, և ուրախ

արար զհաւատացեալս իւր . զի նովաւ եղեաք և նո-  
վաւ փրկեցաք , և առ նա երթիցուք՝ որ հրաւիրեացն  
զմեզ և կոչեաց յիւր արքայութին և 'ի փառան , յան-  
եղծ և յանովախճան և յանպատում կեանսն . զո-  
մանս ինքեամբ և զոյանս 'ի ձեռս առաքելոց և մար-  
գարէից և հօգեոր վարդապետօք . զի զամենեցուն  
կամի զկեալն և ժառանգորդս լինել կենացն անվախ-  
ճանից 'ի փառս ամենասուրբ Երրորդութեն այժմ  
և միշտ և յաւիտեանս յաւիտենից . ամէն :

ՆՈՐԻՆ ՍՐԲՈՅՆ ԳՐԻԳՈՐԻ ՀԱՅՈՑ ԼՈՒՍԱԴՐՁԵՒ

ՎԱՍՆ ՎԱՐՈՒՅՑ ԱՌԱՔԻՆՈՒԹԵԱՆ  
ՈՐ ՀԱՆԴԻՍՈՒԹԻ ԼԱՏՈՒԹԵԱՆ ՊՍԱԿԵԱԼ ԵՐԱՆԻՆ

### ԺԱ

**Ա**ՄԵՆՍՅՈ արուեստից լաւութեն և քաջութեն և  
առաքինութեն սուրբ երրորդութին է, որ չնորհօք  
յորդորէ . վասն զի նա է տուիչ և յաջողիչ երկնա-  
ւորաց և երկրաւորաց . և որ զմուերիմ հաւատա-  
ցեալս և զսուրբս և զսիրելիս իւր աշակերտեաց : Եւ  
որք ընկալան զարուեստ լուսաւոր կարգացն, և վա-  
ռեցան որպէս զՃառագայթս լուսոյ 'ի մէջ աշխար-  
հաց . զի ասէ տրն . «Դուք լոյս աշխարհի էք, և լու-  
սաւորէ լոյս ձեր զմարդիկ . որպէս զի տեսոցն զգործս  
ձեր բարիս, և փառաւորեսցն զՃայր ձեր որ յեր-  
կինսն է»: Եւ Առաքեալ իրեւ լուսաւորս ասէ շըր-  
ջել յաշխարհի, զբանն կենաց ունել 'ի զգուշութի  
անձանց և 'ի շահ օգտի բազմաց : Որ նոքօք սփռեաց  
զՃառագայթս բանին կենաց Ճմարտութեն ընդ ամե-  
նայն տիեզերս, և կուեաց զՃառատացեալս 'ի հաղոր-  
դութի բարերար կամացն իւրոց 'ի կենդանի փառան  
անեղծութեան . զի ժառանդաւոր լինիցին արարածք  
արքայութեն արարչին և աւետեաց ուրախութեն ան-  
ճառ բարեացն :

**Ա**յսպիսի յուսով հաճոյացան սուրբքն, և կամօք  
արարչին զամենայն գմնդակութիս յազդմանէ շա-  
րին և զշարժմանս մտաց և մարմնոց խափանեցին շը-  
նորհօքն Քոի . անարատ սրբութիք, անդադար աղօ-  
թիւք և ծերմեռանդն արտասուօք, կատարեալ ժուժ-  
կալութեն պահովք . սանձելզագագահութին և զորկօրս-  
տութի, զկսութին և զանառակուի և զստահակութի  
'ի չար անդր : Ունել զգբունս ողորմութեն յիշատակաւ-  
սիրոյն Քոի . յորդորեալք 'ի հանդէս բարեաց, և ար-  
ժանսի եղեալ ազատութեն չնորհաց և պարզեաց հո-

գւոյն սրբոյ վկայութե՛ հանդիսիցն լաւութե՛, սուրբ սիրով, մոտերիմ հաւատով՝ ՚ի նեղութե՛ն և յանդորրու ։ Վնջրոս և անրիծ ունել զմիտու և զզգայութիս ամենայն հշմարտութե՛ : Մի իւկի ունել խաղդախութե՛ և կեղծաւոր խորհուրդս, անհաւատութե՛ և անսըրբութե՛ վարս, որ են պատճառք կորստեան : Այլ ըդլուսաւոր զսրբութե՛ն միշտ յանձնինս ունել ամբիծ երախտեաք սիրոյն սրբութե՛ . ծաղկեալք առաքինասէր վարուք և պսակեալք յաւիտենական յուսովն՝ ՚ի գովեստ փառացն այս, Զի հրօվլ հոգւոյն սրբոյ յանարատ սրբութիւնն վերաբերեալ օթևանք ամենասուրբ երրորդութե՛ն լինին յերկրի : Զի ամենայն հանդիսիցն և առաքինութե՛ցն զարդ սրբութե՛ն է յերևելիս և յաներեւոյթս հոգւով և մարմնով : Եւ արդարութե՛ ամենայն և քաջութե՛ թագ և պսակ պարձանաց սրբութիւնն է միշտ : Եւ ամենայն կարգաց երկնաւորաց և երկրաւորաց փառք և պատիւ և մեծարանք սրբութե՛ն է, որ ընտանեցուցանէ Քո այս և ամենայն երկնային զօրութե՛ցն : Պատմուճան լուսոյ և արմատ բարեաց սրբութե՛ն է . և որ հշմարտեալ և միաբանեալ են ՚ի գովեստ փառացն այս անմարմնոցն դասք, և լուսաւոր վարուք հաստատեալ կան ՚ի սրբութե՛ . վասն այնորիկ են ամենասուրբ տերութե՛ն սպասաւորք :

Սոյնպէս հրաման առին առաքեալքն զսուրբսն կարգել՝ ՚ի սպասաւորութե՛ եկեղեցւոյ այս, զի հաղորդ միցի հրեշտակաց՝ սպասաւոր Քո պատարագին : Զի որպէս հոգի ՚ի մարմինն յարմարի և աճէ զանումն հասակի, սոյնպէս մտաւոր հոգին զամենայնն քննէ և որոշ զաւն ՚ի վատթարէն : Սոյնպէս են և հաւաք հշմարիս ածգիտութե՛ . որ աճէ զանումն առաքինութե՛ցն որ ՚ի Քո, և լինի կատարումն հասակի արդարութե՛ն հաւանութե՛ հաւասարել անդամոցն ՚ի միաբանութի հաջոյիցն այս : Զի ամենայն լուսաւոր վարք հաւատովք բովանդակին յերևելիս և յաներեւոյթս . զի լուսաւորեալք ՚ի գիտութե՛ հըմարտութե՛ զօրասցի ՚ի հանդէս բարեպաշտութե՛ցն որ ՚ի Քո . զի ամենայնի Քոիւ եղեւ կատարումն եթէ յերկինս և եթէ յերկրի, ասէ Առաքեալ . զի զանե-

ըւոյթսն յերեելիս ցուցանեն հաւատք, և զերեելիս  
յաներեոյթսն՝ ՚ի կամս ոռն:

Դանձ անկապուտ են հաւատք, որք զբարիսն՝ ՚ի  
մեղ ամբարեն. և ՚ի ձեռն շնորհացն յայտնեաց հա-  
ւատովք զպարգևս փրկութեն և կենացն անմահից,  
զի զամենայն երանութիսն յուսով վայելեսցուք. զի  
իբրև առաջի աչաց ունի զուարթածաղիկ զերանու-  
թիսն յուսով. զի մի հեղգասցուք ՚ի հանդիսիցն որ  
առաջնորդեն մեղ յանանց բարիսն՝ որ պատրաստեալ  
է սրբոցն: Զի նախ սէրն նովաւ լցեալ և զարդա-  
րեալ ճառագայթիւք յիշատակաւ սրբութեն և ա-  
մենայն անդամոցն և մտացն առաջնորդէ յարդա-  
րութի հաւատովք յամենասուրք յերրորդութին, և  
՚ի կամս նորա սիրով հաստատի: Զի սիրտ սուրբ տա-  
ճար է Հոգւոյն սրբոյ. և սէր սուրբ ունել՝ բնակա-  
րան Քոի, և ՚ի նմա հանդուցեալ են ածեղէն կամք:  
“Զի որ կայ ՚ի սէրն իմ և պահեսցէ զբանս իմ, ասէ  
տէրն, ես և Հայր իմեկեսցուք և օթեանս առ նմա  
արասցուք”: Զի սիրով բարերարութեն յանճառ բա-  
րիսն վայելեցուցանէ: Եւ որք են որ զբան նորա պա-  
հեն: Որք սուրբ սրտիւ և անարատ յամենայն վնա-  
սուց մնան անբիծք: Զի որ սիրեն զնա, սիրեսցին՝ ՚ի  
նմանէ. և որք ինդըրեն զնա, լինի պարգևատու: Իսկ  
որք ոչ պահեսցեն զնորա զբանն, ասէ, ինքնին բանն  
զոր խօսեցայ ընդ ձեզ, նա դատի զձեզ յաւուրն յետ-  
նում:

Իսկ որ զբանն նորա պահէ, խլէ ՚ի սրտէ զդը-  
ժընդակ խորհուրդս մտաց. զանհաւատութի, զերկ-  
մտութիւն, զքարութիւն, զնախանձ, զաղտեղի ցան-  
կութիւնս հանդերձ ամենայն վնասակարօքն, և ՚ի  
ներքս բերեալ զբարեխորհրդութին սուրբ՝ որ լին է  
բարեօք ՚ի Քո: Զի ազատեալք ՚ի բծից զգայարանքն՝  
կատարեսցեն զարդարութիս, և արթուն կայցէ միտքն  
զգայութեքն ՚ի վերայ շահիցն և կենարար գիւտիցն:  
Եւ մի ՚ի սաստկանալ պատերազմին լքանել և լու-  
ծանել զմարտն, այլ Ճշմարիտ համբերութեք զդէմ  
ունել. և երկայնամտեալ յուսով և զօրացեալ՝ ՚ի Քոի  
շնորհացն՝ յաղթեսցէ մարտին, և հասցէ ՚ի նաւա-  
հանդիստն Քոի: Ըիջուցանել զազդմունս չարին և

զշարժմունս բարուց ցանկութեն։ Եւ զյաղթութեան զնորհս ընկալեալ և զգովութի՝ ի վերնոց և 'ի ներքնոց, պսակեսցի փառօք և պարծանօք աւետեաց փըրկութեն կենացն։ Զի որ կայցէ յայն սէրն որ 'ի Քոն, որ փրկեացն զարարածս և եքարձ զթշնամութի՝ ի միջոյ, տնն է բնակիչ։ Եղիցուք նմանողք նորա մեծութեն, և շահեսցուք զքարիս և զեղքարս, և փոխանակեսցուք զքարին մեր առ նոցա կարիսն, և ըզկեանս մեր ընդ մահունոցա. և լինիցիմք ժառանգաւոր նորա տէրութեն, և բնակարան կենդանի կամաց նորա, և հաղորդս սքանչելի և սուրբ սիրոյ նորա, և կցորդ փառաւորեալ փառաց նորա։

Ակը սուրբ մայր է առողջութեն, անարատութեն, անբծութեն. որ խնամէ և յորդորէ յառաքինութի և յարդարէ յամենայն բարեգործութիս։ Սէր աղբէւր է ամենայն բարեաց, որ արբուցանէ զսուրբ անձինս. և զրաւական ամենայն երանութեցն, և մեծութենպարգևացն այբաշխող։ Սէր բղխումն երախտեաց Քոնի, և վայելեցուցիչ յանպատում շնորհս նորա. լուծիչ խուզովութեն և տուիչ խաղաղութեն. լուսաւորիչ մտաց և անդամոց։ Սէր սուրբ Հոգւոյ և մարմնոյ անեղծ ստացուածէ, որք ունին զնա միշտ. և կենդանի շնորհք 'ի Քո ամենաշահ երանութիւն յարդարեալ 'ի գովեստ փառացն այ։ Սէր աւետեօք կենդանի յուսոյն սփոփիչ է նեղութեն և վշտաց, և լուծիչ ամենայն դժնդակութիւն 'ի վերայ եկելոց՝ որ զինուորին ընդդէմ առաքինութեն հանդիսից։ Սէր սուրբ երախտեօքն հրեշտակ է խաղաղարար, որ ըզցասումն մերժէ և զխուզովութի լուծանէ և զնախանձ արտաքս մղէ և ցածուցանէ զշար։ Սէր սուրբ այգի վայելուչ, որ խաղողով և գինեաւ զուարթացուցանէ զսիրտն և զզգայարանսն 'ի տրտմականացն եկամտից, և ուրախ առնէ 'ի կամս տն։ Սէր սուրբ ձիթենի պտղալից է 'ի սրտի բարեխորհին, մղելով զձեթ 'ի լուսաւորութի իմանալեաց և յօծումն, և երևելի անդամոցն զուարթութի։ Սէր սուրբ Հոգեոր կարդաց յարդարիչ է և մարմնաւոր վարուց յանձանձիչ. որ 'ի միասին կապէ, և ոչ տայ բաժանել և քայքայել զհասարակաց բարին։ Սէր սուրբ բանալի է

դրանն կենաց, որ զկեամսն բաշխէ. և աներեւյլը չնորհացն այ գանձուցն բաշխող՝ի սուրբ անձինս, և դժնդակ վարուց խափանիչ և բնդդիմամբարտ մեղաց:

Օ ի ամ արուեստք առաքինութեն սիրով յարդարին, սրբութի, արդարութի. և նովաւ ցուցանեն ըդհանդէս լաւութեն իւրեանց, որ է վարիչ չարի և յորդորիչ բարւոյ, զօրավիգն ածասիրաց և կործանիչ խորամանկաց և մեղսասիրաց: Եւ խառնեալ սուրբ ուշըն ընդ հաւատոց և ընդ յուսոյ՝ հանդիսանայ՝ի բարեպաշտութեան վարս, և միմեանց խաղաղութքն յայտնի առնեն զլուսաւոր կարգս: Զի պատճառօք առաքինութքն լուսատութագօքն պսակեացին յանուշակ յերկնաւոր հօրն իննամնս, և վայելեսցեն յանվախճան և յանպատում բարութիս նորա: Զի որ ունի զիննամն սիրոյն սրբութեն առ ամսեան հեռաւորս և մերձաւորս, առ հոգիս և մարմինս ամ ձշմարտութք, երանութքը սուրբ սիրոյն, յամենասուրբ երրորդութին օրհնեալք պսակին և մեծարին, և մշտնջենաւոր խնդութքն վայելեն յամվախճան և յանհամեմատ բարութինս:

Օ ի և հաստատութի ուղեղ հաւատոց բովանդակիչ է սուրբ սիրոյն և յուսոյն անսասանելի կալ: Զի չնորհօք սուրբ հոգւոյն՝ այնորիւք միաւորելոցն պարիսպ ամսուր ապաստանի ամենայն առաքինութքը շրջապատեալ է: Որ ոչ ոք վատահասցի առնուլ զամուրն, զի պահեսցի՝ի զգուշութեն հաւատովն արթութք, սուրբ և յիշատակօք յուսոյն անդրդուելի միշտ գոհանալով և օրհնելով զտէր անյագ բաղդանօք, հաւանական կամօք, յորդ և քաղցր անձկաւ փափելառ աղբիւրն չնորհացն և ըմպելանյագ՝ի նորաբղիմանէն, և արբուցանել զտունկս արդարութեն և զսերմանս բարեպաշտութեն չնորհաց արտասուացն վտակօք, զի զառհաւատչեայն բերցեն զպտուդ: Զի դարուն հոգեոր է անմանն հաւատոց և սրբութեն սիրոյն, որ զամառաքինութիս բողբոջեն որպէս տուն կըք և բոյսք զսաղարթս և զծաղիկս՝ի ձմերնային կապանացն լուծեալք: Այսպէս ջերմութիւնք սուրբ սիրոյն հաւատով չնորհալից արտասուօք՝ զառաքինութիմն փայլէ ամենասուրբ երրորդութին կամօք և չնորհօք:

իշտ հաւանութիւն հաւատոց և սուրբ սիրոյն հաւա-  
սարութիւն յորդորի, զամ հաւանեալմն՝ ի  
ՔՇ ժողովից, Եւ նա է նաւահանդիսան մեր և բաշ-  
խող պարգևաց . կենդանի աղքիւր և ճաշակը անմա-  
հութե, որ զամ սուրբս վայելլութիւն պսակէ յաւեժ  
կենդանութիւնն: Եւ զիւրաքանիւրոցն քաջութիւն՝ ի  
վեր բերեալ յօրինին և կազմին օգտակար շահիցն  
փառք, և լուսաւոր առաքինութեանցն հանդէսք  
ցուցանին ըստ արուեստիցն բարութեցն . զի զգու-  
շութիւն զգաստութեց ամ զգայութեցն հաւատով և  
սուրբ սիրով սիրեալ զանարատ ամբծութիւն յինքն  
հպեաց, որ ՚ի բաց մերժէ զախտ և զբիծ ՚ի մարմնոյ և  
՚ի մոտաց, յստակ և սուրբ սիրովն որ առած: Որ կա-  
րողն է ընդդեւ զօդտակարն և անարգել զի՞նասակար-  
սրն, և յորդորիչ լինել մտաց և զգայութեց ՚ի բա-  
րիսն, և զիւրաքախութեց վնասն պահել զմուտս ահիւ  
և զգաստութիւն միշտ: Զի յերկիւլն այ ամիտոփին  
միտք ՚ի զգուշութիւն այ բանին . և զգաստութեցն ա-  
ռաջնորդեալ անարգեսցէ զարն և ընդդեսցէ ըզ-  
բարին . և կացցէ մնացէ սուրբ և արդար յերեւլիս  
և յաներեսոյթս արթուն և զուարթուն: Զի մի խո-  
րամանդեալ չարին ՚ի ներքս մտցէ ընդ միտմն և ընդ  
զգայութիւնն և յափշտակեսցէ զառաքինութեց զան-  
ձըն, և պարտաւորեալ գտանի ՚ի հեղզացելոցն դա-  
տաստանն, որ ոչ հսկեալ պահեաց զտուն գանձուցն  
առաքինութեց, այլ թոյլ ետ ական հատանել և զո-  
ղանալ զբարի մեծութիւն, յորս վայելելոց էր ՚ի հան-  
դերձեալմն . և վասն այնորիկ պատժի ՚ի գեհենին  
յաղագս հեղզութեն:

Ճարդ եղիցի զգուշութիւն՝ ՚ի պահել զամուրմն և ըզ-  
գաստութեց գանձմն ՚ի ՔՇ, որ ՚ի մարմնին է զարդա-  
րեալ չնորհօք . զի նովաւ ապրեսցուք ՚ի խորաման-  
կութիւն բանսարկուին և ՚ի պատրանաց: Եւ հաճոյա-  
ցեալք ՚ի նորա կամն՝ մուցուք ՚ի խոստացեալ բա-  
րութիւնն առանց ամօթոյ վնասուց . զամ ճշմարտու-  
թիւն և զպարծանս սուրբ վարուց ընդ մեզ ունելուլ  
հանդիցուք ՚ի գոդ հանգստեանն և ՚ի զիրկս միսիթա-  
րութենն և ՚ի լոյս անշիջանելի փառացն: Եւ ըստ  
բազմաբեր պտղոցն մեր՝ առաւելեսցեն պատիւ և

փառք մեր . և աղատեալք 'ի Քու առցուք զպսակն պարծանաց յամենակալ Հօրէն :

Ծացից և վասն սուրբ Հեղութեն՝ որ առողջութեն է խըրտման ցասման մոտ և մարմնոյ ։ Զի լուսաւորեալ անարատ Հեղութենք և ամբիծ սիրով, որ հաւատովքն յարդարեալ է 'ի հանցոյ սուրբ Հոգւոյն և 'ի կամն Որդւոյն և 'ի փառս Հօրն երկնաւորի, առողջացեալ և Հշմարտեալ 'ի սուրբ սէրն նորա՝ պահեցի, և 'ի հանդարտութեն առցէ 'ի վնասակար մարտից, և 'ի շնուր այսոյն չարութեն ցածուցի՛ 'ի միտս և 'ի մարմինս :

Հեղութեն սանձք է բարկութեն և շարժմանց ցասման և վնասակարաց լկտութեն և ստահակութեն և 'ի թշնամանս յանդգնեալ ըստ ամիւ : Հեղութեն քաղցր և անոյշ Հաշակք են քմաց և ցածուցի՛ խռովութեն ամբոխից, որ յամբարտաւանութեն գերին : Հեղութիւն հանդարտեցուցի՛ է մըրկաց ալեւաց մոտաց և մարմնոց ալէկոծելոց 'ի փորձանս ինչ : Հեղութեն արմատք խռնարհութեն և համբերութեն և ժուժկալութեն են՝ որ մերձաւորի Քոյի : Հեղութեն զօրութեն է ամառաքինութեն և հիմն ամ բարեաց յերեւելիս 'ի մեզ Հեղութեն շինուած է խաղաղութեն, և քակտումն և հերքիւ խռովութեն, ոխութեն և նախանձու՝ երեւելի և գաղմնի : Հեղութեն աղբիւր յատակ է և ամպքաղցր ցօղով, որ արբուցանէ զերաշտութիւն չորացելոց :

Հեղութեն դաստիարակ է մանկութեն և հաւանութեն խրատուց և կարգաց ուսուցի՛ : Հեղութեն փառք ծերոց, որ նովաւ են հրահանդեալ յողջախոհութեն և յամ առաքինութիւն : Հեղութեն պատիւ երիտասարդաց, որ նովաւ յաղթեցին ամ հակառակաց, ստահակաց և անիրաւաց խռնարհութեն և քաղցրութեն :

Հեղութեն պատկ է պարծանաց կուսանաց, որ ամենարուեստ երախտեօք և բազմահանդէս առաքինութեքն 'ի կոչումն ընծայեալք սիրոյն սրբութեն, Զարթուցեալք, անվէհեր քաջութենք հնազանդեալք, և զհեղգութեն և զյամառութեն յորդորեւ 'ի հաւատ Հշմարտութեն : Փոյթ յառաքինութեն գործասիրութեն :

անքակ աղօթիւք, յորդորեալ յիշատակօք, մտերիմ կամօք, խոնարհ շարժմամբք, քաղցը հնարիւք, սիրով սրբութե, կատարեալ պահովք սանձել զդժնդակ և զաղտեղի խորհրդոցն շարժմունս յազդմանէ չարին. շիջուցանել զհուր ցանկութեն ջերմեռանդ արտասուօք: Բաց ունելզդուռն ողորմութեն'ի պէտս կարօտելոց, և ակն ունել յուսով խոստացեալ աւետեացն իմաստուն կուսանացն: «Եկայք, ասէ, օրհնեալք Հօր իմոյ, ժառանգեցէք զարքայութին սուրբ»:

**Հեղութիմանկանց եկեղեցւոյ սնունդ է,** և յորդորիչ ըստ աճմանն զգաստութեն և Ճշմարտութեն. որոց սկիզբն առեալ 'ի տղայութենէ 'ի սրբութին և 'ի պիտանութին՝ զլուսաւոր վարդապետութին և ըզհանգամանս բանից և ձայնից որպէս Ճառագայթս արեգական փայլեցուցանել փառաւորութե 'ի փառսայ վերնոց և ներքնոց, հանդերձ տամ սուրբ վարուք և խոնարհ սրտիւ. զի այնպէս լինիցին վերնոցն փառակից:

**Հեղութիման զգաստութինէ առաքինեաց և քարոզիչ նոցա հանդիսիցն.** որ իմացան զերկրաւորս անցաւոր, և բուռն հարին զանանց կենացն միամիտ սրտիւ և անհեղդ մարմնով, ազատեալ յամ վսասակարաց մըտօք և մարմնով: Զի կատարեալ զամենայն հրամայեալսն 'ի տեառնէ՝ և զայլս յորդորեսցեն որպէս պարտէ պահել արդարոց զսրբութին և զամ առաքինութին. կամ որպէս մեղաւորաց դառնալ 'ի խոստովանութին ապաշխարութեն, զի ապրեսցին:

**Հեղութիման դովելի մեծութինէ տնանկաց.** զի երկրաւոր մեծութիս մաշի և կորնչի հպարտութեն. այլ տնանկացն հեղութեն մեծացեալ կան և մնան անանցք. զոր ոչ ցեցուտէ և ոչ ուտիչ ապականէ, կամ գողք ական հատանեն և գողանան: Եւ յաղագս այսորիկ երանէ տէրն զհեզս. քանզի ասէ. «Երանի հեղոց, զի նոքա ժառանգեսցեն զերկիրն կենդանեաց», որ ոչ լսի համբաւ մահու. որպէս և Դաւիթ ասէ. «Հաճոյ լինել առաջի տեառն յերկրին կենդանեաց»: Այլ և աստին ունի զհանդարտութիւն մտաց և անդամոց և առ ամենեսեան՝ ոյք Ճակատամարտին: Զի զաղքատս 'ի համբերութին կրթէ, ըզ-

զօրաւորս զգօն առնել, և առանց խոռվառթե ունել զիշխամնութիւն երկրաւորս և առանց աղմկի հանապազորդ։ յամի ամենեքումբք է համեստութիւն, մեծաց և փոքունց գաստիարակ։

Հեղութիւն լուսաւորութիւն է քահանայական չնորհի, զառաջնորդական միտոն՝ ի հնազանդութե ունի, և ոչ տայ թոյլ ցասման շարժել ՚ի բարկութիւն և ՚ի թշնամանս, անգիտացեալ որ ինչ խորհրդոցն է ամբարտաւանեալ ՚ի ցասմանէն։ Այլ հեղութիւն մոտայոյ եղեալըստ Քսիի աւետարանութենուղդէ զհրաման իրացն առ սովին գիտութքն։ և լուսաւորէ այնպէս հեղութիւն, որպէս զի տեսցեն զգործս ձեր բարիս, ասէ տէրն, և փառաւորեսցեն զհայրն ձեր որ յերկինս է։ Հեղութիւն որպէս աղէ անուշիւ խորտկաց, որ զհամեղութիւն ճաշակացն համահամ քմացն տայ։ Զի բանք ձեր, ասէ, որպէս աղիւ համեմեալ լի չնորհօք և ճշմարտութք, յարդարեալ հեղ վարդապետութք։ զի տացէ չնորհիւ լուղացն վասն հանդերձեալ դատաստամնին արդարոց և մեղաւորաց։ զի որք լուիցենն՝ իմաստնասցին ՚ի Քո։ Հեղութիւնարդամեծար տէր է։ զմկնորսս քարոզս արար և աղբիւր կենդանարար չնորհաց սուրբ հոգւոցն, արբուցանելով զհաւատացեալս յանձկիտութիւն։

Հեղութիւն պատկառէ յանդուզն և յահուր բարուց, որպէս Մովիսէս և Դաւիթթ վկայեն։ ոմն առ պարասան ժողովուրդն, և ոմն առ Սաւուղ բազում անգամ երեխ։ Հեղութիւն իմաստնոց՝ իմացուցամնէ լուղաց զբանն հանձարոյ, ՚ի միտ առնուլ զարդարութիւն ճշմարիտ և ուղղել զիրաւունս և զամ առաքինութիւն։ Հեղութիւն զարդ է երեխի առաքինեաց անձանց, հաւատոյ, յուսոյ, սիրոյ, սրբութե, աղօթից, պահոց, խոնարհութե, ժուժկալութե, և ամբ բարեաց։ Հեղութիւն՝ սրբութե զգեստ է, որ մերկացան և ՚ի բաց ընկեցին զաշխարհական զցանկութիւն, և զգաստութք կատարեցին զկեանս ՚ի Քո։ Հեղութիւն մեծասքանչ չուք և պատկառ է ՚ի մէջ բազմամբոխ հրապարակաց։ որ զհոգեոր օրէնսն հանդար-

տութեր ճառէ, և հրեշտակ խաղաղաբար լինի առամբ լսողս, և անուն տեղան փառաւորեալ վերափոխի ՚ի հեղոյն և ՚ի մարդասիրէն այ փառաւորեալ վերափոխի ՚ի կեանս, և լսէ ՚ի տեղանէ եկ հաւատարիմ ծառայ և հեղ, որով ՚ի սակաւուդ հաւատարիմ եղեր, ՚ի վերայ բազմաց կացուցից զքեզ:

Հեղութիւն կերպարանք փառաց է տեղութեն, և դիւտք հանգստարար յաւիտենից. որ իւրութեամանոք ՚ի ձեռն հեղութեն իւրոյ վանք երկնաւորացն լինի և մուրմանց հաւատացելոց սրբոց ՚ի նա. որ խոնարհեցաւ ՚ի յերկնից ՚ի յերկիր ՚ի մեծութէ փառաց և եառ զծառայի կերպարանս, զի ծառայքս զնորա կերպարանս առցուք արդարութեր սրբութեր ճշմարտութեր վասն բարերար և ամենադիւտ սուրբ սիրոյն, և գրաւականաւն զոր եառ ՚ի մէնջ և ինքեամբ նստոյց ընդ աջմէ հօր ՚ի բարձունս, և ետյոյս վերստին հաւատացելոց ամենեցուն խոստացեալ աւետեաօքն՝ «Ուր եսն եմ, անդ և պաշտօնեայն իմ եղիցի»: Վասն որոյ հրաւիրեաց զամենեսեան և կոչեաց յիւր արքայութեն և ՚ի փառան, եկայք առ իս, առէ, ամ աշխատեալք ճգնաւորական հանդիսիւք և բեռնաւորք մեղօք յապաշտարութիւն խոստովանութեր, և ուսարուք յինէն զհեղութեր զխոնարհութիւն, և դտնիք հանգիստ անձանց ձերոց. զի լուծ աշխատելոց յուսով հեղոյն քաղցրէ, և բեռինք մեղաց խոնարհութենքն փոքրոզի լինի: Եւ յերկուցունց հաստատութենէ ՚ի կայ ընդ աջմէ այ սուրբ և անարատ, ոչինչ ունելով զձախակողմանն զդժնդակութիւն, այլ զաջակողմանն արդարութիւն. զի որ զայս ունին, քսի նմանին հեղոյն և խոնարհին առ արածելն . և երանութեր պսակին ՚ի ինսամոց սուրբ սիրոյն հեղքն և խոնարհն սրտիւք յամենասուրբ Երրորդութենէն. ազատեալք ՚ի վլուաց և ՚ի յաւիտենական տանջանացն, և յանանց խնդութիւնս և յանհամեմատ բարութիւնս վայելեցուցանէ: Զի բազմաբոյս առաքինութերն ՚ի բազմագով կեանսն ուրախանան, և փառաւորեալ և պսակեալ զանձառ զլոյսն զգենուն

՚ի Քթե՛ յանպատում և յանանց ՚ի կեանսն, որ պատրաստեալ է ամենայն սրբոց ՚ի խորանսն յաւիտենից:

Օ ի քազում և առաւել ևս է Ճաշակ քաղցրութեն և խոնարհութեն և հնազանդութեն, ողջախոհութեն և անարատ վարուց և անրիծ սիրոյ երախտեօք, Որովք խորտակեցան դրունք պղնձիք անհաւատութեն, և նիգք երկաթիք անհնազանդութեն փշեցան, և յաւար եղեն գանձք աներեւոյթ թշնամնոյն Ճշմարիտ իմաստութեն Քոի հաւատովք աւետարանին քարոզութեն. լուսաւորացն նմանեալ որ Ճառագայթիք ընտւն զտիեղերս, և ուղիւղ զդնացս մարդկան ունին ըստ արդարութեն Ճանապարհին: Զի քաղցրութիւն խոնարհութեան և հնազանդութեն աղջիւր բարութեն վայելեցուցիւն, և բժիշկ դառն ցաւոց՝ որ զաւողջութիւն տան. և բարեաց առաջնորդք՝ որ ուղիւղ Ճանապարհօք յերանութիւն տանին, ազատեալ յամ վշտագին վտանգից:

Վաղցրութիւն խոնարհութեն հնազանդութեն և հեղութեն միաւորեալ որսորդ բարեաց է և ժողովող ամառաքինութեն և վանք սրբոց Երբորդութեն: Քաղցրութիւն և խոնարհութիւն և հնազանդութիւն միաւորեալ զժողովս Ճինաւորաց ՚ի միասին ունի, և ոչ թողու քայբայել ՚ի միմեանց: Քաղցրութիւն և խոնարհութիւն և հնազանդութիւն մերձաւորաց, նուաստութիւն ամբարտաւանից և զօրութիւն հեղգացելոց, ցածուցիւն ամ ստահակաց, զարթուցիւն է կենաց յուսոյն, և համարձակութիւն վարանելոց որ ՚ի մեղացն ազատեցան ՚ի ծառայութենի: Պատճառք է ամ հոգեոր շահից, և խոփանիւ կորստեան վնասակար խորհրդոց և գործոց բացիւ է Ճշմարիտ խոստովանութեն, և արձակիւ կապելոց զդմամբ ՚ի թողութիւն մեղաց: Հրաժեշտ վնասակարաց, և մուտ յորդեգրութիւն: Օտարացուցիւն ամենայն գմնդակակաց, և մերձաւորիւ յուսոյն կենացն յաւիտենից: Տօն է Ճշմարիտ քարոզութեն խնամոց, և աղբիւր մննդեան հոգւոյն սրբոց բղիման: Ճեւացուցիւն է անգիտութեն, և տուն գանձի է իմաստութեն և հանձարաց: Ընտանեցուցիւն է Ճշմարիտ բարեկամաց, և յանդիմանիւ սպրդողաց սուտ եղբարց

ամբարշտաց : Ցրուելոց չշմարտասիրաց է ժողովին ,  
և անիրաւաց ցրուիչ : Հեշտացուցիչ սարտուցելոց .  
պարզեատու չնորհօք՝ որ դառնան յիրաւունս ար-  
դարութե , և կարգաւորիչ 'ի լաւն առհասարակ :  
Մինիթարիչ է սգաւորաց , և սփոփանք ամ վտան-  
գելոց :

«Քաղցրութիւն և խոնարհութիւն և հնազանդութիւն  
անդորրութիւն է 'ի դարմանս մարդասէր ինամոց : Ա-  
ռողջութիւն ցաւագնելոց , և յոյս հաստատուն 'ի հան-  
դերձեալմն : Ծափելոց նաւահնագիւտ , և օգնական  
առափինութե . սըրութե ամենազիւտ հնարք , և  
պղերգաց ձեռնուու 'ի դործս այգւոյն՝ որ առնու-  
վարձս զաւաշնոցն : Դուռն բաց է 'ի կենսարեր մուտ-  
սըն , որ ունի զբաղձանս արքայութեն՝ ընդ ինքեան  
ունելով զբարիսն : Եւ փակի ապախտաւորաց և ան-  
հնազանդից , ամբարշտաց և մեղաւորաց և որք ոչ լու-  
ան նորա բանին : Խոկ որք խոնարհեալ հնազանդին  
ընդ քաղցր լծով ապաշխարութեն , և սոքա ոչ զրկին  
'ի խոստացեալ աւետեացն ստոյգ խոստովանողացն  
և ապաշխարողացն . զի ոչ եկն կուել զարդարս , այլ  
զմեղաւորս : Զի որ զայս վարս առաքինութեն ունին ,  
կենդանի երախտեօք երանութեքն պսակեսցի յամե-  
նասուրը երրորդութեն : Աղատեալ 'ի դառն վշտաց  
գեհենին , և մշտնջենաւոր անմահ ինդութեքն յան-  
համեմատ բարիսն վայելեսց : 'ի քա սքանչելի ամ ե-  
րանութք : Ուղիղ միաբանութիւն հաւատոյ և սուրբ  
վարուց առողջ ամբիծ անարատ ունի զերախտիս սի-  
րոյն առ ամենեսեան անժամոցն յարմարութի 'ի քա  
Զի նովաւ հաստատին 'ի մի կամս քոյի և 'ի մի հա-  
ւատ . 'ի նմա բնակի այ յարդուումն և առաքինութեն  
անումն :

Ոիաբանութիւն հաւատոց և սուրբ վարուց՝ աղբիւր  
գիտութե . 'ի նոցանէ բաշխի անձախարար այն՝ որ  
տայ իւրաքանչիւր զէնս նահատակութե , զկամն բա-  
րիս , ընտրողական միտս . ատել զարն , և կանխել 'ի  
ուրն այ և 'ի չինութիւն կամացն՝ կատարեալ ապաշխա-  
րութք և մտերիմ խոստովանութք : Միաբանութիւն  
հաւատոց և սուրբ վարուց՝ խառնէ ընդ արարին ըդ-  
շնորհս , և 'ի սուրբ յիշատակաց նորա անքակ ունի

զամանդամն, և առ գրունս ողորմութեան սիրոյ նորա կայ միշտ վասն ամբարեացն որ յարարածս է : Եւ ընդ սոյն գուռն մտանեն պարգևք միաբանութեան, որ ազատէ և մեծացուցանէ . և նովին միաբանութե ընդունին անդամքն 'ի միմեանց զօգնութի առ շինութի իւրաքանչիւր կարգի : Եւ ամ որ քակի 'ի միաբանութի հաւատոցն և 'ի սուրբ վարուցն, ոչ միայն հրաժեշտ լինի յերանութի անտի, այլ և 'ի պատիժ մատնի . որպէս անդամ 'ի մարմնոյ հատեալ անպիտան լինի, և կամ ոստ 'ի ծառոյ կտրեալ 'ի հուր :

Միաբանութի հաւատոց յամենասուրբ Երրորդութին 'ի սուրբ վարս՝ քաղաք ամուր է երկնային զօրութին պարսպեալ . բնակութի է սիրոյն այ և վերին զօրացն, ժողովիլ 'ի նոսա ամ սրբովք յանձառ օրհնութիսն միաբանեալ, ընկղմեալ յուրախութիս խնամոց սուրբ սիրոյն՝ վառեալք յուսով փառացն այ . որոց սիրել զմիաբանութի անարատ սրբութին ամբիծ երախտեօքն Յնի Քնի : Զի որ այսպէս անքակ զմիաբանութիւն ունի սիրով Հոգւոյն, հաւատով և սուրբ վարուք, կենդանի երանութեամքն պսակի 'ի խնամոց սուրբ Երրորդութին . ազատեալ 'ի դառն տանջանաց գեհենին, և մշտնջենաւոր անհամեմատ բարեօքն բերկրի յանանց կեանսն :

Եստանօր վասն գթութեց ունիմ ասել, որ կապ է միաբանութե և մայր է սիրոյ և գոգ հանգստեան առողջութե, անարատ սուրբ ամբիծ երախտաւոր սիրոյ աւետեացն Քնի : Զի առատապարգև է առ մերձաւորս և հեռաւորս . դաստիարակ է մեծամեծաց և օգնական տկարաց . մնուցիչ է ընտանեաց և դարմանիչ օտարաց . սիրելի առ երախտաւորս, և ոչ ատեաց զապախտաւորս . սիրէ զբարեկամս 'ի բարութի և կամի զդարձ ատելեաց, զի հասցեն սուրբ սիրոյն :

Դթութի խնամք է սուրբ սիրոյն, բորբոքումն անձկոյ առ սիրողն . յիշատակ ծնողաց և յորդորումն ծննդոց . խնդիր հեռացելոց և մնունդ մերձաւորացն միշտ : Գթութի արմատ բարեաց, և ոստք նորա խնդութի, և տերև նորա զուարթութի, և ծաղիկ նորա ուրախութի, և պտուղ նորա անհամեմատ անուշութի : Զի գթովն բառնայ զտրտմութի յանցա-

հաց և զտաղտուկ ձանձրութիս՝ որ վշատեն զանձն,  
և զսուգ՝ որ օտարացուցանեն և յիմարեցուցանեն :  
Խափանիչ է վատութե և յորդորիչ առատութե,  
խլիչ ադահութե և ընդունիչ սակաւապիտութեան,  
յանդիմանիչ լկտութե և ծաղկեցուցիչ սրբութե,  
շիջումն թերահաւատութե և նշոյլք լուսոյ հաւա-  
տոց, ելք երկմտութե և մուտք կենդանի յուսոյն .  
օտարացուցիչ ատելութե և անդորրիչ վտանգելոց,  
և ամ նեղելոց սփոփիչ :

Դժութի կռփիչ է հպարտութե և լուծիչ նեն-  
գութեց . խայտառակիչ խորամանկութե և մերժու-  
մըն ոխակալութե և նախանձու . խոշտանգանք է ան-  
հնազանդից և քաջալերիչ համբերողաց . զօրացուցիչ  
ժուժկալաց և սրբիչ գիջութե . խրախոյս է երկայնա-  
մտաց և ձեռնտու խոնարհաց . պսակ զգաստութե և  
ամբծութե և յորդորիչ առաքինութե . զարթուցիչ  
է քնիածից և պղերգաց, և հասուցիչ՝ ի գործս հան-  
գըստեան, որ լին է ամբարութե, որ ունի զինամա-  
կթութե առողջ սուրբ անարատ ամբիծ երախտեօք  
խնամով սիրոյն : Զի որ զայս հոգեսոր գութ յանձին  
ստացեալ ունի՝ ի վերայ սուրբ վարուց, կենդանի ե-  
րանութեքն պսակի՝ ի խնամոց սիրոյն ամենասուրբ  
երրորդութեանն . որ ազատէ՝ ի դառնվշտաց գեհե-  
նին, և մշտնջենաւոր անհամեմատ բարեօքն վայե-  
լեցուցանէ՝ ի բարիսն :

Էյլ և զգաստութիմանալեացն որ հաստատեալ  
'ի հաւատոն որ 'ի ոռ, իշխանական կամօքն խլէ՝ ի  
զգայութեցն զվասակարսն, և 'ի ներքս բերէ զառա-  
քինութիւնսն, զսրբութի, զխոնարհութի, զՃշմար-  
տութի ըստ ամենայնի : Խզել զդժնդակակացն զեկա-  
մուտսն, և վառել զենս հակառակ չարին, և 'ի վայր  
կործանել զհակառակս արդարութեանն : Եւ հրով  
հոգւոյն հալել զձմեռնային խստութի սառամանեաց  
ջերմեռանդ արտասուօք : Եւ արձակել արմատս՝ ըզ-  
քաղցը սրբութի և զանոյշ խոնարհութի և զբարի հնա-  
զանդութի ամենայն Ճշմարտութե՝ ի քո : Եւ բարձ-  
րացուցանէ զոստս հաւանութե հաւատով յամենայն  
առաքինութե աճմունս որպէս զծառս՝ որ տնկեալ  
են 'ի գնացս ջուրց : Որ մեծաւ ցանկութե՝ ի շնոր-

հայն այ շարժին վտակք արտասուացն , որով մաքրին երևելիք և աներեւոյթք . և խաղաղ և հեղովարուցանի զտունկօ և զբոյսս զկանուխ և զանագան . և յորդորէ զամենայն անդամնն յաճումն արդարութե՛ ՚ի լաւն և յառաւելն . զի եկեսցէ ՚ի կատարումն առաքինութեան պտղովք , իսլեալ զօտարոտի բոյսն՝ զորոմնն և որ այլ ևս չար սերմանք ՚ի թշնամւոյն սերմանեալ ՚ի միտու և ՚ի զգայութիւն , և զինուովութիւնը ըստ ամենայն պրտմտութե՛ շարժմանց . զյոյրատութի , զյանդգնութի , զանզգամութի , զանհնազանդութի , զբարկութիւն , զամբարտաւանութի , զիհառասիրութիւն , զհպարտութի , զագահութի , զանխտրութի , զպղերզութի : Այս են պատճառք կորստեան . վրիպել ՚ի մեծ բարեացն շահից , ՚ի գովութե՛ առաքինութեն փառաց :

Այլ իմանալեօքն որոշել զբարին ՚ի միամիտ խորհուրդս , և հաւանական կամօք գործել զբարիս անոյշ և քաղցքը և լուսաւոր յորդորմամք ամենազիւտ չնորհօքն Քմի : Յիշատակօք երախտեաց սիրոյն սըրբութե՛ ըստ հաճոյից կամաց նոն բարերարի արրանեակ լինել չնորհացն ՚ի փառս և ՚ի պատիւ կենաց տուողին : Եւ գործակից լինել նորա բարերար կամացն հանապաղ , և ճշմարտեալ ՚ի հաւատո՞ առողջ սուրբ անարատ անբիծ երախտեօքն հաստատեալ կացցէ :

Եւ զի գլուխ է ամենայն զգայութե՛ցն իմանալիքն՝ որ ՚ի Քմ չնորհօք ամենայն անդամօք յօդեալ և պատշաճեալ է , և աձե՛ զաճումն այ , որպէս Աւաքեալ ասէ : Եւ ՚ի նմանէ բաշխին չնորհք իմաստութե՛ն յամենայն անդամնն , յերեւելի պէտս և յաներեւոյթ : Եւ ՚ի նմանէ բմպեն զհանձար բարեաց ՚ի մուտս օգտից և մերժելց ՚ի վնասակարացն : Եւ անտի ծագէ լոյսն յայտնիւ ամենայն քննութե՛ց , և իմաստնանան ամենայն զգայարանքն ՚ի ճաշակս հոգեորական վայելիցն և լնդրողք զլաւմն անձանց , և առաջնորդին ՚ի զգուշութի իմաստից , և զդրունս բանան զմտից չնորհացն . և զգաստացեալ և լուսաւորեալ անվեհեր փութով հանգիսանայ յընթացս վերին կումանն , պատրաստ ունելով զօդտակար շահն հոգւոց և

մարմնոց, զի ժառանգեսցէ զառհաւատչեայ երա-  
նութիւն :

Իշխ բերանն ըղիսէ յիշխանական հոգւոյն զշշմա-  
րիտ վարդապետութին առողջութեն անարատ սրբու-  
թեն անրիծ սիրով : Եւ ընդ նա գնան ամենայն վր-  
տակք իմաստութեն 'ի սրտէն յառաջագայեալ, ար-  
քուցանել և պարարել զայեկան երկիրն բանիւն կե-  
նաց առ 'ի յածումն բարութեն բուսոցն և առ ծա-  
ղիկս անուշահոտս վայելլացեալ քաղցր պտղով : Եւ  
զի բերանն է Ճշմարիտ բանին օրպէս Ճրագարան լու-  
սոյ, որ հալածէ զիսւար և յայտնէ զամօթ, և ցու-  
ցանէ զաղտեղութի և երեւեցուցանէ զգայթակղու-  
թի՛ ուստի բեկումն : Ուստի Որդին այ հնարիւք իւ-  
րովք զսպառազինութին նորա յափշտակեաց . զիս-  
րամանկութին, զյանդգնութի, զյափշտակութի, և  
զողոքանս խաբելիցն և զարհաւիրս, հարթուցանե-  
լով 'ի Ճշմարտութի անտի . և որ այլ ևս են մեքե-  
նայ ը ըարին, որ յայտնեն նշոյլք վարդապետութեն  
Քսի: Զի տացէ հնարս նահատակաց առաքինանալ,  
և յորդորել ընդդէմ չարեացն զուղցութին, և բառ-  
նալ 'ի մտաց զիմաստութի մոլորական, և ամփոփել  
զինքն 'ի Ճշմարիտ վարս, և զգուշանալ յամենայն  
վնասուց . առաջնորդել և այլոց 'ի բարիս : Եւ զյի-  
շատակ սրբութեն սիրոյն օրպէս խորիսին մեղու ունել  
'ի քիմս բերանոյ իւրոյ . զի նա է որ քաղցրացուցա-  
նէ զգառնութի չարին :

Իսկ որ բանայ զաւս իւր 'ի լոյս արեգական 'ի մի-  
ջօրէի, ոչ մերձենայ խաւար 'ի բիբրս նորա : Սոյնովէս ո-  
րոյ նայելիքն յատակ են յիշատակաւ սրբութեն, և լոյս  
ուրախարար է նորա կենդանի սիրոյն խնամք՝ որ պա-  
հէ զնա առանց վնասուց տուժից անրիծ և անարատ:  
Եւ նովին լուսաւոր չնորհիւ տեսանէ վկօրուսելոյն  
զգիւտս, և մերձաւորս առնէ օղորմութեն փրկին և  
ներքոյ ինամոց նորա կարգէ : Զի Ճաճանչ լուսոյ քա-  
րոզութեն բանին ցուցանէ զդեղ կենդանի յուսոյն,  
և զգարմանս արքայութեն զանճառմն և զանպա-  
տումնն : Ի ձեռն Ճշմարիտ հաւատոց ընթացուցանէ  
ընդ Ճաճապարհ վերին կոչմանն առ հայրն ամենա-  
կալ և Որդին բարերար և հոգին կենդանարար . որ  
անճառելի է մեծութի փառացն :

Վարդ և գունդք վերին զօրացն եղեն փեսաւէլք Որդւոյն այ և առիթ փրկութե մերոյ . և քաջալերեն զմիրելխ այ , որ փրկեաց զմարդիկ 'ի մահուանն մեղաց : Զի ուրախութիւն եղիցի յերկինս , որք դառնան առ տած և ապաշխարեն : Եւ որք հաւատացին յած և հաճոյացան նմա , արար զնուա ժառանգակիցս իւր արքայութեն : Սայսպէս և որ այժմ Շշմարիտ հաւատով կատարեցին զբան նորա , և ուսուցին առողջութք , անարատ սրբութք , ամբիծ երախտեօք սուրբ սիրոյն այ : Զի որ զայն վարս ստացեալ ունի յանձին ըստ ամենայնի Շշմարտեալ , կենդանի երանութքը պսակեսցի 'ի սուրբ երրորդութեն . ազատեալ 'ի դառն տաննջանացն , և մշտնջենաւոր յանհամեմատ բարութիօն վայելէ :

Եւ աչքն հաւատով սրբեալ , տեսոցութիւնամոցն նշոյլք է լուսոյ անպակաս ուրախութեցն : Որով վառեալ լուցանի լոյսն արեգականն արդարութե , որ լուսաւորէ զամ սուրբս , և մերձաւորս առնէ 'ի սէր չնորհաց իւրոց , և բաւնայ զիաւարային մօլորութիւն , և անսխալ գնացիւքն ընթանայ 'ի կէտ կոչմանն վերին յօթեանս հանգստեան ըստ քաղցրութե լուսոյն այ : Զի նովաւ հափ 'ի գիրկս սուրբ սիրոյն Որդւոյն այ , և 'ի գգուանս հօրն երկնաւորի , և 'ի պարզես հոգւոյն սրբոյ յանձառելիսն : Որ տայ զվիշակ ժառանգութե իւրոյ այնոցիկ 'որ 'ի կամս նորա վարեցան յաշխարհի , և զինուորեցան հոգեոր զինուքը ընդգեմ լարեացն զբարիսն ըստ աւետարանին Քոյի : Եւ կցորդ եղեն նորա չարչարանացն , և խաչակից եղեն կամաւորմահուն ամենայն համբերութք Շշմարտեալ անքակ սուրբ սիրով 'ի նեղութե և յանդորրու : Ծինուցին զպարտիս ողպանաց և զիսկատ բռնութիս կատարեալ ժուժկալութք . հանսապազ ակն կալեալ իննամակալաջոյն , որ զօրացուցանէ զյուսացեալս իւր զի իմանալեաց աւաց և երեւելեաց լոյս նաէ : Զի հանսապազ կանխսէլ 'ի պաղատանս խոնարհ սրտիւ , և ջերմեռանդ արտասուօք զաղօթմն հատուցանել այ 'ի բոլոր սրտէ , և յաչաց հեղուլ զարտասուաց հոսանս , որ 'ի ձեռն գթոյ անձկոյ յառաջադայի 'ի նըշող չնորհաց աւետեացն 'որ բաւնայ զվիշտս և ըզ-

հարուածս և զամենայն վտանգ՝ ի բռնաւորաց, և լնու բարօւթք յորդառատ զղմամք, և ընդունարան լինի հոգւոյն սրբոյ. որ յայտնէ զծածկեալս և զանքնինս սիրելեաց այ. զի և զիափաքումն կարօտութեանձկոյն լցուցանէ կենդանի և անձառ ձաշակօք՝ ի բարեբարութեն: Եւ լոյսն աչեղ անմատոյց ոչ մերժի սբանցւլապիս յանձանց անտի. և տեսիլ աւացն հաւատովլ լուսաւորի. և 'ի նշողից նորհացն լնու միշտ և ծաղկեցուցանէ զգայութիսն, և զուարթացուցանէ անմահական խնամովք զայնոսիկ՝ որ մերժեալ են յինքեանց զաշխարհական զցանկութիս և զգեցեալ զարբութե վերաբիու, ամբիծ հաւատովլ՝ ի սուրբ հոգւոյն վարեալ յաշխարհի՝ ի շնութի և 'ի խաղաղութի ըստ ամենայնի հոգեռորօք և մարմնաւորօք մինչև հասցէ յանքոյթ նաւահանգիստն իմանալի տեսութքն, առողջ անբիծ անարատ խնամօք սուրբ սիրոյ երախտեօքն Քոի: Զի որ զայս նորհաստացեալ ունի յայ, 'ի վերայ ամենայն սուրբ վարուց կենդանի խնամօք սուրբ սիրոյն յամենասուրբ Երրորդութեն պասակեսցի. ազատեալ՝ ի դառն տանջանաց գեհենին, և մշտնջենաւոր անհամեմատ խնդութեամքն վայելէ՝ ի բարիսն:

Եւ լսելիք անխարդախ հաւատովլ հնազանդեալ յաւողջութի և յանարատ սրբութի՝ ամբիծ խնամով երախտաւոր սիրոյն, ընդ օրս մտանեն ածային պատգամաց աւետիքն, և կերպարանէ՝ ի ներքին մարդն զկերպարանս փրկչին մերոյ Քոի իւրով փառօքն: Որ ունի յամիկ զնիշ խաղաղութե, և յահեկէ իւրմէ զհաստատութի որդէդրութե, և 'ի գլուխն իւր ունի զպսակն պարծանաց, և ընդ մէջ ածեալ զկամարն օրբութե, և չշմարիտ զգաստութք պատեալ զկողս իւր՝ ի զօրութե Քոի:

Ասելիք դրունք են հաւատոց՝ ի մուտս զգուշութե անարատ վարուց, երկիւղիւ և խնդութք խառնեալ. և ելք նորա արդարութի և իրաւունք. ըստ հոգեռոր օրինացն կատարեալ սրբութք ծաղկեալ, և 'ի ներքս բուրէ զանուշահոտութի զաղմոսից և զօրհնութեց. և անդ հնչեն փառք թափաւորին անմահի, և բու-

րեն որպէս յանոյշ ինկոց ՚ի բերանոյ սրբոց իւրոց  
պաշտօնէից , որք սրբութք գովիճն զամենասուրը զիշր-  
բորդութին : Անդ գունդք հրեշտակաց բանակեալք,  
և պատրաստութիք՝ զուարթնոց , որ վառեալ բոր-  
բոքին յերգս հոգեօրս , հաւասարեալք ամենեքեան  
՚ի միասին հատուցանել զփառս :

Լ սելիք հաւատով Հշմարտեալ՝ ընդունելութիւն է  
ծառոյն կենաց և հատոյն <sup>2</sup> քաւութեան և որթոյն  
փրկութեն : Եւ ՚ի նմանէ արձակեն զարմատս ՚ի սիրաս  
կատարեալս այց , որ նորհօք գարմանին հանապաղ,  
և պարարէ զնա ՚ի ցողոյ հոգւոյն սրբոյ : Եւ ամենայն  
արարածք որ զբաւեալ են սրբութիւնի սեր նորա , ու-  
րախ են ընդ նմա . դոչանան և փառաւորեն զբարե-  
րարն ած որ արար զամենայնս , և յարդարեալ պա-  
հէ ՚ի փառաւորութիւն սուրբ անուանն իւրոյ : Լսելիք  
Հշմարտեալ հաւատով վտակք են , ոռոգել ՚ի կենաց  
աղբիւրէն զանդս մտաց և զդայութիւն յանումն ա-  
ռաքինութենց : Եւ զդմնդակաց զբերումն արտաքս  
հանելով լաւագոյն ժրութիւն , որ ՚ի նիւթ հրօյն ու-  
նի զհանգամանս : Լսելիք Հշմարտեալ զայյմն յինքն  
ամփոփէ . որ վերաստեղծու զգաստ զիտել , հանա-  
չել զբարի և զար : Որպէս այլալեզուքն զիւրեանց  
լսեն առ ՚ի պէտս խօսս՝ և ոչ զմերն , այսպէս և որ  
զայս լսելիս սրբութիւն ունի , զայյմն լսէ և ոչ զարին :  
Եւ ունկն սրբոյն բանի որ ՚ի բերանոյ այց՝ լսէ , որ մուտ-  
է և անց բանի . որ սրբէ զմիտս և զզգայարանս , և ՚ի  
հնազանգութիւն յորդորէ հոգեօր օրինացն առող-  
ջութեն անարատ և սուրբ երախտաւոր սիրոյն . որ  
կենդանի խնամք սիրոյն յամենասուրը նըրորդու-  
թիւն լուսաւոր երանութիւնք պսակեսցի . ազատեալ ՚ի  
դառն տանջանացն՝ յանհամեմատ բարութիւնն վայ-  
ելեսցէ իսպառ :

Եւ հստակելիք հաւատով հստոյն են զգայութիւն  
զիտութեն և իմաստութեն , առողջ անարատ ամքիծ  
երախտեօք սուրբ սիրովն . և Հշմարտեալ անուշու-  
թիւն ՚ի հոգեօր հոտ զիտութեն՝ արբուցանի ; ՚ի հո-  
գւոյն սրբոյ զանձն ՚ի հոգեօր օրինացն : Զի ՚ի նոցա-

1 Միւսն ողառաբարութիւնն :

2 Այլուն հասարայն :

ներառաջազի հոտ գիտութեան հօր, և ճանաչէ զմբդի, և իմանայ զհոդին սուրբ: Գիտութիւն հօր տաձար է նորա փառացն: և որք մտանեն 'ի նա խոստովանութե՛, գտանեն զնա: Իմաստութիւն Որդւոյ խորան է նորա ծնելութեն: զի որք հարին 'ի նա դաւանութե՛, մերձեցուցանէ առ ինքն: Եւ ճանաչէ զհոդին սուրբ զտուի բարեաց 'ի ձեռն Ճշմարիտ հաւատոցն, որ ցուցանէ զլոյս ածութեն: որ շնորհօք զտեսողմն լուսաւորէ, և հոտ գիտութե վերաբերէ ընդ վերին զօրան վառեալ յօրհնութիւն հօր 'ի բարձունս և Որդւոյ և հոգւոյն սրբոյ Ճշմարիտ հաւատով:

**Հ**ոտոտելիք իմաստութե հաւատոց տայ ճանաչէ զհայր ամենակալ, և գիտել զմբդի մարդասէր գոլ, և զհոդին սուրբ պարզեատու: Հոտոտելիք հաւատոց ընթացուցանեն յարբայութիւն երկնից, և բանան զգբունս կենաց, որք առ սուրբ Երրորդութիւն անձկացեալ են, ընդ ինքեանս ունելով զառաքինութիւն: և փառակից լինել վերին զօրացն՝ օրհնեն զհայրն ընդ սերովելուն, և զովեն զմբդի ընդ քերովելուն, Երկրպագեն հոգւոյն սրբոյ ընդ հրեշտակո միոյ ածութեն: Հոտոտելիք Ճշմարտեալ հաւատով որոշեն զհոտ կենաց և մահու, զարբայութե և զդժոխոցն, զսրութե և զազտեզութե, զարդարութե և զանիրաւութե: Ոմանց գովութե և շնորհօք բուրէ, և ոմանց պարսաւանոք և զազիրս: Զոմանս վայելացեալ կերկարէս ամբառայ առ ած, և զոմանս 'ի վայր բերեալ և խոտորեալ 'ի վիհոս կորստեան ընկենու:

**Հ**ոտոտելիք Ճշմարտեալ հաւատով ճանաչէ զօրդիս լուսոյ և զօրդիս խաւարի: իմանայ զկամս խւաքանցիւր զուղութե և զմոլորութե, որ այլանդակ և այլուսունք են, որ որոշեն զնոսա 'ի բաց հօտովն սուրբ ըստ հրամանի ո՞ն, արտաքս հանելով 'ի խնամոց ո՞յ 'ի խաւարն արտաքին, ուր լալ աւայ է և կրծել ատամանց: Եւ զսուրբան անուշահոտ վարուքն մնուցանէ առաքինութե՛, մինչև հասցեն 'ի չափ կատարմանն Քսի ժառանգորդ լինել անուշակ արքայութեն: որ Ճշմարտեալ են 'ի հաւատս լուսաւոր և սուրբ վարուք, անարատ և ամրիծ երախտեօք սիրոյն: Զի որ զայս շնորհալից հոտ առաքինութե ունի 'ի վերայ

այլոց սուրբ վարուց, կենդանի երանութեք պատկեսացի ՚ի խնամոց սիրոյն յամենասուրբ Երբորգութեն. աղատեալ ՚ի դառն վշտաց գեհենին, և մշտնջենաւոր անհամեմատ երանութեն վայելեսցէ ՚ի բարութին անսպառ և անվախճան :

Եւ ձեռք Հշմարտեալ ՚ի բարի գործս հաւատով առողջ անարատ անրիծ երախտեօք սուրբ սիրոյն, են մշտկը պատրաստեալ հանդերձեալ աշխարհին ալբայութեն երկնից: Եւ երախտաւոր լինի բարի գործով. լուս բարի սերմամք զանգս յուսով պատղոյն բարեաց. ձեռնոտու գլորելոց. զբեկեալսն պատե, զանկեալսն կանգնե, զտկարացեալսն զօրացուցանե, ըդկարօտեալս յագեցուցանե. գործենցէ ձեռօք, զի բաւական լիցի տալ խրաքանչիւր ըստ չնորհելոյն նմա յայ առողջութեն առ շինութին հաւատոց: Ցիշել զնաւաքելոյ ասեն և առնել. «Զիս, ասէ, և որ ընդիմն էին, պաշտեցին ձեռքս այսո»:

Ձեռք սուրբ հաւատով բուրվառք են անուշահոտ խնկով ՚ի հրոյ հոգւոյն սրբոյ, բուրեալ ՚ի բարի գործս հեռաւորաց և մերձաւորաց ՚ի վայելս. և ՚ի վեր ամբառնաւ ամենասուրբս և գոհութիւն ընձայել այ: Ձեռք Հշմարտեալ հաւատով գործարան են մտաց և մարմնոց, որ զիւրաքանչիւրոցն զպէտմն վՃարէ յերկելիսս և յաներկեոյթմն անարատ յօրինեալ գովալութե՝ ՚ի փառս այ ըստ աւետարանին: Աւսոի ծագէ լոյսն աւետեաց՝ ձեռացն տարածմամք, և գործողի զյաղթութեն զլարձս առնուլ: Ձեռք Հշմարտեալ հաւատով անօթէ խորհրդոյ խաչին, որ խլէ զփուշ յանդէ՝ զանիծիցն զտատակ մեղացն, և տնկէ զծառն կենաց՝ որ պտղաբերէ ՚ի մեղ զբուի մարմինն և զարիւնն ՚ի թողութին մեղաց ՚ի ձեռն սրբութեն և խոնարհութեն և հնազանդութեն. զի այսպէս մտցուք ՚ի յարկս լուսոյն կենաց: Ձեռք Հշմարտեալ հաւատով մշտկը հոգւոյն Հշմարտութեն են. որ ՚ի ձեռն վաստակոց իւրեանց առաքինութեն առնուն պարձանօք զվարձնն: Եւ որպէս ՚ի ծովու յաշխարհիս ձեռօք վարեն զնաւս, զի հասցեն ՚ի նաւահանգիստն խաղաղութեն և հանգիցեն ՚ի Քո Յու: Ձեռք Հշմարիտ հաւատով որսորդք են ոչ ձկանց, ոյլ մարդ-

կան . որ քահանայական ճեռանադրութիւնը շնորհս ընձեռնէ . 'ի Հոգւոյն սրբոյ ազդմանէ , որսալով աւետարանին ուռկանաւն , առողջ և անարատ անրիծ երախտեօք խնամակալաւ<sup>1</sup> սուրբ սիրոյն : Զի որ զձեռագործո ստուգութիւն կատարեցիւ հանդերձ սուրբ վարուք , կենդանի երանութիւնն երախտաւոր սիրովն պատկեցի յամենասուրբ երարդութիւն . ազատեալ 'ի պատժոց գեցենին , յանհամեմատ բարութիւնն վայելէ յանանց և յանսպառ :

Եւ ոտք ուղղեալ հաւատովլ 'ի դնացս սրբութիւն , անարատ և ամբիծ երախտեօք սուրբ սիրոյն՝ նախաշաւիդ հանապարհորդէ ըստ աւետարանին 'ի հանդերձեալն յօթեամս արդարոց որ 'ի Քո : Ոտք ուղղեալ հաւատովլ հասուցանեն ամենասուրբ վարուք և կարդօք 'ի քաղաքն կենդանեաց 'ի սրբոյն ժողովս : Ոտք ուղղեալ հաւատովլ երիվարբ են սուրբ կամաց , որք ընթացուցանեն 'ի գործ նահատակութիւն վերին կոչմանն : Ոտք ուղղեալ հաւատովլ զհրաւիրեալս և զկուցեալս յօրդորէ 'ի հոգեւոր ուրախութիւնն պայծառ և սուրբ գնացիւք , հանդերձ յարմարական առաքինութիւն , ոչ ինչ խածեալ զդարձապարս : Ոտք ուղղեալ հաւատովլ ընթացուցանեն զհետ մոլորեւոց 'ի դարձուցանել զհողեղէնս 'ի հոգեղէնս , զապիրատս յիրաւունս , զանհանապանդս 'ի հնապանդութիւն արդարութիւն գնացիւք : Ոտք ուղղեալ հաւատովլ առաջնորդեն վերնայնոցն զհետ երթալ , ուր սրբոցն ընակութիւք . և կոխել զօրութիւն թնամոյն , ամրացեալ պահպանական կօշիօք առաքինութիւն . որ ոչ կարասցէ խածանել օձն 'ի հանապարհի , և լուծանել ըստ այս զնացս : Ոտք ուղղեալ հաւատովլ կոխեն զհուր ըստ օրինակի երից մանկանցն գնալով 'ի հնոցին : Կամ որպէս Պէտրոս 'ի վերայ ծովուն գնալով որպէս յատակի . եթէ ոչ էր 'ի թերահաւատութիւն ընկղմեալ , ոչ օգնականութիւն Յոհան կարօտանայր , որ վերստին զգնացս հաստատեաց 'ի վերայ ալեաց ծովուն : Զի որ այսպէս հանդիսացեալք ըստ աւետարանական գնացից արդարութիւն , աւետեօք

1 Միւսոն ամենութեալ:

յուսոյն պսակեսցին յամենասուրբ Երրորդութէն, և զանսպառ բարիսն ժառանգեսցեն :

Այսոքիւքիրատեալք և պսակեալք առ հաւատը այ  
յուսոյն, ծառայել առաջի տեսոն երկիւղիւ և ցըն-  
ծալ առաջի նորա դողութք, ընդ Դաւթայ ասել,  
«Ընկալարուք զիսրատնորա՝ զի մի բարկացի տէր, և  
կորնչիցիք 'ի ճանապարհացն արդարութե՛ 'ի ժամա-  
նակի յորում զարթչիցի բարկութի նորա » 'ի դա-  
տել զերկիրս և հատուցանել ըստ արդար դատաս-  
տանին : Դժնդակացն և յանցաւորացն, որք մեղան և  
ոչ ապաշխարեցին, որդն անմահ և խաւարն արտա-  
քին, ուր լալ աւաց է և կրծել ատամանց, և անշէջ  
հուր գեհենին պատրաստեալկայ անմահ տանջանաց  
խկ որ օրբեցին զանձինս իւրեանց յամաղտեղի ցան-  
կութեց և կատարեցին զարդարութիս ամ, անհա-  
մեմատ երանութքը մեծարեալ և փառաւորեալ պար-  
ծանոք պսակեսցին յամենասուրբ Երրորդութենէն :  
Որում փառք յաւիտեանս յաւիտենից . ամէն :

1 Միւան ըստ Դաստի առէլոյն :

ԵՐԱՆԵԼԻՈՅՆ ՍՐՅՈՑՆ ԴՐՏԳՈՐԴ

ՎԱՐԴԱՊԵՏՈՒԹԻՒՆ ԲԱՐԵՐԱՐ ԱՐԱՐՉԻՆ ԽՆԱՄՈՑ  
 ԵՒ ԿԾՏԱՄԲՈՒԹԻՒՆ ՌԱՀԱՅԱԴԱՆԴՈՒԹԵԱՆ  
 ԵՒ ՍՏԱՀԱԿՈՒԹԵԱՆ  
 ԵՒ ԱՌԱՋՆՈՒԹՈՒԹԻՒՆ ԲԱՐՈՒԹԵԱՆ ԲԱՐԵԱՑՆ  
 ԼԱՏՈՒԹԵԱՆ

ԺԲ

**Բ**ԱԶՄԱԴԻՄ ԵՆ Երախտիք չնորհաց միոյ հորն  
 բարերարի , և միոյ Տեառն կենարարի խնամք արար  
 չութեն լուսաւոր փոփոխմանցն , և միոյ հոգւոյն սըր-  
 բոյ խնամոցն պարգեք և ամենադիւտ սիրոյն առ երկ-  
 նաւորս և երկրաւորս և որ 'ի նոսա են արարածք ամ-  
 ջուր և օդ ըստ փոփոխման արարչին յօրինուածոց  
 ցուցանեն վերնոց և ներքնոց , առ փոքր փոքր զանու-  
 մըն առեալ և 'ի կատարումն ընթացուցանեն հա-  
 ճոյից այ , և զհանդէս մտերմութեն բացայայտեն  
 երկրաւորաց և երկնաւորացն լուսաւորացն մտեր-  
 մութեն գործակցութեն հոգեոր օրինացն բարձրացու-  
 ցանել 'ի փառս և 'ի պատիւ լրմամբ խոստացեալ բա-  
 րեացն . որ փառօք և պարծանօք մեծարեալ են բա-  
 րերար և առատ և աննախանձ կենդանարար չնոր-  
 հան : Եւ զփոփոխմունս յարգանացն տեսեալ՝ յա-  
 ռաւել մտերմութեն հանդէսն յորդորին , և զաներե-  
 ւոյթոն երեւելեօքս ցուցանեն առողջ անարատ լու-  
 սաւոր սրբութեն յորդորմամք՝ անթիծ երախտեօք սի-  
 րոյն : Եւ ընձայարեր լինել տեառն ըստ միոյ միոյ  
 պարգեին գործակցութեն ամենաշահ նորա խրատուցն  
 զմերս մեծարելով հաւան և բարերար կամաց չնոր-  
 հոյին . կարգելով մշակս ձշմարտութեն առ երախ-  
 տիս բարեացն ամի յաներեւոյթման և յերեւելիս , յան-  
 մարմին զօրութիւն ասեմ , յերեւելիս որդիս մարդ-  
 կան : Զի նովաւ կեան և շարժին երկնաւորքն և եր-  
 կրաւորքս :

Ե բարերար կամացն այ արքանեակը լինին և սիրելեաց նորա վերին զօղքն, առաքելոց և մարդարէից և ուղիղ վարդապետաց, վկայից սրբոց, քահանայից, կուսանաց, արդարոց և ամ շշմարտասիրաց՝ որք առաքինութք նահատակին՝ի փրկութի անձանց և մերձաւորաց գործակցութք հոգեոր օրինացն տեառն: Եւ առ փոքր փոքր յաւելուածովն գալ 'ի կատարումն մննդեամբն: Որպէս և ինքն իսկ եցոյց զիւրոց գործոյն զյօրինուածս 'ի ծնունդս. որ յուշնէ 'ի սաղմնին յարգանդէն 'ի հաւանութենէ արուին և իդին ըստ օրինաւոր ամուսնութեն կարգացն այ՝ զաւակ ստանան 'ի սիոփիանս անձանց և մերձաւորաց և 'ի գոհութիւն պարգեատուին, և բազում ուրախութի ցուցանեն 'ի ծննդեանն, և բարեկամօք և մերձաւորօք տօն կատարի ծննդեանն և անուանակոչութեանն: Որ 'ի մթին և յաղջամղջին յորովայնէ յառաջեկեալ մարդ կերպարանեալ ցուցանի յերկրի: Եւ յորժամ սննդեամբ մարմինն առեն 'ի կատարեալ հասակ պատրաստութեամբ արուեստիւք ոմամբք, և ողիքն բանաւորք և մտաւորք ըստ մարմնոյ անմանն զգիտութի և զիմաստութի ընդնմին բացայայտեն 'ի ձեռն ուսուցացն խրատուց. որ և պետութեց և իշխանութեց հանդիպին յերկրի:

Եւ նախ քան զամենացն ճանաւեն զած, և արարածովքս իմացեալ զարարին երկնի և երկրի որ 'ի նոսա արարածք իցեն. և լինել աշակերտ և արքանեակ նորա կամացն նմանեալ նորա բարերարութեն Աւել զարն և ընդրել զբարին. պատճառ լինել շահից և խլիլ վնասուց կորստեան. երախտաւոր լինել հեռաւորաց և մերձաւորաց առ գրացիս և ընտանիս. բարի կամօք և բարի զնացիւք և բարի գործովք առ ամենեան լինել արժանաւոր իրաւամբք, և արդար և ուղիղ և սուրբ և շշմարիս վարս ստանալ: Եւ այն պէս երանելի երևել յաշխարհի՝ ամ առաքինութք զարդարել ըստ պատկերի այ, փոխի յանուշակն՝ կենդանի յանմաչ փառմն 'ի յոյմն յարութեն, և ընդունի զերանութի սիրոյն: Զի խնամով սիրոյն լի են եր-

կինք և երկիր և որ 'ի նոսա արարածք իցեն, և նորա նախախնամութեն վարին :

Դշտ ողիք կատարելոց սիրելեաց այ ուր և են, 'ի նորա սուրբ սիրոյն 'ի զիր կան, և 'ի նորա կենդանի ինաման վայելեն : 'ոյնպէս և մարմինք 'ի նորա զիրսըն՝ կեալ 'ի ինամոցն պահին, եթէ 'ի ցամաքի և եթէ 'ի ջուրս՝ ուր և իցեն : Զի անձ մեր յերկինս և յերկրի, 'ի ծովս և յամ խորս, ասէ մարդարէն : Եւ գարձեալ ասէ, « Թէ եւանեմ յերկինս, դու անդ ես . և եթէ իջանեմ 'ի դժոխս, և անդը մօտ ես . եթէ առից զթես իմ ընդ առաւօտս և բնակեցայց յեզերս ծովու, սակայն և անդ ձեռն քո առաջնորդեսցէ ինձ և աջ քո ընկալցէ զիս սիրով » : Դժոխս ասէ զգերեզման ապականիչ՝ որ այ ինամովքն պահի 'ի յայս յարութեանն, ուստի վերստին նորոգին 'ի կեանսն յաւ իտենից՝ ընդունելով զհողիս իւրեանց : Եւ որ սուրբը իցեն, 'ի բայ մերձ լինին . զի « Ուր եսն եմ, անդ և պաշտօնեայքն իմ եղիցին » :

Դայլ և զմեղաւ որայն զմարմինս և զչոդիս պահէ, ուր և իցեն, 'ի յանդիմանութեն կշտամբանաց մեծի աւուրն դատաստանի և յարութեն՝ ի մեռելոց : Զի դիմադարձ եղեն օրինացն արդարութեն, սիրեցին զքար և ատեցին զքարի, և զպատուիրանս նորա ոչ պահեցին : Խակ որք Ճշմարտեալ սիրով ինդրեցին զնա, եղեն նոցա պարզեատու . զի արդար է տէր և ուղիղ են դատաստանք նորա, թէպէտ և մեզ է այս անհասաննելի Որ ծագէ զարեգամին 'ի վերայ չարաց և բարեաց, և որ այլ ևս են ինամք հասարակաց 'ի տեառնէ : Բայց որ առնէ զկամս նորա, մնայ յաւ իտեան . զի « Եղերուք սուրբը և արդարք, զի և ես սուրբ եմ և արդար, ասէ տէր » : Խակ որ զայս աւետիս ունին յանձինս, սրբեն զինքեանս յամ ցանկութեց, և լինին արբանեակը Ճշմարիտ և սուրբ վարուց, և այնպէս լինին ընդունարան անձային ընորհացն և օթեւամնք այ : Արդ որ այսպիսիք են, 'ի ինամս սիրոյն հաստատեալ կան : Որպէս և ասաց, եթէ « բնակեցայց 'ի նոսա և գնացից 'ի նոսա և եղեց նոցա յամ, և

նորա եղիցին ինձ ժողովուրդսո՞ւ . և դարձեալ . «Ես եւ զէց նոցա 'ի հայր, և նորա եղիցին ինձ յուստերս և 'ի դստերս, ասէ տէր ամենակալ» :

Վարդ ամ արարածք 'ի ներքոյ զօրութենորա կախեալ կան . բայց զսիրելիս իւր և զկամարարս 'ի ներքոյ վարագուրի իմամոց սիրոյն պահէց յամ վոտանցից : Եւ այլ կայեանք են, որ արհամարհեցին զօրէնս նորա, և ծառայեցին դմնդակ ցանկութեց անխտիր պէսպէս չարեաց, որք ժառանդեն զարտաքին խաւարն : Խաւար է աստ արտաքին չար, որոց խաւարեալ են միտք և զգայութենք, և օտարացեալ են 'ի կենաց անտի, որպէս ասէ Առաքեալ : Խկ անդ ո՞ր . 'ի հուր գեհենին, ուր լալ աշաց է և ու զոք տեսանէ, և որ 'ի նոյն են տանջանիք՝ որ պատրաստեալ է դիւաց և պղձոց :

Օ 'ի իբրեւ յերկրաւոր կեանքս 'ի ձեւն մահուան 'ի գլուխ ելանեն, հոգիքն յուղարկին առ առծ՝ որ ետ զնա, և մարմինն դառնայ 'ի հող՝ յորմէ ստեղծաւ յարացէն: Եւ սուրբ և արդար հոգեացն ընդ առաջ գան հրեշտակը և սրբոցն հոգիքն, և տանին առաջի այ սալմնսիւք և օրհնութենք և երգօք հոգեորօք, զովելով զամենազօր փառս տէրութեն ամենասուրբ երբորդութեն: և դոհանան զերպատաւոր բարերարութեն, որ փոխէ յերկրաւորաց յերկնաւորն, յանարգութենէ 'ի պատիւ զհրաւիրեալմն և զկուեցեալ սըն յիւր արքայութին և 'ի փառսն . որ նա միայն է փառաց և պատուոյ և օրհնութեց արժանի: Քաղցր խոնարհութին, հնազանդութենք օրինացն, ընծայիւք պատարագաց 'ի նուերս լրութեն զործոց բարեաց, ըզքու պատարագեալ զարսափելի խոնարհութին վասն նորա փրկութեն և յուսոյն քահանայական խորհրդածութին: Զկապեալս արձակել, զպարտս թողուլ զկարօտեալս լցուցանել, և որ այլ ևս են բարեգործութենք բազմաձեռնութինք աղօթիւք և խնդրուածուլք, Յերմեռանդ արտասուոք վամն համնդերձելոցն փրկանաց: Այսոքիւք յուղարկել զհրաժարեալմն 'ի յոյս կենացն յաւիտենից 'ի քո, որ այսոքիւք հաշտեսցի հայրն զթած և Որդին բարերար և հոգին սուրբ բարեինամող. և ուրախութին լինի 'ի վերայ այսոցիկ

վերին զօրացն, որպէս 'ի վերայ մեղաւորաց որ դառնան ստուգապէս խոստովանութք յապաշտարութի. և ընդունին զհոգիսն յօթեանս ըստ իւրաքանչիւր արժանաւորութեն, բաժանել զհանգիստ և զտեղի ըստ տեսչութեն՝ այ,

Ի վերայ այսոցիկ հաւատացելոց և արժանաւորաց յուսոյ, որ անյուսութքն լան և կոծին և ցտին զհրաժարեալսն յերկրէս որպէս զհեթանոսս՝ որ ոչ գոյ յոյս, բարկացուցանեն զած, և և 'ի գործոց երախտեաց բարեացն որ ընձայեցաւն այ վասն հրաժարելոյն, զրկեն այնուիկ զնա 'ի հանգստենէն, և տրտմեցուցանեն զջօրս երկնաւորս և զհոգիս արդարոց, և զնոցին զհոգիսն իսկ վասն որոյ զսուգն յերկարեն, և և ինքեանք անկանին 'ի պատիժս վասն անյուսութեն, և առնուն զվարիոս պատուհասիցն։ Զի որ խռովեցուցանէ զած և տրտմեցուցանէ զերկնային զօրմն և զարդարոցն հողիս և զրկէ զհոգի հանգուցելոյն 'ի հանգստենէն, կրեսցէ դատաստան ո ոք և իցէ՝ ըստ Առաքելոց բանին։ Արդ որ զմարդիկ խռովեցուցանեն՝ պատուհաս կրեսցեն, ողքան որ զած և զընտանիսն նորա զհրեշտակս և զսուրբս։ Զի այ դատաստանքն Աշմարտութք են, ասէ, 'ի վերայ այնոցիկ՝ որ զայնպիսին գործեն։

Եւ զի երրորդ մարդկային կեանք բացայայտին, առաջին է յորովայնի մօրն սաղմն առեալ և աճեալ, 'ի մթին և յաղջամղջին արդանդին զկեանս մնօրինեալ մինչեւ 'ի ժամանակս ծննդեանն։ Եւ երկրորդ՝ կեանք երկրագործ։ որ յաշխարհիս քաղաքավարի ըստ աշխարհիս բերմանց, նախախնամութք արարցն դարմանեալ յերկրէ և 'ի ծովլէ։ Խակ երրորդ՝ կենդանեաց աշխարհն։ ուր ոչ լսի համբաւ մահու։ որ ոչ փոփօխի կենդանի երանութիւնն, անհրաժեշտ պայծառութինն, անմոռաց ուրախութինն։ Զոր ոչ կարէ ասէլ բան, զի անճառելիք են։ և ոչ ունին կարէ լսել, զի անհամեմատ է 'ի լսել. և ոչ միաք բովանդակեն, զի անիմանալի է քննողաց։ Զի և ոչ զյորովայնի ըղկեանսն կարէ ոք ասէլ զյօրինուածմն։ այլ և ոչ զերեւելիսս ոք բովանդակի ասէլ, որ 'ի յերկնէ և 'ի յերկրէ և 'ի ծովլէ կեանք մարդկան 'ի խնամոց այ մատա-

կարարին, [թող] [թէ] զառհաւատուեայ յուսոյն զանանց կեանմն, բայց հրաւիրեն գիրք միայն խոստմամբք զարբայութին հաւատացելոց, և յորդորեն յուսով զողջախահմն՝ [թէ] որ զերկինս և զերկիր ետ լրիւ իւ բով'ի մնունդ ամբարեօք վասն ոչ մի իրիք լաւութե, ապա 'ի սոցանե յայտ է անառու խոստմունքն 'ի բարերար տեառնէն սիրողաց իւրոց :

Եշ զի ոչ կարեն ճառել սիրողք ոյ զհանդերձեալ սըն, այլ 'ի բանեն տեառն . « ծագեսցեն, ասէ, արդ գալքն որպէս զարեգակն յարբայութեն ոյց » : Եւ որ պէս ոչ է նման խաւար արեգական լուսոյ, սոյնպէս և ոչ արեգական լոյս կենդանի լուսոյ փառացն համեմատ է, զոր զգենլոց են սուրբքն զանստուեր լըսն զմշտնջենաւորն զանփոփոխն՝ որ լին է կենդանարար բարութեք : Զի որպէս 'ի զգալիս արեգակս, յիմանալին ած է՝ որ լուսաւորէ զամ» :

Օ ի որք աստըստ խրատու պատուիրանաց տեառն հրահանգեն զինքեանս 'ի վարս առաքինութե, առհաւատուեայ յուսովն իրեւ 'ի տուրնջեան բարեձե կարգօք վարեն զաշխարհ, և ոչ մեկնին 'ի նորա կամացն, ոչ 'ի տիրականաց և ոչ 'ի հեշտականաց, և ոչ խռովեցուցանէ զած և զզօրս անմարմնոցն տրտմեցուցանէ, և զհոգիս արդարոցն 'ի զգայութէ նորհացն, Որ յամ գմնդակաց շարժմունս՝ որ 'ի սուրգ և 'ի վիշտու 'ի նեղութե և յանդորրու՝ արտաքոյ կամացն ոյ զործէ : Խոկ որ առաքինարար անցանեն ընդ վիշտու և ընդ նեղութիս՝ ոչ ինչ վնասեալ 'ի պատահեալմն, ուրախ առնեն զած, և 'ի հրձուանս զզօրս հրեշտակաց և զոգիս արդարոց, ըստ այնմ օրինակի զոր վերագոյնն ասացաք : Եւ լուսաւորեալք լուսով աւետեացն փոխին յանմահութե կեանմն :

Խոկ որք մեղաւորքն են վախճանեալ ամբարշտութե և անիրաւութե և յուսահատութե, նոքա են ողաց արժանի և արտասուաց : Որք վրիպեցան 'ի խոստացեալբարեացն և յանսպառ ուրախութեցն, և հրաւիրեցան յանշեջ հուր գեհենին և յանմահստակումն, ուր լալ աշաց և կրծել ատամանց է միշտ :

Օ ի որ զՃշմարտեալն հաւատով և զբարեգործմն վարուք սզան անյօյս, նոքա ընդունին զպատուհասս

փոխանակ անյուռառութեն՝ 'ի տեառներ, և զըրաժարելոցն հոգիսն վնասեն։ Արտասուք օգտակար այս են 'ի տէր, որ զմեռելոցն զյիշատակս մեղացն և զանձանց առաջի այլ ընծայել և ոչ առաջի հրապարակաց։ որ լինի սրբարան մեղաց և ոչ 'ի պատիժու ։ Եւ ջերմեռանդ արտասուք միշտ յաղօթմն կանխել 'ի տուել և 'ի գիշերի հսկել ։ Եւ ցաւագին հեծութք և պահօք պնդութք, բազում ղղջմամբ և ապաշաւանօք զսխալանսն սգալ հանապազ, որ վրիպեցան յերկնային լուսոյն և 'ի յայտնութեն փառաց մեծին այ։ Զի որ իւր մեղօքն 'ի խոստացեալ այլ բարեացն զրկեցաւ, զնասգացուք այնպիսի ապաշաւանօք, և եղուկ վարկանել զվրիպեալսն յանանց բարեացն։ Եւ արտասուալից աղօթիւք և առատատութք ողղորմութք և ամը բարեգործութքը հանդերձ Քոի պատարագաւն զած 'ի հաշտութիւն ածել, և 'ի հրաժարելոցն՝ միսիթար լինել 'ի հանդերձեալսն։

Այսորիկ են որ զանձն օգտեցուցանեն, և զըրաժարեալսն՝ իւրեանց մերձաւորօքն և զմուրիմ սէրն ցուցանեն վասն հրաժարելոցն յերկրէ։ Վասն հաւատացելոցն յուսով զննջեցեալսն և Արաքեալ միսիթարէ և ատէ։ «Մի տրամիք որպէս և հեթանոսք, որոց ոչ գոյ յոյս։ զի որպէս յարեաւ Քո 'ի մեռելոց, նոյնպէս և զվախճանեալսն մեր և զմեզ յարուցանե և յանդիման կացուցանէ իւր հանդերձ ամենայն սրբութք 'ի գալստեանն իւրում Քո»։ Ի զօրս մակարայեցոց երկեի յոյս։ որ զնիշ հեթանոսաց յանձնն ունելով անկան 'ի պատերազմի, և զնոցա աւարն ետուն ցքահանայմն, զի աղքատաց բաշխեսցեն 'ի քառութիւնոցա մեղացն՝ որ վրիպեցան 'ի Ճշմարտիցն Եւ զի գիրք են մեր վարդապետք, և 'ի ձեռն նոյցա զյաւիտենից զյոյսն ընկալցուք, և նոքօք վարեսցուք յաշխարհի։ զի Ճշմարտեալք սուրբ սիրով փոխեսցուք 'ի կենդանի յոյսն երանութեն՝ որ կայ և մնայ։

Պատուական՝ ասէ մարդարեն զմահ սրբոց առաջի տեառն ամենակալի։ Եւ իւ է պատուական մահ սրբոց։ որ Ճշմարիտ որոշմամբ զլաւմն 'ի հանդէս ա-

1 Միւսոն հըմբարէւյն։

ուրինութեն ցուցեալ 'ի յօյս կենացն յաւիտենու  
կանաց : Ի՞ւ է պատուական մահ սրբոց այ . զի յան-  
ցաւոր կենացս յայսցանե 'ի մշտնջենաւոր կեամսն փո-  
խին : Ի՞ւ է պատուական մահ սրբոց այ . զի 'ի վշտագին  
նեղութեցս այսոցիկ 'ի հանդիստ բարեացն փոխին :  
Ի՞ւ է պատուական մահ սրբոց այ . զի 'ի թշուառութե՛  
և յեղկելի կենացս յերանելի կեանսն փոխին : Ի՞ւ  
է պատուական մահ սրբոց այ . զի յակամայ փոր-  
ձանաց հոգւոյ և մարմնոյ ազատի և յանդորր փոխի :  
Ի՞ւ է պատուական մահ սրբոց այ . զի զծերութի և  
զտկարութի թողուն , և 'ի նորոգութեն վերստին փո-  
խին : Ի՞ւ է պատուական մահ սրբոց այ . զի սիրովն  
որով յաղթեցին ամ կարեաց մարմնոյն , 'ի նա փո-  
խին : Ի՞ւ է պատուական մահ սրբոց այ . զի զմեղացն  
մահ մեռան յերկրի , և կենդանի յուսոյն փափաքե-  
ցին . զի յորժամ Ք՛ս յայտնեցի կեամսն մեր , յայն-  
ժամ և սուրբը ընդ նմա փառաւորին : Զի սուրբը  
կենդանի երանութեք կացին յաշխարհի , և այժմ  
կենդանի են առ այ խնամնն : Զի հոգիք արդարոց 'ի  
ձեռին այ են ուրախարար յուսովն ըստ անսուտ խոստ  
մանցն այ . զոր 'ի յարութեն ընդունելոց են զփառս  
յաղագս սրբութե՛ և արդարութե՛ և Ճշմարտութեն  
յաբքայութեն երկնից յամենասուրը Երրորդութեն :

Խոկ որ կենդանի մարմնով մեղացն յաշխարհի վա-  
րին զագիր ախտիւք և դժնդակ վարուք , կենդանի  
մեռեալս կոչեն ածային զիբք : Որպէս զայն որ ա-  
սաց տէրն՝ մեռելոցն մեղօք թաղել զհայրն մեռեալ , և  
նմա քարոզել զալքայութեն այ . Զի որ յուսահատ  
են 'ի կենաց ամստի և օտարացեալք յայ և յուղիդ  
վարուց , նոքա են սատուգապէս մեռեալ : Եւ որք ա-  
րարին զկամն մարմնոյ և զմտաց , որպէս 'ի գերեզմանի  
թաղեալ կան նեխեալ մեղօք 'ի մարմնս անսրբոց և  
պղծոց և անխտիր յամ յանցանս . որք և ժահահո-  
տութիս բուրեն զանօրէնութեցն : Որպէս տէրն ցու-  
ցանէ զփարիսեցւոցն ժողովն . որ 'ի վեր երկեին ինչ ,  
և 'ի ներբոյ լի են ամբարշտութեք չարեօք և հայհոյ-  
ութեք : Զի որպէս գերեզմանիք բաց են կոկորդք նոցա ,  
առէ մարգարեն . դատեա զնոսա , տէր ած , զի անկցին  
'ի խորհրդոց իւրեանց չարաց : Զայնպիսինն ողբաս-

ցուք, որ կենդանի մեռեալք էին և մեռան զհասարակացն մահ անմիտթար:

Օ մահ մեղաւորաց չար առէ մարգարեն յաղագս դժնդակ անսուրբ վարուց բայց որ ատէին զարդարս յաղագս ողջախոհ խրատուց՝ զղջասցին, զի հրաւիրեցան յանշէջնուր գեհենին: Ի՞ւ է չար մահ մեղաւորին: զի յուսահատութե՛ է վախճան նոցա զի մեղան և ոչ զղջացան և ոչ ապաշխարեցին և հաշտեցուցին զած: Ի՞ւ է չար մահ մեղաւորին: զի ելին' ի ժառանգութե՛ հրեշտակաց, և եղեն ժառանգորդք դիւաց և յաւիտենից տանջանացն՝ որ նոցա էր պատրաստեալ յամենեցունց տեառնէն: Ի՞ւ է չար մահ մեղաւորին: զի ել յայս աշխարհէն որ անզգայաբար կեայը և ոչ աւենոյր՝ ի միտ զօր ելիցն. զոր ոչ կարէ զործել զինի աստի վճարելոյն զեարի և մտանել առած: Ի՞ւ է չար մահ մեղաւորին: զի լսեն յամենեցուն տեառնէն: երթայք յինէն անիծեալք՝ ի հուրն յաւիտենից, որ սատանայի կամբարաք եղեն և ոչայ՝ որ արար զամ՝ ի բարի կամ: Ի՞ւ է չար մահ մեղաւորաց. զի դրունք կենաց ապաշխարութեն փակեցան, և ոչ ևս է լսել՝ ի տեառնէ, գարգարուք առիս, և ես դառնամ առ ձեզ. այլ թէ՝ հանէք՝ ի խաւարն արտաքին, զի ոչ լուսան ինձ: Ի՞ւ է չար մահ մեղաւորաց. զի բանան դրունք մահաբեր գժոխոցն յաղագս զանազան գժընդակ չարեացն զոր գործեցին, և ոչ յիշեցին զտանշանսն յաւիտենից մեղաւորաց:

Օ ի անդ զղջումն անօգուտ է. զի արգելեալ է գութ մարգասիրութեն, որք յառագաստէն արտաքս անկան: Եւ կամ կամի ջրոյն կարօտին Նազարու, և կամ շինեալ ջահիցն իւզ, և որ այլ ևս են անշրջելիք. և ոչ ուստիք գտանել այցելութե՛: Այլ երթիցեն մեղաւորքն՝ ի տանջանսն յաւիտենից, ասաց բանն այ մեզ. իսկ արգարքն՝ ի կեամսն յաւիտենից: Որոց պատուական ցուցան մահ սրբոցն առաջի տեառն յաղագս սուրբ և ուղիղ վարուց հշմարիտ հաւատով, լուսաւորեալք՝ ի լոյս կենացն յաւիտենից: Զի ի վերայ արգարոց և մեղաւորաց յանսուտ բանէն յաւիտենիցն է հաստատեալ, և ոչ ունի փոփոխումն. «Երթիցեն մեղաւորքն յաւիտենից տանջանսն, և ար-

դարբն յաւիտենից կեանսն»։ Եւ զովիշք և փառաւորիչք լինին միոյ ածութեն, և փառաք և պատուով և պարծանօք երանին և որսակին, և մատանեն 'ի ժառանգութիւն որդեղը գրութեն, և վայելեն յանազառ բարիսն 'ի փառս ամենասուրբ Երբորդութեն այժմ և միշտ և յաւիտեանս յաւիտենից ամէն։

ՀԱՅԵՐԵՍ ՎԱՅԻՆ ԼԱՏՎՈՒԹԵԱՆ ՅԻՇԱՏԱԿԱԾ

Ի ՊԵՏԱ ՕԳՏԱՑ

ԶԱՅՆԵՐԵՏՈՅԹՄԱՑԵՐԵՏԵԼԱՌ ՅԱՏՏԱՅԱՆԵԼԱՌ ԳՈՐԾ  
ԱՌԱՋՐԻՆՈՒԹԵԱՆ

ՓՈԽԵԼ Ի ՅՈՅԾՈՒ ԿԵՆԴՐԱՆԻ ԲԱՅՆԱԿ ԶԱՏՎԱԹՆՈՑ  
ԱՐ ԱԱՏ ԿԱՏԱՐԵՑԻ ԶՀԱՋԱՑՈՒ ԱՍՏՈՒՑԱՑ

ԵՐԱՆԵԼԱՑԻ ՄՐՅԱՑԻ ԴՐԵԴՈՐԴԻ

ԺԴ

Ա վարքը մեծութեն և գիտութեն և իմաստութեն  
այ . որ բազում հնարինք ունկնդրաց և հնազանդե-  
լոց առաջնորդէ 'ի համցյա տերութեն իւրոյ, և զգու-  
շութեն և զգաստութեն սուրբ սիրով յորդորէ 'ի պահ-  
պանութեն պատուիրանին . զի հասցուք 'ի դուռն փըր-  
կութեն կենաց 'ի հանգիստ նախախնամական սիրովն ,  
և իրաւամբք արդարութեն ժառանգեսցուք զստատիւ  
փառացն , և հաւատովք հասանել 'ի յոյսն Ճշմարիտ  
Զարթնութ 'ի կոչումն բանին կենաց ըստ պէսպէս  
չնորհացն . ընուլ զարդանն և զիրաւն . առնուլ յու-  
սով զառհաւատչեայ աւետիմն , և թռչել թեօք հո-  
գւոյն յերկնից արբայութեն , և զեղեցիկ վարուք  
լինել Նախապարհ բազմաց 'ի կեանն : Եւ յիշատա-  
կօք յուսոյն յառաջնորդիկայսն ընթանալ , և զինի ծա-  
ւալել Ճշմարիտ հաւատով զստուգութեան ' վարսն 'ի  
նախանձ բազմաց . Զի առաջնորդն օրինակ են վերջնոց  
'ի բարի յորդորումն , և վերջնոքս հանապազ նորոգին  
յիշատակօք առաջնոցն առաքինութենք : Գովելով  
զնոսա և գոհաննալով փառաւորեն զանց զտուին այն  
պիսի շնորհաց մարդկան : Եւ այնպէս յորդորիլ 'ի  
սէրն այ , և բերանով խոստովանիլ զՃշմարտութեն ա-  
մենակալ զօրութեն այ , և ընծայաբեր լինել բարի  
պարզեօք արդարութեն ամենեցունց տեառնն առաջ

նոցն գործակցութե՛ ճշմարիտ նոցա հանդիսիւքն , Վալքակ համարել զանձինս 'ի նոցա անտի յուսոյն և 'ի մտերիմ սիրոյն և առ հաւատըեայ միշտ բարեխօս առ տեր . որպէս զի ճշմարտեալ հետեւող լիցին 'ի կատարումն լրման առաջնոցն՝ որ յուսովն իւրեանց կենդանի են այ :

Եւ հասարակաց յուսոյն մի շահ է . զի առաջնուքն ուրախ լինին 'ի վերջնոցն բարեգործութիս , և վերջնուքս հաստատին յառաջնոցն կատարելութի յուսոյն : Եւ առաքինութիւք առաջնոցն ժառանգութի առնի վերջնոցս . զի մնացուածք բարի գործոց առաջնոցն առնուլ լրումն 'ի վերջնոցս աստիւ : Եւ եթէ յանցաւոր ևս իցէ լիեւալ և ստոյգ խոստովաննեալ և ապաշխարեալ ջերմեռանդ արտասուօք և գթով տննանկաց և ամը լաւութե հանդիսիւք որ ընդդէմ մեղացն , եթող զեարդ բարի վերջնոցս իրբեւ ժառանգութի խոստովանոցաց և ապաշխարողաց և ջատագով մեզուցելոց : Զի գթութին այ կոչէ զվերջնուքս ըստ առաջնոցն կարդաց . զի բարձցի 'ի միջոց պարտիբն վնասուց , և ազատեալ 'ի մեղաց ստոյգ ապաշխարութե՛ մոցեն 'ի ժառանգութի հեռացեալքն յամ վնասակարաց , որ անհաւատութե՛ և անսուրբ վարուք ապականնեալ եր 'ի հոսանս չարեացն , և բժկեալ լինէին 'ի սրբութի և յառողջութի ամ անդամովքն :

Եւ սովորութի իսկ է զբոց՝ զառաջնոց լաւացն զբարի յիշատակս՝ որպէս և նուերս պատարագաց վասն հասարակաց յուսոյն կատարել վերջնոցս , և հաւատով և ուղիղ վարուք կալ 'ի մշակութե հաջոյիցն այ՝ որ յոյն է կենդանեաց և մեռելոց : Եւ բազումք են վերջնուք՝ որ վասն առաջնոցն ազօթս և պաղատանս և նըւերս մատուցին այ և եղեւ ընդունելի . որ ուղիղ խոստովանութե՛ գարձան առ ամ յապաշխարութի : Որպէս Առաքեալցուցանէ զընդբութի հաւատոց և զարդարվածատակոց . և նոցա յիշատակօք բարեխօսութե՛ զհաշտութե պատարագս մատուցանել վասն նոցա և մեր այ : Որպէս և զԱբէլին զարդար և զուղէ զպատարագն յիշէ . որ ամ պատարագաց է զլսիս , միջնորդ և բարեխօս վերջնոցս իւր մտերիմ և սուրբ հաջոյակատար կամք : Եւ որ զինի նորա առաքինեցան անարատ մտօք ,

որպէս Ենովս և Ենովք և 'ոյ հաճոյ եղեն այ, և հաշտարաբք կան առաջի տէրութեն նորա վասն հաւատացելոց 'ի տէր ած : Որպէս Ագրահամը և խահակ և խըցէլ՝ որ հանդիսիւք լաւութեն առին զընտրութիւն վասն որոյ ոչ ամօթ համարի ած առնել զնոսա խոր հրբակիցս, և յայտնել զծածկեալս որպէս մտերիմ սիրելեաց :

Եշ 'ի նոցա ծննդոց զօրէնսդիրն և զմարգարէս և զքահանայս և զթագաւորս յարոյց և զայլս բազումն : Զի և Մովսէս լաւ համարեցաւ չարչարել ընդժողովրեանն այ, քան առ ժամանակ մի վայելել 'ի հեշտութիւն : Որոյ ելեալ 'ի խաւարային վարուց եղիպտացւոց յանապատ պանդխտանայր . և անդ առնոյր հրաման յայ դառնալանդրէն և հանել զժողովուրդն յերկիրն աւետեաց նշանօք և արուեստիւք, և նովաւ կատարել զուխտն որ առ հարսն էր յուսացելոց : Զի և Ես եմ, ասէ, ած Ագրահամնու և ած Սահակայ և ած Յակովիրայ : Եւ չափ ած մեռելոց մեզաւորաց, այլ կենդանեաց արդարոց . զի արդարք այ կենդանի էն, զի սիրովն այ և յուսովն միշտ առաջի այ են : Եւ մեք հաստատեալ 'ի հաւատս և 'ի սուրբ սերն այ, որպէս զի Ճշմարտեալ սիրովն առցուք զյոյսն՝ որ առ ամենազօր տէրութիւնն . և ամենայն արդարոց յիշատակօք միշտ նորոգել 'ի մեզ ամբոյն՝ որ 'ի նոսսա մատակարարէր : Եւ ըստ այսմ՝ օրինակի ամ յոյս սըրբոցն կենդանի է առաջի անշէջ . և առանց մռաւանալոյ է յիշատակ սուրբ սիրոյն յուսացելոց 'ի տէր : Որպէս յանցանքն Ռուբենի առ հայրն հանին զնա յօր հնութենէ հօրն, և անարատ սըբութիւն 'ի մէջ ածէ զՅովսէփ յօր հնութիւն հօրն, և 'ի ժառանգութիւն եղբարց իւրոց 'ի յելս զէփրէմ և զՄանատէ . և եղեւ պատճառք կենաց ամենայն ազգին սուրբն և անարատն :

Հասանէ առ 'ի վերայ Երուսաղէմի վասն անիրաւ ժողովրեանն յաւուրս Եղեկիսյի 'ի Սենեքերիմայ : Այլ ազօթք թագաւորին և Եսայեայ գարձոյց զբարկութիւնն 'ի թշնամին այ . և սատակեցան այնքան բիւրք, և կորեաւ յիշատակ նոցա 'ի միջոյ : Յայնոսիկ և զԴաւիթ յիշէ թէ վասն նորա : Զի ամ արդարք

յիշն առ այցելութիւն աշխարհի 'ի սուրբ գիրս յիս կղքանց անտի մինչև ցգալուստն Քսի, որ զաւարինութիւն երկաքանչիւրոցն բացայացտէ . զի ըստ հաւատոց մեռան ամ սուրբը :

Խսկ յորժամ ծագեաց տէր մեր Յա Քո արեգակն արդարութեւ և փրկիչ աշխարհի, կատարեաց և ելից զաւածին օրինակն սպակասութեւ . զի երաց զնոր շընորհաց զկենացն զգրունս 'ի ձեռն աւաղանին լուսաւորութեւ ուղիղ հաւատով յամենասուրբ Երրորդութիւն . և մեռանել զմեղացն մահ' 'ի ջուրան սրբութեւ, և ընդ Քսի յարուցեալ՝ 'ի նորոգումն կենաց կայ և մնայ : Եւ թէպէտ մեռանին, կենդանի են հոգւով 'ի յոյս կենացն յաւիտենից : Եւ մերկացեալ են զին մարդն, որ վուժինդրութեւ օրինացն պարտական էր . զի զՔո զգեցան և զկերպարանս որդէզքրութեւ առին և ժառանգաւորք եղեն Քսի : Մանաւանդ որ զՃմարիտ հաւատու և զուղիղ վարս մինչև ցվախճանն պինդ ունիցին յուսովն Քսի . զի յոյս նոցա ընդ Քսի է յարուցեալ, և ընդ Քսի նստի ընդ աջմէ մեծութեւ 'ի բարձունս և բարեխօսեն Քսիւ առ Հայր վասն սրբոց : Որք 'ի Քո մկրտեցան Ճշմարիտ հաւատով և սուրբ սիրով հազորդութեւ մարմնոյ և արեան փրկին . որ գրաւական է յուսոյ փառաց յարութեւ ըստ բանի տեառն, « Քանիցս անգամուտիցէք 'ի մարմնոյ իմմէ և ըմպիցէք յարենէ իմմէ, զյիշատակ մահուան իմոյ պատմեսնիք մինչև 'ի գարդ գալստեան իմոյ յերկիր » :

Օի նա է աղատիչ և արդարացուցիչ, որով լուծանին մեղք հին մարդոյն և սկիզբն առնուն նորքս, որ ըստ այ հաւատով սուրբ և Ճշմարիտ 'ի Քո Յամեկնեալ յամ չարեաց, և յարդարեալ ամենացն բարի դործովք աւետեաց յուսոյն կենաց : Զի մահուամբն իւրով ելոյթ Քո զգօրութիւն սատանայի, որ զիշխանութիւն մահու 'ի ձեռն մեղաց ունէր . և կեանք թագաւորեցին արդարութեւ . և յոյս յարութեն հաստատեալ կայ 'ի Քո : Զի յարոյց զմեզ, ասէ, ընդ իւր, և նստոյց յերկնաւորսն 'ի Քո Յա յոյս հաւատացելոց և սրբոց : Զի զմարմինս իւրեանց 'ի խաչ հանին, ասէ, ընդ Քսի կարեօք և ցանկութեքն հանդերձ . որ և ընդ նմին փառաւորին և յուսովն զուարձանան :

Օ ի Քո՞մի սուրբ սիրովն՝ խրախուսեալք սրբոյն յուսով՝ ի ձեռն հաշտարար պատարագին՝ որով փըրկեցան արարածք : Որ զաներեւոյթն երևելեօքս եցոյց կամաւոր խաչելութեն՝ ի հաշտեցուցանել զարարին ընդ արարածու : Եւ լուսաւոր վարդապէտութեն ստուգեաց զնշմարիտ հաւատս յամենասուրք երրորդութին : Եւ բառնայ զվիշտս վտանդից՝ ի մարդկանէ՝ ի պէսպէս ցաւս և՝ ի տանջանս ըմբռնեալս . զքաղցեալս կերակրելով զբազումն յանապատի , ըզմեռ եալս յարուցանելով , զդես հալածելով : Եւ ազատեալ զմարդիկ՝ ի կշտամբանաց նոցա՝ բառնայ իւրով չարչարանօքն զամբ վիշտս՝ ի մարդկանէ , և պէսպէս երախտեօք արժանի առնէ հայրական իննամոց և չնորհաց հոգւոյն սրբոյ և խոստամբք բարեաց այ :

Եշ՝ ի մատուցանել զահաւոր և զսարսափելի ըզփրկական զբորհուրդն , և անդ յիշէ զմարդասիրութեն երախտիս . և խնդրէ չերմեռանդ արտասուօք զքաւութի մեռելոց և կենդանեաց , առցէ զինդրելին : Մանաւանդ եթէ սուրբ իցէ և անարատ և ազատ՝ ի մեզաց մատուցող պատարագին , և Զմարտեալ հաւատով ստանայ անձին զվառացն պսակս : Եւ վասն որոց պատարագն է , քաւութի յուսով չնորհի՝ ի բարերար տեառնէն : Զի եթէ որ ունի ինչթինչ զընկերէն՝ թողուլ տայ զպատարագն մինչեւ հաշտեսցի , ապա վասն այլ չարեաց և դժնդակ վարուց զինչ պարտ է ասել զարհաւիրս սպառնալեաց պատուհասից , որք ոչ սըրութի զպատարագն ընծայեն այ , և որք անարժանութի հաղորդին : Այլ որում շատն տուաւ չնորհ , շատ խնդրի . և օրում սակաւն՝ սակաւ , ասէ տէրն յաւետարանն մեզ : Զի կատարեալ առաքին նութի խնդրէ չնշմարտութին՝ իսպասաւորաց խորհըրդոյն . զի կեանք է փրկութեն մերոյ , և մի լիցի կամակար մտօք՝ ի գատապարտութի ի տեառնէ . զի ամինչ նովաւ է և ի նա կատարի՝ կենդանեաց և մեռելոց :

Այլ և սրբոց առաքելոց և մարդարեից և մարտիրոսաց յիշատակը՝ Քո՞մի պատարագաւան կատարի , խորհըրդածեալ փառաբանութի զըրբոյն նահատակութիս վերաձայնելով յորդ որումն ածասիրաց և՝ ի գովեստ ամենասուրք երրորդութեն՝ որ ետ զյաղթու-

թե չնորհս ամբորբոց իւրոց։ Զիուրախութենի է, զօրաց  
երկնաւորաց յիշատակք որբոց, որբյաղթեցին բռնա-  
ւորաց և հրեշտակացան։

Վրդ հոգիք արդարոց ՚ի ձեռին այ են ընդ անմար-  
մնոցն գասուց, սքանչելի իմն ՚ի փառս այ ուրախու-  
րար յուսովն։ Եւ ՚ի հասարակաց յարութեանն զկե-  
նակից մարմինն առնու յերկրէ, որով հանցյացաւն  
այ, և լինին որպէս հրեշտակս յերկինս ըստ բանին  
տեառն։ ասէ. «Իյարութեն ոչ կանայս առնեն և ոչ  
արանց լինին։ այլ են որպէս հրեշտակս յերկինս»,  
զի յարութեն որդիք են և ոչ ունին մեղանչել կամ  
մեռանչել։ Տեսե՞ր, զի յոյս կենդանեաց ընակութեն է  
հրեշտակաց և արդարոց, և ՚ի միասին ուրախ լինին։

Այլ և որք մեղանն և ստոյգ խստովանչեալ ապաշ-  
խարեցին ջերմեռանդ արտասուօք և ամ բարի գոր-  
ծով, և նոքա ոչ զրկեցին ՚ի հանդերձեալ յուսոյն։  
ամ ճշմարտեալք ՚ի հաւատս հօր և Որդւոյ և հո-  
գւոյն սրբոյ, լուսաւորեալ մկրտութքն և մարմնով և  
արեամբն Քոի, որդիք լուսոյ և ժառանդք արքայու-  
թեն են, քաղաքակիցք սրբոց և ընտանիք այ։ Զի մի  
է, ած և մի հաւատ և մի մկրտութի և յոյս կենարար  
Եւ ուրախ լիցին յուսով որք կատարեն զիշտակակս  
սրբոց հաւատովք. զի և նոքա զուարձանան նոցա  
սիրովն, որ յաղագս այ զայս յուսով կատարեն ամ  
բարեգործութք ՚ի Քո։ Եւ մնացեալքն ՚ի բարեացն  
առաջնոցն՝ առնու զլրումն վերջնովքս. զի և զինա-  
ցուածո մարդարէիցն լցին առաքեալքն, և զնոցայն  
հաստատեցին վարդապետք զհաւատս և զվարս և ըդ-  
վարձս ըստ իւրաքանչիւր վաստակոց։

Տուեալիսկ են յամենեցունց տեառնեն և պսակքն.  
զի «Այլ փառք արեգականն է, ասէ Առաքեալ, և  
այլ փառք լումնի, այլ փառք աստեղաց, և ասող քան  
զաստղ առաւելէ փառօք, սոյնպէս և յարութեն մեռե-  
լոց»։ Զի իւրաքանչիւր զիւր փառս զգենու ՚ի տեառ-  
նէ ըստ արժանաւորութեանն ՚ի միոյ ածութէն փա-  
ռայ՝ հօր և Որդւոյ և հոգւոյն սրբոյ։ Զի մի յոյս է  
վերին կոչմանն այ և մի բնութի ածութեն, մի իսկութի,

անփոփոխ մշտնթենաւորութիւն, մի ամենակալ զօրութիւն, անվլքեալ գիտութիւն, անգեղջ իմաստութիւն, անսկիզբն էութիւն. որ յիւր ՚ի ճշմարիտ ՚ի կենդանի փառան և յանմատոյց լցոն քնակեալ է: Եւ սուրբ սիրոյն իւրոյ խնամք առ արարածս լուցեալ բորբոքի անձառ և անպատռմ բարութիւն: Եւ զարարածս ում զբանաւորս և զմուաւորս յանձառ երանութիւնն հրաւիրէ, և կոչէ յիւր արքայութիւն և ՚ի փառա անձառ և յանվախնձան երանութենց ուրախութիւն:

Այլ զյիշատակս առնել արդարոցն կատարելոց, նոցա նահատակութեն և սիրոյն որ առ ած վկայք, և բազում շահս անձանց ստանամք սրբոցն բարեխոսութեր առ աեր, Խակ զհաւատացելոց մեզուցելոց և խոստովանողաց և ապաշխարողաց և հաղորդեալ փրկական խորհրդոյն, և հրաժարեալք յաշխարհէս, և նոցա կատարեսցին յիշատակք՝ Քոի պատարագաւն, և ազօթիւր և դթով տնանկաց և այլ բարի դործովք. զի վերջնովվքս բարեգործութեր հանգուցեալքն նորոգեսցին նորոգութենց կենացն անվախնանից:

Ճշ եթէ ասիցէ ոք, եթէ զիամրդ մօտ ՚ի վախնանն զզնացեալ խոստովանի և ողբայ զգործեցեալ զանցանոն, և խոստանայ ապաշխարել, և խնդրել զմարմին և զարիւն Քոի հաւատովք՝ ՚ի քաւութիւն, զինչ առ յոյս փրկութենցէ:

#### ՊԱՏԱՍԽԱՆԻ

Օք եթէ մօտ ՚ի վախնանն իցեն, և ՚ի հրապոյըս սատանայի ըմբռանեալ ՚ի դժնդակ վարս, և օտարացեալ ՚ի նախանամականսիրոյն յառաջագոյն, և գտնայ ՚ի վախնանի ՚ի զզնումն և ՚ի խոստովանութիւնն ջերմեռանդ արտասուօք, և ՚ի բոլոր սրաէ հաւատով հայցէ զփրկական խորհուրդն, յուսով ապաւինեալ ՚ի մարդասիրութիւնն Քոի, մի անցոյս լիցի ՚ի վստահացեալ բարութիւնն, զզնմամք և կենդանարար մարմով և արեամբն Քոի փրկչին մերոյ, որ տայ զկենդանութիւն ստեղծուածոցիւրոց. զի ամենայն որ կարդասէ զանուն տեառն՝ կեցցէ:

Վայլոր ոչ դարձան յառաջագոյն յապաշտարութիւն և ոչ 'ի վախճանի զղջացան , և յուսահատ և առանց խոստովանութեն և անմերձ 'ի փրկարան խորհուրդն զի՞նչ պարտ է ասել վասն նոցա յիշատակաց . որ բազում ողբոց և արտասուաց արժանի են , և ծանր վիշտը ունին 'ի քորեւ : Բայց յառաջագոյն մեղուցելոցն և ստոյդ խոստովանողացն և ապաշխարողաց միշտ կատարեսցին յիշատակք . և որ 'ի ժամ եւանելոյն զղջանան : Վայլ և բազում բարիս ցուցանել մնացելոցն յաղաղս հրաժարելոցն յաշխարհէ . զկապեալս արձակել զպարտս թողութ , զկարօտեալս լցուցանել բարութեամբ : Զի է զոր ինքն արար բարի , և է որ պատուիրեցաւ առնել . և երթայ զհետ բարի դործոյն 'ի հաւատարիմ սիրելեաց հրաժարելոցն յերկրէ :

Օ ի օր մերձեցան 'ի սրբութիւնն ստոյդ զղջացելքն , իբրև հուր սրբիւ և աղատիւ և լուսաւորիւ է իւրով ընծայիւքն , մտերիմ հաւատով վկայութիւ աշիւն այ . որ զգուշութիւ և արդարութիւ լիէ : Ուր սկիզբն է ամ շահաւոր օգտից երկեղ տն ըստ իմաստնոյն բանին . և աման հնարինք հնարաւորք են երկեղածաց այ : Եւ որ հեռի է յերկեղէ տն , 'ի ծուլութիւ և յարհամարհութիւ այ պատուիրանին կրթի , և յամ բարեաց խորհրդոց և գործոց հեռանայ , և յանիրաւութիւ սովորի :

Վայլ որ փոյթն է 'ի հնարանդութիւն հոգեոր օրինացն երկեղիւն այ , միշտ ընծայաբեր լինի այ 'ի ձեռն սուրբ հրեշտակաց ըստ բանին տն որ ասէ . « Զգոյշ լերուք , մի արհամարհէ զմի զմի օր 'ի փոքրկանց յայցանե . զի հրեշտակք նոցա համսապազ տեսանեն զերեսս հօր իմոյ որ յերկինս էս : Զի զհաւատան գործովքն զօրացուցանե , և զաղօթմն սիրով զղջմամք և անձկալի և անմերզկելի ինսդրուածովք . անշարժ ունել առ տը զկամնն 'ի նեղութեն և յանդորրու . և առնութ զյաղթութեամն շնորհս առ մարտս մնաց և անդամոց 'ի բարերար ինսամոյն այ : Եւ սուրբ սրտիւ և անկեղծաւոր հաւատով առաքինանան և ուրախ առնեն զհրեշտակս կենդանի սիրով և զուարձանան միշտ 'ի նոցա բարի գործմն : Զոր ոչ է իմանաւ կամ

տեսանել որ յայ է նորօք մեղ զպահպանութիւն, որ պատրաստեցաւ յայ խնամոցն սիրողաց իւրոց :

Օ ի ամ խորհուրդը կամ գործք մտերմութեան երկնաւորաց և երկրաւորաց և սանդարամետական առաջանական ամենանակալ նորութեն հանապազօք վերանայ ՚ի կիբու : Եւ ՚ի կողմին հշմարիտ հաւատացելց և սիրողաց այ մահն Քափ յառաջանայ ամենաշահ չարչարանօքն՝ վկայութեամբ սուրբ սիրոցն իւրոյ սրբոց իւրոց : Եւ առնա ժողովին հշմարտութիւ արդարոց, քաջութիւնք նահատակաց և արդարութիւք սրբոց, ժուժկալութիւք կուսանաց, համբերութիւք մարտիրոսաց : Այլ և ստոյդ խոստովանողաց վարք շարժեն զդութ և զողորմութիւ խնամոց սուրբ սիրոցն : Եւ գործք անօրինաց և անհնապանդից ամբարձուաց և մեղաւորաց և ամենայն չար ցանկութեց հանդերձ չար խորհրդակցօքն գիւօք կշտամբեալ յանդիմանին, և զարժան զհատուցումն պատուհան սիրոցն ընդունին յարդար դատաւորեն և ՚ի տեսողէն, որ գիտէ զվերինս և զներբինս :

Իսկ որ ՚ի սուրբ սերն Քափ հաստատեալ են, որ զանձն իւր ետ ՚ի մահ վասն նոցա, զի ազատեսցին, ՚ի դառն վշտաց յերեւելեաց և յաներեւութից, ապրեալք լինին, գործակից և բարեխօս ունելով ըզսուրբս և զամենայն արդարս : Եւ բացցին դրունք կենաց բարերարութեն չնորհօք Հոգւոյն սրբոյ վերին կայանից, ուր ժողովք սրբոցն են հանգուցեալ : Զի զամենեցուն կամի զիեւալ և ՚ի գիտութիւ հշմարիտ կենացն լինել ժառանգաւոր . զի ոչ կամի զմահ մեղաւորին, այլ զդառնալն ՚ի Քափ :

Այսպան շահք օգտից են զիիշատակս հանգուցելոցն առնել ուղիղ մոօք, արդար և հշմարիտ և որ հաւատով, աշիւ և սուրբ սիրով, ողջամիտ յուսով ՚ի զովեստ այ : Զի լինիցի ընդունելի մեր պատարագն ՚ի ներքոյ վարագուրին կենդանարար ՚ի կեանս վերաբերելով, և վայելել յերանելի բարութիւն ՚ի խնամօ կենարար սիրով աւետեացն խոստացելոցն : « Զի ուր եմն եմ, ասէ ողին, անդ և պաշտօնեայն իմ եղիցի » : Զոր և բարերար երկնաւոր հայրն ուրախ առնե զկուցեալսն յուրախութիւն, մարդասերն միա-

ծին Որդւովն իւրով և կենդանալրար սուրբ Հոգւովն  
 'ի բորբոքումն կենդանի սուրբ սիրովն, յանհրաժեշտ  
 և յանվախոձան և յանհամեմատ յածեղէն բարու-  
 թիմն զիւրսն վայելեցուցանելով։ Կմա գոհութին և  
 պատիւ և փառք յայժմուս և յաւիտեանս յաւիտե-  
 նից ամէն։

ԵՐԱՆԵԼՈՅՆ ՍՐԲՈՅՆ ԴՐՏԳՈՐԻ  
ՀԱՅՈՑ ԼՈՒՍԱՏՈՐՉԻ

ՅԱՎԱԳԻ ՄԱՐԴԿՈՒԹԵԱՆ  
ՈՐ ՅԱՍՏՈՒԾՈՅ ԽՆԱՄՔ ՏԵՍՉՈՒԹԵԱՆ

## ԺԴ

Ո՞ւ Ե՞տ է խորհուրդ ածողաշտութեն Աշմարիտ հա-  
ւատով որ 'ի հայր և յՈրդի և 'ի սուրբ հոգին, և ա-  
ռաքինի գործովլը արդար և սուրբ երկել առաւել  
քան զարեդակն լուսաւորէ զաւս մտաց հաւատայե-  
լց, և հալածէ զիսաւար մեղաց, և առաջնորդէ յար-  
դարութի և 'ի սրբութի: Ի բաց կալ 'ի գմնդակ վա-  
րուց և 'ի չար մտաց, և գնալ 'ի Անսապարհս արդա-  
րոց՝ որ տամնի 'ի կեանսն յաւիտենից: Բարի կամօք  
զհետ երթալ բարերար կամաց արարչին՝ որ 'ի չգոյէ  
'ի գոյ էած, և յանարդութենէ 'ի պատիւ, երկու  
մասամբք՝ տկար և զօրաւոր, զմարմին և զհոգին:  
Զի տկարն Ագնեսցի վաստակովլը, և 'ի զօրութիւն  
արարչին ապաւինեսցի, զի մի վրիպեսցի 'ի բարերար  
օգնականնութեանցն՝ որ առաքինացուցանէ արդար  
և սուրբ վաստակովլը: Եւ զանուն քաջութեան  
սունու, և գովլութեամբ պարծանօք պսակի, և 'ի  
խնամն բազմագարմանն վայելէ յուսով երանելի կե-  
նացն: Խակ զօրաւոր մասն հոգւոյն Աշմարիտ հաւա-  
տով և ամսխալե ստոյդ գիտութեամբ սուրբ Երրոր-  
դութեն՝ որովէ զսուտ պատիր մոլորութի, և ազա-  
տանայ 'ի ծառայութենէ մեղաց՝ վասն որոյ մահն 'ի  
ներքս եմուտ: և զերծեալ 'ի մեղաց՝ ժառանդաւոր  
կենացն եղիցի 'ի Քս տկար մարմնովլ և երկեսցի մը-  
տերմութին 'ի Ագնութի համբերութե յուսոյն: Եւ  
զօրաւոր մասամբն երկեսցի չնորհն տն ըստ Առա-  
քելց բանին, որ խնդրեաց 'ի տնէ հըամեշտ տկա-  
րութեն: որ Ագնէլ և աշխատեր և վշտանայր ազգի  
աղջի վշտօք և նեղութէ: Եւ լսէ 'ի տնէ: «Ըատ են

քեզ, առէ, չնորհք իմ. զի զօրութենիմ 'ի տկարութեն կատարից Վասն որոյ յօժարութեն ընդունի զամենայն վիշտ չարչարանացն. զի տկարութեն զօրութեն կատարի: Զի և մշակք բազմադիմի աշխատութեամբ վաստակով յարգին. և տերն բազմաշահ պարզեավանդակուածաւութեամբ:

Ա ասն այսորիկ 'ի չորիցնիւթոց արար զարարածս, և յօրինեաց կարգաւ զերեւելիսս և զաներեցիթն, և անտի զմարմինս կազմեաց 'ի ցամաքե, 'ի խոնաւոյ, 'ի ջերմոյ և 'ի ցրտոյ: Եւ յայս չորից նիւթոց արարան 'ի ծնունդս և 'ի գարմանս, զի երեւեսցի ինսամբ արարութեն. երկինք ցողովն յամպոց զիջմանե, և ջերմութեն լուսաւորօք և խառնուածովք օդոյ՝ որ սընուցանեն զտունկս և զրոյսս և զամենայն շունչ կենդանի, և թռչունք երկնից: Երկիր ջրով և լողակօք և որ այլ զեռունք ամենայն 'ի խոնամոց այ գարմանին: Զի նախ զհոգին եղ զրանական 'ի մարմին և խառնեաց, և ասպա զպէտս գարմանոցն պատրաստեաց. զի ցուցցե զսիրոյն իւրոյ զտեսութեն՝ որ յառատ բարերարութենե, անտի: Բանաւոր և մտաւոր ոգեւոյն զօրաւոր գարմանս եցոյց 'ի չնորհաց հոգւոյն սրբոյ՝ զիրատս ուսմանց 'ի վարդապէտուէ հոգեոր օրինացն:

Հայսոսիկ հոգեոր գարմանս վայելել, և ընտանենալ ամենազօր նրութեն և խոնամոց արարին, որ յերկնե, և յերկը, և 'ի ջրոյ և յօդոյ զկեանս ամենեցուն յօրինեաց: Եւ այսոքիւք ուսուցանե, և ընդելացուցէ մեծի յուսոյ աւետեացն խոստացելոց որդէզրութեն անմահ ժառանգութեն. որ ետ աստին զառհաւատուեայ ազատութեն չնորհօք աւազանին և մարմնով և արեամբն Քափի: Զի տկար մարմնով ձըդնաւորեալ ազգի ազգի առաքինութենք, զհամբերութեն զհանգես ցուցցեն ըստ հաճոյիցն այ, աչիւ և սուրբ սիրով առնել զկամն առն: Զի եթէ առ է, առնէ, ուր է երկիւզ նորա. և եթէ հայր, եղիցին կամբ նորա որպէս յերկինս և յերկը: Եւ այս ուղղի 'ի ձեռն օրինաց եղելոց և պատուիրանաց կարգելոց, և մարտընտիր լինել 'ի լաւագոյն կարգս առաքինութեն և զօրութեն. և յաղթօղ երեւալ պսակեսցի յարչելոց:

Ղյուռ իրաւամբք յայտնի արար զիւրց բարերար, բութեանն զամենառատ զնորհս : Զի մտերիմ ծառայից գործակից է բարի վարուց . և ըստ խնամոց սիրոյն իւրոյ զնեղութեն հանդիսից անցաւոր արար, և զհանգիստն անվախման : Այլ և ինքն իսկ ողբն փառաց որ ամենայն զօրութեց և զօրաց արարիչ է և պարգևից յորժամ կամեցաւ ցուցանել զաներեւոյթ սեր իւր առ ազգս մարդկան, որ չարւարելին էր և վշտարին, որ աշխատելին էր . և նովին հոգւով միաւորեալ առ անձ բանն մտաւորն և բանաւորն, խառնեալ 'ի մարմին ըստ աւետարանական բանին . զի սիանն, ասէ, մարմին եղեւ և բնակեաց 'ի մեզ . և տեսաք մեք զիփառս նորա զիփառս իրբեւ զմիածնի Որդւոյ առ 'ի հօրէ լի չնորհօք և չշմարտութեց :

Օ ի 'ի ձեռն չշմարիտ չնորհաց իւրոց և կամաւոր խօնարհութեն՝ որ կրեաց զամենայն կիրս մարմիոյ և հոգւոյ բաց 'ի մեզաց, զի ցուցցէ զիթրկութեն հանսոպարհն արդարոց, և զինամն մեծի սիրոյն իւրոյ զդարմանս տեսութեն, որպէս չնորհօք գարմանէ զօրդիս մարդկան յերեւելիս և յաներեւոյթս . ըզհիւանգս ըժշկէր, զմեղս քաւէր, զդես հալածէր, զմեռեալս յարուցանէր : Եւ երաց զդրունա կենաց, և ազատեաց զհոգիս չարւարանօք մահուամբ իւրով : Եւ կատարեաց զարդարութիսն ամենայն 'ի փառա և 'ի պարծանս մարդկութենս մերում, և եղեւ վարդապետ ամենայն արարածոց . զի նորա առաքինութեանն հետեղող եղեալ, և նորին փառացն հաղորդակիցք եղիցուք . որ կայ պահի յուսացելոց 'ի քա:

Եւ վասն այսորիկ տեղար է մարմինս, զի յերկրէ ունի զմնունդ՝ 'ի բուսոյ և 'ի տնկոյ և 'ի չնչաւորաց, որպէս և ամենայն անբան կենդանիք : Զի նոյի հրամայեցաւ ուտել զիս չնոյս կենդանուոյ և ըմդել զինի յաղագս տրտմութեն 'ի միսիթ արութեն . զոր ուներ վասն համատարած աշխարհի սատակմանն սուդ : Զի որ 'ի գրախտին կեանք էր և սնունդ, յայնմանէ վրիպեցաք յաղագս յանցանացն և ընդ բազում տըկարութեք անկեալք : Եւ վասն այսորիկ 'ի պատճառէ իմեքէ ձգէ 'ի մահ ցուրատ և տօթ և հիւանդութիք մարմնոյ : Այլ և 'ի կերակրոյ և յըմպելոյ ա-

ուաւելութէ լինի լլկանք և մահ՝ նմանապէս և 'ի պակասութէ, 'ի սովոյ և 'ի ծարաւոյ։ Այլ և թունաւոր ձնիք և դաժանութիւնք արմատոց և բուսոց կարեն լլկել և սպանանել և անզգայացուցանել և այլամտել։

Իշխան այսորիկ տկար է մարմինս, զի մի յորժամ լսիցեմք այ պատկեր, ամբարտաւանեալ ամբառնայցեմք և անկանիցիմք 'ի վայր ամբառնալովն 'ի վիչս կորստեան որպէս զնոյն ինքն զանձամարտն՝ որ 'ի վեր քան զամսոս ասէր զնել զաթոս իւր և լինել նման բարձրելոյն։ իսկ այժմ՝ 'ի դժոխս էջ հանդերձ ամենայն ապատամք զօրութքն, որպէս սասաց մարդարէն յերեսաց տն։ Եւ Քո զիսնարհութեն մարմինս զայս առնլով խոնարհութք զնա կործանեաց, և զիսնարհս բարձրացոյց, և խայտառակեաց զնորա ամբարհաւաճութին։ Զի այսքան միայն է նորա ըարութեն թոյնք ։ որպէս ձնեաց թոյնք և որպէս բուսոց և արմատոց դաժանութէ վնասք։ Ասեն բժիշկք՝ թէ գոն արմատք, որ հալածէն զգեստ՝ 'ի մարդկանէ։ և իմանալի է այսպէս։ զի այ ներգործութիւնն 'ի տրկար նիւթոյ ցուցանէ զնորա տկարութիւնն և զկարծեալ զօրութիւն հակառակամարտին, զի անզօր է առ սուրբս։ որ և կոխել զնա հրաման ունին 'ի տնէ։ որպէս ամենայն հաւատացելոց է քաջայայտ։ Եւ գարձցին յետս և ամաչեցեն նորա կամարաք, և որք յուսան 'ի նորա յոյսն։

Իսկ որ ամենակալ զօրութէն ամենասուրբ Երրորդութեն են օրհներգուք, երկրպագուք և փառաւուրիչք, այսու տկար մարմնովս զհանդէս առաքինութեն սրբապէս կատարեսցեն, և անցանեն ըստ կարգս աշխարհիս ամենայն ձշմարտութեամբ<sup>1</sup>։ և անցանեն ժամք և աւուրք և ամբ, և յառաջադէմն նկրտի։ և առաքինութեն ծնունդք զշետ երթան սուրբ և արդար վարուց։ աշակերտեալք սրբութեան և ձշմարտեալ ամենայն առաքինութք՝ փոխին յայսմ՝ աշխարհէս 'ի կենդանեաց աշխարհչն՝ որ ոչ լսի համբաւմահու՝ յանուշակն 'ի մշանցենաւոր ուրախութիւնն։

Որ վերստին նորոգին ածային զօրութքն յանսպառ  
և յանվախճան ուրախութիսն : Որ լուցանին որպես  
զարեգակունս յանմատոյց լուսոյն , և կենդանի սուրբ  
սիրովն վառին և բորբոքին հրովարմենասուրբ Երրոր-  
դութեն յանվախճան երանութիւնն , և վայելեն  
յանսպառ և յանսպատում բարութիսն 'ի Քո Յո' 'ի  
որ մեր . ընդ օրում Հօր ամենակալի և Հոգւոյն սրբ-  
ոյ պարզեողի փառք իշխանութի և պատիւ այժմ  
և միշտ և յաւիտեանս յաւիտենից . ամէն :

ԵՐԱՆԵԼՈՅՆ ՍՐԲՈՅՆ ԳՐԻԳՈՐԻ ՀԱՅՈՅ  
ԼՈՒՍԱԽՈՐՉԻ

ՎԱՄՆ ՀՈԳԻՈՅ ՄԱՐԴԿՈՒԹԵԱՆ ԲԱՑԱՑԱՑՏՈՒԹԻՒՆ

ԺԵ

**Ա**ՍՏՈՒԱԾԸՍՏ մեծի մարդասիրութեն իւրոյ բազմագէմտեսչութէ իւրովլինամշ զարարածս, որպէս վայելէ իւրոյ բարերարութեն: Զանմահ զօրս հրեշտակացն մտաւորս և բանաւորս և պաշտօնեայս իւրարար . զի փառաւորեսցեն զամենազօր տրութին, և արքանակեսցեն կամօքն որ առ ազգս մարդկան . զի հոգիք են հարկաւորք, որք առաքին'ի սպասաւորութի բանին այ: Զի ամենայն արարածք նովաւ են կաղմեալ և բովանդակեալ. և պաշտօնեայք և սպասաւորք են մեծի փառաց ածութեն, որ նոգօք հրաւիրէ և կոչէ զմարդիկիյիւր արքայութին և 'ի փառան:

Խսկ ծնունդ մարդկան 'ի սաղմնառնութէ՝ անտի նորոգի, և զինելութի առնու և աձէ, և ըստ սահմանի աւուրցյառաջագայի ծննդեամբ, և աձէ մնընդեամբ և զարդացմամբ, և 'ի խրատ և յուսունն ածդղիտութէ. և 'ի միտ առնուլ զարդարութի ճշշմարիտ, և ուղղել զիրաւունս հոգեոր օրինօք: Եւ ծանիցեն զարարին և զսուրբ սիրոյն իւրոյ զերախտիս առ արարածս: Եւ զիտութեամբ խրատունորաստանայ զՀնազանդութի օրինայն, և ընտրէ զբարին 'ի վատթարացն. 'ի բաց կալ'ի գմնդակացն, և բուռն հարկանել զարդարութէ վաստակոյն տերամբ: Եւ այսպէս կատարեսցէ զառաքինութեն զՀանդէմն ընդրութէ ըստ հոգեոր օրինայն, ըստ բազմախնամ ողորմութեցն այ: Համբերութէ բազմաւ և ճշմարտեալ սիրով, կենդանի յուսով ընթանայ 'ի կէտ կոչման վերին չնորհացն ամենառատ բարերար ամե-

1 ԱՆԴԱՊԷՌ ՅԵՐԱԿՈՒՄԻ ՕՐԻՆԱԿԱՆ:

նասուրը Երբորդութեն . և կատարեցէն զվարս երկրաւորացս ըստ կանխագիտութեն այսահմանի յերկրի . ոմն 'ի տղայութեն , ոմն 'ի մանկութեն , ոմն յերկատասարդութեն , ոմն 'ի ծերութեն : Այսնպէս և այս 'ի խնամոց այս մատակարարի , զի մի գիտացէն զօր վախճանի իւրեանց , և հեղացեալ վրիպեցին յարդարութեն . այլ արթուրք և պատրաստք 'ի գործ սրբութեն զամենայն աւուրս կենաց իւրեանց :

Եւ այն որ 'ի տղայութեն և 'ի մանկութեն առնու զվախճանն , զերծեալինի 'ի փորձութեց հոգոց աշխարհականաց . և զգուշութիւնի այնոցիկ՝ որ վարեն զաշխարհս առ հանդէս արգարութեն և ամ առաջինութեն . և կատարեալ 'ի հաւատս և 'ի սեր և 'ի յօյս անարատ և ամբէ՞ծ՝ յանմահ կեանսն փոխին յանապական ժառանգութին արդարոց : Զի հոգիքն որ ելանեն 'ի մարմնոյ աստի , երթան 'ի կեանսն ըստ իւրաքանչիւր արժանաւորութեն . և անդ հրձուին առաջինեացն ոդ իքն ըստ խոստացեալ աւետեաց երանութեցն , որ կայ պահի յուսացելոց սրբոցն անհառք՝ որ 'ի կամն այս վարեցան յաշխարհի ըստ աւետարանին քարոզութեն :

Երանին 'ի տեառնէ աղքատք հոգւով , որ վասն աւետեաց մեծութեն հոգւով աղքատացան վամն արքայութեն երկնից՝ որ 'ի սեր Յա Քո : Երանին և խոնարհք սրտիւք , զի գտանեն հանդիստ յերկրէ յերկինս , որ անբաւ բարձրութիւն է . զոր խոնարհք ընդունին 'ի Քո Յա : Երանին և հեղք , որ ժառանգորք են երկրին կենդանեաց . յորմէ փախուցեալ են ցաւք և արտամութիք և հեծութիք անձառ . յուսով 'ի Քո Յա Երանին և սդաւորք , որ յաղագս սիրոյն այս , որ 'ի խոնարհութեն սրտին հեղու զարտասուաց աղքիւրս զշնորհալիցն իմաստութիք , որ միսիթ արութիւն ունին 'ի Քո Յա : Երանին և սուրբք սրտիւք , որք ազատեալ և սրբեալ են յաղագս դի ցանկութեց . զի նոքա զած տեսցեն : Երանին և խաղաղարարք , զի նոքանմանողք են Որդւոյն այս՝ որ արար խաղաղութիւն յերկինս և յերկրի , հեռաւորաց և մերձաւորաց . նմանապէս և սրբա եղեն :

Եւա և ամ Երանութիք զուարձանան և զուար-

թանան հոգիք արդարոցն 'ի հանդստեանն 'ի Քո մինչ  
չե 'ի հասարակաց յարութին, յորժամզայցէ տերն  
մեր փառօք Հօր, և մեռեալը 'ի Քո՝ յարիցեն առանց  
ապականութեն. և առաքինեաց անձանց արդարու-  
թիք առաջի ընթանան ամենասուրբ Երրորդութեն.  
Զի հաւատք հասուցանեն 'ի ծանօթութիքի փառացն  
այ. զի՞ ևս պիտոյ է ասել վասն այնորիկ զոր ետեսն,  
և վասն յուսոյն որ մուծանէ 'ի ժառանդութիքի բա-  
րեացն՝ որում ցանկացեալն է, և ինքն տեղի տայ:  
Զի յայնմ հետեւ զի՞ ևս յուսայ կամ ակն ունի զոր  
ժառանդեաց : Սոյնպէս համբերութի և ժուժկալու-  
թի, երկայնմտութի և հեզութի, հնազանդութի և  
ուղղութի, որբութի և Նշմարտութի, հանգերձ ամ-  
երանութիք փառաւորեալ և պսակեալ, և մուծանեն  
զժառանդաւորն 'ի ժառանդութիք արքայութեն : Զի  
ուր կատարումն է, զի՞ ևս պիտոյ է առաքինութիք  
հանդիսից . զի՞ եմուտ 'ի վայելսն անսպառ բարու-  
թեանցն, և ուրախանայ սուրբ սիրով յանլախան ե-  
րանութինս ամենասուրբ Երրորդութեն, որ անձառն  
է և անբաւ և անպատում:

Սոյնպէս մարդք չարք և անսուրբք և ապստամբք  
'ի Նշմարտութիք անտի, և զշետ երթեալ զանիրա-  
ւութեն և 'ի նոյնս վախանի, ընդ նմա յառաջանայ  
գործք իւր ամբարշտութեն դառն յիշատակօք յա-  
զագս ամենաչար ցանկութեցն, ահաւորսպառնալեօք  
'ի վերայ անօրինաց և անհնազանդից, անսրբոց և պըզ-  
ծոց և որ այլ ևս յանցանք իցեն: Վայ 'ի վերայ վայի  
հասատեալ կայնոցայածեղէն դրոց սրբոց, և յան-  
աւառ դատաւորին պատիժք: Զի յիմարեցան սիրուք  
իւրեանց յիմանալոյ, և ոչ լուան ձայնի տեառն և  
պատուիրանայ նորա ոչ անսացին: Եւ վասն այնորիկ  
պատրաստեալ կայ բարկութի այ 'ի վերայ ամբարշտաց  
և մեղաւորաց, որք զՆշմարտութիք այ անարդեցին  
յանձինս իւրեանց, որոց յառաջագոյն սպառնացաւ:

Եւ այս ամ սպառնալիք յանյաւորաց յոյժ 'ի  
տրտմութեն ունին զոգիս մեղաւորացն, 'ի կայանս որ  
ըստ իւրաքանչիւր մեղացն բաժանեալ և որոշեալ 'ի  
տիրական տեղիք: Եւ օրպէս երևմամբք տեսանեն  
իմանալեզն զհատուցումն արդար դատաստան օք՝

դանշել հուրին և զմաւարն արտաքին և զալ աշաց և զկրծել ատամանցն, այնպիսէ աշխիւ տիրեալ և տըրտ մեալ կան ողիք մեղաւորացն մինչև 'ի հասարակաց յարութին որ Քոհւն է:

Վոլա եթէ ասիցէ ոք՝ թէ այդյառաջ քան զշան գիշան գիշան ատենին և հատուցմանցն է. և գարձեալ ուր է ասացեալ յԱռաքելց' թէ առանց մեր չառնուն ըդ կատարումն առաջինքն էւ գարձեալ ասէ մարդարէն. «Մի յուսայք յիշխանս յորդիս մարդկան. զի եցէ հոգի 'ի նոցանէ, և գարձին անգրէն 'ի հող և յայնմ աւուր կօրիցեն ամ խորհուրդք նոյա»:

Եւ եթէ ոչ ուրախ առնին հոգիք արդարոց առանց մարմնոց, ընդէր վաղագոյն կանխիր տէր զաւետին. ապաքէն զի զոգիս սրբոցն ուրախ արասցէ: Կանխեաց և զսպառնալիս ամբարշտաց և մեղաւորաց. ապաքէն զի զարհուրեցուցանէ զնոսա, և տիրեալ տրտմեսցին: Ըստ այնմ օրինակի է իմանալ, որպէս թագաւոր քաջամարտկաց և յաղթողաց պարգևս խոստանայի. և նոքա հաստատեալ գիտեն եթէ 'ի գէպ ժամանակի առնուն զխոստացեալ պարգևն, ուրախութէ ուրախ լինին մինչև առցեն զփառս և զսպակս երանութեցն: Սոյնակէս և մեղաւորացն հոգիք, որոց սպառնացաւ մահ յաղագս յանցանաց որպէս թագաւորացն մահապարտքն, կան և մնան իւրեանց տանջանացն և մահու բազում տրտմութէ և դոզութէ մինչեւ 'ի ժամանակն յորժամ առնուն ըստ արժանեացն զշատուցումն անմահ տանջանացն զպատիժս և զսպատուհաս, որ մարմնով և հոգւով ընդունին: Այլ զոր Առաքեալ ասէ, և մեք զնոյն ասեմք. զի իւրաքանչիւր ոք զիւր վարձս առցէ 'ի հասարակաց յարութին զոր ինչ գործեցին՝ եթէ բարի և եթէ չար: Եւ մի յուսալ յիշխանս, ասէ մարդարէն. զի լուծանելոց են յերկրէս ամբարտաւանեալք իշխանութին և շիջանի հպարտ կամքն: Այլ յուսալ յաճ, ասէ, որ անմահն է և իշխան մահու և կենաց յաւիտեան:

Ան ումանք որ ասէն՝ եթէ որպէս մանուկն յորովայնի անզգայ և կենդանի՝ լուեալ և գաղարեալ կայ

<sup>1</sup> Հին օրինակը ինքըին 'ի պարզէ ըմբռութիւն հառիւ:

՚ի ի խօսելոյ և ՚ի լսելոյ, ՚ի զնալոյ և ՚ի գործելոյ, այսպէս համարին զողիս մարդկան լւեալ և ցածուցեալ:

Օ այս գիտասցեն, զի ՚ի սաղմնառութէ անտիյա ռաջագայի և լինի մանուկ յօրինուածովք ըստ կերպարանին մարդ, և աճումն առնու տղայն ՚ի ծնունդ և ՚ի սնունդ տղայութեն՝ աճմանն մարմնոյ և մոտաց յօրովայնին: Եւ յետ ծննդեան նախախնամութիւնը որպէս ինքն դիտէ կապուն հոգւոյ և մարմնոյ ՚ի միասին՝ գալ՝ ՚ի կատարելութիւն մարմնոյ և մոտաց, և գարձեալ պակասիլ և զմահ ստանալ ըստ սահմանի այ:

Եւ այս վասն այսորիկ, զի ըստ իւրաքանչիւր հասկաց աճմանն և զառաքինութեն զշանդէս ընդ նմին յարդարեցին ՚ի կատարումն Քոփ գլխոյն մեր հասարակաց: Եւ հաւատով և սիրով և երկեղիւ զնաւլընդ հանապարհս արդարոցն, որպէս առաջնորդն մեր և կատարիչ առաքինութեն Յու Քո. և բազմագիմի ընորհօք իւրովք խնամէ զարարածս յերկրի: Եւ որ անդէն կայանք ննջեցելոցն հոգիք ՚ի զգայութեն և յանձառ փառաբանութեն հրեշտակային օրհնուրութիւք, Զի ածային դիրք՝ կենդանի և անմահ ասեն զհոգիս մարդկան: Որով իմանալի է ոչ անզգայս, այլ ունին և փառս տան արարին: Վագա եթէ ըստ մարմնոյ օրինակի իմասցիս, որպէս յօրովայնի, և յետ այնորիկ գայ ՚ի զիտելութիւն մոտաց և մարմնոյ և փոփոխի:

Այլ հոգի անմահ բանաւոր և մոտաւոր՝ յորժամելանէ ՚ի մարմնոյս, յառաւել զիտութեն իմաստից է իմանալ և ձանաչել զտէրն փառաց: Որով յառաջագոյն մարմնն որպէս ամպ ինչ ծածկեալ ունէր զիմանալի տեսութիւն, թէպէտ և յուսովնահաշտակեր ՚ի գործս բարիս ՚ի ձեռն հոգեսոր օրինացն. որով զընտրութիւնն առնէր բարւոյ և չարին, անարդելովն զւարն և ընտրելովն զբարին խրատու և իմաստութիւն տեաւան երախտաւոր սիրով: Զի ոչ է պարտ զհոգիս մարդկան մահկանացու ասել կամ անզգայս. այլ որպէս Եզեկիէլի մարդարէի ՚ի միում վայրի յարութիւնուելոց նախ ոսկերաց և ջղաց և մարմնոյ միաւորեալ ամ յօրինուածովք, և ասպա կոչելզհոգիսն յիւրաքանչիւր կայենից հոգւով սրբով որպէս հոգմով: Զի և Վագես զոգի քո և ստանաս զնոսա և նորո-

դես» . և որ յաւետարանն պատմին մեռելոց յարութիքն 'ի տեառնէ . զի հոգւոյն դարձ 'ի մարմինն վկայութիք այս են : Բերան խօսի , աչք տեսանեն , ականջք լին , ունչք հոտափին , ձեռք շօշափեն , ոտք գնան , սիրտ շարժի իմանալեզք , և փառաւոր առնեն զանձ կենդանարար հոգւովին որ զամ զգայութիս շարժէ տերամք : Եւ յորժամ հոգին արձակի 'ի մարմնոյն , մեռեալ կոչեցաւ . և քականին ամ յօգեալ յօրինուածք անդամոյն իւր : 'Նոյնպէս վկայութիք են իւրոյ հոգւոյն շարժեն , իմանալն , ձանաշեն , յիշեն . զի մարմնոյս այս տուիչ և վարդապետ և կենդանարար հոգիքն են ըստ այ կամացն : Վագա եթէ 'ի զգայութիսն է պատճառ կենդանութեն , ապա ուր է կենդանութի հոգւոյն որ զեբանն ունի Աստուծով

Խւ այսպէս իմանալի է . զի ամենայն շարժմունք՝ հոգւոյն են , և ոգիքն տան մարմնոյն զկեանս ըստ նախախնամնութեն այ : Եւ որպէս մարմինքն վկայութիունին զգործ բնութեան բարուցն , այսպէս ոգիքն զիւրեանց բնութե բարուցն ունին զվկայութի : Եւ ոգի անուանի կենդանի 'ի մարմինս ազդելիս և չարչարելիս և մահկանացուս , յորմէ որոշի ըստ վերին կոչման արարին 'ի պատրաստեալ օթեանս անմարմնոցն : Զի մարմին յերկիք դառնայ և հանդչի անհոգ . և հոգին սուրբ և բարի աւետեօք յուսովն զուարձանայ ընդհանութակս 'ի փառս ամենակալին իրեւ արդէն առեալ զառհաւատուեայ երանութիս երկնից արքայութեանն : Զի և հոգին , ասէ , վկայէ հոգւոյս մերում եթէ եմք որդիք այ և ժառանդակիցք քուի . զերծեալք 'ի ծառայութէ մեղացն յազատութի փառաց Որդւոյն այ :

Օ ի ամ հաւատացելոց ծանուցեալ եղեւ երախամիք սիրոյն առ արարածս իւր լուսաւոր աւազանաւն և փրկական խօրհրդովն մարմնով և այեամբն իւրով , որ սկատարագեցաւն 'ի վերայ խաչին և երարձ զմեզս աշխարհի 'ոքք հաւատով մերձեցան ուռ փրկին մեր : Եւ յորժամ դարձեալ դայցէ փառօք 'ի նորոգել զորդիս մարդկան , և յարուցանէ զմեռուալս , նորափետուր զարդարս կենդանիս և զյաւիտենից ննջեցեալս սուրբս 'ի տէր , և մուծանէ 'ի

ժառանգութեղի իւր յանմահական կենացն ուրախութիսն՝ որ կայ պահի հաւատացելոց սրբոց և յուսացելոց ՚ի տէր : Եւ ինքն եղիցի, ասէ Աւաքեալ, ած յամի յւրով կենդանի սուրբ սիրովն և կենդանարար իննամովքն : Զորս վայելեցուցանէ ՚ի փառանձութեն զՃշմարտեալս ուղիղ հաւատով, և սուրբ և անարատ վարս վՃարեալ զերկրաւոր կեանսս, և զանանց կեանսն շահել ՚ի Քո զմշտնջենաւորն զերելին յանուշակ փառս միածնին : Որ ամը երանութեղք պսակէ և փառաւորէ ՚ի կամս հօր և հոգւոյն սրբոյ յաւիտեանս յաւիտենից . ամէն :

ԵՐԱՆԵԼՈՅՆ ՄՐԲՈՅՆ ԳՐԻԳՈՐԻ ՀԱՅՈՑ  
ԼՈՒՍԱՏՈՐՉԻ

ԱՅՍԻ ՄԱՐՏԻՐՈՍԱՑՆ ՎԱՐԴԱՎԱՇՈՒԹԻՒՆ ՈՒՍՄԱՑ

Ժ. Զ.

**Ա**Կ ՍԱՆԻՄՔ այսուհետեւ և վասն մարտիրոսաց ձառելքանիւ . զի պատուեսցուք զյիշատակո նոցա , և Երանեցուք նոցա վասն ճշմարիտ վկայութենն և սի բոյ , և բազում վարձս առնումք նոցա բարեխօսութեն վասն մեր : Այլ զպաշտօնն այ մատուցուք սաղմասիք և օքնութեք և երգովլք հոգեօրօք . սուրբ սրտիւ գովլելով զանսկիզմն էութին և զամենազօր տէրութին , զի արժանիս արասցէ զմեր մասին ժառանգութեն սրբոց աւետեացն ՚ի լոյս ՚ի փառս տէրութեանն : Եւ ամ ժողովուրդք որ ժողովին ՚ի յիշատակո սրբոյն , ՚ի միտ առցեն հաւատով և սուրբ սիրով զհանգես նահատակութեն նոցա : Եւ նոցա բարեխօսութեք աղաւել զած ջերմեռանդ արտասուօք , հսկելով զտիւ և զգիշեր ՚ի պաղատանս սուրբ սրտիւ . զի զերծուսցէ յաշխարհէ աստի չարի առաքինասէր վարուք : Արպէս զսուրբմն զայնոսիկ՝ որոց յիշատակն կատարին ՚ի փառս այ , և զհանգես մտերմութեն իւրեանց ցուցանել առ ամենեցունց տէրն և արարին ամձ որ ետ նոցա զայնափիսի յալթութիւն առ բռնաւորսն և հակառակորդմն ճշմարտութենն : Զի և մեզ տացի չնորհս յաղթել ամ կարեաց որ յառնեն ՚ի վերայ մեր Ճակատամարտք երևելիք և աներեայթք . և զպաշտօնն փառաբանութեամբ այ ընծայել երկր պագութեք :

Օ ՚ի այս իսկ են սրբոյն կամք , զի և ժողովուրդք նոցա բարեխօսութեամբն յայ պաշտօնն յորդորեսցին . և այնպէս առնուն զաշխատութեն փոխարէնս յամենասուրբ երբորդութենէն : Զի Պօղս և Բառնաբաս արարեալ նշանս յանուն տեառն Յսի Քսի , զառ ՚ի

մօրեւ զկաղն բժշկելով և զարմացուցեալ զամենեւ սեան . մինչ զի քուրմքն անծ զնոսա համարեցան յեր կնից իջեալ և զմարդոյ կերպարանո ունելով : Վասն որոյ զոհիւք կամէին պատուել զնոսա որպէս զաստուածը : Եւ յազագս այսորիկ պատառեցին զհանդերձս , և Նիւ բարձեալ ասեին . մեք ձեզ նմանեալք մարդիկ եմք ծառայք այս բարձրելոյն՝ որ արար զերկինս և զերկիր և որ ՚ի նոսա արարածք իցեն . և յանուննորա բժշկեցաւ սա : Եւ զայս սաացեալ հազիւ լուեցուցին զամբոխն . զի լաւ համարեցան մեռանել , քան եթէ զպատիւն այս ձգել յինքեանս և փառաւորիլ ՚ի մարդկանեւ :

Վասպիսի ինչ արար սատանայ , զի զայ պատիւն յինքն ձգեաց , և որոշեցաւ ՚ի խնամոց արարչին իւրոյ , և անկառ ՚ի փառաւորեալ կարդաց հրեշտակական դասուցն , և եղեւ խաւար փօխանակ լուսոյ և ժառանգորդ գեցէնին պատժոց : Զի սրբոց առարելոցն և մարդարէիցն և Հմարիս վարդապետացն ծառայս այս անարդս երևեցուցանելով . զի գիտէին զսատանայի ՚ի ձեռն հպարտութեւ ամրարտաւանեալ և ամրար հաւաճեալ զի վայր անկումն , և զխոնարհաց և զհեզզոց զի վեր ելումն ՚ի տեղիս անկելոցն : Մանաւանդ Քառ . քանզի յայտնապղոյնս եցոյց ըստ տնօրինութեն զանձառ զխոնարհութին իւր . յորս և ասէ իսկ . «Ուսարուք յինէն , զի հեղեմեւ խոնարհ սրտիւ . և դտնիք հանդիսաւ անձանց ձերոց »:

Եւ ամենայն սուրբք իւրեանց առաջնորդութեն Հմարտեալ իսոնարհութեւ առ առն ՚ի բարձունս ընթացուցանեն զամենայն հաւատացեալս յած . զի արժանի լիցին յամենեցունց տեաւնեն փրկութեւ և քաւութեւ սխալանացն բարեխօսութենք սրբոցն , և այլ մի ևս գաւնալ՝ ՚ի գմնդակ վարս սատանայի : Այլ լսել զիւրաքանչիւրոյն նահատակութիս և զկատարեալ սուրբ սէրն , որ առ անծ եր յոյն նոցա համբերութեն , նախանձ ունել Քոիւ : Ար հրով և ցրտով , ջրով և սառամանեօք , քերանովք և հարուածովք , բանդիւք և կապանօք , սովով և ծարաւով , սրով և մահու , սպառնալեօք և ողոքանօք . զի երկուան զարհուեցի և արին կակլասցի : Այլ ոչ ինչ կարաց

այսպիսեացս ջարաւար տանջանացն վիշտք և նեղութիւն  
և վտանգք մարմնոյ քակտել և խզել զսուքք սէրն որ  
յամենասուրբ Երբորդութիւն։ Եւ յաղագս առաւել-  
լութեան այ սիրոյն առին համարձակութիւն բարեխօսու-  
թեան առ առ ։ Զի զայս ամենայն դժնդակ տան-  
ջանս՝ ի հակառակաց անտի ընկալան համբերութե-  
բազմաւ վասն եղախտաւոր սուրբ սիրոյնորա՝ որ սի-  
րեաց զազդս մարդկան, որ հրաւիրեաց և կոչեաց։

Վարդ զհետ երթիցուք կոչողին զհետ սրբոյն սուրբ  
սիրով. ինդրեսցուք ջերմեռանդ նորհալից արտա-  
սուօք զանտի զհանդիսուն աստեօք աշխատութե. ըզ-  
հուր ցանկութեցն շիջուսցուք հրով Հոգւոյն սրբոյ. և  
սրբեսցուք զանձինս զերեելի զդայարանս և զան-  
երեւոյթ հոգւոյն շարժմունս՝ ի խղճէ չարեաց։ Զի  
Հշմարտեալ սիրովն որ առ առ առ կարասցուք մասին  
սրբոցն աւետեացն արժանի լինել յետ զկեանս աշ-  
խարհիս լուծանելոյ. Զի այսպէս՝ ի ժողովս սրբոց  
հաղորդեսցուք և տօնեսցուք՝ ի փառս ամենակալին  
այ, որ ետնոցա զյաղթութիւն առ չար բռնաւորս. և  
փառաւորեցան յերկինս և յերկրի որ կան և մնան։

Վայսպէս յուսուլ և հաւատալ՝ ի սրբոյն ժողովս  
և՝ ի բարեխօսութիւնն որպէս զքահանացս որ կան ա-  
ռաջի այնորիի՝ որ նստին ընդ աջմէ Հօր, և զիւրա-  
քանչիւրոցն պատարագք ընծայեն աղօթիւք առ ՚ի  
հաշտութիւն ակամայ և կամաւոր սիսալանաց հաւա-  
տացեալ ժողովլոյց վախճանելոց և կենդանեաց։  
Եւ իւրեանց Հշմարտեալ հաւատովն և հանդիսա-  
ւոր Հգնութեան առաքինասէր վարուք՝ արդար և սուրբ  
և ու զիդ բաղձանօք, նորհալից սիրով, արտասուա-  
գոչ պաղատանօք հաւատան առնուլ զինդրելին յա-  
մենեցունց փրկէն ըստ յուսոյ հաւատացեալ ժողո-  
վըրդոց. մանաւանդ՝ ՚ի ձեռն փրկական խորհրդոյն  
սրբապէս կատարմանն ՚ի Քո Յու։

Վայսպէս է իմանալ զսրբոցն զքարեխօսութիւն առ  
հաւատացեալ ժողովլուրդն. Զի իւրեանց մատրիմ  
վաստակովլքն որք զմարմինս իւրեանց պատարագե-  
ցին յերկրի վասն անուանն այ՝ ՚ի հոտ անուշից, և  
սուրբ հոգիքնոցա հոգ և որ բարեխօսութեն զան յո-  
զորմութիւն աշխարհի ածեն։ Եւ նշխարք ոսկերաց նո-

յա փրկութեն շնորհք ընծայեն 'ի ժողովս հաւատացելոց, որպէս ամենեցուն է քաջայայտ . զի երևեսցի սէրն այ 'ի նոցա նշխարսն ընակեալ, և նշանօքն ծանուցեալ յերկրի :

Իսկ արդ իմանալեօքն զյուսացելոց իրաց զհաստատութիւն և զյանդիմանութիւն այ մերձաւորութեն ունին, զհամարձակութիւն բարեխօսութեն՝ որ ոչն երեխ մարմնաւորացս . այլ երևելեօքս շնորհատուր զօրութեն այ 'ի նոցա նշխարս և 'ի սուրբ ժողովս զաներեոյթսն իմասցուք առաւելագոյն այցելութիւն 'ի տնէ : Զի հոգիք, ասէ, առաւել են քան զմարմին առ արարին և առ արարածս : Զի այսպիսի շնորհք տուան յայ առաքելոց և մարգարէից և մարտիրոսաց և ամենայն ընդրելոց սրբոց յերկրի աստ և յերկինս : Զի նոցա առաջնորդական հանդիսիւքն և առաքինասէր վարուք հաճոյացուք այ . և նոքա պատճառք լինին մեզ փրկութեն և կենաց միշտ բարեխօսութեն իւրեանց :

Եւ մեք զփառաւորեալսն յայ երանեսցուք . որ վասն սիրոյն այ զանձինս իւրեանց մատնեցին չարչարանաց և մահու, և առին զպատիւն և զպարգևոն անապական յանմահ թագաւորէն : Այլ զպաշտօնն և զփառաբանութիւնն երկրպագութք ամենասուրբ Երրորդութեն մատուսցուք 'ի յիշատակս կատարման ամենայն սրբոց այ : Զի այս են կամք ամենեցունց և ամենայն սրբոց նորա . զի նա է փառաց և պատուոյ արժանի յամենայն սրբոց և յարարածոց այժմ և միշտ և յաւիտեանս յաւիտենից . ամէն :

ԵՐԱՆԵԼՈՅՆ ՍՐԲՈՅՆ ԳՐԻԳՈՐԻ

ԶԳՈՒՇՈՒԹԻՒՆ ԶԳԱՍՏՈՒԹԵԱՆ  
ԸԱՀԱԿՈՐ ՊԱՏՐԱՍՏՈՒԹԵԱՆ ԸՆԴ ՄՏԵՐԻՄՍՆ  
ԵՒ ԸՆԴ ԴԺՆԴԱԿՍՆ ՊԱՏԻՒ ԵՒ ՊԱՏԻԺՍ

ԺԷ

**Պ**ՐԵԼ ՃԵՂ և ուսուցանել կամիմ, եղբարք իմ  
և որդիք, զորս՝ ի ՔՌ աւետարանաւն ծնայ : Զի որք  
յարգեն զանձինս իւրեանց՝ ի զործո բարութեան  
և յուսումն Ճշմարտութեն, ինքեանք իսկ պատրաս-  
տին՝ ի վնասակարացն, և պէսպէս հնարիւք յառնել  
զբարիսն խորհին : Որպէս զի օրինակ Ճշմարտութեն  
եղիցին յառնել և յուսուցանել միշտ, և անխիղՃ և  
անպատճառ իցեն առ հեռաւորս և մերձաւորս ըստ  
բանին տն . « Լուսաւոր եղիցի, ասէ, լոյս ճեր արդա-  
րութեն առաջի մարդկան . որպէս զի տեսցեն զգործո  
ճեր բարիս, և փառաւորեսցեն զհայրն ճեր երկնա-  
ւոր » : Եւ դարձեալ երանէ զծառայսն, յորոց անունն  
օրհնի և փառաւորի . և վայ և եղուկ զայնոսիկ վար-  
կանի, յորոց անուն տն հայհոյեսցի :

**Օ** ի որք լինին քարոզք Ճշմարտութեն, Ճշմար-  
տութին ինքնին յարգէ զնոսա անմոլար գիտութեն :  
Եւ ած փառաւորէ զնոսա, յորժամ տեսանի նոցա  
բարեպաշտութեն ջանքն . զի զոր նոքայն տնկեն և սը-  
նուցանեն, ած աճեցուցանէ և հաստատէ աւետեօք  
կենացն՝ ի փառս և՝ ի պարձանս նոցա ՚ի տիեզերա-  
կան ատենին յարութեն որ՝ ՚ի մեռելոց : Եւ կարաս-  
ցեն ասել . ահա մեք և մանկունք մեր Ճշմարտեալ  
զոր ետուր մեզ, ած : Եւ պսակեալ առաքինութեքն  
առնուն զգրաւական խոստացեալ աւետեացն Քո՞ի :  
« Զի որ արասցէն, ասէ, և ուսուսցէ, նա մեծ կո-  
չեսցի յարքայութեն երկնից » : Զի « Սկսաւ, ասէ,  
Յո առնել և ուսուցանել մինչեւ յօրն՝ յորում վե-  
րացաւ յերկինս » :

Խակ որում հաւատացաւ վերակացութիւն ժողովը դոց , և հեղգացի 'ի նոցա խնամն 'ի հոգեւոր ուսումն և 'ի խրատ , և ստունդանիցէ և կամ ոչ տայցէ զմարմնաւոր պէտս կարօտելոց , այլ ուտէ և ըմպէ անզգայաբար , յանկարծակի գայ 'ի վերայ նորա մահ՝ յորում աւուր ոչ ունի ակն . և հատանող բանն այս սուր՝ ընդ մէջ կտրեսցէ զնա , յինքն առեալ զշնորհան՝ որ յայ է , և զվատմարն ընդ անհաւատն դիցէ 'ի խաւարն արտաքին և 'ի հուր , ուր լալ աշաց է և կրծել ատամանց : « Զի հաւատք 'ի լսելոյ են , ասէ Առաքեալ , և լուր 'ի բանէն քոյ , զի զիարդ հաւատն զօր ոն ուսան , և կամ զիարդ ազաւեսցեն զօր ոչ զիտենա :

Եւ գարձեալ առ մարգարեն Եղեկիէլ ասէ օրինակաւ առ ամենայն վերակացուս . ասէ . « Դէտ կացուցի զքեզ . զգուշացիր անձինդ և ժողովրեանդ , և ասասցես ցանօրէնն՝ Եթէ մահու մեռցիս : Եթէ ոչ զզջացի և գարձցի խոստովանութեք յապաշխարութիւն , մեռցի զմեղացն զմահ . և դու ապրեսցիս , զի զգուշացուցեր յառաջագոյն : Ապա Եթէ զզջացի և գարձցի խոստովանութեամբ յապաշխարութիւն , կելով կեցցէ զարդար կեանոն և մի մեռցի զմեղացն զմահ : Ապա Եթէ ոչ զգուշացուցեր նմա , 'ի մեղսիւր մեռցի 'ի պատուհաս , և զարիւն նորա 'ի ձեռացքոց խնդրեցից ո , ասէ զայս ամենեցունց տրն :

Եւ Դանիէլ բանիւք և արգեամբք եցոյց զիրաւացի դատաստանն առ ծերսն՝ որը էին վերակացուք Խարայէլի՝ զպատիժս պատուհասիցն : Որ և 'ի գրին յառիւծուցն ապրեցաւ մատնելով ոսոխացն 'ի մահ , որ անդէն իսկ 'ի նոսին դառնայը մահն յառիւծուցն : Եւ այսպէս երևելի եղեւ ճշմարտութիւն արդարոյն և ամբարտաւանութիւն զբարտող չարեացն : Եւ այսպէս փառաւորէ ած զփառաւորից իւր և զշմարիտ վերակացուս : Որ և զերիս մանկունսն արկին 'ի հնոցն առ 'ի յայրել վասն առ . 'ի յած զհաւատն ամբողջ պահողաց . զի հրաման , ասէ , թագաւորին սաստիանայը , և հնոցն բորբոքէր առաւել , և հուրն ոչ կարէր մերձենալ առ սուրբսն որք օրհնէին զնոր ած : Այլ զւարսն զորս գտանէր , այրէր հուրն . զի

այնու ծանուցեալ եղեւ արարին արարածոց . և թա-  
գաւորն խոստովան լիներ այ զմեղսն :

Եւ զերեմիաս արկին 'ի գուբն 'ի մահ յաղագս  
յանդիմանելոյ զանիրաւան և 'ի գարձ ածելոյ , զի ապ-  
րեսցին 'ի բարկութենեն որ գալոցն էր 'ի վերայ ժո-  
ղովրդեանն : Որ և զերեալ զիրաւան և զմարդարէ-  
ռ թիւնն այրեցին , և ըստ արժանեացն ընկալան ըզ-  
հատուցումն մեղաց իւրեանց , և մատնեցան 'ի սովլ  
և 'ի սուր և 'ի գերութի : Եւ մարդարէն փառաւո-  
րեալ պատուեցաւ 'ի թագաւորէն և 'ի մեծամեր-  
ծացն , և վերստին նորոգեաց զրով զմարդարէութին  
և զուղիդ խրատան : Եւ զի ասաց , « Անիծեալ ամե-  
նայն որ գործէ զգործ տն ծուլութի : »

Եւ տրն որ յաւետարանն առ Պետրոս ասաց . զու-  
ես վէմ , և 'ի վերայ այդք վիմի շինեցից զեկեղեցի  
իմ . այսինքն զհաւատացեալ ժողովուրդն այ . և  
դրունք դժոխոց զնոսա մի յաղթահարեսցեն , զար-  
ձակեալսն յերկրէ սուրբս և արդարս հմարիտ հաւա-  
տով յերկինս . և զոր կապիցես յերկրի զանսուրբս և  
զանիրաւս և զայլահաւատս , եղիցին կապեալ 'ի յեր-  
կինս 'ի պատիժս սպառնալշացն : Առ Պետրոս բանս  
'ի տնէ առ ամենայն վերակացուս սուրբս ասացաւ ,  
որք զհմարտութին իրաւ ունին :

Այսպիսի ընտրութիք են 'ի մէջ լաւաց և անիրա-  
ւաց , որք իւրեանց սրբութին և առաքինասէր վա-  
րուք եղեն արբանեակը և քարոզք բանին հմարտու-  
թեանն 'ի զգուշութի անձանց և ժողովրդոց , արհա-  
մարհողաց և անհնազանդից , անսրբոց և պղծոց և  
որ այլ ևս դժնդակութեան վարք իցեն , յամի խելա-  
մուեալք հանաչելով զերկաքանչիւրոցն զշարժմունս ,  
և ընդ սիսալեալսն մարտիցէ զինուք հմարտութին  
ողքանօք կամ սաստիւք . որով կարասցէ շահել զմե-  
ղապարտան : Եւ զշեծանոցն 'ի ձեռն ունել . զի հող-  
մոյ հոգւ ոյն սրբոյ չնչելով որոշեսցէ զցորեանն յշտե-  
մարանս որբոց , և զյարդն պատրաստիցէ 'ի նիւթ  
հրոյ գեհենին , որպէս ասացաւ . զի ընտրութի է 'ի  
մէջ բարւոյ և չարի :

Խակ որ 'ի հմարիտ վերակացութէն օտար են , բար-  
կութին այ 'ի վերայ նոցա պատրաստեալ կայ 'ի տնէ

ըստ բանի Առաքելոյն . «Որք զՆշմարտութին անիրաւութիւնունին , և ոչ ըստ աւետարանին Քոփու ու Զի արժան է առաջնորդաց վերագոյն ըստ արդարութեն օրինացն եղեալ յամենայն 'ի հաճոյս այց , և զժողովուրդն զգուշացուցանել ճշմարիտ վարդապետութեր վասն իւրաքանչիւրոց փրկութեց . զի մի սպառնացեալ պատուհանն 'ի վերայ հասանիցէ , 'ի ձեռն հրեշտակի չարի : Որպէս մարդարեին ցուցաւ սատակել զանիրաւոն և ոչ ումեք ողօրմել , ծերոյն և տրզայոյն , կուսին և երիտասարդին , և քահանայից և ժողովրդոց :

Ի՞այց ասէ , որք հեծեն և յողոց հանեն և սպան զայլոց անիրաւութիս , իննայէլ հրաման առնունացնաւն որ 'ի ճակատն առեալ 'ի տնէ , զի ապրեսցին 'ի սատակմանէ անստի : Եւ սկիզբն սատակմանն 'ի քահանայից անտի առնուու , յորոց վերակացութիւն ժողովրդեանն է յայց . որ զշահս մարմնոցն առնուին , և հոգեոր շահիցն անիրոյթ առնելին . զի այց դատաստանքն ճշմարիտ են . զի «Ամենայն դպիր աշակերտեալ արքայութեամբ այց , ասէ տրն , նման է առն տանուտեառն՝ որ հանցէ 'ի գանձէ իւրմէ զնոր և զհինու:

Տանուտեր անուանեաց զաւաջնորդս եկեղեցւոյ զաշակերտեալս ճշմարտութեն աւանդիցն , և գանձք զիմաստս սրտին , որ 'ի հնոյ և 'ի նորոյ ունի զստոյդ զիտութիւնն , և վայելեցուցանէ զմերձաւորս և ըզհեռաւորս բարի խորհրդովլք և բարի գործովլք և անարատ սրբութեամբ : Եւ զւար գործոցն զմթերս արտաքս պեղել , մինչ ոչ մնայցեն նշխարք չար գանձուցն 'ի բարի ուսմանցն , ընտրելով զլաւն 'ի վատթարացն :

Ինքեանք , ասէ , օրինակ լիցին կացիւք գնացիւք , ամ առաքինութեն հանդիսիւք . զի աշակերտեալքն յորդորեսցին 'ի ճշմարիտ վարս , որ փառսէ վարդապետաց , գնաւ 'ի ճանապարհս արդարոց , և խորհել 'ի պատուիրանս տեառն , և առաջնորդել լուսաւոր վարդապետութիւն 'ի սրբութեն վարս և յարդարութիւնն ամ : Զի զամսն ժառանգորդս արասցեն արքայութեն այց , դործակից լինել կենարարաւետարանական խրատուն , և մի իւիք զանց առնել 'ի ճշմարիտ աւանդիցն :

“Զի եթե միովլիւիք ինչ, ասէ, գթիցես, եղեր ամ օրինացն պարտական ։ Զի ճշմարտեալք հաւատով և որբեալք ՚ի խղձ՛չ չարեաց, միշտ մերձաւորք լիցին մարմնոյ և արեանն տեառն, ՚ի ներքին մարդն բնակել Քնի, որ լուսաւորէ զսուրբս անարատ և ամքիծ երախտեօք սուրբ սիրոյն, հոգեոր և մտաւոր գարմանօք յամենասուրբ Երրորդութենէն միշտ։

“Իսկ յորժամ Քո յայտնեսցի կեանքն մեր, ասէ Առաքեալ, յայնժամ և գուք ընդ նմա յայտնես ջիք փառօք։ Որպէս զի եղիցի մեզ ամենեցուն որ զգեցաք զՔո, ճշմարտեալ հաւատով և առաքինամեր վարուք հաճոյացեալք մերձենալ ՚ի լոյն անմատոյց, և պայծառանալ ՚ի փառացն Քնի յուսոյն մերում ՚ի տիեզերական ատենին յարութեն որ ՚ի մեռելոց։ Եւ փառաւորեսցուք զամենազօր տերութին միշտ ընդ հրեշտակս յաւիտեանս յաւիտենից։ ամէն։”

ՆՈՐԻՆ ԵՐԱԿԱՆԵԼՈՅՆ ՍՐԲՈՅՑ ԳՐԻԳՈՐԻ

ԳՈՎԱՆԻԹԻՒՆՔ ԱՍՏՈՒԾՈՒՅՑ ԵՐԱԽՏԵՍՑ  
ՀԱՆԴԻՍԻՒՆՔ ՄԱՐՏԻՐՈՍԱՑ ՔԱԶԱՑ ԱՌԱՋԻՆԵՍՑ

ԺԷ.

**Ա**նբախ են իմասմք բարերարին և անզեղջ պարզեք կենարարին, որ հաստատեաց զօջը երկնից 'ի փառս անուան իւրոյ սրբոյ, և զմարդիկ յանարդութենմանամէս 'ի գովեստ փառաց չնորհաց իւրոյ. ետ իշխանութեն 'ի վերայ ամենայն երեելի արարածոց, և խոստացեալ զանպատում երանութիւնն: Զի անձնիշխան կամն ստացան 'ի տնէ երկնաւոր զօրքն և երկրաւոր որդիք մարդկան. զի հաղորդ լիցին բարերար կամաց արարչին, խորհեշել միշտ զրարին և առնել 'ի կամարար մտաց ըստ կամացն այ, զի շահեսցին զօգտակարն անձանց:

**Ե**ւ ետ գաստիարակս երկուս, զաւետին և զըսպառնալիսն: Եւ վարդապետաց յօրինեաց զշոգեոր օրինսն խրատուն կենաց, որ յիւրմէ կանուխ գիտութեն ծածկեալ անձնիշխան կամացն բոյսք: Այլ զի որ 'ի լաւագոյնն հնազանդեցաւ մտերիմհաւանութը տն, փառօք պատկեսցի: Իսկ արհամարհողն և անհնազանդն և ապստամբեալն 'ի հշմարտութեն աւանդիցն՝ պարտաւորեալ պատուհասեսցի: Եւ արարչին բարերար կամք ոչ եթէ հակառակ ինչ էր իւր կանուխ գիտութեն, այլ հաւան ըստ նախախնամակսն սիրոյն իւրոյ առ 'ի հաստատուն կալ 'ի բարիսն: Եւ զպատիւ խոստացեալ աւետեացն արդարոցն յուշ առնէ միշտ. այլ և զպատիմս արհամարհողացն և անհնազանդիցն 'ի հոգեոր օրինացն: Զի զամենեսեան զգուշացուսցէ 'ի հնազանդութեն պատուիրանին, զի մի զրկեսցին 'ի վարձուցն հատուցման: Այլ յորդորէ յօգտակարսն, սակայն ոչ բառայ զանձնիշխան կամն, թէպէտ և յառաջագէտ է:

Ոլոպէս առ մանկունն խաչակաց , մինչդեռ յորու վայնի մօրն էին , ընտրութիւն առնե . զՅակոբ սիրէ՝ որ բարի բացայացի , և զԵսաւ ատեայ՝ որ չար երեխւր :

Եթէ այդպէս է , զիա՞րդ չարն , ասեն , յառաջագայի , և ոչ բարին միշտյառջագայի : Եթէ այդպէս էր , բառնայր պատիւ անձնիշնան կամացն , և կորընչեր ընդրութիւք արդարոցն , և զրկեալ լինէին քաջքն յաղագս հանդիսի պսակացն և փառ օքն :

Զի արքայութին երկնից , ասէ տէրն , աւար է , և բռունք յափշտակեն զնա : Զի առաքինասէրք վարուք և մեռեալք մեղացն փոխին որպէս 'ի մեռելոց 'ի կենդանիս՝ 'ի սրբութիւ և յարդարութիւ ըստ Ճշմարտութե՛ աւետարանին : Զի մեղք՝ նոցա ոչ տիրեն . զի ոչ են ընդ օրինօք , այլ ընդ նորհօք : Զի այլ պարգեք 'ի տեառնէ է որ ընդ նորհօք են , և այլ պատիւ և փառք որ առաքինութեն և քաջութեն են շահեալք . և այլ է որ 'ի դիւտից վայելէ՝ 'ի խոնարհութե՛ պատկառանաց զգաստացեալ , և այլ է որ 'ի հանդէս առաքինութե՛ մըցին ըստ հարկեաց սխալանաց անձանց : Զի զամենայն բարութիւ զերկնաւորսն և զերկաւորս որ փառօքն և պարծանօքն է՝ վայելեսցեն 'ի բարի տուողէն :

Ոյնպէս է իմանաւլ վասն հրեշտակաց և դիւտաց , արդարոց և մեղաւորաց . զի նախ ընտրութիւ լինի 'ի մէջ քաջացն և վատացն , և ապա ըստ իւրաքանչիւր արժանաւորութե՛ զհատուցումն առնէ ըստ արդարդատաւորութեն : Զի քաջացն որպէս պարտս տայզապատիւն , և վատացն որպէս ողսրմութե՛ որպէս շընորհս և պարզես ինչ : Զի զօրէնսն իբրև զըովլս եդ 'ի փորձ , և նովաւ առնէ զընտրութիւ 'ի վերև և 'ի խռնարհ , և ըստ արժանեաց տայզ զպատիժս և զպատիւ արդարոց և մեղաւորաց : Զի հոգեսոր օրէնքն կենդանարար են . զարդարասէրսն առաւելուն 'ի բարի գործս , և զպիշերգմն զարթուցանեն յառաքինութիւ սպառնալեօք պատուհասիցն , և փառացն ցանկացող առնէ : Ուստի հանդէսք լաւութե՛ կենացն նորոգին , և պսակեալ քաջութե՛ ըստ յաջողելոյն այյաւետիս արդարոցն մտանիցեն :

Վրդարքն են որ զարժանն և զիրաւն առնեն, և ժառանգաւոր լինին վերին կումանն՝ որ 'ի կեանս տանի. զի ըստ միոյ միոյ տռաքինութե՛ և պասկըն փառաց և դովութե՛ յօրինին 'ի տեառնե՛: Զի բազ մապատիկ են տանջանք ճգնաւորացն, որ զրազմաշահ օգուտոն ժողովեն 'ի խրատուե՛ կենարար օրինացն Քսի. զի ամ ճշմարտութե՛ եղիցին որդիք լուսոյ Հօրն երկնաւորի, և ժառանգակից Քսի: Որ իւր մուերիմ վաստակօքն էառ զմեծութիւն անքաւ բարութեանցն, և պատուօյն և փառացն և արքայութեն երկնից ժառանգաւոր: Զի եկամուտ եղեւ անհնազանգութի՛, 'ի կամաց և ոչ 'ի հարկե՛, հանդերձ ամ գմնդակութե՛ք. և փշալից արար զամանդս մոտաց և անդամոցն զմտաւորս և զբանաւորս բուսովք չարութեն և մնոտի խարեւութե՛ք բանսարկուին: Վասն այնորիկ 'ի մշակութե՛ կացոյց զորդիսն ստուգութե՛. զի բազում ճգնաւորական հանդիսիւք քաղիցեն զորուն չարութեն 'ի մտաց և 'ի մարմնոյ զբայս վնասակարս, զխարեւութի՛, զստութե՛, զհպարտութի՛, զադահութի՛ և զամ չար ցանկութիւնս հանդերձ ամ վնասակարօք երևելեօք և աներեւութիւք առ չարն հակամիտութի՛:

Վ. Ա. մարտ պատերազմի քաջացն ոչ միադիմի, այլ բազմադիմի է: 'Նախ զի մի հաղորդեացի բանից խարեիցն՝ ողջանաց և պատրանաց, որ զմիտս և զանդամն չարժէ 'ի վնասակար և յաղտեղից ցանկութիս: Երկրորդ զի մի անկցի 'ի բուռն ամբարտաւանութե՛, հապարտութե՛ և մնափառութե՛. որ փակէ զմարմին և զհոգիններքոյ կորստեան անհնարին չարեօք: Երրորդ զխարեւութեանն և զստութեն և զայլանդակութե՛ չարժմունս շիթուցանիցէ. ընդ նմին և զրարկութի՛ և զանզգամնութի՛ և զստահակութի՛ սանձեսցէ խոնարհ սրտիւ: Չորրորդ որ զտեսիլ շապայլութեան և որկորրս տութե՛ զհետ շըթի շեղակուտեալս ցանկութե՛ գիծութե՛, անձային ցանկութեն և պարկեշտութե՛ աղատանայ. ընդ նմին և զամ ցոփութիս և զգոռազութիս յանձանց թօմափել, և զամենայն անօգուտս որ ալէ կոծեն զմիտս և զզգայութիս՝ յանձանց 'ի բաց ընկենութարի յուսովն: Հինգերորդ որ ոչ վրիպէ և ոչ

մալորի և ոչ գայթակղի յերափոտաւոր բարերար տես-  
չութեն, որ չեռացուցանէ յերանութեն, և 'ի միժա-  
զին ափութեն ընկենու, ստերիւրեալ 'ի համապար-  
հացն արդարութեն՝ որ տանի յօթեամս հանգստեանո  
Վեցերորդն երդմնահարութեն և յափշտակութեն և  
զրկանաց . որ արկանէ յամօթ և 'ի տոյժս և 'ի տու-  
գանս սպառնալեօք . և առանց պատասխանւոյ է գտան  
եթէ ոչ զգաստասցի 'ի սոցանէ : Էօթներորդ որ ըզ-  
սրտմոռութեն ըարկութեն շարժէ և խռովվեալ պղտորէ:  
զմերձաւորս, որ 'ի փորձանս խորհրդոց և բանից և  
զործոց . եթէ ոչ յաղթահարեսցի հեղութեն, ար-  
կանէ 'ի պատիժս յաւիտենից պատժոյն: Ութերորդ  
ոխութեն և նախանձ և ատելութեն . որ թէ ոչ ազա-  
տեսցի յայսոցիկ չարեաց, մահ' անձին և այլոց ստա-  
նայ . զի՞ քինայ և զարի 'ի խորհուրդս զեղաւորս, և  
զի՞ յնս դառնութեան հեղու զորս՝ ատեն: Խններորդ  
որ զանհաւանութեն և զծուլութեն արմատս խլէ, որ  
մթերք են ամ չարեաց և պատճառք անզեղջ կորըս-  
տեան և դրունք մահու հոգւոյ և մարմնոյ: Տասնե-  
րորդ որ անխտիր է յամբարշտութիւն և 'ի գարշելի  
ախտս և յում անօրէնութիւնս . որ եթէ ոչ զգաս-  
տասցի յահ' և յերկիւղ տեառն զղջմամբ, կորիցէ  
զաւիտենական զկորուստն:

**Ա**յս են բոյսք չարութեն, զոր ժիր հնակըն քաղա-  
հան առնեն, և զբարի բոյսմն մնուցանեն ոռոգմամբ  
չնորհալից արտասուօք և առաքինասէր վարուք: Եւ  
յայսոսիկ է մարսն և յաղթութեն քաջացն և առա-  
քինեացն, որ վկայը են հշմարտութեն, և կենդանի  
մարտիրոսք սիրեցեալք 'ի տեառնէ: Զի սպանին ըզ-  
թ հնամիս արդարութեն, և զնորոգումն կենացն՝ որ 'ի  
քա եղեն՝ կեցին, և յոյս նոցա հաստատեալ կայ ընդ-  
քափ: Ճշմարտեալ հաւատովք և հանդիսիւք առա-  
քինութեն 'ի լաւագոյնան միշտ կալ զօրութեն հօրն  
ամենակալի և օգնութեն Արդւոյն բարերարի և հնոր-  
հօք ամենասուրբ հոգւոյն, միայ անծութեն որ ապա-  
ւէն և յուսացելոց իւրոց:

**Բ**րածին և նախ քան զամենեսին հշմարիտ հաւա-

տոյն հաստատութիւն որ 'ի Հայր և յՈրդի և 'ի Հոգին  
սուրբ՝ սիրով և յուսով՝ Զի այսու վկայեցան առաջին  
սուրբըն . իմացան և ծանեան զառ 'ի նմանէ յօրին  
նուածս ամ արարածոց , և զնախախնամութիւն սուրբ  
սիրոյն և զվատահօւթիւն յուսոյն որ առ ամ , որ ոչ  
երկի :

Երկրորդ լինել Ճշմարիտ բանին քարոզութիւն առ  
գիւտս կորուսելոցն և առ պահպանութիւն գտելոցն :  
Որով կարգին ընդ սուրբ հրեշտակո՞ որ առարին 'ի  
սպասաւորութիւն որ ժառանգելոց են զփրկութիւն և զե-  
րանութիւն 'ի յոյս կենացն յաւիտենից :

Երրորդ որ յստակ խորհրդովք աղքիւրանան 'ի  
բարեգործութիւն՝ յորդորումն առ երախտիս ամ հե-  
ռաւորաց և մերձաւորաց . ոռոգել զանդս մոտաց և  
մարմնոց հոգեոր շահիւք և մարմնաւոր պիտոյիւք .  
և այսպէս բազմացուցանել զստուղս արգարութեն  
արմատեացն 'ի վայելումն անմաշ կենացն :

Չորրորդ որ զհաւանութեն և զհնազանդութեն և  
զմիաբանութեան զհանգամանս ունի յօդիւ Հոգւոյն  
սրբոյ , 'ի միասին ժաղովելով 'ի խաղաղութիւն և 'ի փա-  
ռաբանութիւնն այյ , և զմիմեանս օգտեցուցանել ան-  
նախանձ օգնականութեամբ , և յերանելի կեանսն  
յուղարկել :

Հինգերորդ որ անարատ և ամբիծ յորդեռանդ  
հոգեոր սիրով խնամէ զամենեսեան ըստ իւրաքան-  
չիւր պիտոյից . ձեռնտու լինել զրկելոց և վշտացելոց ,  
և եթէ այլինչ աղետք իցեն որ պէտս ունին օգնա-  
կանութեն հոգւոյ և կամ մարմնոյ . և այսպիսի երախ-  
տեօք մտեալ 'ի ժառանգութիւն կենացն Քսի :

Ա եցերորդ որ լինին մատակարարք Ճշմարտութեն  
աւանդիին՝ որ հաւատացաւ նսցայայ՝ հոգեկանաց և  
մարմնականաց . տալ 'ի ժաման զհոգեորական զօգու-  
տըս և զմարմնական զպէտս , և առնուլ զառ հաւատ-  
շեայ երանութեանցն զպարդես յաբբայութեանն ար-  
դարոց :

Եսօթներորդ սրբութիւն և զգուշութիւն և պահպա-  
նութիւն առարինութեցն . արթուն և զուարթուն  
կալ յամ գաղտաձիգ նետս չարին , որով սպան զան-  
մեղս 'ի մեղս : Զի յամենայնի ամրացեալք և յաղ-

թեալքնորախորամաննկութեն՝ առցուք զպսակն անեղծութե :

Ութերորդ լինելխոնարհ սրտիւ և հեղք բարուք և խաղաղարար առ ամենեսին՝ առ հեռաւորս և մերձաւորս, նմաննելքսի հեղյոյն և խոնարհին և խաղաղարարին. զի հայեցեալք յառաջնորդն հաւատոց զհետերթիցուք, և գտցուք զանտի զհանգիստն 'ի խոնարհ և 'ի հեղք և 'ի խաղաղարար սիրոյն :

Խններորդ որ պարկեշտութեն և համեստութեն բարեմուեալըստ ամի առաջնորդական խրատուն փրկութեն և կենդանարար, հասաննել 'ի դուռն կենաց և մտաննել 'ի յարկմն յաւիտենից 'ի հանդիսան 'որ պատրաստեալ է 'ի փրկչն մերմէ ըստ իւրաքանչիւր վարուց :

Տաններորդ քնի փրկական պատրագին լինել խորհրդածու և խորհրդակից ըստ արժանաւորութեն մաքրման հաղորդելով. աղօթանուեր պաշատանօք և չնորհալից արտասուօք և ջերմեռանդ հոգւով եւ ռացմամբ սուրբ սիրոյն առլցեալ 'ի Քո, ընդ երկնայինն մերձենսալ առ անձ և անտի լուսաւորել զհագին, և զմարմին, և բուռն հարկաննել զիենացն յաւիտենից : Եւ զերկնայինն միշտ խոկացի, և զերկրաւորս արհամարհեսցէ, խորհրդակից և գործակից ու նելով միշտ զամենազօր տերութին . և մտերիմ կամօք զանձն անշարժ ունել 'ի Ճշմարիտ վարս և յուզիզ հաւատու . երախտաւոր սուրբ սիրովն յառաջանալ 'ի բարին, և զայլ յորդորել 'ի խոստացեալ բարին և 'ի կեանսն :

Վայս են քաջացն և առաքինեացն հանդէսք, որ 'ի վէրին կայանն տանի. և լսեն յամենեցունց տեառնէն, ով ծառայք բարեգործք և հաւատարիմք, որով 'ի սակաւուդ հաւատարիմ եղեայք յերկրի աստ, 'ի վէրայ բազմաց կացուցից զձեզ 'ի մշտնջենաւոր կեանսըն . եկայք մտէք յուրախութիւն տեառն ձերոյ յանվախան երանութիսն՝ որ պատրաստեցաւ ձեզ :

Վայսիսի խրատու լինել աշակերտ և խորհրդակից, և մերկանալ զզբօսանս աշխարհիս և զհոզս սնոտիս, և զգենուլ զհոգեոր ազատութեն լուսաւոր ըզգեսան՝ որ յառաքինութիւն կազմի անհամեմատ լուսին : Եւ հանապազօր քննող լինել խորհրդոց և բա-

նից և գործոց . եթե՝ ստունգանեալ իցէ , ուղղեցի  
լաւագոյն խրատու անձային գրոց ՚ի ձեռն զղջման .  
”Զի զոր ինչ առեք ՚ի սիրտս ձեր , յանկողինս ձեր զրդ  
ջացարուք . և մատուցեք պատարագս արդարութեն և  
յուսացարուք ՚ի տերն որ արդարացուցանեւ : Զի փա-  
ռաւողք են ՚ի վարդապետաց որք առնեն զայս և ու-  
սուցանեն ՚ի նոյն ինքն ՚ի հայր և յՈրդի և ՚ի հոգին  
սուրբ . որում փառք այժմ և յաւիտեանս . ամէն :

ԵՐԱՆԵՒԹՅՈՒՆ ՍՐԲՈՅՑ ԴՐՏԿՈՐԻ  
ՀԱՅՈՅ ԼՈՒՌԱՌՈՐՉԱ

ՅՈՐԴՈՐՈՒՄՆ ԱՊԱԾԽԱՐՈՒԹԵԱ  
ԽՈՍՏՈՎԱՆԵԱԼ.

Ժ.Թ.

Ո՞ւծ են յարդանք հրամանաց տեառն և անբաւ  
չնորհք բարերարին այ զի զորս յառաջն հանաւէր,  
զնոսին և կոչեաց ՚ի յոյս կենացն անվախանից, և  
արդարացոյց և փառաւորս արար: Որ հաւատով և  
երկիւղիւ պահեցին զպատուիրանս նորա, և հնազան-  
դեցան ընդ ամենախնամմուրբ սիրոյ նորա, և ընկա-  
լան զբանն կենաց յանձինս իւրեանց, և եղեն պաղա-  
բերք և անեցունք առաքինութեն վաստակովքն, որոց  
վարձքն կան և մնան 'ի հանդերձեալ կեանսն: Խոկ-  
ծուլիցն և անհնազանդիցն որք արհամարհեցին ըզ-  
րանն հշմարտութեն, և խափանեցին զպատուզս արդա-  
րութեան, և ընկալեալ զչարաւար սերմանս 'ի թշնա-  
մոցն՝ և եղեն մեղաւորք հշմարտութեն աւանդից և  
խնամակալսիրոյն մոլորեալք յուղիղ հանապարհացն,  
որոց կատարածն 'ի կորստեան վիհս ընկենու:

Ուկայն բարերարին այ բարերար խնամքն ոչ ան-  
տես առնե՛սորք գառնան առնա: բանայ զդրունս ողոր-  
մութեն չնորհացն, և ընդունի զթութեամբ երախ-  
տաւոր սուրբ սիրովն, և յանձանձէ զապաւինեալմն  
'ի նորա զթութինս: Եւ 'ի ձեռն հշմարիտ խօստովա-  
նութեան, և խօսնարհեալ և բեկեալ սրտին 'ի զղջումն  
սկաւորի՝ զթայ 'ի նաև և ողորմի և այցելու լինի փրկին:  
Զի զծածկեալ մաղձն գառնութեն 'ի բաց փսխեաց.  
և եցոյց՝ եթէ զմեզս ատեցի և անարդեցի, և զօրէնս  
քո սիրեցի՝ զառողջութեն և զպքութեն և զարդարու-  
թեն: Եւ ըստ ունակութեն ցաւոցն 'ի մարդասէր բժը-  
կէն զառողջութեն գեզս ընկալցի՝ զարդարութեանն  
վարս, որ ընդդեմ մեղացն և զմնդակ ցաւոցն զոր

ունելը . զի այլ մի ևս անկանիցի 'ի նոյն , և այլ ոչ ևս դացէ զմարդասէլք բժիշկն :

Օ ի կուէ բանն տն զծանրաբեռնեալն խոստովլանութիւն յապաշխարութիւն . զխաւարեալն մեղօք 'ի լոյս արդարութիւն . զմոլորեալն 'ի գիտութիւն ճշմարտութեն , և զվրիպեալն 'ի ճանապարհայն արդարութեան ածել յուղըութիւն . և զմահարելք վարս 'ի կեանս վերստիննորոգել խոստովլանութիւն , լուծանել զամենայն խարդախութիւն սատանայի : Զի զամենայն մարդ կամի զի կեցցեն , ասէ Առաքեալ , և 'ի դիտութիւն ճշմարտութեն հասանել ամենադիւտ սիրոյն տեսչութիւնը :

Օ ի խոստովլանութիւն , ասէ մարդարէն , մեծվայելութիւն է առաջի այ և քահանայից նորա . զի «Ասացից եթէ պատմեցից յինէն զմեղսիմ , և գութողես զամենայն ամբարշտութիւն մեղաց իմոց» : Զի ըլվերսն բանայ և զցաւան յայտնէ , և զգեղ բժշկութեն 'ի վերայ ածէ զղջմամբ զապաշխարութիւն եռանդմամբ հոգւոյն 'ի հանապազրդ արտասուալից աղօթմն անդադար 'ի տուէ և 'ի գիշերի . և ողորմ կերպարանս ստանալ Ճնշելով զմարմինն պահով , զի զանձ խոնարհեցուցէ 'ի գութ բազմախնամ շընորհօք առ 'ի թողութիւն մեղաց : Զի ապաշխարութիւն միուլիք կարգի , այլ բազում իրօք շինի . և 'ի մի հասակ արդարութեն կանգնի անկեան և աւարեան :

Օ ի նախ առաջին զղջանալ և խոստովլան լինել զյանցանս , և արտասուաց ընդունարան առնել զանձն յապաշխարութեն ժամանակս անդադար աղօթիւք և տքնութիւն և միուլ պահով , և մեծաւ ապաշաւանօք սգաւ զյանցանս գործեցեալս հանապազ : Երկրորդ զի ատեսցէ զմեղս և զգործեցեալս հանապազ : Երկրորդ զի արասցէ զնոսա աղօթիւք առ անձ , և յամենայն գործս բարութեն յորդորիս 'ի ճշմարտութեն աւանդս կարգաց : Զորբորդ զի 'ի յանցաւորաց անտի խորշեցէ մարօք և բանիւ և ամօթով և տեսութիւնը պատ-

կառ. լաւ համարել զնեղութեն կրել ընդ արդարս, քան զհանգիստն ընդ անիրաւս : Հինգերորդ յահ և յերկիւղ տն կրթել և չթողուշ՝ ի մտաց զօր վախ- չանին, այլ և զպատիժս մեղաւորաց . և մեռուցա- նել զանդամն կարեօքն և ցանկութեքն, Վեցերորդ ՚ի տուէ և ՚ի գիշերի հսկել վասն փրկութեն անձին եթէ որպէս կարասցէ լուծանել զմեղս, և ապրել ՚ի բարկութեն որ գալոցն է ՚ի վերայ անապաշխա- րիցն: Եօթներորդ զի մի մոռասցի զրեկումն անձին իւրոյ և պղերգասցի ՚ի բարեպաշտութեն չդանցն և դարձի ՚ի նոյն վնաս, և վերստին ոչ կարասցէ բժը- կել: Ութերորդ զի առողջացեալ զդաստացեալ սըր- բեալ, իմասցի զներքին մարդն և զարտաքին և զի- շատակս խոստացեալ աւետեացն ստոյդ ապաշխարո- ղացն: Խններորդ զամենայն հրամայեալսն արարեալ ըստ հոգեոր օրինացն և աւետարանին Քոնի, և ակն ունել վերստին նորոգման ՚ի ձեռն քաւութեն պա- տարագին: Տասներորդ առաւելեալ յամենայն բա- րեգործութեն երեւելեօք և աներեւութիւք, և զսպիս մեղացն ջնջել զհոգւոյ և զմարմնոյ, և յաղթող ե- րեւել ՚ի հանգիսի ապաշխարութեն՝ կարասցէ հա- մարձակել ՚ի մեղսաքաւիս խորհուրդն կենդանարար, և լինել հաղորդակիցս և մարմնակիցս և կցորդս ան- ձառելեացն: Եւ յայսմշետէ զվերինն խորհել ուր Քոն նստի և սուրբք ընդ նմա առհաւատչեայ երա- նութեն:

Եւ ստոյդ խոստովանողք և ապաշխարողք ազա- տեալք փրկաւետ մարմնով և արեւամբն Քոնի . զի նա է յոյս մեր և առիթ քաւութեան, և նովաւ լինի ազատութիւն և մուտ յուրախութիւն և ՚ի ժառան- գութիւն արդարոցն երախտեօք Քրիստոսի սուրբ սիրոյն, որ արդարացուցանէ զմեղաւորս՝ որ ապաշ- խարեսցեն: Զի որպէս սուր որ հատանէ զմարմնն և վտանգէ զանձն, և կարօտանայ բժշկի որ զիջու- ցանէ զվտանգսն գեղովք օմամբք յառողջութիւն, այսպէս գեղովք ապաշխարութեն զհարուածս ցան- կութեն և զաղուեզի յիշատակս ջերմեւանդ արտա- սուօք լուանալ զվերմն և բժշկել անարատ սրբութիւն: Զի արտասուաց գրունք են վիշտք նեղութեց և ակն-

տից ինչ ցաւք, վնասուց կակիծք, հոգւոց տազնասղք, վրեպք օդտից, պատահարք թշուառութեց, վտանգք 'ի բռնաւորաց, տնանկութիւնակարծահաս, կորուստ սիրելեաց, ցաւք պէսպէս գմնդակաց անըմբերելի, և որ այլ ինչ սոցին նմանեալ: Իսկ հոգւոյն շարժ մունքյայսոյն շարութեց յափշտակեալ յանխտիրցան կութիս՝ վշտացուցանէ զմիտս 'ի գմնդակ խորհուրդս ասպախտաւորս, որ ոչ ունի զկայանս արդարութեն:

Ա ամս այսորիկ պիտոյ է պաղատանս արտասուալից առ փրկին, զի զերծուսցէ յայնքան վնասուց: Եւ իմանալեօք ընդ վրեժինդրութիւնոցանայէլ, և 'ի վայր կործանել զինուք առաքինութեն զնոսա, և զօրավիդ ունել զապաւէն կենացն մերոց զբան Յո. և ասուէն զայցելութին առնուլբարեացն ցանկութիք, դութ առ ընտանիս հաւատոց, անձուկ հեռաւորաց սիրողաց այ, ծարաւ մտերմութեն գիւտից հոգեւորաց, փափաքումն առ սուրբս, քարոզ խաղաղութեն, խոկումն խոնարհութեն, քաղցրավլիցքարբառք խրատուց: որ զկարծրացեալ միտս շարժէ 'ի յորդորումն առաքինութեն: Զամենեսեան օդտեցուցանել առ խնամն սիրոյ փրկութեն, և առ օգուտաս 'ի լրումն՝ հոգեւորացն, և 'ի շահս բարեաց վայելից, և 'ի համբերութիւն ի նեղութեն վայելել 'ի պարզես չնորհաց, որտայ 'ի յատակ աղբերեն կենաց: Վամս որոյ աղօթք և խնդրուածք մտերմութիւն 'ի բոլոր սրտէ՝ տանի 'ի նաւահանգիստն չնորհօք:

Խւ Ճնշեալ զմիտսն 'ի զղջումն արտասուաց յիշատակս աւետեաց խնամալից պաղատանօք եռանդնասէր խանդամաւալ զարտասուս չնորհալիցս առ 'ի մաքրութիւն մնաց և մարմնոց, որ զանմաքրութիւն ստացեալ ունելին զւար և զաղտեղի ցանկութիս: Զի արտասուք զմեղացն հարուածոց դառնութիւն սրբէն և ողջացուցանեն, և զխոտանն 'ի բաց ընկենուն 'ի մտաց և 'ի զգայութեանց. և լինի ընդ հովանեաւ նախախնամական սիրոյ փրկվին, և առնույուղ զմիտիթարութիւն: Արտասուք շարժեն զմիտսն առած, և զարթուցանեն յափշութէ<sup>2</sup> մեղացն որպէս:

1 Միւսն 'ի սարժառուն:

2 Միւսն յափշութէ:

'ի քնոյ , և վառեն 'ի զգուշութե՞ զգաստութե՞ շահաւորն օգտից սիրով : Արտասուք արբուցանեն զհոգեոր ըմպելին 'ի իննամս սուրբ սիրոյն 'ի գութ յիշատակաց բարերարին տեսչութե՞ քաղցր կամացն 'ի չնորհալից աղքերէն բղինեալ յաղատութե՞ և 'ի ժառանգութե՞ կենդանարար յուսոյն յաւիտենից :

Ի՞ յսլափ շահք օգտից 'ի զղմանէ արտասուաց .որ շարժեն զբարս հոսանուաս 'ի գիւտս փրկութե՞ և 'ի ովահպանութիւն այ կամացն , և զմիտս ամփոփեն 'ի հաճոյս այ : Եւ որբան 'ի յայսցանէ շահք բարեաց , այնքան առաւել վխասք 'ի ծուլութենէ և յարհամար համաց զարտօսր՝ որ 'ի խորութե՞ սրտի յառաջադպայի , և 'ի պղերգութե՞ արգելեալ՝ դժնդակացն լինի մուտք 'ի չարին աղղմանէ . և շարժեն զմիտս և զանդամն 'ի յանխտիր չարիս . և ելք զղման և արտասուաց 'ի ծուլութենէ և 'ի խստացեալ ամբարտաւան սրտէ , որ քամահէ զգեղջ չնորհացն և ոչ հոգայ վամն այնը որ զրկեցաւն : Եւ ընդունի փոխանակ բարեացն զար զարհամարհութե՞ , զամբարտաւանութե՞ , զապիրատութե՞ , զյամառութե՞ , զամբարշութե՞ , զննափառութե՞ , զագահութե՞ , զորկորստութե՞ , զցանկութե՞ , և որ այլ ևս են մուտք չարին : Եւ որ յայսոսիկ ըմբըռնեալէ , դժուարաւ բժշկելի է :

Ի՞ այց ոչ անցոյս առնէ մարդասիրութե՞ բանն որ զղմանան և գան 'ի հնազանդութիւն ահիւն այ , և ընդդէմ չափեն մեղացն զուղզութիւն , անիրաւութեն զիրաւունս , անսրբութեն զօրբութիւն , ամբարտաւառնութեանն զխոնարհութիւն , բարկութեն զհեզութե՞ , որովայնամոլութեանն զպարկեշտութե՞ , հեղդութեն զպնդութե՞ , ստութեն զձշմարտութե՞ միշտ . անհնազանդութեն զհնազանդութե՞ , ագահութեն զլատիաւորութե՞ , կեղծաւորութեն զպարզամտութե՞ , երդմահարութեն զեւրդնուլն , մախանացն զբարերարութե՞ , ոխութեն զանոխակալութե՞ , խստութեն զքաղցրութե՞ , ատելութեն զսուրբ սերն միշտ . անզղնութեն զզղնութեն արտասուաց , անխոստովանութեն անխղնի զխոստովանութեն խղնի մեղացն , անյուսութեն զյոյն ուղիղ , թերահաւատութեն զուղեղ հաւատս յանձին հաստատել և այլոց քարոզել զշշմարտութիւն :

Վայս է ստոյդ աւանդիցն գէմքը ապաշխարութեան,  
ամ որ ինչ հակառակ է մեղացն՝ առնել զարդարու-  
թիմն ամ որ երևին և որ ոչն երևին՝ ի խորհուրդս մտե-  
րիմն և 'ի յիշատակս աւետեացն ստոյդ ապաշխարո-  
շացն, և դարձեալ 'ի սպառնալեաց անապաշխարո-  
շացն յամեննեցունց տեառնէն Յայսոսիկ զգուշանալ  
և 'ի պատրաստի ունել զհաջոյնն այ ահիւն տեառն,  
յիշատակօք անվրէպ գիտութեն այ համարս առնելց  
արդար դատաւորին յաւուրն դատաստանի, յորում  
ոչ ինչ ծածկի ի խորհրդոց և 'ի բանից և 'ի գործոց:

Օ ի ընտրութիք են առաքինեաց և պղերդացն,  
հաւատացելոց և անհաւատից, և ըստ արժանեացն  
հատուցմունք: Պատիւք և մեծարանք և երանութիք  
յաղթողացն են՝ որք մարտեան ընդգէմ մեղացն և  
հակառակորդին, և յաղթեցին և սպակեալ փառա-  
ւորին. և դարձեալ որք ստոյդ ապաշխարեցին զինասս  
իւրեանց: Իսկ ահաւոր սպառնալիք տանջանացն պա-  
շարէ զանիրաւոն և զամբարիշտոն՝ ի տուորումն պատ-  
ժոց, որ ոչ անկան յապաշխարութիւն: Եւ զինար-  
հեալսն և զնուանեալսն ընդկարդաց ապաշխարութեն  
ընդունի յօթեանս կենացն ըստ արժանաւորութեան  
մաքրմանն ըստ բազում ողօրմութեն իւրօյ: Զինե-  
ղեալն և վտանգեալն արտասուօք և բարի շարժ-  
մամբք յօղորմութի դարձուցանեն յաղագս սխա-  
լանաց ինչ այսպէս զմարդասէր տէրն:

Եւ որպէս տղայքն որ ոչ գիտեն բառիւք զպէտո  
'ի մարցն ինսամոցն առնուլ, այլ արտասուօք զպի-  
տոյմն ինսդրեն և առնուն 'ի խնամոց սիրոյն, զի ոչ  
դադարեն 'ի լալց մինչեւ ամենայն ինսամք 'ի մարցն  
կատարի՝ ապա դադարէ և զուարձանայ և հանգին,  
այսպէս պարտ է մեղ լինել առ բարեգութ արն,  
որ ինսամէ զմեղ յաներեօյթս արարչական սիրովն, որ  
նստի յանարուեստ աթոռս, և բարերարութեն իւ-  
րով ինսամէ զարարածս. որ 'ի ձեռննախահարցն ծա-  
նցց զածգիտութիւն, և 'ի ձեռն մարդարեից եցոյց  
զապաշխարութե հանգամանս՝ որք դառնան: Իսկ 'ի  
գալստեանն իւրում եբաց զգուռն ողօրմութեն և ա-  
սէ, ոչ եկի կունել զարդարս, այլ զմեղաւորս յապա-  
խարութի խոստովանութի արարչական ինսամակալ

սիրովն : Զի փութացեալք 'ի կոչումն աւետեացն՝  
առցութզ զպարգես'ի շնորհողէն ապաշխարութքն ըզ-  
քաւութի : որ յաներեւոյթմն զհոգիսն բժշկէ , և յե-  
րեւելիս զզգայարանս :

\* Օ ի նախ յաւաղանէն է թողութի հաւատացե-  
լոց յամենասուրբ Երբորդութին Շմարիտ խոստո-  
վանութք : Զի ասէ ցաշակերտսն . Երթեալ մլրտե-  
ցէք , ասէ , զհաւատացեալս յանուն հօր և Որդւոյ և  
հոգւոյն սրբոյ . և ուսուցէք պահել զամենայն պա-  
տուիրեալսն 'ի Քու : Զի որք 'ի Քո մլրտեցան , զՔո  
զգեցան , և եղեն որդիք լուսոյ և ժառանդք արքայու-  
թին վերսախն ծննդեամբ : Զի շնորհօր լմնին որդիք  
տուԾնջեան , 'ի գիշերային ծննդենէն աղատեալք  
յիշխանութէ խաւարի , և լուսաւոր վարուք կեալ  
յերկրիս օգնականութեամբ բարերարին : Եւ ըստ  
արուեստից նորին շնորհաց զհեռաւորս մերձաւորս  
առնելով և զօտարացեալսն ընտանեցուցանել Շմար-  
տեալ հաւատով և անքիծ սիրով : Եւ զըմբռնեալսն  
'ի սատանայէ 'ի մեղս և վասն մեղացն 'ի մահ ար-  
դարացուցանէ և կենագործէ և հրաւիրէ յիւր ար-  
քայութին և 'ի փառմն զօր պատրաստեաց սիրողաց :

\* Դարձեալ և յաղագս մեղուցելոց և զպարգես ա-  
պաշխարութին եցոյց և յայտնի արար առաջնովքն :  
Որպէս զԴաւթայ լսեմք մեղուցեալ , և խոստովա-  
նեալ դարձեալ և ապաշխարեալ . որ լայր զամենայն  
գիշերն և զըմպելին արտասուօք խառնէր վասն բար-  
կութինն ոռն . յորոյ աչացն վտակք արտասուաց հո-  
սէին առ 'ի չպահելն զպատուիրանն ոռն . որ զցանկա-  
ցող աշմն մաշէր յարտասուս և սրբէր 'ի մեղաց : Եւ  
զՊետրոս 'ի նորոյն է իմանալ , որ ուրացաւ և ոչ յի-  
շեաց զյառաջադոյն ասելն ոռն . մինչև հայելովն յուշ  
դայ 'ի հաւուն ձայնն . և ելեալ , ասէ , արտաքս՝ եւ  
լաց դառնապէս : Եւ յաղագս ծերմ արտասուացն եւ-  
գիտ զթողութի . և առաքելական շնորհքն անդէն  
մնացին , որպէս Դաւթի մարգարէականն : Թողում  
ասել և զայլ ևս զհնոյն և զնորոցս մեղուցեալս և ա-  
պաշխարեալս որպէս ասեն անձային գիրք , որք ցուցա-  
նէն զօրինակս զսայդ ապաշխարութէ :

Եւ այսպէս ոչ փակի դուռան կենաց ապաշխարու-

թեան մինչեւ 'ի վախճան աշխարհի : Զի զհանապա-  
զորդ սխալանսն հանապազորդ արտասուօք աւազա-  
նին լուանալ և սրբել . և զի հանապազօր մեղան-  
ցեմք՝ որ խորհրդով որ բանիւ, որ լսելով, որ տեսանե-  
լով՝ որ շարժմամբ իւիք այսոքիկ, հանապազորդ ա-  
զօթք և լուացք արտասուաց մի պակասեսցէ :

Օ ի որ կտակաւն են մեղք, այսինքն ընդ կանոնօք,  
այնոցիկ ժամանակք որոշեն և զատուցանեն յեկե-  
ղեցւոյ և 'ի ժողովրդենէ և 'ի սեղանոյ . զի ըստ մե-  
ծի վնասուցն և մեծ ջանք և աշխատութիք պիտոյ-  
անան : Եւ որոց նուազ ունին սխալանսն, և բժշկու-  
թիս արտասուօք սրբել : Իսկ որ 'ի խորութե սրտին  
է աղտ ապականեալ անդամօք, անդ վտակք արտա-  
սուաց և հուը և եռացումն հոգւոյ պիտոյանան . որ  
սրբէ և հալէ և 'ի բաց մերժէ : Եւ որ փոքր ինչսխա-  
լանս ունի ակամյա վրիպեալ, զղանալ և յոգւոց  
հանել և արտասուօք անդէն իսկ սրբել :

Վայլ որ սաստիկ ունի զվերս մեղաց, և կամաւ ըմ-  
բռնանեալ, որ կանոնաւ ունի զանուն և զկարգ որ 'ի  
ունէ, ունի զհանգամանս սպառնալեաց . բազում  
ջանք և ջերմուանդ՝<sup>1</sup> արտասուք և բեկումն սրտի և  
որոշումն ժամանակաց ըստ յանցանացն 'ի ներքս բե-  
րիցէ առ 'ի լուծանել զդժնդակ ձմեռն խստութե  
մեղացն : Զի գալունն հոգեոր երկեւսցի 'ի նշել հա-  
րաւոյ ջերմութե հոգւոյն . և 'ի վերուստ սաստիկ  
անձեռվ զհոսանս արտասուաց . նոր երկիր զրոյս և  
զծաղիկս բացայայտէ , և տունկք զաղարթս և զպր-  
տուղս առ 'ի վայելս թագաւորաց և ռամկաց, որովք  
զուարձանան : Սյոյնպէս և որ ջերմութե հոգւոյն զհո-  
սանս արտասուացն հեղու և լուծանէ զկապանս ձը-  
մեռնային մեղացն, արձակին բոյք առաքինութեն  
և պտուղք արդարութե տնկոյն . որով ուրախանան  
երկնաւորք և երկրաւորք 'ի փառս այ :

Օ ի այսպիսի միտս և բարս պարտ է ստանալ ա-  
պաշխարողաց . զի ազատեսցին 'ի պարտեաց հարուա-  
ծոց գեհենին անշեն հրոյն և անմահ որդանն : Եւ  
ձշմարտեալ ստոյգ ապաշխարութիք արտասուաց ա-

1 Անհան չեմասնիւն որդանաց :

ւաղանաւն ժառանգաւորք արքայութեն եղիցին, զգեցի լ զեալ զպատմունան սրբութեան լուսոյն հառագայթեալ առաքինութեն հանդիսիւք, պսակեալ և վայելեալ յանվախնան երանութենսն ընդ սուրբս :

Օ ի ապաշխարութեն է սոտքանելն զինքն և հրաժարել՝ ի վնասակարացն և 'ի չար ցանկութեցն : Եւ փոխանակ միոյ միոյ չարեացն զարդարութիւնն ընդդէմ դնել, զի խափանեսցէ զմեղմն, և զարդարութիւնն աճեցուացէ սուրբ սիրով և արտասուալից ազօթիւք, և պահովք ցամաքեցուացէ զպղտորեալ զանժոյժ բղխումն գիջութեն որ ապականութեն է յանդամնն : Զի ջուրք աղբերաց և սրսկմունք անձրեաց զերեելի հուրբ չիջուցանեն . իսկ առ առ առ սկզն և ջերմեանդ արտասուօք զիջուր ցանկութեն չիջուցանեն, և խափանեն զկամն մարմնոյ, զմնքնագործութեն շօշափելեօք զարտեղի շարժմանցն զհոսմունս . և այլ մի ևս մերձենալ՝ ի նոյն գարշութիս ախտից, այլ մաքուր մտօք զմաքրութի ստանալ : Զի մի սուպանացեալ պատուհանն անսրբութեն՝ ի վերայ հասանիցէ յաւուր յորումոյ գիտիցէ, և 'ի ժամու յորում ոչ կարծիցէ, և տայցէ վրեժս ըստ վնասուցն :

Վայլ սիրել զսրբութեն՝ ի տէր որ՝ ի սուրբս բնակէ, և զանսրբոցն ասէ . «Որդն նոյառ մեռանի և հուրն ոչ չիջանի . և եղիցին տեսիլ ամենայն մնեղեացու : Եւ զամենայն արկուածս մեղաց՝ ի մտաց և 'ի մարմնոյ՝ ի բաց թօթափել. մինչ զի կարասացէ ասել, գայ իշխան աշխարհիս այսորիկ մեղսասիր, և յիս ինչ ոչ գտանէ զմեղացն նշխար . այլ ՔՇ ըստ աւետարանին կենաց՝ որ վերսափին նորոգեաց ստոյգ խոստովանութեն և արտասուօք ապաշխարութի և զթով տնանկաց հանդերձ ամենայն առաքինասիր վարուք յարդարեալ՝ ի հաճոյսն այ : Եւ մշակը լինել այգւոյն նըշմարտութեն՝ ի սկզբան հաւատոց և ուղիղ վարուց, որով կայ՝ ի վերայ երկրի և առաքինանայ : Եւ ելանելով յաշխարհէս՝ ընդ իւր տանի զարդարութիւնն ամենայն, զտղայութեն անմեղութին, զմանկութեն անարատութին, զերիտասարդութեն անբծութիւնն, զծերութեն զմաքրութին, զլիսաւորելով ըստ իւրաքանչիւր հասակացն զամենայն առաքինութի, և ըզ-

վարձս առցեն ըստ իւրաքանչիւր վաստակոց յամենեցունց տնեն գործողաց այդւոյն հաւատացելց ըստ ժամանակացն փոփոխմանց : Օժանդակ լիեւալ առ վերին կոչումն , ուր Քո նստի ընդ աջմէ այց յերուսաղեմն վերին՝ որ է մայր մեր ամենեցուն . ուր և յառաջագոյն գանձք առաքինութեն բարեաց ամբարեցան . ուր յոյսն մեր է հաստատեալ անմահ երանութիքն , անսպառ վայելութիքն , անվախճան ուրախութին , անզեղջ բարութիքն 'ի վայելումն Քոիւ : Միահաւան ինդութի երկնաւորաց և երկրաւորաց երանութի 'ի փառս Քոի գործակցութիք բարերար երախտեօք սուրբ սիրոյն : Որ մասոյց 'ի յորդէգրութիւն Հօր և 'ի ինաւան սուրբ Հոգւոյն և 'ի ժառանգութի արքայութեն իւրոյ : Որ աստ արգարացոյց , և անդ թագ 'ի գլուխ պատկեալ փառաւորէ յանձեղէն խրախճանութիմն , հանապազորդ 'ի հրձուանս յանսպառ բարիմն ամենասուրբ Երրորդութեն : Զինմա վայելէ փառք իշխանութիւն և պատիւ յաւետեանս յաւիտենից . ամէն :

## ԵՐԱՆԵԼՈՅՆ ՄՐՑԱՅՆ ԴՐՏԳՈՐԻ

ԱՌԵՋՆՈՐԴՈՒԹԻՒՆ ԱՄԵՆԱԲՐԱՅԵՍ ԽՐԱՍՏ  
ՀԱՆԴԱՄԱՆՔ ԳՏՏՈՒԹԵԱՆ ԵՒ ԻՄԱՍՏԻՑ

## ի

**Ո**ՐԳԻՍԻ գոհութե՞ն և օրչնութե՞ն և փառս տալ  
արժան է ամենակալ տրութեն ամենառառատ բարերա-  
րութեն . որ ոչ թողու ՚ի խնամակալ սիրոյն իւրոյ ,  
այլ յանձանձէ և աղքիւրաբար բաշխէ զշնորհս յա-  
րաբածս իւր : Նախ զի իշխան կացոյց և տէր ՚ի վե-  
րայ երկրի , որ ընդ իշխանութե՞ն վերնոցն . զի ծա-  
նիցուք զնորա խնամն արաբչական սիրոյն , և աշա-  
կերտեալ նորա պատուիրանին՝ կատարեսցուք զար-  
դարութիւնն ամենայն , և առցուք զհատուցումն բարի  
՚ի ժամանակի այցելութե . և ըստ ժամանակի՝ անա-  
պականութե վարուցն հետեւող լինել :

Որպէս ՚ի սկզբանէ նախաստե զծին կեանքն յար-  
գարեցան ՚ի տնէ անմեղութե , զայն սուրբ սէրն հաս-  
տատել ՚ի մեզ : Ուրպէս և Քո սիրեաց զմեզ , և զանձն  
իւր մատոյց պատարագ ՚ի հոտ անուշից : Որ բարկա-  
ցուցաք զարարին , զի ոչ պահեցաք զպատուիրանա-  
նորա : Զինամն սիրոյն իւրոյ ոչ որպէս առ երախ-  
տաւորս եցոյց , այլ յապահտաւորս որպէս այյ վայել  
է : Զի զբարիսն զօր եցոյց մեզ ան , ոչ ըստ մերում  
արժանաւորութե , այլ յաղթեալ յարաբչական սուրբ  
և անրիծ սիրոյն՝ գարձաւ յողորմութի : Որ և ոչ  
խեկ փոխարէնս խնդրէ ՚ի մէնջ փոխանակ երախ-  
տեացն . այլ կամի՞ զի կեցցուք արդարասէր , և ժա-  
ռանդորդք լիցուք երկնից արքայութեն :

Օ ՚ի նա է յոյս և կեանք մեր և աղքիւր բարեաց :  
Զի ոչ խնդրէ աղքիւր ջուր , և ոչ արեգակն լոյս .  
այսպէս և ան տուող է բարեաց և ոչ առող ինչ յա-  
ղագս մեծի բարեբարութեն իւրոյ և անկարօտ լիու-  
թեն : Այլ որ առ միմեանս լինին երախտիք , զայն իւր

Համարի, և ինքն առնել զփոխարէնս յերկրի և յերկինս որ կան և մնան : Զի միմեանց բարի առնել, փոխարէնս 'ի նմանէ առաքին երևելիք և աներևոյթք : Զի որպէս արիւնն Աքելի առ ած բողոքեաց, որ սպանաւ 'ի կայենէ և պատժի : 'ի տեառնէ, ոյնսպէս բարի բողոք զած 'ի բարի խնամն շարժէ բարեգործաց : Զի որք ոչ խնդրեն զվոէժո 'ի զրկողաց, ինքն առնու վոէժո ըստ արդար դատաստանին . զի ըստ արժանեացն է հատուցումն առ բարեգործոն և առ չարմն :

Եւ այ նմանել այս է, որ ապերախտին երախտաւոր լինի, զկորուսեալմն խնդրելով զգտեալմն պահելիրով աշխատութեն և ջանիւ : Կմանել Որդւոյն այ՝ որ ետ զանձն իւր 'ի մահ վասն մեր, և կամաւոր չարչանաքն ազատեաց 'ի ծառայութենէ մեղաց, և բարեաց կենաց և աւետեաց զմեզ հրաւիրեաց, և չոգւոյն սրբոյ ընդունելութեան արժանի արար : Եւ զամենակալ հօրն զանհամեմատ զերանութինս խոստացաւ . զի միասնական Երրորդութեն միշտ հանցուք օրհնութիս, որ հանապազ 'ի բաց ունի զգբունս փըրկութեն կենաց հաւատացելոց, և ապաւէն ամենեցուն որ եարդան առնաւ : Եւ աշակերտեալ առ աշնորդական բանին՝ գործակից լինելբարերար կամացն, և խորհել զբարին և առնել և լնուլ զհանցոյս արարցին 'ի ինամըս մերձաւորաց և հեռաւորաց : Զի զփոխարէնսն առցեն զբարեացն ըստ անմեղութեն սուրբ սիրովն . և 'ի նոյնս յառաջանալ 'ի լաւսն, և պատերազմել ընդդէմ մեղացն առաքինութեն հանդիսիւք . և 'ի բոլոր սրտէ ապաւէնեալք 'ի ինսամն մարդասիրութեն, և խլել զամբ բյոսս անօրէնութեն 'ի մտաց և 'ի զգայութեց հանդերձ ամենայն աղտեղի և չար ախտիւք : Եւ 'ի բաց բառնաւ զհպարտութիւն 'ի միջոյ, զագահութիս, զիսորամանկութի, զբարկութի, զոխակալութի, զնախանացն արտաքս հանել, և անկել զբարեացն :

Օ այսոսիկ վասակարութիւնս և որ սոցին նման են դժնդակութիք մեղաց՝ սպառնալեզք յաւիտենական առնջանացն արտաքս հանել, և անկել զբարեացն

տունկան՝ ՚ի միտս և՝ ՚ի վարս հանդերձ յարմարական առաքինութերն և անարատ սրբութեր և Շմարիտ հաւատով, խրախուսեալ յանձ յուսով աւետեացն խոստմամբը . զազատութեալ առհաւատչեայ աստ առեալ, և հրաւիրեալ ՚ի պատրաստեալ արքայութիւն երկնից ՚ի յօյն կենդանեաց, ՚ի բարութիւն անվախան երանութեցն, որ ոչ մտօք իմանալի է և ոչ բանիւ ճառելի որ անգէն երանութիւն:

Օ ՚ի որպէս մանկունք որ յորովայնի մարցն լինին յապաժոյժ, և ՚ի խաւարի թաղեալ. և ոչ գիտեն զերկրիս վայելութի, զարեգական պայծառութի, և զումնի և զաստեզաց և զժամանակաց և զամնոց շրջա զայութիւն, և զուլսոց և զտնկոց պտղաբերութի, և ՚ի վայելս կենդանեաց և որ այլ ևս անասնոց նախիրք և գազանաց և թռչնոց որ ՚ի կերակուր և որք ՚ի հնազանդութիւն են անկեալ, որք ՚ի ցամաքի և որք ՚ի ջուրս են զուզակք՝ որ պատրաստեալ որոգայթիք ըմբռնին յորսողաց, և որ այլ ևս կցեն վայելութիք և պայծառութիք հանդերձից, և ոսկեոյ և արծաթոյ և ականց պատուականաց՝ որ ՚ի զարդ մարդկան գործեցաւ և ՚ի փառս թագաւորաց՝ յորս ուրախանան աշխարհասէրք, արդ որպէս ոչ գիտել մանկանցն զայս կեանս և ոչ նման է յօրովլայնի կենացն, սոյն պէս և ոչ մեզ իմանալ զհանդերձեալ կեանսն. և ոչ համեմատի այս լոյս և կեանք առ այնը կեանք և լուսաւորութի փառաց ամենազօր տերութեն, զոր ակն ոչ ետես և ունկն ոչ լուաւ և ՚ի սիրտ մարդոյ ոչ անկաւ զոր պատրաստեաց ած սիրելեաց իւրոց զանվախան երանութիւն ՚ի Քա Ցո:

՚լա և ոչ որ յաշխարհիս են նեղութիւնք և վիշտք և չարչարանք և տանջանք հրով և ջրով որպէս Սոոդոմայն և ջրհեղեղին, ոչ համեմատեն անշէջ հրոյն և յաւիտենական տանջանացն՝ որ պատրաստեալ է ամբարշտաց և մեղաւորաց: Զի ած զմիտս և զզգայարանս գործի կենաց ստեղծեալ ամէնիմաստ կամօք ՚ի սրբութիւն, ՚ի Շմարտութիւն, յանմբարեգործութիւն. և շահիւք բարեացն լցուսցէ զանձն իւր և զայլս, և ուրախ արասցէ զտէրն . զի ՚ի բերանոյն քարոզեսցի Շմարտութիք հաւատոց և անբիծ վարուց: Զի ար-

թուն և զուարթուն պահեսցէ զինքն և զամենեսին զհաւանեալոն յողջախոհութիւն և աշխիւ և սուրբ սիրալ կալ 'ի հնազանդութիւն հոգեսոր օրինացն, որ ատել տայ զւարն և սիրել զրարին, որ քաղցր և անոյշ բարեօք լի է. և գովիճք գոհութիւն 'ի վեր ելանեն առ ած, և պատրաստեն զերանութիւն արքայութեն երկնից: Զի հաճոյացան այ ՚ի նեղութիւն և յանդորրու. և անքակ մնացին 'ի սիրոյ նորա ճշմարտեալ հաւատով, խաղաղասեր և բարեսեր առ ամենեսեան. մեկնեալ յամ իրաց չարեաց, յերեւելեաց և յաներևութիւն սխալանաց: Զի «Ես եմ, ասէ, ած որ ատեմ զանիրաւութիւն և սիրեմ զարդարութիւն»: Եւ 'ի յայսմ երեխն սիրելիք այ և ընտանիք հաւատոց, զի զնոյն սէր ունիցիմք առ սրբութիւն և արդարութիւնն ամ միշտ: Եւ դարձեալ զատելութիւն առ զազիք ցանկութիւն և առ ամենայն մեղս: Զի դրեալ է՝ ասէ. «Զեղս ատեցի և անարդեցի, և զօրէնս քո սիրեցի»:

Օ ի այնպիսիքն են բերան այ, որ դարմանօք կենացնարար խրատուն լի է, և որպէս յազգերէ բղնէ զիենացն խրատու: Զի ամ որ կարդասցէ զանուն տն՝ կեցցէ, որ զյոյն յարդարէ 'ի Քո Յո: Խակ որ ապիրատու խօսին առ 'ի կորուստ բազմաց խորամանկութեն, այլանդակութեն, պատրանաց և պէսպէս վնասակարութեց, որ վրիպեցուցանեն զտգետո 'ի ճշմարտեան անիրաւելոցն ըստ արդար դատաւորութեն այ. որ ժառանգորդ լինին անշէջ հրոյն և յաւիտենից տանջանայն:

Եւ աչքն որ ճշմարտութեն զտեսութիւն ունին, առաջնորդութեն իմանալեօքն անվրէպ զգուշանալ 'ի վնասակարացն. ամ անդամոցն անարատ և սուրբ և անրիծ զտեսութիւն հրաշանգել յամ: Զի ճրագ մարմնոյ ակն է՝ ասէ, տէրն: Զի որոյ աչքն լուսաւոր են, ամ մարմնն լուսաւոր եղիցի. որ չունի մասն խաւարի զմեղացն իրս, այլ լուսաւորեալ կացցէ 'ի լոյն այ: Վագա եթէ խաւարեալ է՝ 'ի նշողիցն լուսոյն 'ի ցանկական ազտեղութիւն և յամ աշխարհասէր պատրանս երեւելեացս ամենաաչար, որ շլացուցանէ 'ի ճըշմարիտ տեսութիւն, և 'ի մեղացն որպէս ըիժ զակամք

եկեալ՝ ոչ թողացուցանելաայ զպատշաճն՝ այլ զիսաւարը չարին, նոքա են որ ժառանգորդ լինին խաւարին արտաքին, ուր լալ աւաց և կուրութի յանշէջ հուրդեհնին, Զի երկաքանչիւրոցն է հատուցումն, Ճըշմարտասէր տեսողացն և ցանկասէր վատթարատեսացն :

Եւ լսելիք որ բանայ զդրունս ունկնդրութի Ճըշմարիտ քարոզութե, և ընդունակ առնել կենդանաւար բանին զմիտու և զգայարանս ամ հաւատոց և ամ Ճշմարտութի այ պատուիրանին յերեւելիս և յաներեղյթս, ընդ նոյն լսելիս մտանեն բարբառք աւետեացն. «Եկայք մտէք, առէ, յուրախութի տեառն, և վայելեցէք զբարիսն զանձառս և անվախնան, որ ՚ի սակաւուգ հաւատարիմ երեւեցայք յերկրին : Խակ որ խնուր զականջնն առ Ճշմարտութի աւետարանին, և մուտ առնեն կորստեան բարբառոյ և ամենապատիր վնասակարաց, և առնեն զմիտոն բոյնս իժից և քարրից՝ զի մի առցեն զկենաց գեղ զգայութեցն ՚ի գեղատուէ ածային բանիցն, լսելոց են զբօք և զգոյժ աշաւոր սպառնալեօք՝ ՚ի տեառնէ. «Երթայք յինեն անիծեալք՝ ՚ի հուրն յաւիտենից, որ պատրաստեալէ սատանայի և հրեշտակաց նորա յաւուրն այցելութեն :

Եւ հստուելիք հոտոցն են զգայութիք, որք որոշեն զանոյշ սրբոցն հոգւոցն զհոտ բուրման չնորհացըն. որ սրբեալ են յամ գարշութեանց ախտից մարմնականաց, ըստ Առաքելոյ. «Հոտ անոյշ եւիք Քոի ՚ի մէջ փրկելոցն և ՚ի մէջ կորուսելոցն . ոմանց հոտ ՚ի մահուանէ ՚ի մահ, և ոմանց ՚ի կենդանութենէ ՚ի կեանս . և առ այս ովկիցէ բաւական »: Որք որոշեն ըզլաւն ՚ի վատթարէն՝ զհաւատոցն և զվարուցն ամբծութի, որք վայելեն յանոյշ բարիսն: Խակ որ զհոտս անսորութե և զամբարշտութեան ոչ որոշեն և զաշխարհական ցանկութեց՝ որ լին է ժահահստութիք և անսառակ և անխոտիր շարժմանք, հրաժարեալ ՚ի շրնորհալից հստոցն, առնլոց են այնպիսին զհոտ ժախից հարուածոցն անքուն որդանցն և կիզման հրոյն . և զբաւին ՚ի ներքս յապաժոյժ տանջանսն ՚ի հաշումն և ՚ի մաշումն հոգւոց և մարմնոց :

Եշ ձեռք 'ի խնամօս տեսչութե՛ գործաւորութեան առ 'ի պատղաբերութե՛ յարդարեսցին միշտ, և զլորելոյն և կարօտելոյն օգնական և ձեռնտու լինել ըստ ամենայն պիտոյից, և 'ի գործ այ ոչ գանդաղանք . զի զանձին պէտս ինչ իրաց և զմերձաւորաց և զչեռաւորաց ստուգապէս ներդործեսցէ ըստ շնորհելոյ նմա 'ի տեառնէ աջողութիւն : Այս ձեռք առնլոց են 'ի նմնէ զմշիռ աղատութե՛ , զմուրհակն որդէ զբութե՛ , զպսակն անաղական՝ որ փառօք և պարծանօք յօրինեալէ 'ի ձեռաց այ : Խոկ ձեռք որ ըստ աղտեղի ցանկութե՛ յ 'ի յամօթոյն շարամերձեալ ինքեան և կամ գործակցաց ախտասիրաց , և գարձեալ որ գողանայ , որ տանջեն և նեղեն և սպանանեն , այն ձեռք կապին հրեղէն կապանօք և մատնին անվախճան տանջանացն անշլջ հրոյն , և ջնջին 'ի կենդանի գրոյն տախտակացն քամի :

Եշ ոտք որ եղեն երիվար շինութե՛ և խաղաղութե՛ սուրբ վարուց և ձշմարիտ քարոզութե՛ առ ամենայն օգուտս հոգեւորս 'ի հեռաւորս և 'ի մերձաւորս 'ի հանութե՛ կամաց տերութեն , և արհամարհէցին զաշխատութիս ոտից առ հանդէս վերին կումանն , այն ոտք ելանեն 'ի դրունս կենաց և մտանեն յօւթեանս ուրախութե՛ հարսանեաց զարդուն վայելութե՛ ընդ աջմէ մեծութե՛ յանանց ուրախութիսն : Խոկ որ զարաւողեցան ոտք յարդարութե՛ ձանապարհէն , և զբահետ եղեալ մոլորեցան 'ի չար անդր 'ի վնասակարսն ընթանալով , յանսրբութե՛ , յաւազակութե՛ , յապիրատութե՛ , 'ի ստահակութե՛ , անիրաւ յամենայն ձանապարհս գնալ որ տանի 'ի կորուստն յաւիտենից , այնպիսի ոտք մեկնեալ 'ի կենաց անտի առարին 'ի վիհանդուոց , որ ոչ իցէ վախճան և կամ հանումն 'ի կապանաց տանջանացն լուծանել :

Եշ իմաստք խելացն՝ որ քնակեալ է յդիզն որ 'ի գլուխն է , որ է 'ի վերայ ամենայն անդամոցն պսակ՝ և զգայութեցն գործարան , շարժմանցն առաջնորդ , և տեսուչ և վարդապետ և հրամանատար ամենայն անդամոցն : Որ զթիւրեալ անդամն ուղղէ , զվրիպեալմն հաստատէ , զանդէտմն իմաստնացուցանէ , զկարօտեալմն լցուցանէ , ամենայն հնարիւք զգիւտս

փրկութե անձինն ստանալ և այլոց, և լինի տուն  
դանձուց հոգեոր իմաստից մերձաւորաց և հեռա-  
ւորաց ըստ չորհելցն նմա՞ի հոգւոյն սրբոյ՝ որ աղ-  
թիւրն է ամենայն բարեաց և իմաստից, ուստի ծա-  
դէ լոյս գիտութե և զամենայն մարմինս լուսաւորէ  
ըստ Քսի աւետարանութեն սուրբ և բարի հանգա-  
մանցն, և յուռ զամենայն անդամն երանութեք ըստ  
Հշմարտութե բարերար կամացն, և առնու զթագ-  
արբայութեն որ 'ի Քս: Խակ խելք՝ որ մոլորեցան 'ի  
Հշմարտութե իմաստիցն, և անկան 'ի ցանկութիս  
ախտից և յամենայն վնասս անիրաւութե անիմայ  
մեղացն, և փոխանակ կենաց մահու պատճառք ե-  
ղեն անձանց և բազմաց, և նոքա կրեն սաստիկ պա-  
տուհաս. «Կորիցեն, առէ, մեղաւորք յերկրէ 'ի դը-  
ժոխսն, և ամբարիշորք ոչ ևս գտցեն զհանգիստ 'ի  
չարաւար տանջանանն: Զի այս է որք 'ի վտանգս ան-  
կանին, չար կորուստ է նոցա և մութ և խաւար 'ի  
չարաւար և դառն տանջանացն, և զլոյս ոչ տեսանեն,  
և ոչ զայլ ոք 'ի միսիթարութի առ տանջանան:

Իմանալի է և զսիրտն՝ որ ընդունարան է հոգւոյն  
շարժմանց. «Զսիրտ սուրբ հաստատեայիս տծ, և  
շնորի ուղիղ յանձին նորոգելով: Որ ինդութեամբ  
յուսոյն վերաստեղծու 'ի զգայութի առաքինասէր  
վարուց, և շարժէ զամենայն անդամն 'ի վատթա-  
րացն 'ի լաւագոյնսն բարի խորհելով. առհաւատ-  
չեայ յուսովն առնուլ զազատութեն զկտակ, և մը-  
տանել 'ի ժառանգութի արքայութեն երկնից: Խակ  
որ 'ի սրտէն բղիսէ զգունդս չարութե, որպէս ասաց  
տրն, զամենայն գմնդակացեալս 'ի սրտէն, զնութի,  
զամբարտաւանութիւն, զբարկութիւն և զայլ ամե-  
նայն չարին, նոքա ելանեն 'ի խնամոց բարերարին  
'ի խաւարն արտաքին և 'ի կորուստն յաւիտենից.  
զոր ոչ բաւեմ առել զայնքան աղետս տանջանացն:

Լ յ իմանալ և 'ի փորոտին սրբութի ըստ ամենայ-  
նի: որով ներքին մարդն նորոգի օր ըստ օրէ, որպէս  
ասաց Արաքեալ: Զի առժամայն թեթև նեղու-  
թեք զյանախութիւն բարեացն գործէ յանձինս 'ի  
ցաւս և 'ի հարուածս փօրոտեացն մի ըստ միոջէ՝ որք  
զանուանն ունին, լեարդ և թոք և փայծաղն և ա-

զիք և երիկամունք . այնպէս մնօրինեալ , որպէս 'ի սկզբանն էին առանց սխալանաց : Եւ ամենայնիւ մեղուցեալ երեւելի մարմնով և աներեւոյթ հոգւով և ամենայն փորտեզն , դարձեալ լինել բարի խորհրդոց ընդունարան : Զի ամօթոյ անդամքն առաւել և ուղարկեշտութիւն ունին , ասէ Առաքեալ . այսինքն զանարատ սրբութիւն և զամբիծ մաքրութիւն , մեռուցանելով զնա ճգնաւորական պարկեշտութիւն , և զչուր ցանկութեն հրով հոգւոյն և չնորհալից արտասուզ շինուցանել :

Օ ի ամենայն անդամօք և փորտեօք և հոգւով 'ի կամակար մոտաց պարտաւորեալ՝ և արդարացաք 'ի ձեռն լուսաւոր աւազանին և վերստին ծննդեամբն չնորհօքն Քոի : Որ ազատեաց զմեզ 'իծառայութիւն , մեղաց յազատութիւնորոգման իւրց . զգեցաւ զնոյն մարմին և զհոգի , և խառնեաց ընդ ածութիւն իւր յաղագս անբաւսիրոյն իւրոյ , և զամենայն կիրս մարդկայինս կրեաց բաց 'ի մեղաց . և զմեզ յորդորէ հայել յելս զնացից իւր , և նմանող լինել Ճշմարտութե սուրբ վարուցն մարմնաւորաց . զի եթէ կցորդեսցուք չարչանացն և փառացն հազորդեսցուք 'իսիրոյնորա :

Եւ պատուիրան առաք սիրել զնա , որպէս և նայն սիրեաց զմեզ , և ետ զանձն իւր փրկանս ընդ ամենսեցուն : Զի յայս երկու պատուիրանս օրէնք և մարդարեք կախեալ կան ասէ տրն . սիրելն զած և սիրել զընկերն : Զի որ սիրէ զած , հեռի է յամենայն անիրաւութիւն յերեւելեաց և յաներեւութից , և մերձ յամենայն արդարութիւն և 'ի սրբութիւն զի իշխանութիւն առեւալ ածային սիրոյն 'խափանէ զանիրաւ սերս որ գերեն զմիսո և զգայարանս : 'Նմանապէս և որ զընկերն սիրէ նմանութիւն Քափ սուրբ սիրոյն , որ ե հեղ 'ի մարդիկ առատապէս : Զնոյն սէր , ասէ Առաքեալ , յանձին ունել . համաշունչք և միախորհուրդք առ հաջոյ այ : Փախլել յանձնասիրութիւն պարտեաց , և խոնարհութե առաւել համարել զընկերս քան զանձինս : Զի հոգւոր և սուրբ առ ած և առ ընկերս Ճշմարտեալք , երկնայնոցն լիցուք ժառանգորդք : Որ զսերմն բարի սերմանեաց Քո , և թշնամին արդարութե սատանայ՝ զորոմն անիրաւութիւն . զոր Քո հըրա-

մայէ խլել 'ի ժամանակի և նիւթ հրոյ արկանել . և զբարի սերմանն անեցուցանել որ բերէ պառող ըզ- հարիւրաւորսն և որ ըստ իւրաքանչիւրոցն է սերմն առաւել կամ պակաս սերմաննեալ :

Եւ սատանայ 'ի սկզբանն ոչ թշնամի արարաւ , այլ յանձնիշխան կամացն եղել հակառակ բարւոյ . զի ըստ երբայիցոց բառիցն հակառակ թարգմա- նի : Որպէս և զՊէտրոսէ լսեմք 'ի տնկ . ասէ . «Երթ- յետս իմ , սատանայ . զի ոչ խորհիս զնոյսն , այլ ըզ- մարդկան» : Որ անգէտ էր փրկարկան չարչարանացն , և հակառակէր արգելուլ : Եւ ամենայն որ բարւոյ հակառակ կայ , սատանայ անուանի :

Օ ի ամենայն արարածք 'ի բարերարէն բարի ըս- տեղծան . և 'ի կամակար մտացն եղեն չար գեք : Զի զսատանայ անձն հաճ հպարտութին իւր ընկեաց 'ի փառաց . նմանապէս և զմարդիկ որ զնոյնն ախտա- ցան 'ի սատանայի խարմանց՝ զնոյն թագավորութեանն զպատիւ խոստանայր , զի ամամարտ լիցին իրեւ զինքն : Եւ Գարբիկէլ հրեշտակապետ էր , այլ աւետարոր լինի առ կոյսն , զուրախ լեր բերկրեալն աւետարաննելով և ազգի մարդկան փրկութի : Որ 'ի ձեռն մարմնանա- լց Որդւոյն այ օրով ազատեցան տիեզերք 'ի յան- ցուածոցն որ 'ի սատանայէ պարտեցան և զմահ ըս- տացան : Զոր Գու կենդանացոյց և արար հաշտութի , արարին ընդ արարածո . և հրաւիրեաց զհաւատա- ցեալս յամենասուրբ Երրորդութիւնն առաքինասէր վարուք յերկնից արքայութին : Զոր և գեքն խոս- տովանէին Որդի այ 'և զիւրեանց զպատիժս . «Գիտեմք զքեզ ովկէս 'Որդի այ . որ եկիր յաշխարհ , և յառաջ քան զժամանակն տանջես » :

Օ ի եթէ չար ընութեք էր և սուտ , զիարդ կարէր արդար ասել զեղեալն և զլինելոցն գեքն . զի չիք ոք եղեալ ընութեք չար , այլ 'ի կամաց և 'ի զործոց իւրոց առնու զանուն հշմարտիւ , և ըստ չար կա- մաց ունի զհատուցումն : Վասն այսորիկ որք ուսուցա- նեն զւարն և օքք ուսանին , առնուն զհատուցումն յանշել հուրն : Որ հրապուրէ և ուսուցանէ զւար՝ սատանայ է . և որ ոչ հրապուրին և ուսանին զւար՝ մարդիկ : Զի գողն և գողակիցն 'ի միում պատժի են .

և որ այլ ևս չարագործաց հաղորդակիցք իցեն, ընդ նոսին տայցեն վրեւս: Զի և Երթիցեն, առէ նորն, մեղաւորքն ՚ի հուրն յաւիտենից, զոր պատրաստեալ է սատանայի և հրեշտակացնորա ո որ հրապուրիչք են:

Խոկ զաւետարանին գործակիցմն զբահանայմն պատ և զպատուականն եկեղեցւոյ, որ սրբութեցն են ըսպասաւոր հրեշտակային կարգաւորութեք, ոչ վարկապարազի համարեսցուք. այլ որպես յայ կարգեալ ՚ի փրկութիւն հաւատացեալ ժողովորդոց այ: Զի զառաջնորդս եկեղեցւոյ ՚ի տեղի առաքելոցն կարգեաց քարոզս և ասաց՝ եթէ «Որ զձեզ ընդունի, զիս ընդունի. և որ զձեզ անարդէ, զիս անարդէ»: և դարձեալ առէ: «Զոր կապիցեք յերկրի, եղիցի կապեալ յերկինս. և զոր արձակիցեք յերկրի, եղիցի արձակեալ յերկինս: Զի իշխանութիւն որ յայէ, զօրութիւնի մեղաց թողութեան, և ախտաժետաց առողջութե, և դիւաց հանումն ՚ի մարդկանէ: Զի զոր ած կարգէ, զգործս այ գործէ շնորհօքն Քոի: Եւ երախտիք որ ՚ի նոցանէ յառաջազայի, պարզեք են, որ զյուսահատմն ՚ի յոյս կենդանի ածէ, և զիըրկութիւն աւետարանէ, զմահապարտս և զամենայն յանցաւորս խոստովանութեք յապաշխարութիւն ածէ ըստոյդ և ճշմարիտ վարդապետութեք ըստ հոգեոր օրինացն և ըստ աւետարանին փրկանաց ՚ի փառս և ՚ի գովութիւն ամենասուրբ Երրորդութենն: «Զի հրեշտակ տն ամենակալի է, առէ մարդարէն, և ՚ի բերանոյ նորա օրէնս հայցեն ու Զի որ սուրբք են առաջնորդք բանին և ուսմամբ աշակերտեն ՚ի ճշմարիտն, նոքա առցեն զերանութեանն զիտուս և զպսակ ընդսուրբ հրեշտակապետս և ընդ ամենայն սուրբս յամենակալ տրութէն:

Աշ ընդբութիք են հրեշտակաց և մարդկան յերկինս և յերկրի: Արդ հրեշտակապետք և հրեշտակք, առաջնորդք սուրբք և ամենայն ընդբերալք և սիրելիք այ: Արդ ՚ի վերին զօրացն որոշեալ ՚ի հրեշտակապետացն հակառակ բարւոյ՝ սատանայ անուանեցաւ. և զօրքն իւր՝ գեքք, հաւանեալք կամաց նորա և ապստամբեալք ՚ի բարի կարգաց: Սոյնպես և աստմարդիկ թիւրեալ ՚ի հերձուածս կորսական և ՚ի վարս

անօրինութեան բազումժողովուրդք. որք և առաջնորդք կոչեցան, և հպարտացեալ զարտուղի՝ անկան, և բազմաց եղեն պատճառք կորստեան, որսացեալք՝ ի սատանայէ՛ ի նորա կամնն ըստ ամենայն վսասուց: Զի Հշմարտութեն վերակայուք առաքեալք և մարդարեք և քահանայք սուրբք միաբանեալ են ընդ սուրբ զօրս երկնաւորաց՝ ի լուսաւորութեն վերնոց և նելքնոց: Եւ ապստամբեալք՝ ի մերոց և ամբարշտեալք՝ ի բանին որ աշակերտեցաք զՀշմարտութին՝ օտարացան և յետս կացին. որպէս քուրմք և կախարդք և այլ ևս չարք:

Օ ի բարի են գործք և արարածք այ, և անիրաւքն նմանապէս յանձնիշխան կամաց եղեն չարք, դեք և մարդիկ: Որպէս տաճար բարութիք է թագաւորի, սոյնապէս բանդք բանդակալաց: Բարի մասն ուրախութեն և ամենադեղ զարդուքն մտերմացն և բարեխորհ բարեգործացն է: Խակ գանն և խրատն և զանալան տանջանիքն՝ անիրաւաց և պղծոց է՝ որ անխոտիր են յամբարշտութեն: Զի բանդ ասի գժոխիքն, որ զպունիկս և զկախարդս և զսպանողս և զամենայն անիրաւս՝ ի տանջանմն ըմբռնէ, որք արհամարհեցին զբանն տն և ոչ պահեցին զարդարութի:

Վասա եթէ իշխանութեն գժոխոցն սատանայի է, յայտ է՝ եթէ վրէժիմնդիր այ է ըստ արդար օրինացն սատանայ: Այլ մի լիցի այսպէս իմանալ. զի և գըժոփք՝ ի տնէ վասն նորա պատրաստեցաւ և նորա արբանեկայն և ոչ վասն մարդկան: Այլ որք ախորժեն զնոյն խորհել և գործել զւար, ընդ նոսս պարտաւորեալ տանջին զանմահ մաշն: Զօրէնմն այ և զիրաւունն երկելի արարածովվքս իմացեալ՝ տեսանի՝ զի անձրեք պիտանիք և շայեկան ցօղք զիսընամոցն այ բացայայտեն առ պէտս արարածոց: Խակ որոտմանք և կարկուտք և հրացանութիք գուշակեն մեզ զահեղ բարկութին՝ զսպառնալիս ամբարշտաց և մեղաւորաց, զոր յայտնելոց է՝ ի վախճանի:

Օ ի և ջրհեղեղն համաշխարհական վասն անսըրբոցն և պղծոցն՝ ի տնէ անօրինաց լինի՝ ի Ծննդումն,՝ ի

1 Յերկոսին պիմական Կորութի:

յերկնէ և 'ի յերկը պատուհասից . և զարդարսն պահէ ընդ ամենախնամ ողորմութեն իւրոյ 'ի ձեռն տապանին և զայլ ևս չնչաւորս, թողով աշխարհի սերմանս :

Եւ զսոդոմայեցիսն սատակեաց հրով և ծծմբով, զի հրով ցանկութեն և զազիր գիծութեն ապականեալք էին . և զարդարն զովով ապրեցոյ ՚ի գառն հարուածոց սատակման : Որ հող և ջուր և քար և տունկը և բոյսք բնակչօքն հանդերձ տոչորեալ հըրդէհեցան : Եւ այսոքիւք ցուցեալ եղլւ ամբարշտացն և մեղաւորացն սաստկագոյն սատակումն յարդար գատաւորէն այ , և փրկութի արդարոց 'ի խնամակալ սիրոյն : Եւ այժմ տեսանի 'ի Սոգոմ և 'ի Գոմոր բարկութեն այ պատիճք 'ի հող և 'ի ջուր և 'ի քար և 'ի տունկու : Զի տեսեալ զայնոսիկ արհաւիրսն այժմ , և երկիցեն 'ի բարկութէն որ գալոցն է . որք զմեզս իւրեանց որպէս սոգոմայեցւոցն պատմեցին և յայտ արարին , ասէ մարդարէն : Կա և այլ ևս գայցեն այժմ յաղագս մեղաց սովլ և սուր և գերութի և տարաժամ մահը և պէսպէս ցաւք և հիւանդութիք և վրտանգք առ 'ի խրատ և յանդիմանութի . զի զզջասցին և ապրեսցին 'ի բարկութէն որ գալոցն է յերկնից :

Վարդ յամօթ լիցին որ զսատանայ ասեն խրատու պատուհասիցն տէր , և ոչ զամենական ած : Զի յումմէ օրինադրութին է , նորա և հրաման պատուհասից և ողորմութեն ըստ իւր խորին իմաստութեն և մատակարարութեն : Զի բովլք է ամենայն մտաց . որ զմուերմացն հանդէս յայտնէ իւրեանց սիրովն և երկիւղիւն , վլայութի բարերար երախտեացն 'ի բարերար կամացն յարդարեալ : Զի ած միշտ ցուցանէ զուրլը սիրոյն իւրոյ զերախտիմս , զտեսութի չնորհաց իւրոց առ հնազանդեալս և ողջախոհս . զի որպէս որդւոց մտերմաց ժառանգութի և կեանս պատրաստեաց ամենայն բարեօք :

Խսէ որ ցուցանեն զարհամարհութի առ օրինսն և զանհնազանդութի առ կամս նորա , և զնան խոտորնակս և անխտիր յաղտեզի իրս և յամենայն գժընդակութիս մեղաց , վամն այսորիկ , ասէ , գայ բարեկութին այ , 'ի վերայ որդւոցն անհաւանութեն , ասէ Ա-

ուարեալ։ Զի ցուցցէ զիւրոյ արդար իրաւունսն արդարոց և մեղաւորաց։ զի արդար գատաստանն յերկուի, և 'ի հանդերձեալսն որ կան և միան երանութիւն և տանջանք։

Օ ի հարուածք որ գան յաշխարչ, վասն մեղաց է իմանալ։ զի զդշացեալ զգաստասցին և գարձցին յապաշխարութիւն փրկութե, և առ այնոսիկ ասե՛ որ մարդարեիւն։ «Մխիթարեցէք, ասէ, քահանայք՝ զժողովուրդ իմ, զի լի եղեւ տառապանօք։ թողեալ լիցին դմա մեղք իւր, զի ընկալաւ 'ի ձեռանէ տն կըր-կին զհատուցումն մեղաց իւրոց։ Զի հարուածք՝ գարձելոցն 'ի թողութիւն մեղաց լինի պատուհասիւքն 'ի վերայ եկելոցն 'ի տնէ։ Զի «Ես եմ, ասէ որ, որ սպանանեմ և կեցուցանեմ։ հարկանեմ և բժշկեմ։ և ոչ ոք իցէ որ հանիցէ զձեզ 'ի ձեռաց իմոց։ Զի զամենայն ակնկալութիւն արարածոց գարձուցանէ 'ի չշմարիտ կենդանիյոյն, զի մի մոլորեսցին զինի սուտ կարծեաց և պատիր խաթեբայ բանից այլանդակաց և աղանդաւորաց։ այլ յաճախնոցն իմացեալք 'ի չը-մարտութե աւանդիցն սուրբ գըոց և յուղիղ հան-դամանաց + որոշեալ յամենայն սնոտի կարծեաց, 'ի մշտնջենաւոր երանութիւնն վերացուցուք զմիտս հա-նապազ։

|| ասն այսորիկ միտք և զդայութիւնք յիշխանական կամաց լի են ամենայն շահիւք իմաստութեն՝ առաջ-նորդեալ յառաքինասեր վարս յերեւելիս և յանե-րեսոյթս։ Զի նովաւ կեամք և շարժիմք, և նովաւ յառաջիկայսս 'ի բարիսն ընթանամք միշտ յաղագս աւետեացն և անսուտ խոստմանցն։ Զի նա է արա-րիւ մեր, և մեք արարածք նորա + զի մեք կարդաս-ցուք զնա հայր մեր՝ առնելով զկամս նորա, և նա ասասցէ՝ որդիւք իմ էք, և ես ընկալայց զձեզ սիրով, այլ և եղեց ձեզ անձ, և դուք եղիջիւք ինձ ժողովուրդ ասէ որ ամենակալ։ Եւ զի ասէ մարդարէն։ «Եկայք որդիւք իմ և լուարուք ինձ, և զերիիւղ տն ուսու-ցից ձեզ։ Եւ ետ մեզ Որդին այ հայր կոչել զմնու-թե հայրն իւր և զան մեր։ և ոչ համարեցաւ զմեզ անարդս՝ հաղորդս առնել եղայրութեն և ժառան-գորդս իւր արքայութեն։ Եւ հայր 'ի վերուստ ասէ

զսիրելութի Որդւոյ և առնել զկամս նորա , և զա-  
մենայն որ ինչ 'ի հօրէ ասացաւ : Եւ վասն հոգւոյն ա-  
սէ . նա եկեալ ուսուսցէ ձեզ զամենայն կամս հօր և  
Որդւոյ 'ի փրկութի : Զի 'ի հօրէ և յՈրդւոյ և 'ի  
հոգւոյն սրբոյ աղատեալք առցեն չնորհս , և կատա-  
րեսցեն զառաքինութիս :

Ի՞այց զարմանալ արժան է , զի անուանք արարցին  
յարարածս խոնարհեցան , հօր առ հարս , և Որդւոյ  
առ որդիս , և հոգւոյն սրբոյ առ հոգիս մարդկան .  
զի այսու իմասցուք զառաւելեալմն 'ի մեզ սուրբ սի-  
րոյն իւրոյ զնախախնամութին : Ապա եթէ զայսքան  
երախտեաց և առաւելեալս 'ի մեզ սուրբ սիրոյն զանց  
արասցուք , միթէ անիրամ ինչ է ած որ ածէ զբար-  
կութի իւր 'ի վերայ այնոցիկ՝ որ զբարերարութեանն  
զսէր արհամարհանօք արհամարհէն , և թողուն 'ի  
մտաց զյիշումն առատ պարգևացն և սուրբ սիրոյն զոր  
եհեղ 'ի մեզ առատարար : Եւ օրպէս 'ի ձեռն Մոլսէ-  
սի առնն ոյ այս է՝ դատաստանն . որ ապականէ բըռ-  
նաւոր այր զկին տկար յու կամաց , անզօր եղեալ 'ի  
նորա զօրութին , այրն մեռցի , և կինն կեցցէ ըստ ար-  
դար դատաստանին . նոյնապէս է իմանալի մեզ զա-  
տանայի զակամայ 'ի մեզ զսխալանս իրաց ինչ խոր-  
հըրդոց և կամ շարժմանց անդամոց : Զի ասէ մար-  
դարէիւն տըրն . անձն հօր իմ է , և անձն որդւոյ իմ  
է . և անձն որ մեղիցէ , նոյն և մեռցի : Զի կամաց է  
մեղանւել անձինն : Եւ դարձեալ ասէ ցարդարն . կե-  
լսլ կեցցէ , որ զարդարութէ զհետ երթիցէ . և մե-  
ռանելով մեռանիցի , որ զհետ անօրէնութեան : Զի  
արդար է տըր և ուղիղ են դատաստանք նորա արդա-  
րոց և մեղաւորաց :

Եւ անձնիշխան կամօք կարող եմք զած 'ի բարի  
կամս գարձուցանել 'ի ձեռն բարի գործոց . և դար-  
ձեալ 'ի պատուհաս ըստ շար գործոց : Զի 'ի մեր կամս  
է վայելել 'ի բարիսն և կամ արտաքսել : Զի ոչ կա-  
մի զմաշ մեղաւորին , որպէս զդառնալ նորա 'ի չար  
չանապարհէն և կեալ ապաշխարութի . « Զի ողոր-  
մած եմ ես , ասէ տըր , և ոչ պահեմ ոխս դարձու-

ցելոցն յուղզութիւն : Զի որում արժան է գթալ կամ ողբումել կամ ներել, ոչ անտես առնել . այլ որպէս մարդասեր քժիշկ քժշկէ զներքին և զարտաքին անդամն, և զանբժշկելին՝ ի բաց կտրէ՝ որ յայլսն զվասն առնեն : Զի որք ոչ դառնան յապականեալ վարուց, յուշ լիցի նոցա ջրհեղեղին կորուստ և սոդոմյեցոց հրովտումն և սատակումն, որ աստ գատեցան և անդ դատելոց են ըստ բանին ո՞ն որ յաւետարանսն :

Իսկ որ զղանան և դառնան յապաշխարութիւն, նմանեն նինուէ ացուցն . զսպառնալեաց բարկութին և զեկեալ պատիժութին նոնէ ըստ մարդարէութե Յով նանու յողորմութի դարձուցանեն . և այցելութիւն ո՞ն կանինէ առ նոսս, և ընդունին զինամն սուրբ սիրոյն : Իսկ որ խստացուցանեն զսիրաս իւրեանց նմանութիւն Փարաւոնի, զսոյն հարուածս կրեսցեն . որ ոչ լուան Մովսէսի և Ահարոնի զառ՝ ի յայ պատուիրեալս նոցա . որ և անդէն սատակեցաւ իւրովքն, և ժողովուրդն այ ապրեցան :

Օ ի մի է ած արարիւ երկնաւորաց և երկրաւորաց, և յանձնիշխան կամս արարեալ զհրեշտակս և զմարդիկ . և ՚ի նոցանէ ՚ի կամակար մոտաց չարք որոշեցան ՚ի հրեշտակաց և ՚ի մարդկանէ : Եւ անմարմնոց և մարմնաւորաց սրբոց փառք և պատիք պատրաստեալ կան ՚ի նոնէ : Եւ պատիժու և տանջանք և գժոխք գիւաց անմարմնոց չարաց, և մարմնաւորաց ամբարշտաց և պղծոց ըստ արժանեաց իւրաքանչիւրոցն յարդար դատաւորէն : Զի ՚ի գործոց չարեաց ունին զանուանս դեք հանդէպ իւրեանց . և մարդիկ չարք կախարդք և պիղծք յառաջ եկեսցեն ՚ի չար անդք և միաբանեալ ընդ չար դեմն :

Gamma որ կամիցի ՚ի հակառակացն փախչել և հրեշտակ լինել, ածասեր լիցի, և զհաճոյս նորա կատարեսցէ յամենայն սրտէ և յանձնէ և ՚ի զօրութիւն, և զընկերս սուրբ սիրով երեւելեօք և աներեւութիւք . ամենայն բարեաց երախտաւոր լինել հեռաւորաց և մերձաւորաց սուրբ, անբիծ, անարատ, առողջ, միամիտ, հաւան, հլու, հնազանդ, իսաղաղարար, Աշմարիտ, մեկնեալ յամենայն իրաց չարաց . սիրել զքարի և ատել

զշար, և 'ի գործոց բարեաց զբարի անուն առնուլ և 'ի փառս լինել: Եւ որ 'ի բարեոյն մեկուսանայ, և նմանող լինի սատանայի հակառակ բարեոյ, անհնազանդ, մեղաստեր, ցանկասեր, հպարտ, ամբարտաւան, խորամաններ, նենքաւոր, սուտ, բանարկու, խոռվար, չարասեր և ոչ բարեսեր. մեկնեալ 'ի ձըմարտիցն, և զշար գործոց զանուն առնու չար, և ըդհատուցումն բարկութեանմահ տանջանացն. զի ըստ արժանեացն է պարզեք և պատու հասը:

Ի՞րդ մոտաւորաց և բանաւորաց տուեալ զանձնիշխան կամն 'ի պատիւ և 'ի փառս, զի փառաւորեսցէ զբարեգործն անձ, և առաքինասեր վարուք յանձնիշխան կամնաց յօրինեսցեն անձանց պասկս հրեշտակային կարգաւորութեր. և չնորհս ընդունել 'ի անսէ յաղակս հանդիսաւոր և սուրբ վարուց առաքելութե, մարդարէութե, քահանայութե: Զի ձըմարտեալք ըստ ամենայնի առցուք զարբայութին պատրաստեալ: Զի որպէս այ սեփական է արբայութին, և մեզ կազմեցաւ սեփական առնել զարբայութին 'ի ձեռն ուղիղ հաւատոց և ձըմարիտ վարուց վամն բազում սիրոյն որ սիրեաց զմեզ և եցոյց զերախտիմն: Եւ որոց վարք անսուրբք և պղերգ են յառաքինութին, և մտախարք և մեղաստերք, նոքանուազեալ են 'ի փառացն այց, ազարտին, անարգին, անկանին 'ի չնորհացն յամօթ և 'ի նախատինս ամենեցուն:

Խու վասն այսորիկ անձ և տէրն զարբայութին արդարոցն կազմեայ, և մեղաւորացն զպատիժս պատուհասից. զի ծանիցեն ամենեքեան զուղիլ դատաստանն, արդ արք և ամբարիշաք: Եւ մի ոք զարմասցի որ աստ ներէ. «Զի քաղցրութիւնն այ, ասէ, զնոսայապաշտարութիւն ածէ»: Ապա եթէ ոչ զղջասցին, առանց ողորմութե դատեսցին յաւուրն բարկութե երեւման: Եւ տեսցեն մեղաւորք զփառս արդարոց, և կորացեալ հալեսցին 'ի տիսրականս և յամօթն յաւիտենական. որ յերկրի մեծ գոլ զինքեանս քան զարդարմն համարեալ զհպարտութին ոչ թողացուցանէին տեսանել զինչ արդարբն իցեն և զինչ մեղաւորքըն: Բայց զինի վշարելցյն երևի արդարոցն փառք և մեղաւորացն ամօթն յաւիտենից:

Եշտ այս յայտնի է, զի ոչ տոհմից փառ աւորութենի  
փառաւոր է առ այս, այլ առ արինութեն բարետոհմու-  
թեն: Զի՞ ի հայս ոչ ինչ մեծագոյն և 'ի Պարս' քան  
զարշակունեաց տոհմ: որ և յԱրբահամէ սերեցան  
աստ, նա և յամ ազգս թագաւորք երկրի ըստ ան-  
սուտ բանին տեառն ամենեցուն: Այլ եթէ ոչ զբառ-  
տանայցեն 'ի բարի, աւելի պատուհաս ընկալցին 'ի  
տեառնէ: Եւ ծառայք նոցս որ հաջոյ եղեն այ, թա-  
գաւորեալք փառաւորեսցին 'ի տեառնէ: և նոքա  
պարտաւորեալք յազագս մեզաց պատժեսցին յար-  
դար իրաւանյն: Եւ թագաւորք և իշխանք և դա-  
տաւորք եթէ արդարախորհք և արդարակշիռք 'ի  
յիրաւանս այ, և արդարադատք ըստ հոգեոր մա-  
սինն և ըստ մարմաւոր, օրբոյն և այրւոյն տեսուչք  
և ամ զրկելոց խնամակալք, և ձեւնտու ամշվտան-  
կելոց, նոքա են հիմունք բարեաց, որ հաստատեալ  
ունին զաշխարհ հնարագիտութեն իւրեանց 'ի հնարս  
սիրոյ ամենեցուն արարքին: Որով աշխարհի բարին  
յառաջանայ 'ի գովեստ փառաց չնորհացն այ, և 'ի  
գովութեն ամենազօր տերութեն հօր և Որդւոյ և  
հոգւոյն սրբոյ: որում պատիւ իշխանութեն և փառք  
վայելեն այժմ և միշտ և յաւիտեանս: ամէն:

## ԵՐԱՆԵԼՈՅՆ ՄՐԲՈՅՆ ԳՐԻԳՈՐԻ

ՎԱՍՆ ՏՐՈՅ ԻՄԱՍՏՈՒԹԵԱՆ  
ՈՐ Ի ՀՈԳԻՈՅՆ ՄՐԲՈՅ ՊԱՐԳԵՏԵՑԱՏ  
ՍՈՒԴ ԽԸ ԲԱՆՍ

## ԻԱ

**Ա**նբար են խնամք տեսլութե արարցին, և լուսաւորութե ՚ի յօրինուածս արարածոց իւրոց: Զի որում շատն տուաւ, բազումն ինսդրէ զարմտիս բարեացն ած. և որում սակաւն, յաւելուածս շահիցն ըստ առաւելն առցէ զշահմն: Որպէս յառակս տաղանդացն է իմանալ յաւելուածովն ՚ի սակաւուցն, և ընտրողական մտօք, զոր ետ ած հըեշտակաց և մարդկան. զի լիցին արբանեակք բարերարին կամացն և քարողք չնորհաց նորա, սերմանել զերախտիս նորա ընդ ամենայն արարածս հաւանական կամօք և ընտրողական չնորհիւ: Եւ զի գոն առաւելութիք իմաստութե և զօրութե և մեծութե յերկինս և յերկրի:

Օ այս լաւութե կանխագիտութեն այ կարգեալ է ՚ի մեզ. զի որ բազումն առ՝ առաւել սիրեսցէ, և զաւաւել բարին ընծայէ այ. իսկ որ սակաւն, և այն յայ խորին զիտութենէն ըստ կարին և զմտերիմ շահիցն զիրաւն ինսդրէ: Եւ դարձեալ որ դժնդակ վարս ունին, և առ նոսա է զանազանութի չարի առաւել և կամ նուազ: Եւ որք դառնան, ոչ անտես առնէ ՚ի խնամոց սիրոյն, թէպէտ և արբանեակք եղեն չարին ՚ի կամակար մոտաց. զի այսու ցուցցի բարերարութե խնամք: Զի մի ոք կարձեսցէ ակնառութերաշնել զշնորհս յարարածս, այլ ըստ արժանեացն:

**Ի**նէ այցելութե և անարժանիցն, թէպէտ և ոչ զգան. զի խաւարեալ է առաջնորդական միտքն, և ոչ տեսանեն զլոյն իւրեանց: Զի մտահոսանան խորհուրդք երկրասիրաց՝ ոչ թողացուցանէ տեսանել զպատճառմն<sup>1</sup>: այլ ՚ի հոգս վասակարս ծփին, յո-

1 Միւան չպարզանան:

բոց բարի ինչ ոչ, այլ չար: Եւ վասն այսորիկ արգելելեալ է՝ ՚ի նոցանե չնորհն, զի արգելեալ է՝ ՚ի նոցանե սուրբ սիրոյն կամք և առաքինութեանցն յօժարութիւնը, բազմագարման երախտիքն կատարեալ հանդի սիւքն բազում համբերութիւնը և հշմարիտ հաւատով որպէս զի արժանի լինեին արբանեակը հշմարտութեն՝ ՚ի կեանս, և փառս անձին և այլոց: Եւ եթէ արդարոցն միայն էր բազմացուցեալ զմիտս իմաստութեն, երեւէր թէ յաղագս այնորիկ յառաջանան արդարք յառաքինութիւն: այլ ամենեցուն իմացեալ, զի զարդարմն՝ այ երկիզն յորդորէ, և զմեզաւորս աներկեղութիւն լքուցանե: Եւ վասն այսորիկ մեղան և խաւարեցան ՚ի խորհուրդս իւրեանց և կուրացան մեղօք անմտութիւն: Որք զանձինս իմաստունս համարեցան, և յաշս իւրեանց խորհրդականք, և զնանապարհս իմաստութեն ոչ ծանեան. զի ոչ է երկիւղ այ առաջի աչաց նոցա: Եւ վասն այնորիկ ապականեցան և պղծեցան, և ընդ ուղիղն ոչ գնացին:

Ի՞այց անձասիրաց իմաստութեն առաջնորդեալ յարդարութիւնն ամ ՚ի լւեն և յառաւելն, զի միշտ անքակ մնասցէ ՚ի վերին իմաստութենէն ՚ի սուրբ և ՚ի խաղաղարար և լի պտղովք բարեօք: Զի ստուգութիւն կարդօքն լուսաւորեալ՝ ՚ի միտ առնու զարդարութիւն հշմարիտ, և ուղղէ զիրաւունսարդարութեն միշտ Զիմաստութիւն խօսիմ առ կատարեալս, որ գիտեն որոշել զիշտնթենաւորմն յանցաւորացս: զիմաստութիւն ոչ զայխարհիս այսորիկ զիսափանելոց, այլ որ յայ արդարութիւն են, հշմարիտ հաւատք և սուրբ սէր, սրբութիւն և խոնարհութիւն, հեղութիւն և հշմարտութիւն առ առքինութիւն յարդարեալ ահիւն այ. և զգուշանալ ամենապատիր պատրանաց, և որոշել ընդբողական իմաստիւք զբարին խորհրդոց և բանից և գործոց: Զի դուռն կենաց իմաստութեն բաց է. և հակառակորդք բազում են գործակցաւ բանսարկութիւն որ որսայն զորդիս մարդկան ՚ի կօրուստ: Այլ անձ ոչ թողու զյուսացեալս իւր, որ կարդան առ նա ՚ի տուէ և ՚ի զիշերի, և խնդրեն զողորմութիւն և զյաղթութիւն առ ամ վաստակարութիւն դիւաց. զի փառաւորեսցի անձ այժմ և միշտ և յաւիտեանս յաւիտենից. ամեն:

## ԵՐԱՆԵԼՈՅՆ ՄՐՅԱԾՆ ԳՐԻԳՈՐԻ

ԱՌԱՆ ԱՆՓԱՓՈԽ ԲԱՐԵԱՌԻԹԵԱՆ ԷՌՏԹԵԱՆ  
ԱՍՏՈՒՆՈՅՑ

## ԻԲ

**Ո**ր տկարութե՞ դնէ ածութե՞ն զօրութե՞ն , արտաքոյ ճշմարտութե՞ հաւատոց է : Զի ասեն , եղբեմն կարող և երբեմն ոչ : Անմիտք . Եթէ ած տկարանայ , ովէ որ զօրացուցի : Ի բաց լիցի չար վարդապետին և չար ուսմաւնքն . զի ած կարող է և կատարեալ . ոչ երբեք նուազէ՝ ՚ի կատարելութե՞ն և ՚ի զօրութե՞ն . այլ զամենէսեան նու և զօրացուցանէ , և ինքն ոչ յումբէ նու և զօրանայ :

**Ո** ասն այսորիկ արարչութե՞ն անուն հաստատեալ կայ ոյ միշտ . և ՚ի հրեշտակաց և ՚ի մարդկանէ զառաքեալս և զմարդարէս և զսուըրս ընտրեաց , զի եղիցին վկայք ճշմարտութե՞ ածդիտութե՞ն և արդարասէր և սուըր վարուց . այլ և զօրութե՞ , նշանօք և արուեստիւք , զի նորօք ած փառաւորեսցի : Եւ ոչ նութի առնու արարին յարարածոց յերկնաւորաց և յերկրաւորաց . այլ նա նոցա է օգնական և զօրացուցի : Զի որպէս մարդարէին ասէր ած , թէ «Մինչեւ ստեղծեալ էի յորովայնի՝ գիտեմ զքեզ . և մինչեւ ելեալ էիր յարգանդէ՝ սրբեցի զքեզ չնորհ հօք մարդարէ» : Այսպէս ըստ կանուխ գիտութե՞ն իւրոյ հրաւիրէ և կոչէ և արդարացուցանէ և փառաւորս առնէ սիրով :

**Օ** ՚ի ամենայն արարածք յարարչէն միշտ կարօտանան օգնականութե՞ , և ոչ արարին յարարածոցս : Զի անփափոխէլի է ած , և փոփոխումն ունին արարածք . որպէս աղայն յերիտասարդութե՞ , և երիտասարդն՝ ՚ի ծերութե՞ , և ծերն յապականութե՞ . և որպէս զարուն յամառն , և ամառն յաշուն , և աշուն՝ ՚ի ձմեռն՝ որիսա փուցանէ զնամ կենդանեաց յորդորումն և զտնկոց և

դրուսոց : Եւ արեգակն փոփոխութիւն ունի ըստ ժամանակաց ժամանակաց ըստ սահմանելոյն ոյ զերկայնութիւն աւուրց և զբակասութիւն : Ի ծագաց երկնից են ելքնառա, ասեւ : Հանդիսանորա'ի նոյն, և ոչ ոք իցէ՝ ոք թաքիցէ՝ ի լուսոյ տապոյ նորա, և այսպէս կայ ի սպասաւորութիւն ըստ հրամանի արարվն յարարածս : Կմանապէս և լուսին զիւրն ունի սպասաւորութիւն զժամանակացն զի փոփոխութիւն ի մաշելն և ՚ի ընուն . զի նովաւ ծանիցուք զմաշութիւն երկրաւորացս և զնորոգութիւն յարութիւն : Այլ և աստեղք սպասաւորեն ՚ի գիշերի նաւագնացաց, և ըստ այլ ևս շարժմանց առ ՚ի պէտու մարմնաւորաց . այլ ոչ ըստ հեթանոսական բարբանջմանցն, ոք բախտու և ծնունդս ասեն :

Օ ի ածէ ոք արար զամենայն և յօրինեաց, և սահման եղ և ոչ անցանեն ըստ կարգն : Եւ ամ արարածք ՚ի նմանէ են, և կան ունին ՚ի ինսամակալզօրութենին յօդուածովք իմաստութեան : Եւ զիտութիք հնարից և արուեստք պիտոյից և կարգք յօրինուածոց և չափք կը ուոց ՚ի նորա տեսչութենի և ՚ի ինսամոց յօրինեալէ : Եւ չիք ոք գեր ՚ի վերոյ քան զնա և կարող, ոք ՚ի նմանէ առնու զհնարագիտութիւն կամ զջօրութիւն : Զի ինքն իսկ է ամ յամի աղօրեւր բարեաց, ոք ընու զերկինս և զերկիր և ոք ՚ի նոսա արարածք են : Որ յօշնէ արար զամ, և գարձեալ եղծանի որպէս և կամի : Նորա առաջի է գիտութիւն և հանձար և իմաստութիւն և զօրութիւն : Որպէս և յարածս է տեսանել . ոք զօրութիւն բարձեալ ունի զջուրն երկինք, ոք ՚ի վերոյ քան զնա, և երկիր զծով և զգեստ և զերինս և ոք այլ ևս արարածք իցեն : Եւ ոչ կարօտանայ սեանց և օգնականի և հիմանց երկինք և երկիր . այլ զօրութիւն նորա պահեալ կան, և ոչ ապականին առանց նորա :

Արդ որպիսի պատիժս պատրաստեալ է ոք խօսին զայ զհայ չոյութիւն : Եսլաւ տկարք զօրութիւն առնուն . նովաւ արդարք իրախուսեն և յաղթեն հակառակորդաց բռնաւորաց, և հանդիսանան ՚ի պահել զպատուիրանս նորա, և իմաստնանան ՚ի բարիս : Ովէ վերակացու և օգնական վտանգելոց ՚ի նեղութիւն ոք առնէ զիորձութեն զելս, եթե ոչ նոյն ած :

Վայնս յետու հարցուք զբար լեզումն , որ 'ի վերին զօրայն պէտս ունին օգնականութեան . կամ յերկրէս արդարոց ասեն զամենակալն ած : Զիու ինքն 'ի նոցանէ առնու օգնութի , այլ սպասաւ որուի վասն այնոցիկ՝ որ ժառանգէլոցն են զիրկութի նոքօք ըստ կամաց արարչին : Զի նորա իսկ են արարածք վերին զօրք յանգոյից արարեալ . և 'ի նորա չնորհացն ընտրեցան սուրբք 'ի մարդկանէ : Եւ զմոտաւորսե զբանաւորս զորս հաստատեաց յանձնիշան կամս , և դարձեալ փառաւորէ զողջախոհն 'ի միասին զերկնաւորս և զերկրաւորս , որք պահեցին զհրամանս նորա և ժառանգորք արքայութեն նորա եղեն : Եւ երեւեցի ած ամ յամենայնի հրեշտակաց և մարդկան անդանոր : Զի Բանիւ տեառն երկինք և երկիր հաստատեցաւ , և Հոգւով բերանոյնորա ամենայն զօրութիք նոցա :

Եւ յաղագս այնորիկ սուրբ մանկունքն 'ի հնոցին զամ արարածս 'ի փառաբանութի ամենակալ և ամենազօր և ամենապարզ և տերութեն յորդորեն հանապաղ , Քանզի ասեին . օրհնեցէք ամենայն գործք տեառըն զտէր . օրհնեցէք զարարին երկինի և երկրի և որ 'ի նոսա արարածք իցեն , որ երեխն և որ ոչն երեխն : Զամենեսեան յանուանէ կոչեն 'ի գովեստ օրհնութեն և փառաբանութեան ամենասուրբ անսուանն , զմուաւորս և բանաւորս , զտիւ և զգիշեր , զլցս և զխաւար , զծով և զցամաք զողակօք և զեռնօք , զգազսնս և զանասունս , զողունս և զթուզունս , զամպս և զանձրես , զեղեամն և զձիւն , զցուրտ և զտօթ , զօդս և զերկիր , զտունկս և զբոյսս , զերինս և զբլուրս , զդաշտս և զանդունդս խորոց , զմիշապս և զկէտոս , զհուր և զջուր աղբերաց և զետոց : Ի վեր ամի զիարայէլ կոչէ յօրհնուին . յօրոց ընտրեալ հարքն և մարդարեքն և առաքեալքն և մնացորդք ընտրութեն նորհացն երեւեցան ծառայք այ բարձրելց և քահանայք տեառն , և անձինք և հոգիք արդարոց և սուրբք և խոնարհք սրտիւք . և 'ի վերայինքեանց աւարտեն զօրհնութին առ ած , զի մի այլ ազգինչ թուիցին . այլ զի ծանիցեն ամենեքեան թէ և նոքա արարածք իցեն ամենեցունց արարչին , զորս 'ի փառաբանութի կոչեցին հոգեոր երգովք անուամբք :

Որ և մեզ աւանդեցաւ այս հոգեոր երգ . զի այս-

պիսի հոգեոր երգովք յօրինուածովք խորհրդածու  
 թշը ըստ տօնից, ըստ Քոփի մարդանալոյն, և մերոյ փըր  
 կութե՛, և նահատակութեան սրբոց յիշատակաց, և  
 զջման ապաշխարողաց, և հանգուցելոց յայսոփիկ շա-  
 րալծեալ, օր հնեսցուք գովեսցուք և բարձր արասցուք  
 զամենասուրբ Երբորդութին, օր արար զամարդածու,  
 և ետ մեզ միսիթարութին և զլոյս բարի՛ ի փառս իւր։ Զի  
 որ անսկիզբն է, և ամենիմաց և մշտնջենաւոր և աղօփիւր  
 ամ բարութեց վերնոց և ներքնոց, նորա խնամովք  
 'ի բարի գործս արարան, և կան'ի կամն նորա միշտ։  
 Զի ամենայն եղեալք՝ որպիշտ գոյութին բնութեանցն  
 եկամուտ է, այսպիս և ամ ինչն օր ըստ սոցայն է ըստ  
 իւրեանց կարգին եկամուտ է։ խրատ գիտութեան և  
 իմաստութե՛, և ամ քաջաց և առաքինեաց է զօրա-  
 վիգ։ Որ 'ի չգոյէ 'ի գոյ էած, և երեւելիս և փառա-  
 ւորս արար զսուրբս և զարդարս։ և հրաւիրանօք կո-  
 չեաց յիւր արքայութիւնն և 'ի փառսն, յանփոփոխ  
 երանութիւնսն, յանսպառ յուրախութիւնն, և յան-  
 եղծ և յանապական կեանսն։ Ուստի հեռի են ամ  
 տրոտմականք և տիսրականք, և մերձ յանմատոյց լոյսն։  
 'ի փառս և 'ի գովութին և յօրհնութիւն ամենասուրբ  
 Երրորդութեն հօր և Որդւոյ և հոգւոյն սրբոյ յաւի-  
 տենից յաւիտեանս։ ամէն։

## ԵՐԱՆԵԼՈՅՆ ՄՐԲՈՅՆ ԳՐԻԴՈՐԻ

ԽՐԱՏՔ ՃԳՆԱՏՈՐՈՅ ԵՒ ՑՈՅՑՔ ՀԱՆԴԻՍԻՑ  
ՈՐ ՅԱՌԱԲԻՆՈՏԹԻՆ ՑՈՐԴԱՐԵՆ

## Ի՞Դ

**Ա**ՄԵՆԱՅՆ որբ հրաժարեցան յաշխարհէս և ընծայեցին այդ զանձինս՝ ի հնազանդութիւն հշմարտութեալութ հարցն աւանդից՝ կուսութիւն հգնաւորել յաղագս խոստացեալ աւետեացն, զգոյշկացցեն խորհրդոց և բանից և գործոց. զի մի խայթեսցէ դարանակալօձն, և խափանեսցէ ըստ այդ զգնացս օրբութեալ արդարութեալ առաքինասիր վարուց:

**Վ**ԱՅՆԱՅՆ հոգեսոր խրատուց անխարդախ կալ. բարկութեն զշեզութիւն միշտ անզգամութեն զհանդարտութիւն. թշնամանաց զբարեբանութիւն. անհնազանդութեն զշնազանդութիւն. ստահակութեն զհաւանութիւն. անհամբերութեալ զհամբերութիւն. սիսակալութեն զանոխակալութիւն. մախանացն զաննախանձութիւն. գառնութեն զքաղցրութիւն. չարութեալ զքարեբարութիւն. անզործութեն զգործասիրութիւնն. մեզմեխութեն զռոշնութիւն. յարատութեն զհամեստութիւն. կատականաց և ծաղեր զարտասուս. ատելութեն զսերն սուրբ ունել. անյուսութեն զյոյսն առնուլ. տրտմութեն զզուարթութիւն. փորձանաց զերկայնմութիւն. ագահութեն զշափաւորութիւն. ընչասիրութեն զարհամարհանս. պատուասիրութեանն զնուաստութիւն. թերահաւատութեանն զհաւատս հշմարիսս, և որ այլ ևս են չարին մկքենայք՝ որ ընդգեմ հշմարտութեն զպատերազմ առնեն ընդ այս և ընդ լսելիս և ընդ ունցս և ընդ հաշակելիս և ընդ լեզուս և ընդ ձեռու և ընդ ուստ և ընդ սիրտս՝ որ խորհրդոցն է շտեմարան ՚ի լաւան կամ՝ ՚ի վատթարմն հակամիտել. Զորս պարտ է վերագոյնս առնել ամ վնասակարաց առաքինասիր վարուք ըստ յառաջ ա-

սացելոց հանգամանաց խրատուց, որ ընդ չարեաց ըզ-  
պատերազմին առնել զարուցեալն ՚ի վերայ ճշնաւո-  
րացն ճակատամարտ միշտ: Յոյսոսիկ է մարտ մեծ: և  
դարձեալ յաղթութիւն մեծագոյն, որովլք հակառակա-  
մարտն կործանեսցի՝ որ յայնոսիկ է պահածացեալ, և  
հրապուրանոք յուսայ յաղթել նորամտիցն:

Ի՞այց դու, ով անձն, որ ընձայեցար այց, մի զնա քեզ  
խորհրդակից առնուըր: այլ մարտիր զբարիոքն մարտն,  
և բուռն հար զայսոցիկ խրատուց, անմոռաց ունե-  
լով զախոյեանն սուրբ ճգնաւորաց, որ շաղեն և պա-  
տեն զօդիս և զմարմինս: Ուշ ունելով մաերիմ խոր-  
հըրդով և արժանաւորապէս ըստ աւետարանին քոյի  
կրօնաւորիլ: Մերկանալ զաշխարհ հական ցանկութիւն  
ամ, և զգենուլ զնոր մարդոն անցքարի գործովլք զար-  
դարեալ ներքոյ և արտաքոյ սուրբ և անարատ կա-  
տարեալ արդարութիւն և սրբեալ յանց ցանկութեանց  
երկրաւորաց:

՚ի, ախն զանցիրութեան զհանգամանս յանձին հաս-  
տատել սուրբ սրտիւ և անկեղծաւոր հաւատով: պատ-  
րաստ լինելըստ արժանի իւրոյ ընծայութեն յօր կո-  
չեցաւն: յանց բծից անարատ և մաքուը և հանցոյ այ-  
լինել: Մաօք և ամենայն անդամովլք հաստատուն և  
անշարժ և անդրդուելի կալ ՚ի կարգի ճգնաւորա-  
կան հանգիսիցն: Մարտնչել ՚ի հոգեսորական մարտին  
ընդդէմ հանապազորդեան թշնամոյն: որ ընդ ըզ-  
գայութիւնն և ընդ խորհուրդն ՚ի ներքս պատերազմ  
է, և յաղթութիւն ՚ի վերին օգնականութիւն: իմաս-  
տութեն հոգեոյն առաջնորդել յանց արդարութիւն,  
և ՚ի վայր կործանել զհակառակամարտուն բարեձեռու-  
թե կարգաց և կրօնից: Զի զէն զինուորութեն ճգնա-  
ւորաց չէ մարմինաւոր, այլ հոգեսոր յայ առ վանումն  
չարին: Վնարբութեն զսրբութիւնն ՚ի ներքս ամբա-  
րել յանցանդամն, և յանմաքուր խորհուրդն զողջա-  
խոհութիւն սրբեալ յանմի: Որկորատութեն զսրբկեշ-  
տութիւն: արբշութեն զժուժկալութիւն: շուայտու-  
թեն զհամեստութիւն: ծուլութեն զհանգէսսառ ամ  
ջանս: թուլութեն զանդութիւն: ձանձրութեն զփոյ-  
թըն: ամբարտաւանութիւն վխօնարհութիւն: հսկար-  
տութեանն զնուաստութիւն: մնափառութեանն զան-

փառութիւնն . ստութեն զստուգարանութին . երդ մնահարութեն զՃմարտութիւնն . խորամանկութեն զկատարեալ սէրն :

Եւ զգուշացեալ ամբացեալ կացցես աղօթիք և պահովք ջերմեռանդ արտասուօք , սուրբ սիրով չնորհալից յուսով և բաղձալից դժով առ այ կամն : Ա հիւ և երկիւղիւ ՚ի բարեպաշտութեն ջանս յառաջանալ միշտ , և առաւելուլ ՚ի բարի գործս , և ոչպակասեցանել յառաքինութեն վաստակոց յերեւլեաց կամ յաներեւութից . և զՃանդամանս չարին խափուցանել հանդիսաւոր յառաջադիմութեամբ : Զփաւասիրութի զամենայն ՚ի բաց ընկենուլ և զցանկութի չարեաց և զմեզս դիւրաշարժս իրաւամբք արդարութեն , առողջութեն անարատութեան : Անրիծ երախտեօք սուրբ սիրոյն անհանդիստ կալ ՚ի ճշնաւորական մշակութեն ըստ բարերար սիրոյ երախտեացն այ առ ՚ի հնազանդութի այ և առ որս հաղորդութին եղեւ սիրով :

Օ ՚ի Ճմարտեալ պահեսցէ զմիաբանութին յօդիւ խաղաղութեն անբարեփորձ մտածութքը առ ՚ի կատարեալ հաւանութին և ՚ի հնազանդութի եղայրութեն և հաւատացեալ առաջնորդին . որով և զխոստովանութին նովաւ ընծայեաց այ ստուգապէս . որով և զպտուղ ապաշնարութեն առնէ ըստ սխալանաց խորհրդոց և բանից և գործոց : Զի զթողութիւնմեղացն առցեն ՚ի փրկէն վկայութքը առաջնորդին և եղայրութեն . և յայնոսիկ անշարժ հաստատուն արմատացեալ կացցեն ՚ի նոյն վանս : Եւ մի երկմտեսցեն . զի որ երկմիտն է , նման է հողմակոծեալ և տատանեալ ալեաց ծովու . մի ակն կալցիմարդն այն առնուլ ինչ յայ բարիս : Այլ Ճմարտեալ հաւատով և անրիծ վարուք կատարեսցէ զառաքինութին ահիւն այ , ՚ի չնորհաց սուրբ հոգւոյն զօրացեալ համբերութք բազմաւ ըստ Առաքելոց խրատուն , ՚ի նեղութիւնս , ՚ի վիշտս , ՚ի չարչարանս , ՚ի գանս , ՚ի բանդս , ՚ի խոռովութիս , յաշնատութիս , ՚ի հսկմունս , ՚ի պահս , ՚ի սրբութեն , ՚ի քաղցրութեն , ՚ի բարութեն հոգւոյն սըրբոյ յարդարեալ :

Օ ՚ի որ սիրէն զիս , ասէ տէրն , զպատուիրանս իմ

պահեսցէ զոր սուրբ Հոգին ազդեաց . ապա ես և Հայր իմ եկեսցութիւն ու օթեանս առ նմա արասցութ : Ո՛քսան է մեծութիւն և փառք և չնորհք , որք տաճար մնին ամենասութը Երրորդութեն . զի “Բնակեցայց ’ի նոսա , ասէ , և որբեցից և եղէց նոցա անձ , և նոքա Եղիցին ինձ ’ի ժողովուրդ , ասէ տէր ամենակալ” :

Վրդ քանզի որ զայս աւետիս ունին Ճգնաւորք , կատարեսցութ զսրութիւն ահիւն այ . անրիծ անարատ սուրբ սիրով Հնազանդելընդ ամենահեշտ լծովն՝ որ թեթև է առաքինեայ անձանց և ծանր աշխարհասիրաց , զորս և կոչէ քաղցր ձայնիւ . ասէ . Եկայք առ իս ամ աշխատեալք և բեռնաւորք , և ես հանդուցից զձեզ . առեք զլուծ իմ ’ի ձեզ , և ուսարությին ըզ հեղութիւ , զխոնարհութիւ և զՀնազանդութիւ և զամ արդարութիս , և դժվիք հանդիստ անձանց ձերոց . զի լուծ իմ քաղցր է յաղագս յուսոյն , և բեռն իմ փոքրոգի յաղագս առաւել վարձուցն հատուցմանց :

Օ ամենայն դմխակ ապարասանութիւն զբարուց շարժմանց սանձել խազաղարար աղատութիւն և անարատ սրբութիւն , և մատել ’ի նաւահանդիսմն հանդարտութիւն հոգւոյ և մարմնոյ , և յամ վշտագին հարուածոց չար ցանկութեանց աղատել : Ունկնդիր լինել առաջնորդաց խրատուց և հպատակ կալնոցա հրամանացն . և նոքա մի անհոգ լիցին ժողովրդեան ուխտին , զի համարտաւալոց են վասն նոցա յաւուրն այցելութե :

Եղիցի յամենեսեան Ճշմարտասիրութիւն . մի բանս արկուս , մի խորամանկս , մի հակառակողս առ հրամանս վերակացուին , մի տրտնջողք ’ի գործ կամ յայլ ինչ իրս , մի խուռվարք և թշնամանողք : “Զի որ ըլք ձեզ խուռվեցուցանէ , կըեսցէ դատաստան ո՞ք և իցէ ” ասէ Առաքեալ : Այլ զհետ երթալ խազաղութեան և զսուրբ սիրոյ . և լինել որդիք այ և ժառանգակիցք Քո՞սի , որ արար խազաղութիւն յերկինս և յերկրի : Եւ Հնազանդել և հաւանել միմեանց երկիւղին տեառն . Անխզելի պահել զմիաբանութիւն եղայրութեն հաւանական սուրբ սիրովն , որ ’ի միմեանս կապէ և ու թողու քայլայել և անշատել ’ի միմեանց պատճառանօք , որ զանձին վրեժ ինդրեն և ոչ զմիաբանութիւն սիրոյ :

Եւ որ վերակացուն , և զգաստ լիցի առ մերձաւորս

և հախատես առ հեռաւորմն . խրատել զեղբարս խո-  
րագիտութեր ըստ ժամանակին , ըստ ընդունելու թեն ,  
ըստ բարուց սրտին : Զկրսերն խրատել յահ և յեր-  
կիւղ տեան և 'ի հնազանդութիւն եղարցին : Եւ հա-  
ւանեալ ամենեցուն 'ի կամն առ աջնորդին եղայրու-  
թեն՝ ոչ ինչ 'ի գործելեացն առանց կամաց նորա ե-  
ղիցի : Եւ որ արտաքոյ նորա կամացն խորհի ինչ կամ  
ասէ կամ գործէ , պարտաւոր է ապաշխարութէ . զի  
զառաջնորդն արհամարհեալ զած արհամարհէ .  
քանզի ասաց տերն . «Որ զձեզ անարդէ , զիս անար-  
դէ . և որ զձեզ ընդունի , զիս ընդունի . և որ զբանն  
ձեր պահեսցէ , զիմն պահեսցէ »:

**Ի** Խոնարհութեր ե կամաւոր հնազանդութեամբ  
նուաճեալք առ հասարակաց օգուտն , և հաւանու-  
թի այ պատուիրանին և հաւատացեալ յայ առաջ-  
նորդին : «Զի որք են , ասէ , յայ կարգեալ են . և որք  
ընդդիմակացքն են , կրեսցեն դատաստան որք և ի-  
ցեն»: Եւ հաւանեալ 'ի մի վանս և 'ի մի միաբանութիւն  
փառաց ամենասուրբ Երրորդութեանն միաշունչք և  
միախորհուրդք , ոչ ըստ զբդուութե իրիք և ոչ ըստ  
մնապարծութե , որպէս օրինադրէ Առաքեալ . այլ  
խոնարհութեր զմիմեանս առաւելլաւ համարելքան  
զանձինս : 'Նորա են' որ զառւրբ սիրոյն զիւղն միւտ  
յինքեանս ունին , և պայծառ լապտերօքն մտանեն  
յառադասոն : Զորս ամենակալ հայրն ուրախ առնէ  
յաւետիս երկնաւոր փեսային յանսպառ ուրախու-  
թիւնս :

Ի այց որ ուրոշն և մեկնին 'ի միաբանութէ եղբայ-  
րութեն , նորա նմանեալք են յիմար կուսանացն , և  
զիւղ սիրոյն ոչ ունին . որոց փակի առագաստն յազագս  
շիջանելոյ հարսանեկան ։ Զահիցն : Որք լսեն 'ի ձայնէ  
փեսային , զի որով ոչ ցուցէր յեղբարս զսերն , և զմիա-  
բանութէ կապն խզեցէր , երթայք 'ի խաւարն արտա-  
քին : Եւ որք զմիաբանութիւն սիրոյն հօգ և որ առ եղբայ-  
րութիւն առողջ պահեցին և զմիամտութիւն առ վերա-  
կացուն , երանելիք են . և առ բարեաց հանգամանս  
և առաքինութէ ցոյցք 'ի նոսա է տպաւորեալ :

1 Ի ըստանցու օրինակին մերոյ հաշունէ այ :

Եղբայր զեզրայր յորդորելով՝ ի բարի գործու ի համար և բարի նախանձու ի սեր ածութեն ամ հաւատարմութեց զիւրաքանչիւր զործն յառաջացուցանել փութասցէ, և անդամդաղ զիւրաքանութիւնն կատարելի տէր. և օր ըստօրէ յաւելուած լիցի լաւութեն և պիտանութեն, Զգաստութիւն և զգուշութիւն եղի գործի աւարացն որ ՚ի նա հաւատացաւն իւրոցն՝ զամենայն ստուգութեց աւարտեսցեն հանոյ այ և առաջնորդին և եղբայրութեանն :

Եշ հասարակաց պաշտօնն մի պատճառանօք ինչ խափանեսցի, բայց եթէ ՚ի պէտս ինչ եկեղեցւոյն ըզբաղեալ հրամանաւ վերակացուին . սակայն և անդ կատարեսցի ազօթքն : Եւ ամ ուրեք պաշտօն ազօթիցն հոգեորապէս կատարեսցի անխափան . ՚ի նըստէլ ՚ի տան, ՚ի գնաւէլ ՚ի հանսապարհի, ՚ի զործէլ և ՚ի ննջել և ՚ի յառնել : Եւ չժողովուլ ՚ի մատաց զիշատակուն այ, այլ և զկամնն նորա առնել ըստ ամարուեստից սրբութեց և արդարութեց . և մտօքն հանսապազդէ գերեալ կացցէ ՚ի գրունս ողորմութեն այ անդադար իննդրուածով եռանդնասէր հոգւով և արտասուօք ջերմեռանդ միշտ, զի ընդունելութեն արժանի լինիցին աղօթքն . և պարզ և ատու լինի ամենակալն ած, որ զամենեցուն կամի զիրկութիւն, և արքայութեն արժանաւոր լինել ՚ի Քո Յու:

Եշ գիւրաւ հաւանութիւն հշմարիտ սիրով առ վերակացուն եղիցի ամենեցուն . և մի ըստ իւր կամացն իննդրեսցէ զգործն ՚ի նմանէ, այլ զոր նայն հաւատայ ՚ի հասարակաց օգուտնն, ՚ի մարմնաւոր պէտս և ՚ի հոգեոր շահս : Զի կարասցեն ասէլ ամբեան՝ թէ յորմէ հետէ ընծայեցաք այ, զամ կամս մարմնոյ և զմուաց խափանեցաք, և տուաք զանձինս ՚ի ծառայութիւնախ տեառն և ապա առաջնորդաց ՚ի հնազանդութիւն ըստ պատուիրանին այ, որ ՚ի սուրբ հարցն մեզ աւանդեցաւ :

Օ ՚ի օրպէս անդամք մարմնոյն մի մարմին են յօդեալ և պատշաճեալ սակայն իւրաքանչիւր զիւր ներ զործութիւն առանձին ունի, աչք տեսանեն, ականջք լսեն, ունչք հոտոտին, լեզու խօսի և բերան հաշակէ, ձեռք զործէն, ուաք գնան և միտք իմանան, և

նովաւ շարժին զգայութիւնքն 'ի դործ հողեռաց և  
մարմնաւորաց, այսպէս ժողովուրդ այսիրով յօդեալ  
և միաւորեալ 'ի կամս ոյ և առաջնորդական միտքն  
'ի վերակացուն՝ որ զտեսչութիւն եղբայրութեն ունի  
միշտ, և այլք զհաւանութիւն ըստ իւրաքանչիւր ներ-  
գործութեն: Զի՞ որ թութին յանդամն եթէ տկարա-  
գոյնք են, կարեորք են այլոցն առ սպասաւորութեն  
հանգամանս: Եւ որպէս չե հնար յառողջ անդամոցն  
հատանել, բայց ապակամնեալն յանդամն եկելքայն 'ի բաց  
հատումն՝ որ առանց բժկութեն ունի զվերա, և զի՞ ոչ  
է հնար յայլոց անդամոց յայլսյարել, նոյնպէս ա-  
ռանց բժկութեն է որ 'ի միաւորեալ եղբայրութեն  
հատանի և 'ի վանացն որոշի, և զուխտն և զսեր և  
զդաշինսն որ առաջի այ՝ անսարգէ, և լինի պարտա-  
ւոր յաւիտենից տանջանացն:

Բայց եթէ 'ի կամաց վերակացութին և 'ի հասարա-  
կաց եղբայրութեն բռնադատեսցի յեպիսկոպոսութիւն  
կամ յառաջնորդութիւն այլոց և 'ի քահանայութիւն՝  
որ զնոյն կարգ ունիցին 'ի տեր, և զայս ոչ յօժար կա-  
մօք ընդունել: Բայց եթէ յառաջնորդեն և յեղ-  
բարցն հարկաւորեալ բռնադատեսցի, բազում ար-  
տասուօք և ապաշաւանօք յազագս փրկութեն այլոց  
հաւանեսցի, եթէ իցէ այնպիսի ոք՝ որ ոչ հայ հոյեսցի  
անուն տեղան այ մերոյ: Բայց ձշմարիտ սուրբ սի-  
րոյն 'ի յեղբայրութեն և հաւանութիւն յառաջնորդեն  
մի հանցի: այլորպէս զմիմեանս հողայցեն 'ի հոդեռ  
լուումն:

'ի առ և ամ ուղափառ ժողովք եպիսկոպոսաց՝ որ  
զուղափառ հաւատան հաստատեցին և կանոն սահ-  
մանեցին եկեղեցւոյ, և զայս սահմանեցին նզովիւք: Եղբայր ոք, ասեէ, մի իշխեսցի 'ի վանացն եւանել կալ-  
ուր և կամեսցի առանց կամաց վերակացութին և եղ-  
բայրութեն: և որ ոք յանդգնեալ զայս առնեէ, ընդ  
նզովիւք կապեսցի 'ի հարցն: Զի՞ ամ ոք յոր ինչ կո-  
չեցաւն՝ 'ի նոյնն կայցէ ասե Առաքեալն այ: Զի ամե-  
նեքեան 'ի մի յոյս կոչեցան 'ի Քո: զի մի մարմին պա-  
տուական 'ի սուրբ մարմնոյ նորա և յարենէ պատը-  
պարեցան 'ի փառատրութիւն:

Վապա եթէ ունի ինչ պատճառս մեկուսանալոյ,

մի ծածկեսցէ յառաջնորդէն և յեղբայրութեանն .  
և բազմացն վկայութիքն հաւատարիմ է առաջի այ  
և ամ ուխտին : Զի արհամարհեալ ուրուք զօրէնսն  
Մովսէսի առանց ողջորմութեն առ երկու կամ երիւք  
վկայիւք մեռանէր . իսկ ո՞րչափ սաստիկ պատժոց ար-  
ժանի համարեսցուք զայնոափիկ՝ որ մարմնով և արեամբ  
դաշնաւորեալք 'ի միարանութիւն ըստ ուխտի և  
հրաժարման յաշխարհէս սկզբման կարգին 'ի պահել  
զաւանդն միաբանութիւն մինչեւ ցվախճան : Եւ գիտեմք  
զայն որ ասացն տէր . « Խմ են վրէժինոդրութիք , և  
ես հատուցից ասէ տէր՝ զհնոյն և զնորոյն պատիժու :

**Gamma** այս ջան 'ի մտի կայցէ վերակացուին՝ դաղտ-  
նի և յայտնի խրատ առ ամենեսեան , զի կարասցէ  
ուղղել զթիւրեալն 'ի ձանապարհացն արդարութէ  
'ի ձշմարտութեն առանդն : Եւ յամի ոչ անհոգ լի-  
նել 'ի խոստովանութիս և յուղղութիս հոգւով և  
մարմնով . զի զամ որք նմա հաւատացան՝ կատարեալս  
կացուցէ առաջի բեմին Քոյի : Զի որ արասցէ և ու-  
սուցէ , մեծ է առաջի այ :

**Gamma** որ անտեմն է՝ համարեսցի զինքն այ մատակա-  
րար . աշիւ և երկիւղիւ տնտեսեսցէ զհաւատացեալսն  
յայ առանդն , և զգուշացի անօթոցն . մի 'ի ծուլու-  
թենէ կորուցէ , և կամյարհամարհանաց արտաքս ըն-  
կեսցէ . և անփոյթ արարեալ առանդիցն յաճախ 'ի  
ծախս առից ոչ 'ի հաճոյն այ , և կրեսցէ դատաստան  
'ի տեառնէ՝ որ 'ի միտ առնու զամզխորհուրդս և ըզ  
դործս . զի առմ ինչ յայ է նուիրեալ յաղագս պիտոյ-  
ից եղբայրութեն : Մի չեզզասցի 'ի գործ կամ 'ի բաշ-  
խեն անհաւասար . այլ յամի զած առաջի աւաց  
կացէ , և աշիւն այ ստուգապէս մատակարարեսցէ  
հրամանաւ վերակացուին : Արթուրն և զգաստ լինել  
առ ամիւամն սպասաւորութեն . ըստ իւրաքանչիւրոցն  
արժանի ըստ պիտոյիցն զգարմանն առնել : Տերոցն  
հիւանդաց , տկարաց , ձանապարհորդաց , վաստակա-  
ւորացն և որ 'ի վնասուցն կարգի իցեն , ըստ արժա-  
նեացն եղիցի մատակարարեն հոգ և որապէս ըստ այ :  
Մի աչառանօք և կամյիւնիւ , զի մի զրկեսցին 'ի վար-  
ձուցն հատուցմանց . այլ որպէս մայրէնի գթովք առ  
ամսեան լրցի , զի առցէ զվարձն յամենակալ հօրէն՝

եկայք օրհնեալք հոր իմոյ, ժառանգեցէք զարքայութին. զի որովհետեւ արարէք տնտեսութիւղըարց, ինձ արարէք: Թողում ասել եւ որք այսպէս ոչ արարին՝ զպատիժ պատուհասիցն, զհուրն անշեց:

Եւ որք շաբաթաւորքն են, կահուցն զգուշասցին, և զգործոն մտերմութիւղը կատարեսցեն:

Եւ տեսուչք հիւրոցն մի անտես առնել զկարօտեալսն, և զհիւրին դարմանսն ըստ իւրաքանչիւրոցն զպէտսն լնլով զուարթամութեամք. և մի ազմկել առ ինդիրսն, այլսիրով և անխուվ զամենեսեան յուղարկել բանիւք և իրօք: Եւ ինքեանք մի լուծցեն պատճառանօք հիւրոցն զպահս և զաղօթս, զի մի զըրկեսցին 'ի վարձուցն այ. այլ զգաստասցին ամ գործաւորք 'ի ժամ ազօթիցն, զի մի 'ի հեղգացելոցն 'ի դատաստանս անկանիցին: Եւ յամ իրս 'ի կամաց վերակացուին եղիցի հրաման. զի ասացեալն 'ի նմանելնդունելի եղիցի ամ յամենայնի 'ի կամս տեառն: Եւ որ ինչ նոքօք մատակարարին, նմա սլարտ է դիտել զամենայն որպէս արժանն է:

Այլ և որ տեսուչք են եզանց հողագործաց կամ խաշանց արօտականաց և հօտից կթոց և զրաստուց բեռնակրաց, ամենեքին ուշ կալցին խնամելոյ, և հաւատարմութիւղը ցուցանել զարդիւնս շայեկանս ամ շշմարտութիւղը, որպէս այ գործավարք և իմաստուն մշակք արդիւնակատարք՝ ժողովել յշտեմարանս, զի իցէ աննուազ տալ ումպիտոյ իցէ: Տալ զնոցա աշխատութեցն պտղաբերութիւն 'ի տուն տեառն այ. և ըզ հատուցումն առցեն յարարչէն ըստ իւրաքանչիւր վաստակոց. որ տեսանէ 'ի ծածուկ և հատուցանէ յայտնապէս յաւուրն այցելութե զանսպառ բարիսն. որ 'ի սակաւուն հաւատարիմ եղեալ 'ի բազում բարիսն վայելեն:

Այնպէս և որոց օդն հաւատացաւ՝ զիւրաքանչիւրոցն զպէտսն կօշկաց կատարեսցեն առանց հակառակութե և ակնառութե, և որ այլինչ պէտք են օդոյն Ամենեցուն հեղութիւնիցի նպաստաւոր խնդրողացն և կատարողաց զառ 'ի պէտսն արժանաւոր սիրով և խոնարհ սրտիւ, զի ժառանգեսցէ զօրհնութիս:

'Այնպէս և ամենայն ոք որոց գործ հաւատացաւ

և հոգք առ ՚ի պետս եղբայրութեն, ահիւ և զգաստութե՛ և առանց խարդախութե՛ ըստ ամենայնի լիցի։ Միշտ զած ունել առաջի աչաց, և ոչ իւիք ՚ի Ճշմարտութեն վերջանալ. այլ ստուգապէս որպէս այ մշականիսարդախ յամի։ Ամենեցուն գործավարաց և գործակալաց սկիզբն վերստին յերկիւղ տեառն լիցի. և երկիւղիւ յարմարելզգործն ՚ի շահ օդտից հոգեխառն յառաջադիմութե՛ հաւատարիմ՝ ՚ի գործ մշակութե անվեհեր փութով։ Ոչ որպէս մարդկան հաճոյ, այլ որպէս այ՝ որ քննե զսիրտս և զերիկամունս։ ՚ի միտ առնուլ զիւրաքանչիւրոցն զյօժարութի, զբան և ըզգործ։ Որ հաւատարիմն են յամի հոգեսոր շահիւքն և մարմնաւոր ըստ այ պատուիրանին, և շնութի եղբայրութեն ՚ի հաւանութի ուխտին, ժառանգեն ըզկեանսն յաւիտենից։

Խսկ որ զհակաւակութե և զանսրտացաւութե և զպղերգութե զմիտս ունիցին, մեկնեալ՝ ՚ի Ճշմարտութեն, ՚ի հեռ և ՚ի խախանձ, ՚ի ստահակութիւն և ՚ի տրտունջ, ՚ի բամբասանս և ՚ի շոգմոգութե բանս արկեալ, բարկութիւնն այ կայ և մնայ ՚ի վերայ նոցա. Հուըն ահեղ և ամենափորձ որ այրէ զխոտանսն, և զսուրբսն լուսաւորէ անշիջանելի լուսովն։

Եւ եղիցի վերակացուն հայր բարեմիտ, բարեխորհ և բարեգործ. օրինակ լինել ամ բարեձեռութե կարգաց և կրօնից, աղօթից և պահոց, խոնարհութե և հեղութե, ուղղութե և Ճշմարտութե, տքնութե և արտասուաց, խաղաղութե և հանդարտութե, սիրոյ և երկայնմտութե, իրաւանց և արդարութե, աշխատութե և ժողութե, ժուժութե, պարկեշտութե և զգաստութե, անբարատութե և անբծութեան. անբամբաս յամենայն ՚ի վերագոյնսն՝ ըստ օրինաց արդարութե եղեալ յամի. և հաւատացեալ նմա յայ ժողովուրդ իմաստութե՛ և գիտութե՛ իրատել. ՚ի սրբութի և յամենայն առաքինասէր վարս զածային սէրն զօրացուցանել յանձինս, և արհամարհել զաշխարհիս սէր։ Եւ երկաքանչիւրոցն հաւաստիք երեել առ ամենեսեան՝ ածայնոյ սուրբ սէրն։ «Զի որ սիրէն զիս, ասէ տէրն, զպատուիրանս իմ պահեսցէ. և որ ոչն սիրէ զիս, զպատուիրանս իմ ոչ պահե»։

Եշ զի վերակացուն հայր հոգեոր կոչեցաւ , և  
ծնեալըն առ ՚ի նմանէ հոգեոր որդիքը ըստ կարգի  
ճգնաւորաց . որ առաւել ունի զհանգամանս քան ըդ-  
մարմնաւոր ծննդոց . որպէս զմկրտութեն ունի զնմա-  
նութի ըստ ամի : Եւ այսպէս լինել որդիք լուսոյ և որ-  
դիք արդարութեն՝ հրաժարեալք յաշխարհական ՚ի  
զբաղմանց , որ մթացուցանեն զմիտու և խաւարեցու-  
ցանեն զզգայութիս , և առնեն որդիք խաւարի և ժա-  
ռանդք դժոխոց :

Եշ զի պարտ է հոգեոր ծննդոց հոգեոր վարս  
ստանալ կատարեալ հնազանդութեալ առ հոգեոր հայ-  
րութին , նովաւ զխոստովանութին այ ընծայէլ ստու-  
գութեր , և մի սուտք ՚ի խոստովանութին լինել : Ըստ  
ամ սխալանաց վնասուց զգեղ բժշկութեն դիւրաւ  
ընկալցին . և առ ամ հրամանսն հաւան և հպատակք ,  
որպէս յերկնաւոր հօրէն առեալ հրաման առ գործ  
պատուիրանին , որ զհասարակաց եղայրութեն զհան-  
գամանսն հոգւով և ճշմարտութ՝ . «Զայն խորհութել և առ-  
նել որ և ՚ի Քս Յն , որ հնազանդ եղեւ հօր մահուչափ  
և մահու խացիու , Եւնառ ամօթ համարի զկոչեցեալսն  
և զհրաւիրեալմն ՚ի կարգ ածային կրօնից եղարս ա-  
նուանել զնոսա ինքեան և ասել , «Պատմեցից զանուն  
քո եղարց իմոց . ՚ի մէջ եկեղեցեաց օրհնեցից զքեղ» :

Եշ այսպիսի հաւանական մտօք և սուրբ սիրով վե-  
րաբերիլ յամ վնասակարացն՝ որ ընդ երկիր քարշէ .  
վերնոյն զհետ երթալ երկնայնոցն և անմահից , որ  
կուսութեն է նոցա սեպհականութին և անարատ վարդ  
և հանապազորդ փառաբանութի ամենասուրը եր-  
րորդութեն : Զի մաքուր և ամբիծ և անարատ կու-  
սութի ընտանութիւն ունի առ վերին զօրս երկնաւո-  
րացն ժողովն . և զփառաբանութին նմանապիս ու-  
նին առ ած : Զի վարք ճգնաւորաց՝ երկնայնոցն նմա-  
նեցան , և ՚ի նոցանէ ունին զհանգամանս կարգաց  
արուեստից ըստ ամ հանգիսից : Զի երկրաւոր քա-  
նակը ճգնաւորաց ճշմարտեալք սուրբ սիրով և ան-  
բիծ զգայութե՝ յարդարեալք հրեշտակական կար-  
գաւորութե՝ զերկնաւոր բանակացն ունին զհամես-  
տութի : Արդ պետք և իշխանք զօրացն անմարմնոց  
որ սպասաւորութի ըստ իւրաքանչիւր կարգի ունին

առ ամ կամաւ, և առ միմեանս և առ ազգս մարդկան, որպէս և կամք ամենեցունց տեառնն սահմանեցին զիւրաքանչիւրոյն զիշխանութիւն և զգատիւ և զսկասաւորութիւնը ըստ նախախնամութենն: Խակ ստամբակեալն 'ի վերին իշխանացն բանակաւն իւրով 'ի բարւոյն 'ի վայր անկեալ՝ մեզ պատերազմողք եղեն, և ստամանայ անուանեցան և գեք: ըստ անուանյն զշակառակ բարւոյ զգործս ունին առ ամ մեղսասիրութիւն, ինքն և ամենայն չար զօրք իւր:

Եւ իմանալի է զրանակս ճշնաւորաց՝ որք զհրեշտակային կարգս զգեցեալ ունին 'ի յերկրի, 'ի նոյն կարգս հրեշտակաց վերամբառնան 'ի տեղի անկելոց հրեշտակացն: Եւ «Տացի ասէ, նոցա մարդարէն, տեղի անուանի առաւելքան զուստերաց և զգստերաց իմոց: և անուն յաւիտենական տաց նոցա, և մի պակասեցէ փառքն»: Զայս աւետիս ունին բանակք սուրբ ժողովոց, միաբանեալք սուրբ սիրով և առաքինասեր վարուք ընդ անութեննիւ խակ կապեալք և ոչ 'ի վայր բերեալք յերկնայնոցն յուսոյն պատրանօք բանսարկութիւն՝ որ մախացող է ճշնաւորաց կրօնից, հանապազ թշնամի արդարութեն: Եւ նա է որ հրապուրէ և օցտէ 'ի ճշմարիտ աւանդիցն, զոմանս բաժանէ, սնափառութեն յեղարքն պատճառամօք բարեգործութեն և մնութի խարեւութիւն 'ի մեղս, և է որ ընդ խորհուրդն և ընդ զգայութենն 'ի ներքս մուծանէ զամբարշտութեն վնասն:

Հայս այսպիսի ունել կրօնաւորաց՝ բազում զգուշութիւն կայցեն 'ի մշակութեն բարեձեռութիւն վարուց և սրբութիւն երեւելեօք և աներեւութիւք: զի մի զրկեսցին յայնքան առաքինութեան պատուոյն 'ի հրեշտակական գասուցն և 'ի փառացն, որ նոցայն աւանդեցաւ յարաբչէն: Վնուշ զափակասութիւն վերնոցն՝ ներքնովքս առնեքինութիւնք. վերաբերեալք 'ի գետնաքարշից, և հազորդակից լինել բարւոյ քաղաքավարութենն, և ընդ նոսա միաձայնեալ՝ ամենասուրբ երբորդութենն մատուցանեն զփառս անձառելի օրհնութիւն:

Եթէ այսպէս արդարացեալք ճշմարիտ հաւատով և անարատ վարուք կրօնաւորեալք և սուրբ սիրով, եղիցի նոցա երկիր նոր 'ի նորոգումն կենաց հաջոյիցն

այ, և երկինք նոր պայծառազգեստութք . զոր ակն ու ետես և ունին ոչ լոււաւ և 'ի սիրտ մարդոյ ոչ ան կաւ, զոր պատրաստեաց ած սրբոց կուսանաց և ճըշ մարտասէր կընսաւորաց :

Վ. Ա. Եխատակօք վերնոցն յուսով հարք բարեսէրք և բարեգութք և բարեխորհք լիցին նմանեալք հօրն երկնաւորի, որ նախախնամական սիրովն իւրոյինամէ զարարածս ամ հօգեորապէս և մարմնաւորապէս երևելի և աներեւոյթ դարմանօք, հօգեխառն սիրով և բարեպաշտագոյն երեւմամբ 'ի ՔՇ ՅՇ : Եւ որդիք բարեհաւանք և սրբասէրք և Ճշմարտասէրք, որոշեաւք յամդմակացն որ երեխն և որ ոչն երեխն : Եւ բուռն հարեալ զհրեշտակական վարուց, սուրբ սրտիւ և անարատ մարմնով, ողջախոչ խորհրդով և անկեղծաւոր հաւատով, իրաւախոհք և հնազանդք առ հայրն հօգեաց և տեսուչ մարմնոցն : Առ որ միանդամ հանգուցեալ եղիցին հօգւով պաշտմամբ հաճութեն, վատահաւթք ընտանութեն հօգեոր հարազատութեն, անկարծիս միաւորութք իբրև անդամք մարմնոյ առ 'ի միմեանս : Քանզի մի մարմին եմք 'ի ՔՇ, ովնդ կալցուք զխոստովանութի անշարժ յօւսոյն, և սովին հաւատովք կատարեալք լիցուք, կապեալք միով հօգւով յարմարմամբք յօգիւք, անդեալք սովին հաւատովք անխողելի կապակցութք . և ոչ մի իւրբարեձեւութք խարեւութե զամրութի միաբանութե եղայրութեն քակել : Վասն զի այս միայն աւանդ 'ի տեառնէ առաքելովքն անվրէպ մեզ հաւատացաւ, որ ասէքն՝ թէ Այսու ծանիջիք յամենեցունց թէ աշակերտք իմ եք, եթէ սէր ընդ միմեանս անքակ ունիջիք», որ է գլուխ մերոյ կատարման : Եւ առանց այսօք՝ եթէ ոք առանձին մտարերիցէ յառաքինութե համարի, զոր և գործիցէ իսկ 'ի բարձրագունիցն առանց կամաց առաջնորդին և եղայրութեն, անընդունելի է այ, և 'ի մեզս համարեացի : Իսկ որ զՃշմարիտ աւանդութիւնս հաստատունս պահեն, տաց նոցա 'ի տան իմոււմ տեղի 'ի միասին բնակելով հօգեորօք և մարմնաւորօք . և ոչ անջատեալ 'ի միմեանց, այլ սուրբ սիրով առ միմեանս կեալ միաբանութք . վասն զի սա է մայլ ամ բարեաց, Վասն այսորիկ

յաճախոսագոյն ամեմ զբանս սիրօյն . վասն զի այս է .  
ըարի և ընդունելի այ, և նոյն ինքն հրամանկ նորին :

Վայլ մի ոք խորհրդով յածիլ և մարմնով գայթ ակ-  
ղիլ . այլ մնալ 'ի լաւագոյն սովորութեն 'ի կամս միա-  
միտս և յիշատակս վերին որդեզ զրութեան հօրն երկ-  
նաւողի և մարդասիրի : Աւնուլ զգը բաւականն հոգե-  
ւոր և ուսանել զշանգամանս . և որոշեալ զէմն և  
զերեւալսո՞ւրկնայնոյն փափազելով զերկրայինս ար-  
համարհել : Եւ մեկնել 'ի զբաղմանց աշխարհիս , մերձ  
'ի հրեշտակայինն լինել վարս . ոչ հայելով յերկրա-  
ւորս , այլ լինել ընդունակ լուսոյն աստեն , որ 'ի ձեռն  
մարմնոց և արեանն տեառն վերաստեղծու 'ի զգաս-  
տութի , հանապազ արժանաւորապէս հաղորդելով  
ըստ հմարիս մաքրմանն և կենդանարար քահ ազա-  
տութեանն , որ շնորհեցաւ սիրողաց այ և կոչեցելոց  
սրբոց 'ի կարգ անձային : Եւ 'ի միւսանգամ գալստեա-  
նըն իւրօց շնորհէ զանսպառ բարիմն 'ի հայր և յնի  
դի և 'ի հոգին սուրբ . որում փառք յաւիտեանս յաւի-  
տենից . ամէն :



## ԱԴՐՈՒՅԹ

ՅՈՐԺԱՄ ՅՈՐՈԳԱՅԹ ԱՆԿԱՆԻՑԻ ՈՎ

ԶՈՐ ԵՍՏԵՎԱԼ Է

ՄԻՔՈՅԱՆ ԳՐԻԳՈՐԻ ԼԱՒՄԱՆՈՐՉԻԿԵ

(Օ) Ի ՀԱՅԱԼ է անբաւ մարդասիրութիւն քո, տէր  
իմ Յա Քո. ընդէ՞ր լքանես զիս. եթէ վասն մեղաց, դու  
միայն ես առանց մեղաց, և անուն քո զանոխակալու-  
թի և զմարդասիրութիւն ցուցանէ: Գթա լիս, վասն  
զի դու միայն ես մարդասիր: Ապրեցո զիս զանկեալս  
՚ի մեղս. վասն զի դու միայն ես առանց մեղաց հան  
զիս 'ի տղմոյ անօրէնութեան իմոյ, զի մի ընկղմե-  
ցայց յաւիտեան: Փրկեա զիս 'ի թշնամոյ իմոյ, քան-  
զի ահա իբրև զառիւծ մոնը կամելով կլանել զիս:  
Արդ տէր իմ, փայլատակեա զփայլատակունս քո և  
կործանեազզօրութիւն նորա. երկիցէ և խաւարեսցի  
յերեսաց քոց, քանզի տկար է և ոչ ունի զօրութիւն  
կալ առաջի քո և ոչ առաջի սիրողացն զքեզ: Տե-  
սանէ զզօրութիւն նշանի խաչի քո և զարհուրի, և  
ամաչելով 'ի բաց հալածի յայնցանէ՝ որ կարդան առ  
քեզ: Այժմ տէր, կեցո զիս և ապրեցո, վասն զի 'ի  
քեզ ապաւինեցայ. հան 'ի նեղութենէ զանձն իմ, զի  
մի խսպառ կորուսցէ զիս նենդաւորն՝ որ մարտնչի ընդ-  
իս ծածուկ հնարիւք: Որ խորհրդոց ես տէր և քննես  
զսիրտս և զերիկամունս, սրբեա զսիրտ իմ և զխոր-  
հուրդս 'ի զազիր և 'ի պիղծ խորհրդոց, զի մի խսպառ  
կորեայց զաւիտենական կորուստն: Որ կարողդ ես  
յամի, ողորմեա ինձ ած իմ. տուր զշնորհս արտա-  
սուաց մեղուցեալոգւցո, որպէս զի լուացից զբաղմու-  
թիւն մեղաց, զի ապրեցայց 'ի ձեռաց անողորմհրեշ-  
տակաց՝ որք արկանեն զամբարիշտն 'ի հուր գեհենին:

Երանի թէ լայի հանապազ ազաւելով զքեղ ած , զի  
մի անարժան զտայց ՚ի ժաման՝ որ գալոց ես : Ան  
լուայց զահաւոր զձայնն՝ եթէ երթ ՚ի բաց մշակդ  
անօրէնութեան , ոչ զիտեմ ուստի ես : Աստուած  
բարձրեալ՝ միայն առանց մեզաց , չնորհեա ինձ մե-  
զաւորիս յաւուը յայնմիկ զրազում դժութիւն քո . զի  
մի յայտնեսցին ծածուկ ամբարշտութիւնք իմառաջի  
տեսողաց հրեշտակաց և հրեշտակապետաց , մարդա-  
րեց , առաքելոց և արդարոց սրբոց : Ազրեցս զիս  
զամբարիշտու չնորհօք ոզորմութեան քո . ընկալ զիս  
՚ի դրախտն փափկութեան ընդ կատարեալ արդարն .  
ընկալ զաղօթս մեզուցեալ ծառայիս քո բարեխօ-  
սութեամբ որբոցն որք հաճոյ եղեն քեզ , Յա Քո տէր  
մեր , որ ես որ չնեալ ընդ հօր և սուրբ հոգւոյդ յաւի-  
տեանս յաւիտենից . ամէն :

